



D A V I D I S

C A R M I N A

QUAE PSALMI DICUNTUR.

U. S. G. I. V. A. C.

AMERICAN

AMERICAN

DAVIDIS
CARMINA
QUAE PSALMI DICUNTUR
TUM CANTICA VETERIS
NOVIQUE TESTAMENTI
LATINIS VERSIBUS REDDITA
ATQUE ILLUSTRATA
OPERA AC STUDIO
PETRI ROSSI
SENESENSIS.



ARRETI MDCCCLIX.

Typis MICHAELIS BELLOTTI Impressoris Episcop.

SUPERIORUM PERMISSU.

^{MO}ILLUSTRISS. AC ^{MO}REVERENDISS. D. D.

JACOBO CAJETANO
INGHIRAMI

PATRICIO VOLATERRANO

EPISCOPO ARRETINO

SS. D. N. PRAELATO DOMESTICO PONTIF. SOLIO
ASSIST. S. R. I. IN ETRURIA PRINCIPI
CESAEQUE COMITI.

PETRUS ROSSI FELICITATEM.



*Um primum ex longa de-
liberatione, & amico-
rum consilio statui meas
hasce lucubrationes, ad privatam umbrati-
lemque exercitationem elaboratas, in publi-
cam lucem emittere, haud diu, neque mul-
tum mihi cunstandum, aut dubitandum fuit,*

cujus potissimum patrocínio eas consecrarem. TU enim, PRAESUL AMPLISSIME, statim mihi occurristi, cujus in fidem ac clientelam si & illas, & me adeo ipsum committerem, optime mihi rebusque meis consultum existimarem. Neque eam mihi mentem injecit communis quaedam ac pervulgata ratio in iis posita fortunae, aut animi bonis, quae excellentem Virum, ac Patronum maxime expetendum efficiunt, quaeque in TE quidem summa esse video. Non mihi ante oculos obversabatur aut splendor Domus Tuae praeclarissimus, quae inter primarias Patriae Tuae ac vetustissimas merito recensetur, Virosque tum doctrina, tum honoribus, tum rebus domi bellicue gestis praestantissimos protulit, aut Virtus Tua, gravissimis testata judiciis, non solum cum post Volaterrani Episcopi obitum Vicarius Capitularis, quem vocant, communibus suffragiis es dictus, verum etiam cum in eodem Episcopatu Vicarii Apostolici munere totum decennium summa cum laude, ac bonorum approbatione functus es. Optime sane mihi perspectum erat (cui autem non erat?) ad
Epi-

Episcopalem postmodum Arretii sedem evectus, qua integritate, qua innocentia, quanta porro justitia, gravitate, prudentia difficillimam lateque patentem provinciam administrares. Quotidianae paene literae in tanta locorum vicinitate perferuntur, famaque longe lateque tractata, atque ubique pervulgata ad nos defert, quanta de TE sit omnium civium existimatio, quantus omnium ordinum in TE amor, quanta totius Civitatis in TE colendo observandoque, & quam mirifica consensio, iusta scilicet opinione virtutis, rebus optime ac sanctissime gestis, perpetuo singulis benefaciendi studio, humanitate vero tam singulari, ut cum omnes dignitate antecellas, facilitate par infimis videaris. Quis TE pacis concordiaeque constituendae studiosior, quis in pietate ac religione tuenda, atque amplificanda diligentior, quis in universo Grege ad sanctissimam, hoc est ad Pastoris disciplinam instituendo accuratior? In quo tamen non asperitate illa ad exulcerandos potius animos, quam ad emendandos idonea, sed suavitate ista Tua, a qua TE vel minimum disce-

dere Tua ipsa natura non finit, semper uteris, & necessariae interdum objurgationis acerbitatem vocis ac vultus lenitate condire soles, qua quidem, nullum ferme est tam ferum atque agreste ingenium, quod non se moliri ac flecti patiatur. Nihil dico de Tua in pauperes liberalitate, atque in eos potissimum, quos in publicum prodire, suarumque calamitatum ostentationem pro quaestu habere ingenuus vetat pudor. Mitto doctrinae ac sapientiae studium singulare, quo non solum ad omnem eruditionem mirifice excultus es, verum etiam literas omnes, & literarum amatores impense diligis ac foves; sileo caeteras virtutes Tuas, illo Euripidis in Iphigenia dicto monitus:

- „ Viri enim probi, laudes ubi audiunt suas,
- „ Quodam solent odisse laudantem modo,
- „ Si fors quis ipsos laudet immoderatus.

Non ea mihi ad gratiam abs TE ineundam affectanda est via, neque his ego momentis
impul-

impulsus sum, ut meas Tibi *scriptiones* dicatas velim. Illud me unice perpulit, quod cum de iis edendis haesitarem incertus ac cunctabundus, meaeque conscius imbecillitatis hominum iudicium vehementius formidarem, TU hortator atque auctor accessisti, qui dubitantem ac timidum confirmares, & ad subeundam hanc aleam Tua auctoritate permoveres. *Tuae* sunt illae voces ex D. Francisci Salesii, cujus TU & expressam vitae imaginem, & orationis suavitatem simillimam refers, sensu depromptae, & ad me perscriptae, quibus pro Tua comitate mihi gratularis, quod in hac Psalmorum versione Paganas Musas in Christianas transformaverim, easque a vetere illo profanoque Parnasso abductas, in sacra Calvarii Montis juga transfulerim. Feci ego quidem sedulo, quod in me fuit; sed ut illae, quemadmodum dignitatem natae sunt novam, sic veterem venustatem retinerent, ne sperandum quidem erat. Utinque res cessarit, satius profecto est, eas incomptiores prodire, quam lasciviores. Tuum quoque est illud oraculum, Poesim, si recte atque ordine

dine tractetur, vitae bene instituendae normam esse, atque eam praecipue, in quam ego industriam contuli meam, tum pro sanctissimis, in quibus versatur, argumentis, tum pro Divino illo ac veracissimo Spiritu, cujus instinctu afflatuque fusa ac dictata fuit, quique unus Christianae vitae morumque magister ac rector est. Cumque ego adolescentibus praecipue Ecclesiae ministerio mancipatis hanc operam dicaverim, quo ad Psalmos, quos manu quotidie sunt versaturi, & legendos allicerentur, & intelligendos deducerentur, Tuum consilium ostendisti, ut mea haec Carmina, qualiacunque ea sint, e sanctissimo certe fonte derivata, & Davidico spiritu plena, studiosis juvenibus, quos in Tuo Seminario in Ecclesiae spem diligentissime alis, & non minus ad omnem humanitatem, quam ad religiosam disciplinam informas, lectitanda proponeres, quod quidem utrum expediat, non meum est judicare, ne quid de me sentire videar arrogantius, sed judicio Tuo integrum reservo. Quod ad rem pertinet meam, hisce ego tot tantisque causis adductus, cum mihi Patro-

num quereverem, non ad TE recta pergerem, atque hoc meum opusculum cuiquam potius, quam Tibi commendarem? Non mediocriter sane cum incredibili Animi Tui modestia luctandum mihi fuit; quod TU operis quidem edendi auctor esses, operamque ea in re Tuam pollicereris, sed alium mihi Patronum adoptandum suaderes, & meritorum splendore, & nominis celebritate, ut Ipse agebas, praestantior. Sed quo vehementius me a suscepto consilio detertere nitebaris, eo mihi animus accendebatur magis, ut non aliunde mihi praesidium quaererem, aut auspiciū, quam a tanta virtute, quae ex illa moderatione spectatior fieret, ac probatior. Quid enim mihi optandum magis, quam ut ad eum Virum me conferrem, eique me traderem, qui tantis praeditus ornamentis, atque in tam conspicua Ecclesiae, ac totius Etruriae vetustissima Dignitate collocatus, tenuitatem meam sua existimatione sustentaret? Ego vero nihil mihi arbitror accidere potuisse, opportunius, quam ut, quando haec mea essem evulgaturus, TU mihi Divino quodam munere obla-

tus esses, a quo meam & voluntatem, & industriam non improbandam, neque repudiandam, sed benigne excipiendam, & patrocinio protegendam considerem. Quod ut facias, non multum mihi laborandum esse video, cum & quo animo sis, & ut in me sis animatus, satis certo compertum habeam.

PRAEFATIO.



Apuit me semper, ac mirifice delectavit Hebraicae Poeseos nobilis indoles, ingeniumque magnificum, spiritusque ille vehemens, atque incitatus, qui, etsi sub alieno ac ferventiore caelo natus, nostris auribus minus interdum accommodatus, ac paulo fortasse intemperantior videtur, tamen non solum animos incredibiliter afficit, & in quoslibet motus magna vi pertrahit, in quo voluptas maxima sita est, verum etiam supra mortalia omnia, atque adeo supra se ipsos legentes abripit, & ad Caelestia, certamque Dei praesensionem erigit, in quo Divina quaedam vis planissime perspicitur, ac veluti sensu comprehenditur. Equidem quid alii sentiant, ignoro, ad me quod attinet, nihil mihi vel in cogitationibus sublimius, vel in dictionibus gravius, vel in imaginibus expressius, vel in varietate jucundius, vel in animis permovendis vehementius fingi, aut cogitari posse videtur, ut quod profani poetae sibi temere sumpserunt, atque arrogarunt,

(1) *Est Deus in nobis, agitante calescimus illos
Impetus hic sacrae semina mentis habet,*

(1) Ovid. Fast. 6.

id Divinis Vatribus merito ac jure tribuendum nemo non sanus existimet. Atque utinam illius linguae vim atque robur, utinam grandes loquendi formulas, ac plena sententiis vocabula, utinam non fucatam simplicitatem, nativos lepores, Divinam plane majestatem, utinam etiam poeticos numeros, eumque qui non ad delectationem modo, sed ad motum quoque animorum plurimum valet, versuum concentum persentire ac pernoscere possemus! Nihil profecto, ut ego opinor, ad praestantissimae, absolutaeque poeseos speciem atque exemplar desideraremus. Cujus rei illud argumentum est, quod quamvis plurima nobis obscurissima occurrant, maximeque perplexa, tamen ex iis, quae vel perspicua nobis sunt, vel per illa involucra, atque integumenta intentiore acie deprehendi possunt, quasi quidam solis radii mediis in nubibus interlucentes, quanta, Deus immortalis, mentibus nostris voluptas influit, quanta rerum magnitudo oculis obversatur, quanta vi nos cieri, ac commoveri sentimus, quam grandia omnia, quam sublimia, quam pulchra, quam mira prospicimus! Sed ne de universo illo genere loquar, cum praesertim incertum sit, qui libri numeris sint astricti, qui soluti; aliis alia opinantibus, ad sola Davidis carmina, quae *Psalmi* vocantur, orationem contraho meam, quae metro scripta esse, ambigit nemo, quamvis quae metrica lege, quibus numeris modulisque, ignotum penitus sit. In hisce vero Canticis mirum quanta ubique splendescat poeticae facultatis vis, quam magnificum locutionis genus, quae rerum ima-

imagines affabre depictae, quae similium concinna
 elegancia, quod sententiarum pondus, quae
 verborum efficacia, quam audaces in ardua vo-
 latus, quam inopinatae planeque lyricae ad alia
 transgressiones, quae ad mores recte componen-
 dos non inanis philosophiae, sed Caelestis sapien-
 tiae praecepta, quam ad pios animorum motus
 ciendos apta omnia, atque accommodata, quan-
 ta demum ubique Divinitatis fides! Affirmare au-
 sim, quae in Poetis lyricis omnibus tum Grae-
 cis, tum Latinis sparsa admiramur lumina egre-
 giasque virtutes, universa in hunc plane Divinum
 Poetam collecta simul ac congregata confluere,
 ut merito a D. Hieronymo appellatus sit *David*
Simonides noster, Pindarus, & Alcaeus, Flaccus
quoque, Catullus, atque Severus. Quin etiam, si,
 quod ego mente conceptum habeo, mihi liceat
 efferre, equidem ita existimo, nullum nec Grae-
 cum, nec Latinum poetam lyricum cum hoc no-
 stro esse comparandum. Cum Davidem attentius
 lego, cum intima ejus sensa, quoad ejus facere
 possum, mecum animo meditor, cum vividum il-
 lum carminis spiritum, sacrumque furorem ad-
 miror, languet mihi Horatius, vilescit Ovidius,
 ineptit Catullus, jacet Alcaeus, ruit Pindarus,
 friget Anacreon, nec fere quisquam est, qui me
 ita afficiat, moveat, impellat, sicuti David. Ce-
 lebres illi, ac supra caeteros mortales praestan-
 tissimi viri, siquid de Deo immortali, ejusque
 magnitudine ac potentia praedicare altius volue-
 runt, nihil ferme amplius dicere, nihil augustius
 nobis ingerere, atque inculcare noverunt, quam
 ut

XVI

ut Illum Caelestium domorum incolam ac regnatorem, fulminum tonitruumque dominum ac moderatorem ostenderent, & tunc demum summam ejus majestatem potentiamque verbis satis expressisse sibi viderentur, cum dicerent:

(1) *Caelo tonantem credidimus Jovem*

Regnare

(2) *Annuat, & totum nutu tremefecit olympum;*

(3) *Terrificam capitis concussit terque quaterque
Caesariem, cum qua terram, mare, sydera movit;*

(4) *Ille Pater rectorque Deum, cui Dextra trifulcis
Ignibus armata est, qui nutu concutit orbem;*

(5) *. Rector Olympi*

Qui fera terribili jaculatur fulmina dextra;

(6) *At quem Deum! Qui templa caeli summa sonitu
tu concutit.*

Quanto sublimius noster!

(7) *Vox Domini in virtute, vox Domini in magnificentia;*

(8) *Initio tu, Domine, terram fundasti, & opera
manuum tuarum sunt caeli;*

(9) *Tui sunt caeli, & tua est terra, orbem terrae
& plenitudinem ejus tu fundasti, aquilonem
& mare tu creasti;*

(10) *Tuus est dies, & tua est nox, tu fabricatus
es auroram, & solem;*

(11) *Ipse dixit, & facta sunt, ipse mandavit, &
creata sunt;*

(1) Hor. Carm. L. 2. Od. 5. (2) Virg. Aen. l. 9. (3) Ovid. Met. L. 2.
(4) Id. Met. L. 2. (5) Id. Met. L. 2. (6) Terent. Eun. Act. 3. Sc. 2. (7) Psal.
48. (8) Psal. 102. (9) Psal. 86. (10) Psal. 73. (11) Psal. 148.

- (1) *Viderunt te aquae, Deus, viderunt te aquae, & timuerunt, & turbatae sunt abyssi;*
 (2) *Qui respicit terram, & facit eam tremere, qui tangit montes, & fumigant;*
 (3) *Inclinavit caelos, & descendit, & caligo sub pedibus ejus.*

Quid ad hominis imbecillitatem significandam expressius?

- (4) *Homo vanitati similis factus est;*
 (5) *In imagine pertransit homo;*
 (6) *Sepulchra eorum domus illorum in aeternum;*
 (7) *Transivi, & ecce non erat, quaesivi eum, & non est inventus locus ejus;*

Atque alia hujusmodi sexcenta, quae si colligere velim, totum paene librum exscribere necesse sit. Quid his simile in aliis occurrit? Quid autem, nisi futilia tractant, ac nequid gravius dicam, plane inania, atque omnis frugis expertia? Miseret me tui, M. Flacce, cum te video (at qualem virum!) tam saepe vina, convivia, libidines, & quod fortasse multo deterius est, pestilentissimos e media Epicuri disciplina errores, & ad corrumpendos pravis opinionibus animos perniciosissimos tuis carminibus, & iis quidem cultissimis, elegantissimis, ac suavissimis inserere; tum si quando assurgis, laudo quidem felices conatus, magnumque canendi spiritum, atque ingenium ad-

✠ †

mi-

(1) Psal. 76. (2) Psal. 103. (3) Psal. 17. (4) Psal. 143. (5) Psal. 38.
 (6) Psal. 48. (7) Psal. 36.

XVIII

miror, sed nihil certe ad Vatis nostri magnificentiam, sublimitatem, sapientiam, nobilitatem. Pudet me vestri, Catulle, Tibulle, Properti, P. Naso, cum nihil ferme apud vos lego, nisi infanos amores, prostituerarum muliercularum infulas laudes, flagitiorum etiam vestrorum impudentissimas praedicationes, omnia denique ad emolliendos, atque effaeminandos animos pertinentia, nihil ferme frugiferum, nihil salubre, nihil decorum, nihil ingenuo atque honesto homine dignum, ut miserranda mihi interdum videri soleat infirmioris aetatis conditio, cujus teneris adhuc animis, ad omnia quidem, sed praesertim ad deteriora quaeque arripienda facillimis, & ad vitia maxime proclivibus planeque cereis, talia scelerum irritamenta ad eruditionem obtruduntur, unde plus fortasse periculi, quam utilitatis existat, & praeclare cum iis agatur, qui venusta verba, concinnasque locutiones aucupentur, & *versus inopes rerum, nugaeque canoras*, ad inanem sane delectationem appositas, ad solidam utilitatem certe ineptissimas. Nisi quis forte uberes inde fructus percipi posse eo contendat, quod de Heroibus, atque adeo de Diis tam indigna, tam indecora, tam turpia mentiuntur, quod odiosas putidasque, ac saepe impias assentationes affectant, quod monstrosi absurdisque commentis veritatem implicant atque obscurant, quod demum, siqua interdum bona ac salutaria tradunt vitae praecepta, ea multo pluribus miscent vitiorum illecebris, & lenociniis cupiditatum. Cum autem ab ipsomet Horatio ⁽¹⁾ praeceptum sit

(1) In Arte.

*Aut prodesse volunt, aut delectare poetae,
Aut simul & jucunda, & idonea dicere vitae*

non video, quis duplici hoc munere cumulatus
perfunctus sit, quam regius hic noster Poeta,
in quem profecto, siquem in alium, illud con-
venit:

Omne tulit punctum, qui miscuit ubile dulci (1).

Et quidem ad delectationem quod attinet, praeter
ea quae superius delibavi, quanta in singulis
Psalms varietas, quae in quibusdam sublimitas,
quae in aliis amoenitas, in aliis suavitas, quam
miserabiliter aliqui, alii quam molliter, permul-
ti quam graviter scripti sunt; quanta vero in a-
liquis eruditio, & totius fere Hebraicae histo-
riae doctrina, ut non immerito dixerit Athana-
sius, quaecunque in singulis aliis libris tradun-
tur, ea in *Psalms* contineri! Quantae hinc por-
ro utilitates ad Dei justitiam, clementiam, fide-
litatem, providentiam, beneficentiam, quantum
homini licet, cognoscendam, ad mores castigan-
dos, ad vitam recte instituendam, ad creata om-
nia bona parvi pendenda, ad sempiterna expe-
tenda, ad spem non in humanis opibus, sed in
Divino auxilio, atque in innocentia collocandam,
demum ad vitium omne facinusque vitandum, &
ad virtutem colendam, qua praemii, qua poe-
nae magnitudine proposita, ex uberrimo quasi

✠ † 2

fon-

(1) Ibi.

fonte dimanant? Quot hic, & quam praeclarae Dei tum laudandi, tum orandi, tum quaecunque tui sunt, postulandi, tum pro acceptis gratias agendi formulae suppetunt! Quam pia excitantur animi commotiones affectionesque, ut spes erigitur, ut timor incutitur, ut Dei amor accenditur, ut mentis tumor deprimitur, ut malefactorum odium horrorque commovetur, ut paucis, charitatis, beneficentiae, misericordiae studium intenditur! Unum mihi ejus rei testem esse volo, sed cum gravissimum atque locupletissimum Augustinum⁽¹⁾, qui, quamvis sua illa scientia adhuc turgidus, qua Scripturas sanctas, quasi humiles, contempserat, quamvis in germano Dei amore, ut ipse ait, adhuc rudis, quamvis *Cathecumenus*, cum *Psalmos* attigit: *Quas tibi, inquit, voces dabam in Psalmis illis, & quomodo in Te inflammabar ex eis, & accendebar eos recitare, si possem, toto orbe terrarum adversus typhum generis humani!* Quis vero ad Christianam veritatem Religionemque confirmandam plus affert momenti, quam noster, qui futuram humani generis reparationem, Servatoris nostri adventum, cruciatus fere singulos, ad vitam denique reditum, ac triumphalem in caelum ascensum, tam distincte explicatque praenunciat, ut rem gestam scribere potius, quam futuram vaticinari videatur. Quamobrem Apostoli atque ipse Christus ad ea, quae docerent, stabilienda ex alio libro fere nullo frequentiora argumenta ac testimonia mutuati sunt. Primus David, si Eusebio⁽²⁾ credimus, & futu-

(1) Conf. L. 9. C. 4. (2) Epist. 140.

futuram ἀνάστασιν, & extremum iudiciū, & sempiternae vitae promissionem aperte docuit, cum nihil horum Moses tradiderit. Veterum porro Sacrificiorum abrogationem, novae Ecclesiae constitutionem, propagationemque mirificam, gentium a superstitioso profanoque ad verum sanctumque Dei cultum vocationem, commentiorum Numinum impiam vanitatem quis luculentius exequitur, & ipsis quasi oculis subjicit? Fragilem falsamque improborum felicitatem, parata peccantibus supplicia, susceptam a Deo innocentiae curam, defensionem, vindictam quis aut gravius, aut dilucidius exponit? Ut breviter dicam, *Liber hic unus*, teste Augustino (1), *communis quidam doctrinae thesaurus est, aperte singulis necessaria subministrans*. In angore animi ac dejectione, in certaminibus, in periculis, in perturbationibus, in calamitatibus, quibus vita impetitur atque exagitur, hinc solatium, hinc gaudium, hinc robur, hinc praesidium, hinc quies, hinc levamentum & certissime petitur, & affatim suppeditatur, ut merito scripserit Ambrosius: *In Libro Psalmorum profectus est omnium, & medicina quaedam salutis humanae*; Ac demum ita sermonem concluderit: *In Psalmo certat doctrina cum gratia, simul cantatur ad delectationem, discitur ad eruditionem*. Inde tantae in Divinum hunc Librum laudes passim a Sanctis Patribus congeruntur, Athanasio, Basilio, Chrysostomo, Ambrosio, Augustino, Gregorio Magno, Hieronymo, Cassiodoro; Inde veteri more comparatum erat,

(1) Praef. in Psal.

ut Christiani non viri solum, sed & mulieres *Psalms* in Ecclesia, in aedibus, in mensa, in itinere, in agro, in ipso opere cantarent; Inde omnibus Ecclesiae ministerio mancipatis lex erat, ut *Psalms* omnes memoriter addicerent, caeteris fere omnibus consuetudo, ut saltem aliquos ex memoria recitarent, iisque cum nascentem diem auspicarentur, tum cadentem concluderent. Tot jam exactis saeculis ab ipsis usque nascentis Ecclesiae incunabulis mos hic constantissime retentus est, perpetuoque retinebitur, ut *Psalms* in sacris conventibus diu noctuque canantur, neque alius in Divina Scriptura liber est, qui in privatis publicisque precationibus passim ab Ecclesia proponatur, quam is, de quo loquimur, unde magnos in hominum animis fructus atque emolumenta provenire posse, satis intelligit. Obest sane non nihil obscuritas ex ignoti exoticique sermonis in alium longe dissimilem religiosa fortasse nimis, sed minime reprehendenda translatione magnam partem profecta. Sed haec Divinis rebus circumfusa caligo quandam animis nostris religionem objiciat necesse est, qua ad abdita mysteria pervestiganda trepidi nobisque diffidentes accedamus, rati magnum aliquid atque humano augustius esse, quod delitescit, sacro veluti quodam velamine obvolutum. Id vero non torporem nobis ex desperatione afferre debet, ignorantiamque fovere, sed diligentiam potius ac cuere, & intelligendi appetitionem excitate, ut Divino scilicet monito obtemperemus, in *Psalms* ipsis saepius iterato, & Deuteronomii cap.

6. lon-

6. longe ante scripto : *Erunt verba haec in corde tuo , & narrabis ea filiis tuis , & meditaberis in eis sedens in domo tua , & ambulans in itinere , dormiens atque consurgens &c. ;* Quod ad nos quoque , non ad Hebraeos solum pertinere , testis est locupletissimus Joannes (1) , immo Christus ipse Dominus , cujus est illud : *Scrutamini Scripturas .* An ego in Horatii , Persii , Juvenalis , aliorumque poetarum obscurissimis locis enucleandis tantopere ingenium torqueam , interpretes consulam , fabulis , historiis , unde ea lucem accipiant , insudem , ut sensa indidem abstrusa expromam , ac velut extundam , quibus demum deprehensis , nihil admodum , aut certe non multum vel ad eruditionem , vel ad vitae utilitatem proficiam , ut vero thesauros longe ditissimos in Sacris Libris alte reconditos defodiam , quibus animus mirifice ornetur atque instruat , & ad beatam immortalemque vitam comparetur , nihil laborem ? Num desunt ad eam rem proposita omnibus adjumenta , a Sanctis Patribus , doctissimisque scriptoribus comparata , quibus Deus Opt. Max. nostrae imbecillitati abunde consultum voluit , si modo ejus conscientia dejecti , & ab omni arrogantia remoti supernae Lucis opem impensis precibus imploremus ? Et quidem cum nihil frequentius aut in ore habeamus , aut manibus versemus , aut auribus accipiamus , quam sacras Davidis cantilenas , quam turpe atque indecorum sit , Viro praesertim Ecclesiae sacris initiato , eas non percipere , & voce tantum ac

(1) Jo. 5. 39.

XXIV

corporis sensibus usurpare, quid vero sapiant, aut omnino quid dicant, nihil ferme assequi! At vulgatum est illud Apostoli (1): *Si orem lingua, spiritus meus* (id est oris mei status) *orat, mens autem mea sine fructu est. Orabo spiritu, orabo & mente, psallam spiritu, psallam & mente.* Ego quidem, ut mihi consulerem, operae pretium me facturum existimavi, si in sacra haec adyta timidum pedem ac trepidantem inferrem, &, duce aliquo praeunte, abdita in iis Mysteriorum, si non penitus introspicerem, at aliquantum attingerem, ac velut a limine salutarem. Duce autem ex multis mihi delegi Ven. Robertum Card. Bellarminum, cum quod eum litterae, cui potissimum, ne dicam unice, inhaerere mihi propositum est, reperi curiosiorem, cujus sententiam Graecae atque Hebraicae linguae praesidio diligentissime expiscatur, vulgaramque lectionem & sanctissime retinet, & tuetur acerrime, & explicare nititur per quam studiose, tum quod quaecunque Greci, vel Latini Patres antea scripserant, is summatim in suos commentarios ascivit. Hunc itaque fere interpretem adhibui, a quo tamen non semel discedere, nulli mihi religioni duxi, cum aliorum interpretatio planior, aut ad Auctoris mentem accommodatior visa est. Vulgaram porro Scripturae editionem religiosissime secutus, ne latum quidem unguem ab ea excedendum puravi, & siquando Graeca, aut Hebraea volumina subsidio advocavi, id tum feci dumtaxat, cum illa nostrae lucem aliquam affer-

(1) 1. Cor. 14. 15.

afferrent, & quod in hac obscurius erat, dilucidius explicarent. Sententiis quidem, imo interdum & verbis quae altiore quanda significationem continerent, quoad licuit, inhaesi atque institi, in quo Georgium Buchananum Scotum, magnum illum sane poetam, sed nostrae Religioni parum faventem, ne dicam, ab ea prorsus alienum, & ex fontibus minus integris suas non semel interpretationes haurientem, paulo oscitantior fuisse animadverti, qui ut suo ingenio & poeticae venustati indulgeret, multa, quae Mysterio non carent, praetermisit, vel in alienum sensum detorsit, extraneas versiones, explanationesque suspiciosas identidem secutus est, fecit denique, ut magis bonus poeta, quam fidus interpret videretur. Ejus carmina vidi equidem postquam mea absolvissem, neque me incepti poenituit, non de ingenii laude certantem, in quo ei libenter concedo, sed syncerae germanaeque intelligentiae studiosum, de qua me vehementius laborasse profiteor. Vario autem carminum genere, quod & hic factitaverat, uti decrevi, quod ita Psalmos a Davide conscriptos esse, me docuit Bellarminus, qua in re & Horatium, & Tibullum, & Propertium, & Ovidium imitari contendi, quoad licuit per longam viginti amplius annorum desuetudinem, quo tempore meae vitae rationes paene omnino ab hisce studiis avocarunt. Nam Catullum non prorsus illum quidem neglexi, praesertim in aliquibus Phaleuciis, quo sane in genere, ut dicam quod sentio, eum probavi semper, ut quem ma-

XXVI

xime, cum ipse ingenium ibi praecipue exercuerit suum, credo, quod in eo se plurimum valere sentiret, illumque iccirco & omnes deinceps boni poetae imitati sunt, & ego unicum ad imitandum libentissime proposuerim, siquis modo spurcicias illas; sordesque, quibus scater, eluere, & tanquam Augiae stabulum, purgare possit, caeterum in elegiacis non item. Miror sane quam & in his dictionis nitorem, elegantiam venustatem aureo illo saeculo dignam, affectus quoque identidem in loco erumpentes, eosque tam teneros, tam molles, tam delicatos, ut nihil supra; Sed illam versuum asperitatem, pentametros praesertim saepe harmoniae omnis expertes, neque apta concinnaque pedum compositione suaviter cadentes, neque sententiam integram, aut ejus partem concludentes, ut plerisque aliis in usu est, sed cum sequentibus versibus implicatos, quod heroicis convenire melius videtur, probare certe non possum. Ille quidem hoc fecit ad exemplum Graecorum, apud quos video ita in usu positum fuisse, quod fortasse id eorum auribus, ob peculiarem ipsorum, nobisque ignotam pronunciandi rationem, jucundum accideret. Sed fecit vel Graecos ipsos latine vertens, eorumque verbis atque adeo numeris serviens, vel epistolam potius scribens, quam Elegiam concinnans, vel certe ita pauculas condidit Elegias, ut ipse non se id agere ac profiteri, vel hoc indicio satis prodatur. Epigrammata porro ita composuit, ut sale illo ac dicacitate contentus, numeros neglexisse videatur. Quid quod

quod eo tempore scripsit, quo Latina poësis a Graecis non ita pridem nata, & nondum satis perpolita Graecam indolem etiam apud Latinos magna ex parte servaret, sicuti quasdam primævæ ruditis reliquias in verbis aliquot retinebat. Sed paulo post felici Augusti ætate, cum non modo ad quandam maturitatem perducta esset, sed a summis Poëtis, quorum tum magnus proventus exitit, ad supremum dignitatis fastigium evecta; tum vero omnem exuit asperitatem, & quasi sui juris effecta, ac dominatrix Graecanicæ servitutis jugum excussit. Tunc Tibullus, Propertius, Ovidius, Albinovanus suaviores versus, suisque auribus, hoc est politioribus magis modulatos atque consonantiores excogitarunt; Quanquam Propertium id serius factitasse video, vigente scilicet adhuc Graecorum imitatione deceptum, & ad eos primo libro, & primis in elegiis propius accessisse; sed mox vel aliorum Latinorum exemplo, vel suarummet aurium judicio edoctum, sententiam mutasse, & carmina sua ad venustiores numeros composuisse. Quos qui deinde sunt consecuti, quorum quidem aliquo in pretio opera habentur, in versibus modulandis fere omnes imitati sunt, & præsertim sæculo decimo sexto, quod ego Augustæo proximum judico, Sannazarius, Pontanus, Bembus, Naugerius, Flaminus, Strozza Pater, & Filius, alique nonnulli elegantissimi poëtæ, & cum veteribus comparandi. Eorum plerique Tibulli venustatem atque elegantiam, alii Ovidii facilitatem, alii Propertii majestatem sibi propo-

XXVIII

fuerunt, & felicissime sunt affecuti, ac si quis interdum Catullum est imitatus, id fecit in una aliqua elegia similis argumenti, experiendi causa, quid in eo quoque genere posset, & ita tamen fecit, ut Catulli mollitiem, facilitatem, munditiem, venustatem, non asperitatem consecraretur. Verum suum quisque iudicium sequatur; Nolo enim cum quopiam de re levissima contendere, nec sane repugno, quin vir satis doctus ac solers Catullum imitetur, cuius certe virtutes omnes exprimere studebit, ac fortasse poterit. Sed eum proponendum adolescentibus, ut elegorum exemplar, id vero minime adduci possum, ut assentiar. Magnum quippe subesse video periculum, ne tum ob inertiam, & in versibus apte componendis laboris intolerantiam, tum quoniam (Quintiliani ⁽¹⁾ verbis utor) accidit iis, qui quicquid apud magnos viros reppererunt, dicendi legem putant, ut deteriora imitentur (id enim est facilius) ac se abunde similes putent, si vitia illorum consequantur, ii quoque perversi imitatores, neque iudicio utentes satis firmo, omissis iis, quae in Catullo summa sunt, tum denique se illi simillimos arbitrentur, cum suos versus ad illum conformaverint.

Quam modo, qui me unum, atque unicum amicum habuit

vel ad illum

Haec atque illa dies, atque alia atque alia.

Idem

(1) Inst. L. 10. C. 1.

Idem propemodum dixerim de Lucretii imitatione boni sane Latinitatis auctoris, sed in poeticis & numeris effingendis, & loquendi rationibus deligendis aut parum felicitis, aut non satis curiosi. Ac de numeris quidem non immerito scripsit Nobilis Criticus (1), Lucretium hanc versuum numerosam suavitatem adumbrasse solummodo, ac pingui Minerva delineasse, quam postmodo Virgilius expolivit atque perfecit. Sed ea venia danda est Poetae ea tempestate scribenti, qua Homericam illam harmoniam nondum satis Latini persensissent, cujus vix vestigium aliquod apud Ennium reperias. Argumentum ipsum aridum per sese ac spinosum, explicatuque perdifficile, nec a quoquam Latino tentatum adhuc, plurimum ad excusationem valet. At postquam Virgilius sty- lum illum mediocrem, & ad διδασκαλίαν apprimè factum in Georgicis tam feliciter usurpavit, quid aliis in ejusmodi argumentis etiam philosophicis faciendum esset, praescripsit, & homines doctissimi Fracastorius, Vida, Angelius, Rapinus Virgilianam illam rationem summa cum laude imitati sunt. Atque equidem idem de Lucretio existimo, quod de Lucilio Horatius (2) judicavit:

*Si foret hoc nostrum fato dilatus in aevum,
Detereret sibi multa
. & in versu faciendo
Saepe caput scaberet, vivos & roderet ungues.*

Ad poeticam autem dictionem quod attinet, ut Quintiliani (3) judicium omittam, Lucretium cum
lego,

(1) P. Rap. (2) Hor. L. 1. Sat. 10. (3) Inst. L. 10. C. 24.

XXX

lego, video fane Philosophum acute ratiocinantem, miror etiam, si lubet, res difficillimas versibus comprehendentem, Poetam vero plerumque non video, siquidem verum scripserit Horatius (1)

. *Neque enim concludere versum
Dixeris esse satis, neque si quis scribat, uti nos
Sermoni propiora, putes hunc esse poetam.*

Sed & illud accedit, quod is latine admodum loquitur quidem, ut qui optimo saeculo floruerit, sed quemadmodum Cicero in Bruto advertebat, aetatem suae proximam nondum satis bene fuisse locutam, ita is qui in eam ipsam aetatem incidit, plurimum adhuc retinet primaevae illius atque horridulae ruditatis, quam Naevius, Accius, Pacuvius, Plautus, Ennius, aliique veteres praeseferunt, quam Cicero ipse se improbare ostendit item in Bruto, quam Caesar, ut idem Cicero refert, pura & incorrupta consuetudine emendabat, quam denique Horatius (2) carpit iis versibus:

*Si quaedam nimis antiquae, si pleraque dure
Dicere credit eos, ignave multa fatetur,
Et sapit, & mecum facit, & Jove judicat aequo.*

Postquam autem eas antiquitatis reliquias Virgilius, ejusque coetanei Poetae penitus deterferunt, quid opus est in tanta Latini sermonis ubertate, nitore, elegantiâ, venustate, ad illa reverti, quae

(1) L. 1. Satyr. 4. (2) Epist. L. 2. Ep. 16.

quæ Q. Sæctanus ⁽¹⁾ satyricæ perstringit, *Mucida frustra Lucretj?* Hoc qui faciat, perinde facere videatur, ac qui in Heroicis post Divinam Aeneida ad Ennii imitationem se conferat. Feratur sane Lucretius, quem ætatis suffragatio tueretur, quod hanc primus omnium viam ingressus est, ut ipse inculcat iisdem versibus 1. & 4. L. repetitis:

*Avia Pieridum peragro loca, nullius ante
Trita solo;*

Aliquid concedatur susceptæ scriptionis difficultati, ut initio postulare ipse videtur:

*Nec me animi fallit, Grajorum obscura reperta;
Difficile illustrare Latinis versibus esse,
Multa novis verbis præsertim cum sit agendum,
Propter egestatem linguæ, & rerum novitatem;*

Liceat illi per me etiam duriusculis incultisque versibus, ac sermoni proximis uti, cum nondum Poësis satis exulta ac perpolita esset; Quare ipse M. Tullius, qui ab ejus ætate non ita distat, quique alioquin, ut tum tempora erant, bonus poeta habebatur, poeticam laudem, quam initio fuerat consecutus, eam fere omnem, Virgilio exorto, amisit, ejusque poemata satyricæ nimis *Ridenda* appellavit Juvenalis ⁽²⁾. Utrum autem eadem venia danda sit quibusdam Lucretii imitatoribus, Latina lingua a consequentibus scri-

ptori.


(1) Sat. 2. (2) Sat. 19.

ptoribus tantopere aucta ac locupletata, & poeti jam satis superque expolita, atque omni ex parte perfecta, neque scio, neque judicare queo, neque, si possim, quicquam pronunciare ausim, cum homines doctissimi, quibus ego plurimum tribuo, quosque vel maxime vereor ac suspicio, hujusmodi rationem sibi tenendam certis de causis existimaverint. Sed detur id quidem, nec enim adversor, Philosophantibus, quibus rerum si-ve gravitas, si-ve subtilitas, si-ve asperitas poeticas delicias atque ornamenta vix interdum permittit; In Lyricis quidem certe non videtur ferendum, neque adolescentes ad hujusmodi imitationem alliciendi. Quamobrem siqua eo carminis genere efferenda sese obtulerunt, a Lucretiana imitatione abstinendum omnino censui, & ad Virgilianam potius majestatem, ac suavitatem, quantum quidem efficere, aut conari possem, & Auctoris mei character, & exotica oratio, & concisae sententiae paterentur, longissimo quantumvis intervallo, aspirandum. In optimorum Poetarum virtutibus exprimendis, ad sacrosque sensus traducendis, quid potuerim, aliorum judicium esto. Ego quidem in eam curam libenter incubui, ut profanas dicendi formas consecrarem, & veterum Christianorum exemplo, Ecclesiasticas litteras hisce antiquae superstitionis veluti spoliis auferem, atque locupletarem. Claritati saltem plurimum studui, quantum in tanta, quae occurrebat, obscuritate assequi potui, in quo quidem tum ob sententias abstrusissimas, tum ob cogitandi rationem a nostrate prorsus abhorren-

rentem; tum ob locutionum Hebraicarum pressam contractamque brevitatem, ac spiritum nimio audaciorum, tum denique ob frequentem rerum sententiarumque disjunctionem, ac dissolutionem Prophetis familiarem, fuit non mediocriter laborandum. Cui postremo incommodo ut mederer, nulli duxi religioni aliquos interdum versiculos addere, qui superiora cum inferioribus, partesque cum partibus connecterent, atque conglutinant, quique obscuriora loca, si non in suo, at in meliori lumine collocarent, quod & M. Antonium Flaminium in pauculis illis, quos transtulit, suo sibi jure sumpsisse animadverti. Nam temporum mutatione, ac de praeterito in futurum conversione nemo, credo, offendetur, qui Hebraicae linguae consuetudinem calleat, in qua tempora persaepe mutantur, & futura per praeteritum efferuntur. Praeterquamquod id Prophetis est usitatum, ut futura quae sunt, jam provideant effecta, ac de iis, tanquam de praeteritis loquantur. Allegorias porro omnes illustrare, quibus *Psalmi* refertissimi sunt, tum ab instituto meo alienum duxi, qui solum litteram explicandam suscepim, tum etiam supervacaneum, quod a sacris interpretibus, qui varias excogitarunt, nullo negotio peti possint, satisque habui aliquas, in quibus *Psalmi* quidam fere toti versarentur, & sine quibus intelligi nihil posset, in argumentis leviter attigisse. Unum monere non ab re fuerit, solere crebro Vatem nostrum factum aliquod historicum tractare, aut de certo homine, aut loco

loco sermonem instituere, puta, de Salomone, de Hierusalem, sed repente medio in sermone, quasi Divino aliquo instinctu afflatum abreptumque alio avolare, & fere ad ea, quae ad Christum, vel ad Ecclesiam pertinent, ac vel ibi reliquum *Psalmum* insumere, vel post aliqua ad historiam reverti, cui consuetudini, ab aliis quoque Prophetis non semel usurpatae, in hac mea translatione serviendum fuit. Psalmis vero Davidicis addenda censui Cantica, quae in Scriptura extant, illustriora, quod eodem spiritu scripta sint, eodem sacri furoris impetu concepta, iisdem virtutibus atque ornamentis referta. Siquis autem miretur, me Latinum sermonem maluisse, quam Etruscum, is sciat, velim, me sic statuere, Latini idiomatis majestatem, gravitatem, dignitatemque ad res sanctissimas, vetustissimaque religione consecratas, ac Divina plane sensa ac Mysteria exprimenda, esse prae caeteris accommodatissimam. Id sicui minus satisfecerit, illud addam, hunc jam locum non mediocri cum laude fuisse occupatum a praestantissimis viris, & omnium ore celebratissimis, qui & hoc ipso, & superiore saeculo Psalmos Tusca poesi expoliverunt, quorum ego cum ingenio & poetica facultate si certare voluerim, amens sum. Qui vero Davidica carmina latine verterunt, homines exteri, ita parum apud nos noti sunt, ut Gagnaeium, Montanum, Bochium, quos satis bonos poetas esse ex fragmentis cognovi, totos legere mihi non contigerit, quos quidem ego vidi duos elegiacos translatore, alter ne legi quidem dignus, alter multis bonis

multa admista habet; quae probari nemini possunt. Buchananus omnium facile princeps, per-
 rarus est, idemque periculosus propter multa,
 quae in eo promiscua leguntur, vel satyrica,
 vel impudica, vel plane impia. Locum itaque
 mihi relinqui sum arbitratus ut in Divinis hi-
 sce Poematis illustrandis aliquid auderem, &
 quam possem, Latinae poeseos speciem elegan-
 tiamque eis conciliare conarer. Adolescentibus
 potissimum Latine scribendi studiosis laboriosam
 hanc operam commodavi, quo haberent sanctis-
 sima ac saluberrima carmina, quibus animum o-
 blectarent ac pascere, & ad virtutem non mi-
 nus, quam ad eruditionem proficerent. Demum
 mihi etiam ipsi indulgi, qui in Latinam linguam
 propensiore sim studio ac voluntate, eamque a
 plerisque summis ingeniis hoc tempore omnino
 negligi vehementer doleam. Atqui non desunt
 hodie, qui latine ita scribant, ut saeculum hoc
 nostrum non modo superioris vitia emendarit,
 sed vix jam habeat, quod sexto decimo invidet.
 Ab horum ego elegantissima dicendi ratione quam-
 vis absim longissime, tamen in eandem curam
 operam contuli meam, quae res si minus pro-
 cesserit, vel rei difficultati, vel certe imperi-
 tiae meae tribuatur, dummodo alius quispiam
 existat, qui quod ego bona quidem mente, sed
 malo eventu tentavi, felicius exequatur. Illud
 ego saltem commodi sim consecutus, ut Psal-
 mos cum legam, vel recitem, eos si non ex
 toto, at magna ex parte intelligam, qui vel
 solus suscepti laboris fructus est meo quidem
 iudicio uberrimus, atque jucundissimus.



AD SANCTISSIMUM REGEM AC PROPHETAM

DAVIDEM PSALMORUM
AUCTOREM INVOCATIO.

Ex magne, Vatum idemque Vates optime,
 Quotquot fuere, suntue, eruntue in
 posterum,
 Qui labra sanctis proluxisti fontibus,
 Vena unde castae profluit poeseos,
 Mentemque toto, & ora plenus Numine
 Divina pectore edidisti carmina;
 Ac vel tumultus, bellaque inter horrida,
 In te rebelles quae gerebant filii,
 Vel exteris movebas ipse gentibus,
 Inter labores, inter aerumnas domus,
 Rei que tanta publicae negotia,
 Regni que curas, sancta miscens otia,
 Deum canebas per statas noctu, ac diu
 Horas, opem precatus, aut iustissimas
 Agens recepta pro salute gratias;
 Deique variis Nomen aptabas modis,
 Deique facta; & pollice impellens fides
 Deum docebas canere sacram barbiton,
 Vocemque flectens mille per discrimina,
 Deum sonare Regiae conclavia;
 Et nunc supremo collocatus vertice
 Montis beati, prata per videntia
 Nunquam caducis picta semper floribus,

Syl-

XXXVIII

Sylvasque sacras, quae nitentes aureis
 Campos opacant usque amictae frondibus,
 Aura educatae prioris aetheris,
 Semper vivente laurea cinctus comas
 Ducis choros Caelestium, & sancti agminis
 Choragus altas Numinis laudes praeis
 Majore cantu, grandiore pectine,
 Quas caeteri mox consecuti Caelites
 Dei canunt clementiam nec finibus
 Ullis, nec ullis terminandam saeculis;
 Rex magne, Vatum idemque Vates optime,
 Ades canenti, tuaque per vestigia
 Tentanti ad oras Italas deducere
 Modis Latinis verba doctas nectere
 Sacras Camoenas, Patrio suetas tibi
 Sermone pulchra fingere olim carmina,
 Sionii quae saxa montis concavis
 Referre amarunt ter remissa rupibus,
 Miratus & Jordanis unda constitit
 Pendente cursus, atque naturae immemor;
 Et nunc per omnes orbis oras didita
 Iterata crebris & piorum vocibus,
 Sacrisque nunquam conticenda coetibus,
 Dum lege certa se revolvent saecula;
 Illa illa dico lapsa Caelo carmina
 Testantia, ex qua sint profecta origine,
 Sermone & ipsi quo loquantur Caelites,
 Deusque qua se voce laudari velit,
 Scatentia & illo nectare, ac dulcedine,
 Quae large inundat cuncta Divorum agmina,
 Qua nostra mens perfusa se obliviscitur,
 Terrasque, & alta Caeli templa obambulat,

Pro-

Propiore visa jam sibi frui Deo.
 Sed illa tam bona, ac venusta carmina
 Inculta forma prodire non sua
 Alienum in orbem: Magnae ut oblita indolis
 Jacent, decoris parte quanta patrii
 Truncata, & omni nuda lenocinio!
 Juvat Latinis expolire versibus
 Tam plena succi, ac dignitatis carmina,
 Et pristini partem decoris reddere,
 Quoad licebit arte, & ingenio assequi.
 Juvat Latinis vatibus paene omnibus
 Altum sonantes rapere de manibus fides,
 Quas hi profanis polluerunt cantibus,
 Turpes amores, foeda vel convivium,
 Duces superbos, vel cruenta praelia
 Crepare sœtas, vel Deorum inanum
 Abominanda ferre Caelo nomina;
 Easque tantis expiatis sordibus
 Modis tuorum temperare Carminum,
 Sanctae docere dictionis formulas,
 Veroque rursus vindicare Numini
 Poesim, honori restitutam pristino;
 Ingens opus, meis nec aptum viribus,
 Dignumque sane, quod tuis opibus juves,
 Divinae Amator, Cultor & poëtos,
 Idemque veri Amator, ac Cultor Dei,
 Semper profanos execratus Gentium
 Ritusque, morumque impiam licentiam.
 Quanquam quid illis est mihi cum barbitis,
 Mirata quondam quos canentes audiit
 Superba Roma, vel diserta Graecia?
 Paulisper illam commoda, quaeso, Lyræ,

XL

Cui caeterae omnes jure primas deferunt,
 Dignam polo fulgere, & inter sydera
 Locum tenere celsiorem Oeagria.
 Illam feras traxisse, & auritas sonum
 Quercus secutas, vana narrat fabula.
 Tuam potentem turbulenti pectoris
 Sedare cantu concitatos spiritus,
 Mentisque permulcere lymphatae impetum,
 Olim fuisse, vera fert historia (a).
 Hanc porrigere, inquam, nobilem, ac doctam Lyram;
 Simul canendi spiritum mihi impetra,
 Tuo refusus qui calebat pectore,
 Tuis ut instem proximus vestigiis,
 Tuosque sensus, & verenda intelligam
 Tuis reposta versibus mysteria;
 Tibi illa claro aperta sunt in lumine
 De sempiternis praeuente montibus,
 Obducta denso sed mihi velamine
 Latent, tenebris obsito ignorantiae.
 Per te, rogo, superna lux affulgeat,
 Quae corde puris conspicanda panditur,
 Coecamque mentis dissipet noctem meae.
 Id si negetur, & frequenti crimine
 Coecata mens spectare non tam altum potest,
 Placare laesi me doce iram Numinis
 Tua aemulantem exempla, & illas intimo
 E corde ductas, ac salubres lacrymas,
 Quibus iuventae tu piasti improvidae
 Errata, & aequum leniisti Judicem.
 Id si impetraro, multo erit jucundius,
 Quam si tua aemuler canendo carmina.

DA-

DAVIDIS CARMINA.



PSALMUS PRIMUS.

Beatus vir &c.

*Bonorum felicitatem, & malorum
miseriam describit.*

- B**Eatus ille, qui malorum ab impiis
Abhorruit sententiis,
Nec improborum libero latas pede
Perambulavit semitas;
Nec pestilentis confidens scientiae
Præcepta doctor tradidit;
Sed sancta Veri ad instituta Numinis
Curas sagaces contulit,
Ejusque legem diligenti cogitat
Noctu, diuque pectore;
Nam, qualis arbor in virente confita
Aquae fluentis margine,
Uberrimis onusta pomis brachia
Suo recurvat tempore;
Pulchrum nec ulla decutit comantium
Vis brumæ honorem frondium;

A

Sic

2 D A V I D I S

Sic ille florens semper, ac semper vicens
Vitae bonis circumfluet;

Negotiique quicquid auspicabitur,
Laetos habebit exitus.

5 Non sic malorum gens proterva, non pari
Sortis fruetur munere,

Sed auferetur, instar attri pulveris,
Quem turbo in auras dissipat.

6 Hinc cum Supremus ad tribunal Arbiter
Gentes vocabit mortuas,

Abominata non resurgent corpora
Socianda Sanctorum Choris,

Circumsidenti nec piorum coetui
Misti assidebunt impii.

7 Justo probantur iusta facta Iudici;
Artes peribunt improbae.

P S A L M U S II.

Quare fremuerunt Gentes &c.

*Regni Sede, frementibus adversariis, Hierosolymis
constituta, futuras Christi, ejusque Regni vexa-
tiones in suis adumbratas, ac deinde triumphos
praedicat.*

1 Quid incitatae tam trepidon fremunt?
Gentes tumultu? Quid populus ferox
Nil profuturis inquietum
Consiliis animum fatigat?

• Du-

- 1 Duces coortis seditionibus
 Reges steterunt, impia principes
 Coetu coacto, concitarunt
 Arma Deo, simul arma Regi:
 2 Nunc arcta tempus rumpere vincula,
 Clamant rebelles, servitii jugo
 Nunc colla subduxisse, duros
 Ferre nec ulterius tyrannos.
 3 Sed qui supremos arduus incolit
 Caeli recessus, despiciet minas
 Frustra tumentes, atque amaro
 Excipiet fera coepta risu;
 4 Iraque tandem vindice percitus
 Voce intonabit turbidus horrida,
 Vultuque dejectos minaci
 Sternet humi furibundus hostes.
 5 At me benignus vertice in arduo
 Sancti Sionis Caelicolum Pater
 Regnare iussit, nec verendum
 Consilium patiar fileri.
 6 Rex ille Regum: Tu mihi filius,
 Tu certa proles dixit; Origine
 Tu prodixi e nostra, per omne
 A me hodie generatus aevum.
 7 Ergo, voluntas quod tua fert, pete:
 A me regendae jure tibi tuo
 Gentes dabuntur, quaque late
 Terra patet, tibi cedit orbis:
 8 Hinc tu severa iudicii premes
 Virga protervos: dissilient tuo
 Fracti sub ictu, ceu subacto
 Ficta luto, fragilibusque testa.

- 10 Artem regendi vos n.odo discite,
 Sceptum potenti qui geritis manu,
 Justaque pallentes libratís
 Lance reos, dubiasque lites:
- 11 Late imperantis iussa faceffite
 Regis paventes; hunc, trepidos metus
 Non insolenti temperantes
 Laetitia, celebrate cantu.
- 12 Neu disciplinae poeniteat, bono
 Quae vestra cultu pectora roboret,
 Divina ne vos ira pravo
 Praecipites finat ire calle.
- 13 Jam tempus instat, cum furor ardeat
 Poenas parati sumere Judicis:
 O ter beati tunc, in illo
 Qui solidam sibi spem locarunt!

PSALMUS III.

Domine quid &c.

- 1 *In se ab Absalone exagitato Christi figuram designat.*

- 2 **Q**uid meum tantae latus hinc, & inde
 Obsident turmae, miserumque vexant,
 Quidve collatis tot in arma fervent
 Viribus hostes?
- 3 Haeret infelix animus frequentes
 Audiens circum resonare voces:

Nulla

Nulla spes illi superest, salusque in
Numine amico.

4 Tu tamen nostrae, Deus o, salutis
Auctor, & vitae column, decusque,
Me jubes terra positam levare ad
Sydera frontem.

5 Saepe sublata Dominum precatus
Voce clamavi; supera vocantem
Arce respexit, facilesque votis
Praebuit aures.

6 Inde securus jacui malorum,
Dormiens altum: rediit repente
Pectori virtus revocata, flante
Numinis aura.

7 Hinc timor nobis procul omnis esto,
Millia intentis mihi multa quamvis
Ingruant telis, subitam minentur
Omnia mortem.

Surge, ne cessa, Deus; huc salutis
O meae vindex ades, inter hostes
Meque deprensam medios potenti
Numine serva.

8 Non semel per Te cecidere caesi
Quotquot insontem petiere bello,
Concidit fractus furor, & parati in
Vulnera dentes.

9 Spes Deo est omnis referenda vitae,
Et salus omnis. Tibi mancipatam
Tu beas unus, cumulasque multo
Munere gentem.

PSALMUS IV.

Cum invocarem &c.

1 *Suo exemplo caeteros monet, ut respiscant, vana
omittant, Christum agnoscant, ac bene vivant.*

2 **D**Eus, meae auctor unus innocentiae,
Me vix vocatus audiit.

Tu rebus animas addidisti in asperis
Virtute pectus roborans.

3 Nunquam negatam fer misertus nunc opem,
Voces & audi supplicis.

4 Quousque duro corde, gens mortalium,
Speciosa vos mendacia

Ludent, inanes atque rerum imagines?
Vitae Ducem sanctissimum (a)

Sequitamini,

5 Mirisque adauctum honoribus
Scitote, & aequatum Deo.

Me deprecator quando talis adjuvat,
Deus rogantem exaudier.

6 Vos odia, & irae exerceant innoxiae
Contra insolentes spiritus;

Et vestra solis abditi cubilibus
Errata fletu tergite,

7 Vitaeque castas innocentis hostias
Vero immolate Numini.

Spes.

(a) I. e. Christum.

- Spes nixa in illo tota sit. Quis, inquit,
 Quae vera sint vitae bona,
 8 Ostender? at lux alma nobis insidet
 Vultu profecta de Tuo,
 Aeternae Rector, quae perennis edocet
 Felicitatis semitam.
 Haec dum revolvo, quanta praesens excitas
 In corde nostro gaudia!
 9 Aliis referti fluctuant flaventibus
 Agri feraces messibus,
 Aliis redundant musta prelis fervida,
 Baccisque olivae exuberent;
 10 At ipse in aurem simul utranque dormiens
 Dulci quiete perfruar,
 Quod singulari jam appetentis auxili
 Me spe, Deus, suffulseris.
-

P S A L M U S V.

Verba mea &c.

- 1 Sanctae precationis formam exhibet, Dei odium
 in peccantes, eorumque punitionem.
 2 **V**oces, Alme Parens, excipe supplices,
 Aures altisonis questibus admove,
 3 Et praebe precibus te facilem meis,
 Rex noster simul, & Deus.
 4 Nam multa properem Te prece flectere,
 Tangatque haec animum cura prior meum;

At Tu, cum reducem sol referet diem;
Me placabilis audies.

5 Praesens ante oculos mane novo tuos,
Qui sis, perspiciam, quamque bonus Deus,
Quamque osor scelerum, cui nihil improbum,
Nullum cui placeat malum.

6 Ergo Te veritus stet procul impius;
Coram non faciem sustineant tuam,
7 Quotquot mens agitat conscia criminum,
Et jus flagitiis datum.

Tu voces solitos nectere subdolas
Perdes, atque suis fraudibus indues;
8 Tu caedis cupidum, & fallere callidum
Aversaris, & abjicis.

Multa in Te pietas: hujus ego memor
Augusta ingrediar sub penetralia;
Templis casta tuis vota feram, sacro
Pallens, ac trepidus metu.

9 At Tu justitia dirige me tua,
Neu forte insidiis opprimar hostium,
Praesenti dubium Numine praevius
Per rectas age semitas.

10 Illis nulla fides, nullaque veritas
Mendaci ore sonat, nil nisi vanitas,
Et fraus corde latet.

11 Teter ut infimo

Exhalat tumulo halitus,
Sic putres animae gutture foetido
Eruçant stygiis oblita fraudibus
Verba, & pestiferis immedicabile

Virus faucibus evomunt.

Sed Te turba nocens Judice corruat,
Dece-

Decepta & studiis decidat irritis;
Teque ausam indomita fronte laceßere

Pessum pro meritis preme.

- 11 Illi vera agitent gaudia, quos tui
Spes patrocinii non dubia erigit,
Aeternaque dies laetitia tuo

Pleni numine transigant.

- 12 Per Te quanta manet gloria, quos tui
Urget sollicitos gloria Nominis!

Nam puro sceleris plurima conferes

Larga munera dextera.

Inter bella tuus nos favor expedit,

Et quovis clypeo firmius hostium

Ictus excipiens, nostra perennibus

Cingit tempora laureis.

P S A L M U S VI.

Domine ne in furore tuo &c.

- 1 *Oratio peccatoris timentis Divinum Judicium,
& ad reconciliationem aspirantis.*

- 2 **S** Umme Pater, toto me castigare furore
Parce, & merentem perdere;
Neu posita pietate, tua in me saeviat ira,
Justasque poenas exigit.

- 3 Quin potius misero propera succurrere, nostrae
Misertus aegritudinis.

Affer opem: languent infirmæ in corpore vires,

Et ossa collidit tremor.

- 1 Anxia mordaces discerpunt pectora curae:
At quandiu trahes moras?
- 2 Aspice me; vitamque malis hanc eripe: per Te
Tuam rogo clementiam.
- 3 Si peream, quae Te maneat laus funere Nostro?
Quae, me perempto, gloria?
Quis post fata Tui memor est, quis tristibus umbris
Te confitetur occubans?
- 4 Heu quantum ingemui! quantum dedit ille laboris
Luctus, piamen criminum!
Nec satis hoc: semper lacrymis mea strata natabunt
Cunctis rigata noctibus.
- 5 Lumina tabescunt, jam caligantia fletu,
Amens dolore differor.
Innumeros inter dum vivo exercitus hostes,
Jam me senectus opprimit.
- 6 Ite procul, gens flagitiis pessundata: fletus
Deus loquaces audit;
- 7 Audit ille Deus non irrita verba precantis,
Votisque miris annuit.
Occuper ora pudor, rumpantur & ilia magno
Dolore victis hostibus;
Seque indignati vanum sumpsisse laborem,
Longe facessant ocyus.

P S A L M U S VII.

Domine Deus meus in Te &c.

- *Falsum de affectato regno crimen vel a Saule inimico, vel a Semei in rebellionem Absalonis sibi illatum refellit, & prophetice Personam induit Christi per calumniam circumventi.*

- **I**N Te nostra, Deus, residet spes omnis: ab omni
 Quo premor, incolumem fac, precor, hoste regas.
 3 Ne vitam hanc rapiat, qui nostra tingere fauces
 Caede cupit, visus ceu leo caede gregis.
 Non est, qui positum tanto in discrimine servet,
 Non est, optatam qui ferat, ul'us opem.
 4 Criminis accusor, quo si mens conscia pallet,
 Noxia si tali est labe notata manus,
 5 Aut male si meritis retuli mala, victus ab hoste,
 Illaudatus iners, ac sine honore cadam;
 6 Instet atrox, mortemque parat, vexetque, manumque
 Inferat, imposito me premat inde pede;
 Et mea condatur, quo corpus, gloria busto,
 Et tennes pariter decidat in cineres.
 7 At Tu surge, Deus, iustoque armare furore,
 Terreat hostiles & tua fama plagas.
 8 Surge, tuas serva leges; Te nanque iubente
 Tuta manet, quoties crimine vita caret.
 Si facias, populos cernes fervere frequentes
 Te circum, in laudes ora soluta tuas.
 9 Pro-

- 9 Propterea celsum rursus conscende Tribunal;
Debita nam populis reddere jura Dei est.
- 10 Te mea pro meritis pensetur Judice vita,
Sterque patrocínio tam bona causa tuo.
- 11 Nequitiae attingat metas gens improba: Justum,
Tu, qui sensa vides abdita corde, reges.
Jure igitur sperem, mihi praesens affore Numen,
Quò venit innocuis certa juvante salus.
- 12 Nempe Deus judex justus, fortisque; sed idem
Est patiens: Quovis saevit an ira die?
- 13 At nisi poeniteat scelerum, & commissa pietis,
Fulminea gladium jam rotat Illè manu;
Jamque suum abductis lunavit cornibus arcum,
Jamque micant certae tela parata neci.
- 14 Spicula mortifero livent armata veneno,
Et trifidi admisto fulminis igne rubent.
- 15 Ausa parat furiosa malus; dolor, iraque mente
Concipitur tumida, tum scelus illa parit.
- 16 Effodit coecum subter tellure barathrum,
Lapsus at in foveam decidit ipse suam.
- 17 Sic, quam mente aluit, rabies vertetur in ipsum,
Et cadet in nocuum culpa retorta caput.
- 18 Ast ego Divini laudabo Vindictis iras;
Inque meo Augustum carmine Nomen erit.

P S A L M U S VIII.

Domine Dominus noster &c.

1 *Laudat Dei potentiam, sapientiam, & in homines
benignitatem.*

2 **R**ex, Deus, nostrae Dominusque Vitae,
Quis tui non vim stupeat, decusque
Nominis, quaque sub utroque tellus
Panditur axe?

3 Aureos Caeli radiantis orbes.
Gloria excedit tua, nec potestas
Finibus sese paritur teneri, aut
Claudier ullis.

4 Ipse vel nondum genitricis infans
Lacte depulsus, Tibi vix soluto
Ore balbutit, Tibi prima laudum
Munera pangit;
Se tui ut victos fateantur hostes
Denique, & magnos cohibere discant
Spiritus, nec jam minitante Caelum
Fronte laceffant.

5 Nanque ego immensi revoluta mundi
Signa, Divinae monimenta dextrae,
Et jubar Lunae, & vaga Te movente,
Sydera mirer.

6 Quid sumus, tantus Deus ut salutem
Stirpis humanae memor usque cures?

Quid

Quid genus nostrum, propiore ut illud
Numine visas?

7 Caelitum genti prope par, honore
Praeditum fulget simili, aut secundo,
Et regit nutu, tua quidquid usquam
Dextra creavit.

8 Dante Te, nostras subiere leges
Gramini assuetæ tenero bidentes,
Et boves curvo dociles aratro
Verrere glebas,

Quorquot aut campis pecudes vagantur;

9 Aut natant motas volucres per auras,
Aut secant falsi spatiosa ponti
Aequora pisces.

10 Arbiter nostræ, Deus alme, vitæ,
Nominis virtus Tibi quanta, late
Qua patet tellus, & utrumque Phoebus
Circuit orbem!

P S A L M U S IX.

Confitebor Tibi Domine in toto corde meo,
narrabo omnia &c.

1 Gratias agit Deo pro relata ab ipso, & a toto
Israele victoria, Christique, & Ecclesiae trium-
phos prænunciat.

2 **D**Ebita, summe Pater, laudum Tibi mune-
ra solvam,
Te toto Te corde canam, mirandaque dextræ
Facta tuæ pandam; per Te mihi percita fervent

- 3 Laetitia, & dulci subsultant pectora motu,
 Teque, tuumque feram ventura in saecula Nomen.
 4 Tu nostros dare terga jubes, Tu disjicis hostes,
 Aspectuque tuo, ceu fulminis ignibus icti,
 Exanimisque ruent. Jam nullae in praelia vires,
 Nulla superfuert bellum instaurare potestas.
 5 Tu meus es vindex, mea stat, Te Judice, causa.
 Tu celsum insistens solium, justumque tribunal,
 Unde soles aequa mortalia pendere lance,
 Terribili in populos tonuisti voce nocentes,
 Quotquot erant, subita ceciderunt clade perempti.
 6 Nec fatis, infandum periit quoque nomen, & altis
 Delituit tenebris, aeterna & nocte sepultum.
 Nulla hosti sunt arma super; jam telaque, & enses
 Deficiunt, omne absumpta ac deleta per aevum.
 7 Tu scelerata manu vertisti moenia quassans
 Dejectaeque solo squalent sine civibus urbes.
 8 Ac modo qui tanto miscebant cuncta tumultu,
 Procubuerere solo, sub eadem mersa ruina
 Cum magno simul interiit quoque fama fragore;
 Solus enim immenso Deus immutabilis aevo
 9 Permaner. Ille suam quaerenda ad crimina sedem
 Constituit, terrasque reis hinc jura per omnes
 Reddet, & arbitrio populos moderabitur aequo.
 10 Praesidium hoc inopum est; inopes Deus ipse levabit
 Auxilio, ipse aderit, cum res, tempusque requireret,
 Ferre paratus opem, duosque avertere casus.
 11 Speret adhuc genus infelix, Te speret in uno,
 Te quisquis, nomenque tuum, Rex maxime, novit.
 In Te spes miseris nunquam interitura, nec ullum
 Deferis, integra quisquis Te mente requirat.

- 12 Dicite, jo, laudes populi, veroque Tonanti
 Psallite, qui summa sanctae sedet Arce Sionis,
 Illius & gentes celebrate arcana per omnes
 Consilia, & magnae molimina provida Mentis.
- 13 Scilicet advenit tempus, cum sanguinis ultor
 Innocui poenas crudeli a gente reposcat.
 Non ille oblitus lacrymas, gemitusque piorum,
 Non inopum immemori ceciderunt pectore clades.
- 14 Heu nostri miserere, Pater; nostrae aspice sortis
 Opprobria, atque hostes in nostra caede superbos,
- 15 Tu, qui me furvi subeuntem jam ostia Ditis
 Erigis, & meliora jubes sperare juvando;
 Sospes ut, & saevis ereptus faucibus Orci
 Te dicam, laudesque tuas qua plurima turba
 Convenit ad portas, augustaque recta Sionis.
- 16 Tunc ego laetitia exultans, partaque salute,
 Jure tibi grates solvam: gens impia clade
 Merfa sua est, jacuitque suis tumulata ruinis,
 Et quae nexuerat, capto pede vincula sensit.
- 17 Sic Deus exercens justum, ac memorabile terris
 Judicium, prodet sese, ultoremque probabit;
 Cum malus inter opus subita deprensus ab ira
 Concidet, & propria jugulatus ab arte peribit.
- 18 Infernas reperat sedes scelerata propago (a);
 Et quaecumque Deum gens est oblita minantem,
 Natalesque domos scelerum, sua regna, revisat.
- 19 Non aeterna prement inopes oblivia, nec si
 Multa indigna ferat pauper, sine fine jacebit,
 Nec spe ludetur frustra lactatus inani.
- 20 Surge age, surge Deus: Te contra pulvis, & umbra
 Ne stet homo, insanis neu fidat viribus audax;
 Pal-

(a) Hebr. Revertantur peccatores &c.

Palleat ante tuum raptus, trepidetque Tribunal
Anxius;

- 11 Ipse autem durum, qui caeptra refroenet
Impia, censorem, rigidumque impone magistrum,
Ad sese ut redeat, mortalem & sentiat esse.

P S A L M U S X.

Secundum Hebraeos, sed apud septuaginta Interpretes sequitur idem.

- 1 **Q**Uae Te tam longe, Deus o, quae causa morantem
Detinet? Afflictis cur non, Pater optime, rebus
Opportunus ades?
- 2 Fastu dum turget iniquus,
Divitiis, famaue potens, incenditur ira
Infelix pauper, coecisque implexus uterque
Consiliis, dubia turbatur imagine rerum.
- 3 Nempe nocens imo foveat improba pectore vota,
Laudaturque tamen, plausu excipiturque secundo,
- 4 Inque Deum furit insultans, atque asperat iras,
Et rabie insanus Numen quoque despicit ultro,
Flectere ne dum conetur, veniamque rogare.
- 5 Nullus, ut ipse putat, Deus est: Hinc pronus in omne
Proripitur scelus, & coeco ruit impete semper
In praeceps, quacumque via transversus agatur.
Judicii non cura tui subit ulla, nec unquam
Terrificum pavida respectat mente Tribunal.
Inde furor, cunctosque premens violentia, quotquot
Insenso putat esse sibi, nec moribus aequos.

B

6 Quip-

- 6 Quippe animo reputans: mea nullus commoda, dixit,
Turbabit casus, ridebit prospera semper
Sors mihi.
- 7 Tunc plenis effudit jurgia buccis,
Murmuraque & rixas, & amaro perlita felle
Dicta, vafrosque dolos, & doctas fallere voces,
Ingentem luctus segetem, durique laboris
Materiem, impura latuit quae condita lingua.
- 8 Interdum occultis, turba stipante potentum,
Subsidet in latebris, ad caedem & damna paratus
Sanguinis innocui.
- 9 Si quando pauper oberrans
Obvius occurrat, limis hunc aspicit; inde
Instruit insidias latebroso invisus in antro,
Ceu Leo speluncae vasto occultatus hiatu
Accubat, & rictu ignaros invadit aperto.
Pauperis exitio studet, & fallacibus escis
Pellicit incautum, suaeque actum in retia trudit.
- 10 Tunc laqueo implicitum aggreditur, vexatque jacen-
Insiliens, curvat sese, incumbitque, ruitque (tem
Ipse super, spoliis inopis, vitaque potitus.
- 11 Non Deus, inquit enim, videt haec, aut talia curat;
Quin faciem avertit, nec quicquam scire laborat,
Quicquid agant homines.
- 12 At tu summe Arbiter orbis,
Surge Deus vindex, dextramque attolle potentem,
Innocuae neu Te capiant obliviae gentis.
- 13 Cur tantum insanit? Cur Te fera turba laceffit?
Is tibi non labor est, non tu mortalia curas
Scilicet.
- 14 At claro nil non Tu in lumine cernis,
Nec Te damna latent inopum, indignosque labores
Aspi-

- Aspicias, & casus tecum meditaris acerbos,
 Ut fontes nempe arripias nil tale timentes,
 Injiciensque manus, poenas cum sanguine poscas.
 Tu Pater; est inopis Tibi cura relicta tuendi,
 Atque orbae sobolis studioque, operaque juvandae.
- ¹⁵ Audaces infringe manus, infringe nocentum
 Robora, quaeque alta attollens se mole superbit
 Impietas, disiecta solo quaeratur, & usquam
 Nulla sit, & nulla vestigia sede relinquat.
- ¹⁶ Regnabit victor Deus, imperioque fruatur
 Perpetuo, aeterna donec se lege resolvent.
 Saecula. Vos, gentes, clades inopina, profanae,
 Auferet ex toto, quacumque ille imperat, orbe.
- ¹⁷ Audiit e summo tandem miseratus Olympo
 Vota inopum, & tacito conceptas pectore voces
 Excepit facili Rex clementissimus aure;
- ¹⁸ Pauperis & causam afflictæ, ac sine honore jacentis
 Suscepit, tumidos humana superbia ponat
 Ut fastus, discatque sua perrepere terra.

PSALMUS X.

In Domino confido &c.

1 *Cum adhuc in Saulis Domo versaretur, monitus ut sibi fugiendo consuleret, ostendit suo exemplo iustis in Deo confidentibus malorum odia non esse pertimescenda, quorum punitionem praedicat.*

2 **I**N dextro residet spes mihi Numine :
Quae vox missa meis obstrepit auribus :
Diras linque plagas, & pete inhospita
Passer ceu timidus, juga?

3 Infesta insidiis cuncta valentibus
En arcum sinuat viribus improbus,
En promit pharetris spicula, quae bonos
Intorta e latebris petant.

4 Te, Rex summe, petunt; non Tibi, non tuis
Parcunt imperiis, cunctaque destruunt.
Nam quid commeruit, talia cur ferat
Recti cultor, & innocens?

5 At Caeli altisonans templa tenet Deus,
Et summo solium fixit in Aethere;
Illum facta hominum nulla latent, suae
Nec quenquam tenebrae tegunt.

6 Pacato hinc inopes lumine respicit,
Hinc vitas hominum, factaque ponderat
Intentisque oculis pectora discutit,
Et coecos animi sinus.

Non

- 1 Non justus rigidi, non fugit improbus
 Lances judicii: pro meritis datur
 Merces cuique suis. Quisquis amat scelus,
 Ipsum se odit, & enecat.
- 2 Eheu quanta manet poena nocentibus!
 Nexus, ignis edax, vivaque sulphura,
 Nimbique horrifono rurbine depiunt
 Effusi in caput impium.
- 3 Justus nempe Deus justitiam fover,
 Justosque ex animo diligit unice:
 Justum quod videat, leniter annuens
 Vultus indicio probat.

P S A L M U S . XI.

Salvum me fac Domine, quoniam defecit
 Sanctus &c.

- 1 *Fidendum Deo, non hominibus, quod solus ille
 fidelissimus sit.*

- 2 **F**Er, Deus, mihi salutem;
 Namque terris exulat
 Alma virtus, sanctitasque,
 Tum fides, tum veritas;
 Vera nemo jam profatur,
 Quisque amat mendacia,
- 3 Et dolosa verba nectit,
 Fallat unde credulos,
 Ore callidus bilingui

Cor fovere perfidum.

- 4 At Deus dolosa perdat
Labra quaeque & grandibus
Gloriosa quae inolefcit
Lingua turgens vocibus.
- 5 Magna noſtrae comparetur
Fama linguae, dictitant;
Noſtra nobis labia pugnant
Certa torquent ſpicula,
Stare quis contra, imperare
Quiſve nobis audeat?
- 6 Sed Deus tandem miſertus
Indigentum, & lacrymis
Pauperum permotus: Ecce
Nunc, ait, nunc excitōr,
Surgo nunc, malisque longis
Et periclis liberos,
Et ſalutis munere auctos
Sede tuta colloco.
Me timor nullus retardet
Cuncta agam ſed libere.
- 7 Sunt Dei verenda nullo.
Verba fuco perlita,
Puriora ſunt metallo,
Laminaque argentea,
Quam probavit ignis ardens
In cavis fornacibus,
Faecē & omni ſegregata (a).
Perpolivit ſepties.
- 8 Ergo Tu, Deus, ſalutem
Quam ſponendiſti, afferes;

No-

(a) S. Hier. vertit, ſeparatum a terra.

- Nosque contra vim malignae
 Plebis usque proteges.
 9 Impius partes in omnes
 Inquietus volvitur,
 Et libidini obsecundat
 Sistere usquam nesciae:
 At, Deus, (proh altitudo
 Consilii admirabilis!)
 Crescere hanc finis malorum
 Noxiam propaginem.

P S A L M U S XII.

Usquequo; Domine, oblivisceris me &c.

Afflicti, & in Deo fidentis Oratio.

- 9 **Q**uoniamque nostri Te tenent oblivia,
 Summae o Deus Clementiae?
 Quoniamque nostris non movenda fletibus
 Avertis alio lumina?
 2 En ullus est futurus his curis modus,
 Ullus dolori terminus?
 3 Quem, quaeso, se jactabit ad finem insolens
 Hostis superbi audacia?
 4 Deus, querelas excipe, ah precor, meas,
 Et me regantem respice.
 5 Tu lumen inde, ne tenebris obrutum
 Mors occupet lethalibus;
 Neu dicat hostis: viribus tandem meis
 6 Afflictus ad terram jacet.

6 Qui

- 6 Qui dimicant in me, loco si cessero,
 Superba tollent cornua.
 Sed spes salutis una, qua suffulcior,
 Tua stat in Clementia.
- 7 Tum sospes animo gestiam, & grates Deo
 Parta salute concinam.
 Dicam datori tot bonorum carmina,
 Ejusque nomen efferam.
-

PSALMUS XIII.

Dixit insipiens in corde suo &c.

- *Deplorat humanæ naturæ vitia, ad quæ sananda
 optat Redemptoris adventum.*

FUrore vecors, atque libidine
 Stultus recessu mentis in intimo
 Est dicere ausus: Qui putatur,
 Non Deus est, sed inane nomen.

Corrupta culpis gens hominum suis
 Abominandis sordet in artibus:

Qui recta sectari laboret,
 Vix aliquem reperire possis.

- Caeli e suprema parte Deus plagas
 Prospexit imas, provideat bona
 Num vera quisquam, num bonorum
 Quisquam ayeat reperire Fontem.

- Recta sed omnes abripuit via
 Insanus error; nullius utilis

Est

- Est vita, nulli cara virtus,
Prorsus amat benefacta nullus.
Qualis sepulchro pestifer halitus
Erumpit auras inficiens graves,
Sic faucibus teter scelestis
Prodit odor, vitiatque Caelum.
Mendax, & astu fallere callida
Semper latentes lingua struit dolos,
Scatetque labris, quale serpens
Vipereo vomit ore, tabum,
Convicia eructantur, amarius
Et felle virus: Quo vocat impia
Sitis cruoris, concitatos
Caedis amans rapit ira gressus.
Nil damna praeter, nil, nisi vastitas
Menti recurvat, nullaue foedera,
Pax nulla cordi, nec minantis
Dira Dei timor ausa froenat.
Nunquamne discet justitiam, scelus
Per omne quisquis volvitur, & bonos
Sic dente consumit voraci
Triticeae quasi crusta frugis?
Non ille suevit rebus in asperis
Vocare Numen: Propterea timet,
Vel nulla cum subsint pericla,
Nilque sibi putat esse tutum.
Justis amicus semper adest Deus:
At vos egentum consilia, improbi
Risistis, unum quod putarint
Auxilio satis esse Numen.
Erit ne, felix fulgeat ut dies,
Qua cretus alma prodeat e Sion

Dux

Dux Israelis, perditique
 Una salus populi futurus?
 Cum vincla genti depulerit suae
 Assertor ingens, gaudia mulceant
 Quanta Israelem, mox & omnes
 Isacii generis Nepotes!

PSALMUS XIV.

Domine quis habitabit &c.

Qua via ad aeternam vitam perveniatur.

- Q Uis tuas felix, Deus Alme, sedes
 Incolet, summi penetrabile Caeli?
 Quis Tibi Sacri requiescet alto
 Vertice Montis?
- Integer vitae, scelerisque purus,
 Omne qui pejus fugit angue crimen,
 Quemque virtutis via recta nunquam
 Fallit euntem;
- Corde qui simplex sibi cuncta semper
 Vera proponit, neque verba fictas
 Nectit in fraudes, docuitque nunquam
 Fallere linguam.
- Ipse nec cuiquam nocuit, noceri
 Nec fuit passus; neque, si quis ore
 Alterum mordax peteret dicaci,
 Praebuit aurem.
- Invidum sprevit, numeroque nullo

Du-

Duxit; at Summi veneranda Regis
Jura servantem potiore dignum;

Censet honore;

- 5 Qui Sacramentum neque dixit unquam
Perfidum, nummos neque foeneravit,
Nec dato pactus fuit innocentem
Munere vitam.

Quisquis haec praestat, super astra tuta
Sede consistet, nec iniqua fortis
Jura, nec tarde venientis aevi
Damna timebit.

P S A L M U S XV.

Conserva me Domine &c.

- 1 *A Saule exagitatus, ac profugus Christi Personam induit, quem de suo ad vitam reditu loquentem inducit.*

- 2 **S**pes omnes solitum me Tibi credere
Serva, summe Pater: Tu Deus es mihi,
Dixi, Tu Dominus; Tu locuples satis
Omni ex parte, meis nullus eges bonis.
3 Ergo, quod potui, verti animum pios
Ad terrae indigenas (a), quam Deus obtinet;
Aspirat studiis Ipse etiam meis,
Nec non mirificis exacuit modis.
4 Illi multiplici ceu lue languidi,

Quae

(a) I. e. Electos.

- Quae suffusa animis alte inoleverat,
 Reptavere solo; munere sed meo
 Morbis expliciti, mox iter arduum
 Festinant rapidis carpere passibus.
 Formati studiis jam melioribus
 En mores veteres, & vitia exuunt.
 Coetus sacrilegos, sacra nefaria
 Multa caede boum, ac sanguine perlita
 Non ultra patiar; Monstra Deum execror,
 Infanda, & pudor est nomina proloqui.
 5 Unus pingue Deus mi patrimonium.
 Unusque est opibus charior omnibus,
 Et mensa, & cyathis dulcior omnibus.
 Tu mi legitimo nomine debitas
 Servas divitias, tempore quas suo
 Fidus restitues;
 6 Te, Deus, Arbitro;
 Ductis divideret cum bona funibus
 Mensor, pars mihi lectissima contigit,
 Et nunc sorte fruor ditior optima,
 Cum pro divitiis est Deus omnibus.
 7 Illum laude feram, munere qui suo
 Hanc mentem tribuit. Cum tenebris Polum
 Nox atra obrueret, fervidus exciit
 Me somni impatiens ardor, & optima
 Ad quaeque erudiit, curaque pervigil.
 Vellens auriculas, admonuit Dei.
 8 Praesens ante oculos semper adest Deus,
 Usque haeret lateri individuus comes,
 Ne quid vel trepipem, vel movear loco.
 9 Exultans animus gestit amabili
 Sensu laetitiae, linguaque gaudia

Lac-

Laeto vociferans ingeminat sono.

Quin cum mors gelido frigore solveris

Seductum exanimi corpore spiritum,

Me spes in medio funere fulciet,

Et somno similis membra premet quies.

10 Umbris non etenim tristibus obrutum

Semper destitues, sanctaque non fines

Dissolvi in tenuem corpora pulverem.

Qua vitam reperam, Te irremeabiles

Novi, dante, vias; Tu mihi perpeti

Perfusa afficies pectora gaudio,

Vultu conspicuo cum potiar tuo;

Et quae deliciis plena perennibus

Nullo fine scatet dextera, me quoque

Aeterno faciet munera divitem.

P S A L M U S XVI.

Exaudi Domine justitiam meam &c.

*Ab inimicis divexatus Dei opem implorat, suam
innocentiam, eorum malitiam exponit.*

1 **S**I bene quid merui, Deus, accipe justa rogantis
Vota, measque jube pondus habere preces,

2 Stat vultu mea causa tuo; Te pendet ab uno
Judicium: quid fas exigat, ipse vide.

3 Tu cordis latebras nosti; cum noctis opacae
Occulerer tenebris, Tu mihi testis eras.

Me quoque torsisti explorans, velut igne metallum,

In me nulla tamen culpa reperta fuit.

- 4 Namque hominum mores, scelerum & contagia vito,
Et pudet illorum turpia facta loqui.
Dicta labris prolata tuis, tua nota voluntas
Difficiles recti suavit inire vias.
- 5 Tu lubricos firma gressus, Tu dirige euntem,
Ne via nutantes fallat iniqua pedes.
- 6 Saepius auditus rursus voco: flecte benignam
Huc aurem, & voris nunc quoque mitis ades.
- 7 Admiranda mihi sese Clementia pandat,
Qua Tibi confisos clade levare soles.
- 8 Tecum res agitur, Tibi gens furiosa resistit,
Et tua quem texit dextera, vexat adhuc.
Tu curam nostri tantam gere, quanta tuendi
Est oculi, seu quid charius est oculo.
- 9 Me rege, ceu pullos alis complexa volucris,
Ne videant, hostes quos vetus ira facit.
- 10 Undique circumstant, triplici praecordia ferro
Vineta rigent, jactant ora superba minas.
- 11 Me prius expulerant, facto nunc agmine eungunt,
Nec pietas illos, religioque movet.
Obfirmati animo non me, Caelumve, Deumve
Respiciunt, fixi lumina torva solo.
- 12 Vexarunt avida me exceptum fame, paratus
Ut praedae, laniat corpora rapta Leo,
Aut qualis catulus latitans sub rupe leaenae
Gestit inassuetam pascere caede famem.
- 13 Surge, Pater, propera, tergo quique imminet, hostem
Anteveni, & pulchra decipe fraude dolos.
Hanc manibus vitam infestis, omnemque nocendi
Eripe vim; telis utitur ille tuis.
Te sine quid valeat? tua fac deponat ut arma,
Quaeque tuam contra nititur hasta manum.

- 14 Exigua fontes secerne a plebe piorum
 Nunc quoque, dum vitae tempora fluxa trahunt.
 Per Te luxuriant; implet quae copia ventrem,
 Illa fuere tuo condita dona penu.
 Hos soboles numerosa beat, cui tradere possint,
 Quod superest, fuerit cum satura ingluvies.
 15 At mihi sola placet iusta, & sine crimine vita,
 Sic oculis optem posse placere tuis.
 Mox Tua cum dulces recludet Gloria fontes,
 Tunc satur, atque Tuo munere plenus ero.
-

P S A L M U S XVII.

Diligam Te Domine &c.

- * *Gratias agit Deo ab omnibus inimicis ereptus, & praesertim a Saule, vel Absalone.*

- 1 **P**Lus anima, Deus Alme, mea Te semper amabo
 Praesidium, columenque meum, meaque unica
 3 Inque omni tutela, salus, & vita periclo (virtus,
 Namque erit auxilio semper Deus: Ille mihi spes,
 Ille meae vindex, assertor & ille salutis,
 Semper & in rebus fidus defensor iniquis.
 4 Ergo Illi solvam laudes, illoque vocato
 Salvus, & integris evadam viribus hostes.
 5 Olim attri fulsere dies, cum mille pericla
 Undique cinxerunt, desperataque salute
 Mortis in extremos me coniecere dolores;
 Ac veluti lapsus montano vertice torrens,
 Agmi-

- Agmine sic valido irrumpens scelerata propago
 Me conturbavit trepidum, ac rationis egentem.
- 6 Qualia damnatos manes, umbrasque nocentes.
 Exercent tormenta Erebi sub nocte profunda,
 Talia me quoque torserunt; jamque atra tenebris
 Mors adoperta caput laqueis mea colla paratis
 Implicuit, tractumque imas trudebat ad umbras.
- 7 In mediis tunc ipse malis mea lumina Caelo
 Erexi supplex, Dominumque in vota vocavi:
 Protinus e supera vocem Deus audit Arce,
 Clamor & intentas sonuit delatus ad aures.
- 8 Nec mora, contremuit tellus, emotaque ab inio
 Cardine subsiluit, concussa cacumina montes
 Motarunt, imis radicibus exturbati,
 Tetraque Divini patuerunt signa furoris.
- 9 Apparet facies irati Numinis: Olli
 Naribus erumpens sinuosa volumina prorsum
 Fumus agit, flammaeque ardenti ex ore micantes
 Profiliunt; jamque ardet humus carbonibus atris
 Obsita, quos summi succendit vindicis ira.
- 10 Ecce Deus, Deus ecce venit; jam pondere Caelum
 Omne gemit, jam sub pedibus curvatur Olympus,
 Queis nebulae sese advolvunt caligine densa.
- 11 Ipse super currum, nexis quem texuit alis
 Caelestum Chorus, & dat terga premenda sedenti,
 Conscendit, celeri emensus spatia alta volatu:
 Obsequium faciles venti, pennasque volucres
 Submittunt; rapidis volat ille citatior euris,
- 12 Spissis velatus tenebris, & nocte profunda
 Abditus; obducti circum sese undique nimbi
 Agglomerant, picea & totum caligine condunt,
 Nubibus e gravidis medio pluvia aere pendens.

Prae-

- 7 Praetendit latebras, oculis objecta ruentum.
 8 At majestatis radiis percussa latentis,
 9 Scinditur extemplo nubes, ante ora Tonantis
 Praeteriens; grando salit horrida, & horrida stridet
 10 Carbonum vis ardentum, tum parte suprema
 Intonuit Caeli Deus, & clamore locurus
 Horrifico, totum sonitu tremefecit Olympum:
 Eu rursus crepitat grando, rursus emicat ignis;
 11 Ille manu vibrat arduos, sua tela, sagittas,
 Et petit audaces, momento & dissipat hostes,
 12 Fulguraque ingeminat, bacchanriaque agmina turbat.
 13 Protinus ostendunt arentes flumina fontes
 Jam vacua, exhaustoque mari procul infima terrae
 Fundamenta parent, sic territa voce potenti
 Fugit aqua; urget enim Divinae spiritus irae,
 14 Insequiturque furens trepidantem, atque omnia
 15 Tunc mihi de summo dextram miseratus Olympo
 Praebuit, & multis mersum prope sustulit undis,
 Jactatumque gravi tot tempestate malorum.
 16 Tunc ego Divina spes virtute revixi,
 Hostibus e validis, odioque ereptus iniquo
 Bellantum, & tanta me vi, atque ardore prementum,
 Ut nostrae possent nil contra obistere vires.
 17 Illi equidem, quamvis nullo a me crimine laesi,
 In nostras ultro conjuravere ruinas;
 18 Sed Deus innocuum praesenti Numine texit,
 Conclusumque locis in lucem eduxit apertam;
 Hoc Pietas, hoc fecit Amor: servavit in omni
 Incolumem casus, fuit Illi tanta salutis
 19 Cura meae.
- 20 Sic cuncta mihi bene facta rependet,
 C Si

- Si bene quid merear. Cum nullo crimine dextram
Polluerim, stabit virtuti gratia, quando
- ²² Sancta Dei praecepta sequi, Numenque verendum
²³ Institui factis nunquam violare nefandis;
²⁴ Semper enim Illius memori mihi pectore fixae
Sunt in conspectu leges, nullosque iubentis
Praeterii nutus, nec iura sacrata resolvi;
²⁵ Sic semper culpa vacuus, nullaue notandus
Labe, illi comes haerebo, scelus omne perosus.
²⁶ Ille vicem referens aequabit praemia factis,
Innocuasque manus, quales bene novit, amico
Munere complebit; nam Tu, Pater optime, talem
Te praebes, quales nos intellexeris esse.
²⁷ Si pius est quisquam, pius es; si sanctus, & ipse
Sanctus es, es simplex, si simplex esse laboret.
²⁸ At si quis fallax; si quis violentus, & asper
Forte sit, asper eris, violentus, fallere prudens.
²⁹ Quippe humiles animas peccato respicis ore
Auxilioque foves; oculos sublime tuentes
Deprimis, obtutumque solo defigere cogis.
³⁰ Si Tibi quid placeo; tua sunt haec munera: mentem
Tu face collustras, oculis Tu lampada praefers.
Lampada Tu praefers, Tu nostras pelle tenebras;
³¹ Te Duce, damna mihi vitare parata, tuoque
Numine praetentum valeam transcendere murum.
Justus nempe Deus nulla fuligine culpae
Inficitur, puraque nitent quaecumque profatur,
Verba Fide, ardenti veluti spectata camino
Aurea lamna. Sibi confisos Ille potenti
Auxilio regit, & valido tutamine firmat;
³² Ecquis enim, Dominum praeter, Deus Aethere
regnat?

Quis

Quis nostrum praeter Dominum, Deus Arce suprema
Intonat?

33 Ille mihi virtutem, animosque viriles
Addidit, & forti pectus mihi robore cinxit.
34 Sic tamen, ut nulli nocuus sine crimine vitam
Transigerem, ad facinus nunquam his male viri-
bus usus.

35 Ille pedes cursu celeres, praevertere cervos
Ille dedit, summosque fuga conscendere montes;
36 Ille meas ad bella manus velut arte magistra
Etudiit, validosque humeros, validosque lacertos
Aptavit, valido velut arcus aere rigentes.

37 Tu mihi Tu vitae custos, tutorque salutis,
Et tua, ne caderem, suffulsit dextra labantem.
Quin etiam mihi Tu censor, vitaeque magister
Formasti mores, formabis & usque docenda.

38 Te faciente viam, gressus proferre citatos
Semper, inoffensoque datum procedere cursu,
Taedia nec, longaeque viae sentire labores.

39 Magna hinc me cepit fiducia
Persequar hostes,
Tunc dixi, manibusque traham post terga revinctis,
Nec pugna abistam, donec superaverit unus.

40 Disijciam turmas, nec me consistere contra
Audebunt, pedibusque meis subiecta jacebunt
Corpora, tellurem rabido mordentia dente.

41 Nec spes vana fuit; Te dante in praelia vires,
Ante meos cecidere pedes tellure voluti,
Qui me sunt ausi scelerato invadere bello;

Teque premente, fugam cursu arripere citato,
42 Tergaque verterunt hostes; & quotquot iniquis
Certarunt odiis, foeda cecidere ruina.

- 43 Ad miseras venire preces, sed nulla salutis
 Spes fulsit; sero Dominum clamore vocarunt,
 Nec tamen admovit surdas clamantibus aures.
 Absumpti periere; ex illis si qua supersunt,
 44 Cuncta ego comminuam, tenues ceu pulvis in auras
 Spargitur, aestivo siccatum ut flamine coenum
 Per fora conteritur, sic nos delebimus hostes.
 45 Tu velut ante, omni me seditione furentis
 Eripies semper populi, extinctoque tumultu,
 Me facies iterum genti dare iura rebeli.
 46 Turpe nefas! nostras peregrinus, & advena leges
 Sponte subit, praecepta volens & nostra facessit;
 47 At soboles perversa fidem mutavit, & a me
 Deficiens populus levis, huc dilapsus, & illuc
 48 Defluxit, veluti per sylvas frigore primo
 Autumni arentes labuntur ab arbore frondes,
 Excessitque via, caeco per devia passu
 49 Ingrediens, nihil officium, aut fas omne morata.
 Vivit io, vivatque, precor, Deus: Illius alte
 Nomen fama ferat. Celebret Te fama, salutis
 50 Auctor summe meae, qui me haud permittis in-
 gultum,
 51 Quique meas populos sub leges ire coactos
 Comprimis, & coeca late bacchantibus ira
 Eripis incolumem, tutumque in sceptris reponis.
 52 Jamque adeo quisquis me injusto Marte lacessat,
 Vindice Te ruet; e mediis contra ipse periclis
 Clarior assurgam, manibus dilapsus iniquis;
 53 Teque canam, Nomenque tuum, Rex summe
 per omnes
 Voce feram gentes: Te Carmina nostra sonabunt,
 Te

Te lyra:

- 11 Vivat jo dicam, Deus ille, salutem
 Qui Regis, famamque sui munitque, fovetque
 Sedulus, & sacro perfusum tempora olivo
 Davidem miserans tegit, & genus omne futurum.

P S A L M U S XVIII.

Caeli enarrant gloriam Dei &c.

Divinae potentiae, ac legis laudatio.

- 1 **N**Uminis laudes operosa Caeli
 Concinit moles, validaeque dextrae
 Facta diversa radiata luce
 Sydera narrant.
- 2 Cum dies Caeli statione cedit,
 In diem laudes regerit sequentem,
 Noxque Divinam revoluta nocti
 Indicat artem.
- 3 Nulla non audit Regio, nec ullus
 Nescit has voces populus, sub axe
 Quisquis ignoto reboante frangit
 Guttura verba.
- 4 Obstrepit clarae sonitus loquelae,
 Quam patet late spatiosa tellus;
 Ultimas orbis penitus repositi
 Implet: & oras.
- 5 Cum vides Caelo rutilare solem,
 Dixeris Regis solium supremi;

Ore sic fulget, thalamo renidens
Sponsus ut exit.

Pulcher extremis Orientis oris

Prodit exultans; via devoratur

Longa currenti, veluti ter ampla
Mole Giganti.

7 Orbis emensus spatia alta, feras

Vergit ad metas, radiosque circum

Spargit ardentes; fugit ora tantos

Nulla calores.

8 Magnus ut mundi est Opifex! sed idem

Conditor legis minima carentis

Labe, quae foedis vitata culpis

Pectora purgat.

Verba Divinis perarata chartis

Sunt fide nunquam caritura: discunt

Parvuli hinc recte sapere, & virilem

Sumere mentem.

9 Norma sunt recti sacra jura: Quisquis

Illa custodit, fruitur serenae

Gaudio mentis, facit & beatum

Conscia virtus.

Quae Deus jussit sapiens, decora

Luce virtutis rutilant, facemque

Praeferunt menti per iniqua coecae

Tempora Vitae.

10 Qui timet tantum violare Numen,

Sanctus hic vero timor est; fugaque

Temporum nulla minuendus; omne

Gliscit in aevum.

Vera, momentisque suis librata,

Quae Deus sanxit, liquet esse. Recti

Vis

Vis inest ipsis, proprioque sese

Jure tuentur.

11 Nulla vis auri, aut pretiosus illis
Conferat sese lapis; his sapore
Mella concedant, liquidoque plenae
Nectare Cellae.

12 Servus idcirco tuus illa curis
Servat intentis; nèque parva facti
Me manet merces, meritisque largus
Plura rependes.

13 Sed quis erratis bene pervidendis
Sit satis prudens? scelerum latentes
Terge Tu sordes, scelerumque pravy
Pelle ministros.

14 Me nisi abreptum dominata vincat
Turba peccantium, sine labe ducam
Innocens aevum, graviore quovis
Crimine mundus.

15 Tunc tibi nostro placitura ab ore
Verba prodibunt, mihi semper alto
Pectore haerebis, meaque omnis in Te
Cura feretur.

Nam tuum est, si quid valeo, Tibique
Debitum: In rebus mihi Tu secundis
Mitis aspiras, & iniqua longe
Fata repellis.

P S A L M U S XIX.

Exaudiat Te Dominus &c.

1 *Vota pro Victoria, quam David ad bellum proficiscens, sibi auguratur, & Christo venturo praeannunciat.*

2 **S**ic Te maximus audiat
Terrarum Dominus, quando aderit dies
Duris foeta laboribus;

Te magni auspicio Nominis erigat
Jacobi ille patris Deus,
3 Sanctisque auxilium de penetralibus,
Et sancta ferat e Sion:

Prodi, atque intrepidus prospera confere,
Dux fortissime, praelia:

4 Sic quaecunque Deo lecta piacula
Supplex obtuleris, lites,

Quae nunquam ex animo deleat immemor;
Et quamcunque adoleveris,

Fumet grata focis pinguibus hostia;
5 *Votis annuat, & tuis*

Ascriptor faveat consiliis Deus:

6 Nos testabimur intima

Laetis, Te incolumi, gaudia vocibus,
Divino auspice Nomine,

Tangentes alacri sydera vertice.

Implebit Deus omnia,

Quae Tu cunque tuo jure poposceris.

Certis indiciis scio,
 Regem Rex hominum vivere vult suum;
 Et quodcunque precabitur,
 De sanctis Superum sedibus audiet,
 Promptamque auxilio dabit.
 Adnixus valido robore dexteram.

- 9 Quadrigis alij citis
 Fidant, aut celeri cornipedum fuga;
 Spes nos erigit unica,
 Appellare Dei Nomen amabile.
- 9 Illi, ceu laqueis pedes
 Innexi, interea conciderunt solo;
 At nos depositi gravi
 Casu, rursus humo sustulimus caput.
- 10 Ergo, summe Parens, age,
 Regemque incolumem cladibus exime,
 Et nos excipe supplices,
 Qua Te cunque die in vota vocabimus.

P S A L M U S XX.

Domine in virtute tua &c.

- *Deo gratias agit, quod Christum protexerit, & gloria illustraverit.*

- **V**irtute rectus, sancte Pater, tua
 Rex plena fundet pectore gaudia,
 Partaque gaudebit salute,
 Te dubios prohibente casus.
 Quodcunque puto pectore foverat,
 Voto est potitus, supplice quod semel

- Est deprecatus voce, nunquam
Indecorem retulit repulsam.
- 4 Quin cogitatas praeveniens preces,
Tua obtulisti dulcia munera,
Frontemque cinxisti corona
Eximijs radiante gemmis.
- 5 Dura Ille mortis jam prope limina
Vitae rogavit tempora: supplici
Tu plura largitus, dedisti
Saecula non habitura metas.
- 6 Quanta at salutem gloria redditam
Mox consequetur! Quod decus inclyti
Victoris! O quantus paratur
Egregio Capiti triumphus!
- 7 Quot Ille laudum materies! sonant
Ut cuncta dignis saecula laudibus!
Ut gaudet aspectu, potitus
Luce tui propiore vultus!
- 8 Sperat futurum Numine sic tuo
Nec fallet ipsum spes sua: Te piam
Praebente dextram, possidebit
Regna vices subitura nullas.
- 9 Quaerat latebras hostis: In intimis
Tua hunc latebris inveniat manus;
Late triumphatrix rebelles
Comminuet Tua dextra frontes.
- 10 Clausis ut ardens ignibus aestuat
Horrenda fornax, sic rabie impij
Caeca aestuabunt, cum videndum
Te rigido dabis ore Iudex.
Tuus paventes disijciet furor,
Terramque ad imam praecipites ager;

Et

Et mox sepultos devorabit

Ignis atrox, avidaeque flammae.

11 Terra relictum germen ab infimis

Nefarium radicibus erues,

Et semen extirpabis omne,

Ne similes generet nepotes.

12 In te pararunt sacrilegi mala

Vertenda posthac in caput impium;

Quae mente versabant procaci,

Efficere haud potuere coepit.

13 Tu versa retro terga fugae dare (a)

Coges adurgens, tum fugientibus

Adversus occurre, adactis

Quae reliquae fuerant, sagittis.

14 Rex magne Divum, surge potentia

Armatus omni: nos Tibi carmina,

Tuasque virtutes canemus;

Saepe modos variante plectro.

PSALMUS XXI.

Deus Deus meus respice in me &c.

... *Christum patientem, & Cruci suffixum inducit loquentem.*

2 **M**E, Deus, ah noster Deus, aspice: linquere solum
Sic potes, in mediis exanimemque malis?
Heu video: spes affulget mihi nulla salutis;
Tot mea me peragunt improba facta reum.

(a) Tlrsn. alii aliter leg., & expls.

- 1 Te toto inclamare diē, Te nocte vocare
Nil prodest; surda respuit aure preces.
Ne tamen infans videar, qui talia poscam:
Est aliquid tanto fidere posse Deo.
- 4 Sanctus es, & Sanctus locus est, ubicunque moraris,
O laus, o populi gloria summa tui!
- 5 In dura fuerunt Tibi fidere sorte parentes;
Defuit in dura nec tua sorte manus;
- 6 Ad te clamarunt, subitam invenere salutem,
Sperarunt facilem, spes neque cassa fuit.
- 7 Me gracili dices reptantem corpore vermem,
Sic hominis species est mihi nulla super.
Terrigenum videor probrum, atque infamia saeculi
Meque facit ludum plebs malefana suum.
- 8 Qui me cunque vident, laxant foeda ora cachinnis,
Me voce, & moto despiciunt capite:
- 9 Ille Deo fudit: Deus illum servet in ipso
Funere, sollicitat quando ea cura Deum.
- 10 Per Te ego, sum dias eductus lucis in oras,
Tu spes materno ex ubere sola mihi es.
- 11 In Te projectus cecidi genitricis ab alvo,
Reptaviq̃ tuo parvulus inde sinu.
Tu mihi, Tu Deus es vel primo cultus ab ortu;
Ne discede: Deus Tu mihi semper eris.
- 12 Jamque suprema instat summi discriminis hora;
Nullus adest, misero qui ferat aequus opem.
- 13 Turmatim indomiti latus obsedere juvenci,
Et validi incurfant fronte minante boves.
- 14 Utque furens leo rugitu nemora avia complet,
Sic in me rabido murmure dira fremunt.
- 15 Desluit effusum pariter cum sanguine robur,
Fracta velut fluidas urna refundit aquas.

- Genua labant, fractis vix haerent ossibus ossa,
 Deficit & totus qui fuit ante, vigor.
 Tristitia, curisque cor intabescit amaris,
 Ceu fuit accensis cera liquata focis:
 16 Jamque mea exhaustis virtus sine viribus aret,
 Aret ut exhausto testa liquore vacans.
 Labra immota silent, & adhaeret lingua palato;
 Mortis funereos jam prope sum cineres.
 17 Effugij via nulla patet; me dente maligno
 Mille petunt, morsu dilaniantque canes.
 In me concilio conspiravere coacto
 Invida gens, tantis nec satiata malis.
 18 Inde meas ferro fodere manusque, pedesque;
 Ossaque per siccam sunt numerata cutem;
 19 Nudus eram, nudum lustrarunt lumine corpus,
 Omnia nec vetuit membra notare pudor,
 Vestimenta sibi partiti nostra sciderunt,
 Et tunicam ductis fortibus urna dedit.
 20 At Tu speratam ne ferre morare salutem,
 Pronaque in auxilium lumina flecte meum.
 21 Hanc gladiis animam, Deus, eripe, & unica quando
 Restat adhuc, rabidi hanc eripe ab ore canis;
 22 Sanguinea irati me servae fauce leonis,
 Frontibus & miserum subtrahe cornigeris.
 23 Tunc ego rite feram ad nostros tua Nomina fratres,
 Atque tua in populo facta frequente canam.
 24 Vos, queis cura Deus, dicam, laudate merentem,
 Totaque Jacobo gens sata, plaude Deo;
 25 Hunc colat Isacio stirps omnis sanguine creta;
 Non etenim sprevit pauperis Ipse preces.
 Ora nec obliquans, averfatusque vocantem,
 Prona clamores ebibit aure meos.

- 36 Te coram in magno laudes Tibi, Maxime, coetu,
 Et reddam sancto vota vidente choro.
 37 Accumbet sacris dapibus, mensisque paratis.
 Grex inopum; expleta surget & inde fame.
 Mox epulis functus, Numen laudabit amicū;
 Aeternosque dies tam bene pastus ager.
 38 Inde Deum recolent auctorem ab origine primā,
 Quotquot ubique tenent Solis utrunque latus.
 Illius & sanctas gens advolveretur ad aras
 Omnis, & ex omni prodita stirpe domus;
 39 Nempe Deus cunctas unus dominatur in orās,
 Unus & imperij publica froena regit.
 40 Nec dites rerum dapibus prohibentur opimis;
 Communi ipsi etiam subijcientur Hero.
 Quotquot vitales hauserunt luminis auras
 Ante Illum flexo procubuere genu.
 41 Haec mea, quaecunque est, vita Illi serviet unī,
 Atque uni semen serviet omne meum.
 42 Illius ad seros manabit fama nepotes,
 Hi quoque postgenitis gaudia facta canent (a).
 Grandia facta canent populo miranda futuro,
 Quem Dominus proprium condidit ipse sibi.

PSAL-

(a) In Hebr., & Graec. non habetur vox *Caris*, quae est in Vulgat.

P S A L M U S XXII.

Dominus regit me &c.

*Eximia Dei benevolentia erga electum
suorum gregem.*

- **E**st mihi Pastor Deus: ulla rerum
Copia haud desit, per opima ducto
Pascua, herbosis ubi laeta campis
Gramina vernant.
- Qua fluit leni placidus susurro
Rivus, ardentem recreat per aestum;
Siquid errarim, monet evagantes
Vertere gressus.
- Me vias idem docet ire rectas
Se ducem praebens, comitemque; Nomen
Dulce Pastoris, pietasque tantum
Pectora mulcet.
- Si qua me vis forte adigat, nigranti
Regna inhorrescunt ubi Mortis umbra,
Nulla me instantum, duce Te, malorum
Turbet imago.
- Sive per calles dubios virente
Me trahas virga, baculo morantem
Sive castiges, mihi blanda mulcet
Corda voluptas.
- Ingruunt hostes, miserumque vexant,
Nec mora est unquam, requiesve: fractis
Viri-

Viribus fesso mihi mensam opimis
Instruis cœcis.

Neu voluptati quotacunque desit
Pars, linis nardo syrio capillos;
Et mihi o quali pretiosa præbes
Pocula vino!

Quo pedes vertam, Tuam me sequetur
Pone, nec solum Pietas relinquet,
Luce dum vescar, reget & calentes
Spiritus artus;

Donec optatas habitare sedes
Detur, æterni penetrale Regis,
Quandiu alternum revoluta current
Sæcula in Orbem.

PSALMUS XXIII.

Domini est Terra &c.

*Indicans, qui fuit in Caelum ascensuri,
Christi ascensum prænuntiat.*

Potente terras imperio tenet
Rerumque quidquid terra parit, Deus,
Et totus ambit quidquid orbis,
Quidquid & hic habitat virorum.
Hunc vastas supra Terhyos æquora
Struxit, marinis undique fluctibus
Circumfluum, insultare iustum
Fluminibus, vitreoque dorso.

Quis

- 3 Quis illa, tantus quae Deus incolit,
Montis beati scandere culmina,
Aedesque, detecta serenat
Quas facie, poterit subire?
- 4 Qui labe puras abstinuit manus,
Pectusque, cui non vita abit irrita;
Juratus & nunquam fefellit
Fraude fidem semel obligaram.
- 5 Dei hic faventis Numine dextero
Uterur, olli se facilem dabit,
Piumque, speratanque rebus
Sponte feret miseris salutem.
- 6 Haec illa felix est soboles, Deum
Cura perenni quaerere gestiens,
Vultus & exoptans decoros
Numinis Isacii tueri.
- 7 Gemmata jam nunc ostia, Principes;
Et sempiternos pandite cardines:
Rex gloria summus beatum
En properat penetrare Limen.
- 8 Quis iste Rex, quae gloria? Nobilis
Virtute Princeps, atque potentia,
Bello subacti quem tyranni
Depositis venerantur armis.
- 9 Gemmata jam nunc ostia, Principes,
Et sempiternos pandite cardines:
Rex gloria summus beatum
En properat penetrare Limen.
- 10 Quae gloria, aut Rex? Armipotens Deus,
Ad bella prompti quo duce militant
Exercitus, hic est, opimo
Gloria quem revehit triumpho.

PSALMUS XXIV.

Ad Te Domine levavi animam meam &c.

1 Ad Deum conversus, petit peccatorum veniam, ad bene vivendum, & hostibus resistendum auxilium.

2 **A**D Te, Sator Divorum, & orbis Arbiter,
Meum levavi spiritum:

Custos, mearum praeses ac rerum, Tibi
Spes universas credidi.

Pudore ne suffundar indigno genas,

3 Hostes nec illudent mei;

Nam quotquot in Te collocant fiduciam,
Non faller hos spes irrita:

4 Quin potius illos dignus occupet pudor,
Qui facta iniqua perpetrant

Nil profutura. Tu modo, quas persequar.
Vias, rogatus indica,

Tuasque monstra semitas; ne devium
Incautus error auferat,

5 Tua ambulanti veritate dirige,

Tu, nequa peccem, me doce.

Mea Tu salus es: Te, levamen asperis
In rebus, omni tempore

Mihi adfuturum credidi.

6 Pietas Tua,

Benignitasque pristina,

Qua nos amasti ab ultima usque origine
Mentem Tibi remordeat;

- 7 Mihi nec Te iniquum nostra reddent crimina,
 Quibus iuventa inforduit,
 Errorque, pravae ac mentis imprudentia,
 Quae me fefellit inscium.
 Quin sempiterna cuncta, quae peccavimus,
 Obliterent oblivia.
 Tuam rogatus quaeso per clementiam,
 Et Sanctitatem per tuam,
 Mei memento supplicis.
- 8 Proh quam bonus;
 Quam dulcis est noster Deus!
 Peccantibus placatus, ultro devios
 Rectam reducet in viam;
 Suisque monitis non reluctantes bona
 Ad instituta diriget,
- 9 Mitesque mentes, corda flexi cerea
 Suas docebit semitas.
- 10 Hoc est, quod usque spectat ac studet Deus,
 Pietas, Fidesque plurima.
 Legi suae studentibus, sanctissima
 Colentibusque foedera
 Mundi Imperator multa promittit pius,
 Promissa verax efficit.
- 11 Per Nominis, Rex magne, gloriam Tui,
 Praebe meis placabilem
 Piaculis Te, quaeso, quamvis plurima
 Sint illa, quamvis maxima.
- 12 Quis est, Deum qui sedula colit fide,
 Quis ille, cui dedit Deus
 Certas agendi regulas, prout postulat
 Suscepta vivendi via?
- 13 O hic beatus! undequaque maximis
 Large bonis ditabitur;

- Et stirps ab illo creta multa fertilis
Soli obtinebit jugera.
- 14 Nam se verentium Deus firmissimum
Munimen est, tutelaque.
Testantur hoc percussa cum mortalibus
Satis superque foedera.
- 15 Hinc ipse semper ad Deum plenus spei
Suspensa tendo lumina;
Nanque ille nostros explicabit vinculis
Passim latentibus pedes.
- 16 Aeterne Rector, me, misertus aspice,
Solumque, & omnium indigum.
- 17 Quot corde fervent in meo aegritudines,
Quanti malorum turbines!
Me, quaeso, ab hisce vindica, & serva malis,
Tot eripe e periculis;
- 18 Meque imbecillum respice, & certaminis
Longo labore languidum.
Errore lapsus, si quid & deliquero,
Fer mitis, ac dimittito.
- 19 Magno intueri ut instet hostis agmine
Odiis iniquis percitus.
- 20 Vitam meam tuere, serva me, obsecro,
Tanto eripe e discrimine.
Neu sit pudori, non mihi detur probro
Opis tuae fiducia;
- 21 Nam plurimi, queis integra est, & nullius
Culpae sibi mens conscia,
Quod adfuturum Te mihi speraverim,
Comites dedere se mihi.
- 22 Ah libera, Deus, malis ab omnibus
Tuum Israellem, libera.

P S A L M U S XXV.

Judica me Domine, quoniam Ego &c.

*Apud Saulem accusatus, quasi Regnum appetere,
ac proinde apud Philistaeos exulare coactus,
Deum Judicem appellat.*

- **D**E me, supreme Cognitor, dijudica,
Appello Te, nec conscientia arguor;
• Quod innocentes egerim semper dies;
Deoque fretus capitis haud causa cadam,
Sed improborum diluam calumnias.
• Scrutare me, tormentaue admove, Deus,
Praecordiisque subde flammis intimis,
Et si quid in me labis haeret, excute.
• Proposita semper astat ante oculos meos
Tua summa Pietas, & mihi jucundius
Nil veritate, nil fuit potius tua.
• Nunquam profanis ipse mistus coetibus
Sedi, nec unquam cum scelestis ingredi
Delubra fictis Sacra Divis audeam.
• Odi profanum vulgus, in nefaria
Sedere turba nulla vis me adegerit.
Pios sed inter sancta celebrabo atria,
• Manus & undis abluam lustralibus,
Araeque circumbo, Rex superum, tuas;
• Tuas sonare ubique laudes audiam,
Chorisque mistus mira de Te concinam.

- 8 Tuae verendus me capit decor domus,
 Tuaeque sedes dedicata gloriae.
 9 Ne me, Deus, ne perde cum nocentibus;
 Meamque vitam cum architectis caedum;
 10 Illis mala referta fraude dextera
 Scater, dolofo plena quamvis munere.
 11 At Ipse labe vixi ab omni innoxius,
 Rectasque semper institi vitae vias.
 12 Cladi immerentem proin misertus eripe,
 Meamque mitis aspice innocentiam.
 Tuum inde sanctis Nomen in conventibus,
 Tuaque ad astra voce laudes efferam.
-

PSALMUS XXVI.

Dominus illuminatio mea &c.

*Cum adhuc a Saule vexatus exularet, se in Deo
 Confidere, & ad Caelestem potius, quam ad ter-
 restrem patriam aspirare ostendit.*

- **L**umen, & nostrae cynosura vitae
 Est Deus: quis me trepidare cogat?
 Quas ego instantes timeam procellas
 Vindice tanto?
 • Dum fera incurfat mihi gens, paratque
 Dente mandendam laniare carnem,
 Ecce defectis cecidit repente,
 Viribus experts.
 • Castra consistant inimica contra
 Nil ego armatas metuam phalanges:

Bella confurgant violenta, dextro
 Numine fidam.

- 4 Nempe votorum fuit una, eritque
 Summa nostrorum, Domini ut beatas
 Incolam sedes, mihi dum superstes
 Vita manebit;

Meque ibi verax recreet voluptas
 Ex Dei vultu radiante manans,
 Ejus & lustrem propiore sancta
 Lumine templa.

- 5 Ille, tempestas mihi dum malorum
 Turbida instaret, latebris paventem
 Abdidit tutis, penetralis intra
 Septa verendi;

- 6 Arce mox celsa, validisque muris
 Cinxit, & turmas dedit irruentes
 Frangere, ut laetos agerem, subacto
 Hoste, triumphos.

Hinc ego ante aras agitante cursans
 Gaudio, festas super astra voces
 Sustuli, hinc semper Domino faventi
 Carmina pangam.

- 7 Tuque clamores, Bone, Te vocantis
 Supplices audi; Miserare casus,
 Queis adhuc jactor, placidoque vota
 Excipe vultu.

- 8 Cor meum Tecum loquitur, per omnes
 Te mei partes oculi requirunt;
 Quicquid occurrat, Tua semper optem
 Aster imago.

- 9 Ergo ne averso tuearis ore
 Tam Tibi addictum; nec acerba servum;

Si quis incautum malus egit error,
Deferat ira.

Tu meis vindex ades in periclis,
Fida spes, fractis columenque rebus.
Neve me spernas, Deus, una nostrae
Ara salutis.

10 Me pater solum, genitrixque liquit,
Ceu parum firmo puerum sub aevo,
Ipse fovisti gremio receptum
Miris alumnum.

11 Fac modo rectas doceas inire
Semitas, gressusque regas labantes,
Devium ne me, procul & vagantem
Opprimat hostis.

12 Ne voluntati populi furentis
Dede maclandum: mihi falsa testes
Perfidi affingunt, sua sed scelestos
Lingua fefellit.

13 Nec malis vincor, neque vana ludit
Spes, fore, ut vita potiar beata
Ditibus terris, ubi nulla mortis
Jura timentur.

14 Spes cape ingentes, anime, & triumphos
A Deo expecta, neque cede damnis,
Ito sed contra impavidus, Deoque
Fide faventi.

PSALMUS XXVII.

Ad te, Domine, clamabo &c.

*Iustum hominem, ac Christum praesertim exprimit
ab impiis vexatum, quorum ruinam praedicat,
Deoque liberatori gratias agit.*

- **A**D Te clamores imo de pectore fusos
Attollam; surdo ne, mea Vita, canam;
Ne taceas, meque abjicias oblitus, ut illos,
Quos mors Lethaeis obruit atra vadis.
- Vota libens audis, supplex tua Numina posco,
Et tollo puras ad tua templa manus.
- Ne me, quae meritos urget fortuna nocentes;
Ne me, quae sequitur crimina, poena premat.
Pacem illi simulant, pacataque verba profantur;
At mala sub tacito condita corde fovent.
- At Tu mercedem, quam promerueri, repende,
Et vice fac pensas impia facta pari.
Exaequet sua poena nefas, & debita redde
Praemia, quaeque aliis damna dedere, ferant.
- Illis laeva fuit mens, nec deprendere novit
Mira tot Artificem, testificata suum.
Te sciet ultorem; trahet impia turba ruinam,
Nullaque restituer, quae cecidere, dies.
- Gratia Magna Tibi. Questus, & vota precantis
Audit: en laeto fulgurat ore Deus.
- Ille mihi custos, opiferque; mihi omnis in Illo
Spes stetit, auxilio venit & Ille mihi.

- Jamque mea antiquo revirescunt membra vigore,
 Et redit in venas vita recepta meas.
 Ergo Illi grates tanto pro munere solvam,
 Et laudes, animo verba movente, canam.
 Nempe sui virtus populi est Deus ipse, salutis
 Ipse auctor, Regem protegit ipse suum.
 Serva age, Sancte, tuos, fidam Tibi respice gentem,
 Et rege, & aeterna prosperitate bea.
-

PSALMUS XXVIII.

Afferte Domino Filii Dei &c.

Sive hic compositus sit, quando David perfecit Tabernaculum, & in eo Arcam collocavit, sive cum salutaris pluvia decidisset, hortatur populum ad Deum honorandum, cujus potentiam vocis describit, ac per varias allegorias Evangelicae praedicationis effecta designat.

- M**unera ferte Deo, Dei o certissima proles,
 Munera ferte Deo, lectas maectate bidentes,
 Ite Dei in laudes, aris imponite honorem,
 Carmine divinum super aethera tollite Nomen,
 Augustum sancta venerati Numen in Aede.
 Quantum voce valet! Quae totum audita per orbem
 Et glomerat nubes, & nubibus evocat imbres;
 Ipse autem media nimborum in nocte verendus
 Majestate tonat; magnam demittit aquarum
 Diluvium, qua rura natant, fossaeque redundant;

Cacru-

- Caerula tum pelagi turbat, fluctusque sonantes
 Miscet, & ex imo subvertit gurgite pontum.
 4 Quanta illi virtus Voci! Quam mira loquendo
 Efficit! In cunctis quae splendet gloria verbis!
 5 Vox Domini nixas annoso robore cedros:
 Frangit, & ingenti Libani sylvaeque ruina
 Dejicit, ac terrae nullo conamine sternit,
 Quamvis luctantes, quamvis contemnere ventos
 6 Jamdudum assuetas, & fragmina spargit in auras,
 Quam facile eductus Libani pubentibus herbis,
 Et nondum torvae depulsus lacte parentis
 Dividitur vitulus, cultrisque in frustra secatur,
 Sive tener pullus, truculentae gaudia matris,
 Cui non turget adhuc uno frons aspera cornu.
 7 Vox Domini trifidos explodit nubibus ignes,
 Et varias acuit flammæ, penetrabile fulmen;
 8 Vox Domini deserta quatit, rupesque revulsas
 Eruit, & Cades squalentia concutit arvas.
 Dumque percusso Caelum ciet omne fragore,
 9 Saepe laborantes utero, incassumque gementes
 Expedit ad partus cervas ^(a). Saepe, arbore multa
 De Caelo tacta, densos rarefcere saltus ^(b),
 Detectisque feras videas exire latebris
 Excitas, aliasque fuga sibi quaerere sedes.
 10 Hinc divina sonat percusso gloria templo,
 Argumentum ingens laudum, populosque per omnes,
 Cuncta per ora volat, quacumque haec machina
 rerum,

^(a) Templum immane, patet Divino Numine plenum.
 Re-

(a) S. Hier. obstruens cervis. Chald. parturire facit cervas.

(b) S. Hier. & Hebr. revelans saltus.

(c) Ita Bellar.

Regnum in aquas late Deus obtinet: imbribus Ille
 Cum libet, effusis sitientes irrigat agros,
 Unde hominum generi, pecudumque alimenta mi-
 nistrat.

Nec minus interea sedet, aeternumque sedebit
 Cuncta movens, Solio semperque immobilis alto.
 Inde suo tribuet populo insuperabile bello
 Robur, & egregios quovis ex hoste triumphos,
 Muneraque accumulans, positis longa otia bellis
 Annuet, & laetis pacatum vivere rebus.

PSALMUS XXIX.

Exaltabo te Domine &c.

• *Confirmato regno, arce Sionis extructa, domo regia magnificentissime aedificata, gravissimis malis, ac forte etiam pestilentia liberatus, Deo gratias agit, & Christi, atque Ecclesiae gloriam praedicat.*

• **T**E magne Caelo, Rex Superum, feram,
 Me quod jacentem sustuleris solo;

De me nec exoptata genti

Gaudia praeberis malignae.

• Ad Te supinas extruleram manus,

Vocemque, cura saucius anxias.

• Tu mite Numen, Tu parasti

Lene animo medicamen aegro.

• Quam pene Manes, regnaque tristitia,

Vidi silentum! Te Duce, pallida

Fluenta vivens enaravi,

A stygiis revocatus umbris.

Deo faventi dicite carmina,

Coetus piorum, dicite munera

Divinitus collata, sanctum

Ex merito celebrate Nomen.

Si motus ira fulmina corripit,

Nostra ultionem crimina provocans

Ignoscat ut, vitamque donet,

Ingenium, pietasque suadet.

Post atra noctis nubila turbidae

Surget sereno lumine Lucifer,

Umbrasque solvet luctuosas

Laetitiae nova lux oborta.

Cum flaret aura fors mihi dextera,

Laetusque multis affluerem bonis,

Aeterna, dixi, me beabit

Prosperitas minuenda nunquam.

Per Te secundo turgida flamine

Stratum volabant per mare lintea,

Tuisque fortunae serenum

Auspiciis stetit omne nostrae.

At vix retorques turbida lumina

Aversus ira, protinus omnia

Vertuntur ingenti tumultu,

Visque mali me inopina turbat.

Clamore Caelum perditus impleo,

Et Te fatigo sollicita prece,

Deumque compello, mearum

Praesidium, columenque rerum.

Quid fusus, inquam, profuerit cruor,

Quid nostra clades, membra ubi marmore

Con-

Conclusa feralis sepulchri

Putruerint resoluta tabo?

Mutusne, terra compositus cinis

Accepta per Te dona fatebitur,

Oraeque vulgabit per omnes

Vera tuae documenta legis?

11 Benignus aures applicuit Deus

Verbis rogantis: tunc pietas subit

Consueta cordi, subleuatque

Auxilio miseratus aegrum.

12 Mutata festo tristitia gaudio

Vertuntur; atris vestibibus obsitus,

Squalore deterso, renidet

Laetitia sinus affluete.

13 Quodcunque partum sit mihi gloriae;

Quicquid bonorum, laudis erit tuae;

Cunctisque defunctus periculis

Te recolam, Deus, omne in aevum.

P S A L M U S XXX.

In te, Domine, speravi, non Confundar &c.

*Fugiens persequentem Absalonem, Deum implorat,
per quem a Saule fuerat liberatus, ejusque sibi
auxilium, & impiorum punitionem promittit.*

1 **I**N Te locavi spem; nec illa decidam,
Dum sera volvent saecula.

2 Ut justus es, tua aequitate libera
Innoxium periculis.

- 1 Aures vocanti accomoda, celera gradum,
His me malis ut explices.
- 2 Tu murus esto, Tu mihi arx ahenea,
Meam ut salutem protegas.
Tu nostra virtus, urbsque munitissima,
Tutusque perfugio locus.
Nomen rogatus per Tuum, quiescere
Tuto in receptu me dabis.
Fameque fessum, languidumque praebitis
Enutries cibariis;
- 3 Absconditisque me explicabis vinculis,
Assertor, ac vindex meus.
- 4 Servatus a Te, hunc spiritum trado Tibi,
Aeterna cui constat fides.
- 5 Tu vana spernis consulentes somnia,
Et spes alentes irritas.
- 6 In Te mihi spes una; mihi pietas tua
Sperata spondet gaudia.
Gravi malorum conspiciatus obrutum
Me sublevasti ponderes;
- 7 Meamque vitam vendicasti in maximas
Rerum redactam angustias,
Nec passus, arcte me teneri ab hostibus
Conclusum, aperta liberis
Per spatia me dedisti abire gressibus,
Quocumque ferret impetus.
- 8 Misertor ergo rursus: heu premor miser
Duris, ut ante, cladibus.
Irae tuae timore turbata innatant
Spissis tenebris lumina.
Victus dolore spiritus contabuit,
Jam defluunt praecordia;

" Ab-

- Absumpta luctu vita consenuit gravi;
Annos gemendo perdidisti;
Me summa egestas conficit, membris vigor
Dilapsus, ossa corruunt.
Factus superbis hostibus sum fabula,
Toti jocus viciniae,
Timorque amicis, ne, mihi si adhaeserint,
Iisdem obruantur cladibus;
Videre quotquot exulem, extorrem, procul
Cepere, me viso, fugam;
Oblivione sum sepultus perpete,
Ceu cassus aura luminis;
Sic despiciat quisque me pede improbo,
Ut fracta vasa, proterit;
Circumque commorantium convicia
Hauisi ipse saepe his auribus
Coiere coetus impii, & contra meum
Consilia ceperunt caput;
Sed spes ego nunquam futuras irritas
Tibi, Pater, concredidi;
Meusque, dixi, Tu Deus; versat tua
Measque sortes dextera:
Tu me hostium de manibus ergo eripe;
Iraque persequentium,
Tuumque servum, quo serenas nubila,
Ridente vultu, respice.
Antiqua pietas, corde si sedet tuo,
Me servet illa sospitem.
Ego Te vocavi: vota ne, quaeso, mea
Venti fugaces dissipent.
(6) Gens erubescat impia, & sub pallidos
Trudatur Orci gurgites.

- Aeterna comprimantur in silentia
 Exercita ora fraudibus,
 19 Quaeque innocenti ficta rexunt crimina,
 Certa immerentem perdere;
 Tantus bonorum corda contemptus tenet,
 Tanta inflat arrogantia.
 20 De Te, Deus, dulcedo quanta profluit,
 Servata Te timentibus!
 Sed maxima iis conceditur, fiduciam
 Qui collocant in Te suam,
 Spectante, & admirante multitudine
 Vecordium mortalium.
 21 Illos Tibi junctissimos sacra reges
 Vultus Tui caligine.
 Nulla hic timebunt damna, nec volubiles,
 Humana quae turbant, vices;
 Linguaeque temnent improbas, in intimis
 Domus tuae recessibus.
 22 Deo perennes ergo solvam gratias
 Partae salutis conscius;
 Qui mira summae signa pietatis dedit,
 Meque arce cinxit ferrea.
 23 At ipse multis mente dejectus malis,
 Inopsque factus consilij,
 Contemnis, inquam, me Deus, me negligis
 Ab ore projectum tuo;
 Tuque adeo, adesse Te meis clamoribus
 Testatus, audisti preces.
 24 Vos itaque, Sancti quotquot estis, tam bonum
 Amare, tam justum Deum.
 Fidem colentes servat, insolentibus
 Vicem rependet affatim.

25 Durate fortes, spiritusque sumite,
Quotquot Deo confiditis.

PSALMUS XXXI.

Beati, quorum remissae sunt &c.

*Peccatum suum deflet, aliosque ad poenitentiam
hortatur.*

- 1 **F**ELICES Animae, quibus omnis noxa remissa est,
Mersaque perpetua crimina nocte latent!
- 2 Felix, erratum cui non Deus imputat ullum,
Nullaque fraus imo condita corde fidet!
- 3 Hei mihi, cur tacui infelix, dudumque fateri
Infanus vetuit facta nefanda pudor?
Inde dolor, qui me nunc macerat, ossaque frangit,
Dum totos clamo, quae tacui ante, dies.
- 4 Me manus admonuit tua, dum graviore flagello
Ingeminas plagas nocte, dieque mihi.
Denique ad officium revocavit poena dolentem,
Et quae spina animum punxit adacta meum;
- 5 Aerumna doctus Tibi facta nocentia pando,
Et patior tacito nulla latere sinu.
Crimina sponse Deo, dixi, patrata fatebor,
Ipse actor, sceleris testis & ipse mei.
Nec mora, Tu veniam falso impertiris, & omnis
A Te delicti gratia facta mihi est.
- 6 Proin Te vir bonus, ac frugi prece flectere tendet,
Tempora dum veniae commodiora fluunt,
Ut

Ut cum diluvies Caelo ruet atra malorum,

Stet procul, ac parcat laedere turbo minax.

7 Tu mihi perfugium, dum conjurata paventem

Agmina circumstant, perniciemque parant.

O mihi laetitiae seges una, hanc disjice pestem,

Quae nostrum obsedit conglomerata latus.

8 Ne timeas; docilem perfundam lumine mentem,

Et tutam ostendam, qua gradiare, viam:

(Sic curas dictis demis solatus amicis)

Advigilant vitae lumina nostra tuae.

9 Haec audite, mali; nec, qualis calcitratur, atque

Injecta indomitus froena recusat equus,

Nec, qualis negat hortanti parere magistro

Mulus iners, tanti spernite verba Dei.

Non illis ratio, non mens, sed bruta libido

Imperat; his homines non pudet esse pares?

At Tu froena illis, adstrictasque injice habenas,

Qui Te detrectant, & tua jura sequi.

10 Mos Tibi multiplici fontes urgere flagello:

Qui domino fidit, sentiet ille pium.

11 Instaurate Deo choreas, & gaudia, Juste,

Laetitiamque, quibus conscia vita facit.

PSALMUS XXXII.

Exultate iusti in Domino &c.

*Hortatur homines iustos, ut Deum laudent, ob
ejus maximam potentiam, providentiam, & bo-
nitatem.*

- 1 **L**acti jo Numen celebrate, festos
Numini plausus geminate, quotquot
Vivitis, Iusti: decet ora laudes
Iusta ciere.
- 2 Barbati chordis sociate cantus,
Et Deo sacros moduletur hymnos
Curva testudo resonare denis
Callida nervis:
- 3 Non prius dictum meditata carmen
Lingua discordes numerosa voces
Rite componat, tremulis resurgent
Pulsibus auræ.
- 4 Cuncta, quæ sancto Deus ore profert,
Recta sunt, rectis quoque cuncta dictis
Facta respondent, fideique certo
Pondere constant.
- 5 Est Deo cordi pietas, amicum
Est Deo iustum: pietate tota
Sed scatet tellus, pietate totus
Affluit orbis.
- 6 Ille Caelestes sinuavit axes
Vocè firmatos; simul ore flavit;

Sparſa coeperunt radiare toto

(a) Sydera Caelo.

7 Aequora obductis ſpariata terris
Litore arctavit, veluti liquorem
Utre concluſum, oculiſque vaſtas
Condidit undas.

8 Ergo Regnantem vereatur omnis
Quam patet tellus, trepidi pavore
Palleant, quotquot videt ex utroque
Gurgite Phoebus.

9 Vix enim prima ſonat ille voce,
Cuncta vitales ſubeunt in auras;
Vix jubet, formas ſubito recentes
Omnia ſumunt.

10 Magna molitos animos, & acri
Coeptra ſubvertit meditata cura,
Principum mentes, nec amica veri
Pectora turbat.

11 Mente ſed quidquid ſemel ille fixit,
Nulla volvendo variabit aetas;
Quod ſemel ſedit, ſubeunte firmum
Permanet aevo.

12 Gens ter o felix, colit imperantem
Quae Deum terris, populusque felix,
Quem Deus legit, propriumque certo
Pignore fecit!

13 Cuncta de ſumma ſpeculatus arce
Quam ſibi extruxit, poſitos in omni

14 Parte terrarum populos aperta in
Luce tuetur.

15 Ipſe enim mentes, animosque noſtros,
Singula & finxit ſua cuique corda,

(a) S. Hier. pro virtus vertit ornatus.

Quaeque per coecas gerimus tenebras,
Omnia novit.

16 Viribus non Rex, numeroque magno
Militum fidat, sua non Giganti
Proderit virtus, neque firma vastae
Robora molis.

17 Quamlibet crurum levitate pernix,
Nil equus certam valet ad salutem;
Quin suo praeceptis ruat ipse cursu,
Sessor & una.

18 At Deus miri pius ore spectat,
Quos sibi dicto videt audientes,
Quique Divina pietate freti
Caetera spernunt.

19 His adest, cunctis vigil hos periculis
Eripit, certae manibusque mortis;
Tum fames si fors premat atra, victu
Pascit egentes.

20 Nostra, sic secum pia turba, dextro
Spes Deo nixa est; juvat hinc salutem
Quaereres, hic nobis opifer, maloque
Tutor in omni.

21 Gaudia ex illo repetita Fonte
Influent nostris penitus medullis;
Haec spei merces erit in potenti
Nomine fixae.

22 Tu, Deus, nostros miserans labores
Dona speratae pietatis in nos
Confer, & quantum sibi mens favoris
Augurat, imple.

P S A L M U S XXXIII.

Benedicam Dominum in omni tempore &c.

- *Cum Saulem fugiens ad Achis Regem Philistaeum profugisset, & paratam ab eo necem per insaniae simulationem evasisset, tanto periculo liberatus Deo gratias agit, aliosque ad Dei amorem, ac fiduciam hortatur.*

- **R**egis Deorum Numen amabile
Per cuncta gratus tempora, concinam,
Ejusque laus vulgata nostro
Perpetuo resonabit ore.
- 3 Quisquis canentem me audierit, Deo,
Mihique laetis plausibus astrepet:
Exaudiant mites, nec ullam
Vim sibi jam veriti, triumphent.
- 4 Mecum potenti plaudite Principi,
Magnaue laudes dicite Nomini;
Dulce, & decorum, promerentem
Unanimi celebrare voce.
- 5 Vocatus atro in turbine temporum
Votis rogantis protinus annuit,
Deditque commotos malorum
Incolumem tolerare fluctus.
- 6 Quos tetra turbant nubila, vertite
Huc ora, fulgens unde micat jubar;
Nec Vos ad istam poenitebit
Spe vacua properasse lucem.

- 7 Ego ille rebus pauper in asperis,
Supina caelo brachia sustuli;
Deusque solamen dolori
Artulit, eripuitque cladi.
- 8 Deum timentes praesidio teget
Demissus astris miles, & undique
Munita ut intra castra, septos;
Cuncta dabit superare damna.
- 9 Gustate quali nectare perfluat,
Quantis abundet deliciis Deus:
O ter beatus, qui favente
Cuncta Deo sibi laeta spondet!
- 10 Vim praepotentis juraque Numinis
Timete, tellus quotquot alit, pii:
Deum timentes nulla rerum
Pauperies malefuada vexat.
- 11 At dives ipsas inter opes inops;
Quas semper optat, divitiis eget:
Deum requirentes, in uno
Nulla sibi bona deesse cernent.
- 12 Adeste, & autem advertite, Filii,
Et Sancta Patris discite dogmata:
Dei timorem vos docebo,
Quaeque ab eo bona fonte manant.
- 13 Num quis beate vivere te cupis,
Et vera vitae commoda consequi,
Alboque signatas lapillo,
Quotquot cunt, numerare lucas?
- 14 Compesce pravam cautus ab improbo
Sermone linguam, neu mala suadeat
Fraudes libido te per artem
Blandiloquis operire verbis,

- 15 Omni remotus flagitio procul
Insiste rectas officij vias,
Et, nulla quam turbet cupido,
Composita cole mente pacem.
- 16 Rectum, & tenacem iustitiae virum
Deus benigno lumine respicit,
Et mente conceptas pudica
Aure preces pius haurit aequa.
- 17 Torvo at nocentes lumine despicit,
Infanda certus nomina tradere
Oblivioni, omnemque famam
Perpetua sepelire nocte.
- 18 Caelo querelas gens pia sustulit,
Victusque castis est precibus Deus,
Rerumque deduxit per omnes
Incolumem, ac sine fraude casus.
- 19 Praesens amico Numine protegit,
Quos dura vitae discruciant mala,
Et servat immunes periculi
Corde humiles, animisque fractos.
- 20 Adversa jactant plurima non semel
Justos, nec ullo crimine noxios:
Sed Numen illos asperarum
Expedit per acuta rerum.
- 21 Quin ossa eorum singula pervigil
Custodit, urna condita lugubri:
Compagne membrorum soluta
Non avidum teret illa lethum.
- 22 Mors comparatur pessima fontibus:
Et quisquis aspris usque odiis bonos
Exercet, aeterno merentem
Exitio sua facta mergent.

- 23 Devota vindex at sibi pectora
Deus malorum nexibus eximet,
Deoque sustentante, numquam
Deficiet labefacta virtus.

PSALMUS XXXIV.

Judica Domine nocentes me &c.

*Divinum judicium contra oppugnatores suos implo-
rat quorum infelicem exitum vaticinatur, &
Christi contra persecutores suos deprecationem
adumbrat.*

- 1 **Q**ui injusto innocuum judicio premunt,
Justo hos, Rex superum judicio preme;
2 Qui mecum rabida bella gerunt manu,
Hos contra valida bella manu gere;
3 Sume arma, & clypeum, telaque corripe,
Et nostro propior praesidio veni;
Vagina gladium fulmineum eripe,
Praetenta inque acies irruere cuspide.
Quae certant odiis perdere me suis;
Nostrae dic animae: sum tua ego salus.
4 Illos torpor iners, & pudor occupet,
Qui quaerunt animae perniciem meae;
Et retro referant attoniti pedem,
Qui nectunt tacitos mente mihi dolos.
5 Atque illos facies sic tua dissipet,
Ut spargunt volucrem flamina pulverem;
Per-

- Percussorque humeris aliger irruens,
Nullam det miseris aut requiem, aut moram;
Nulla usquam pateat tuta fugae via,
6 Sed circum tenebris obsita inhorreat,
Ut nil provideant, quo moveant pedem;
Tum vestigia per lubrica corruant,
Caedente aethereo terga satellite.
- 7 Namque illi exitio dispositos meo
Caclarunt laqueos, inque meum caput
Congessere, nihil tale merens, probra;
8 Ast illos laqueus mox suus implicet,
Et, quas jam pedibus nexuerant meis
Excepti insidiis, compositam mihi
Vertant in proprium perniciem caput.
- 9 Mens at nostra Deo gestiet auspice,
Nec fonte ex alio laetitiam hauriet,
Quam quo certa salus, vitaeque profuit.
- 10 Ipsa ossa exilient, quoque valent, modo:
Quis, dicent, Deus o, quis similis Tibi?
Qui fractis inopem viribus eripis
Ex hostis manibus viribus integri,
Nec praedas agere, aut exuvias finis
Victorem timido demere pauperi.
- 11 Cum causam implacido iudice dicerem,
Testes composito crimine callidi
Surgunt, & scelorum, quorum ego conscius
Mi nunquam fueram, me faciunt reum.
- 12 Haec tot pro meritis praemia reddere
Curavere, bonis ut viduae omnibus
Effet nil animae jam reliquum meae.
- 13 Cum multa afficerer saepe molestia,
Squalenti illuvie, ac sordibus obsitus,

Et

- Et veste ingrediens tristis in horrida;
 Producta domui membra diu fame;
 Lassavi precibus sydera plurimis,
 In nostros iterum, quae fluere sinus,
 Coelestique animum munere spargerent;
 14 Quin ipsos etiam talis in aemulos,
 Tam miti ingenio, tam pius extiti,
 Qualis fratribus, aut esse sodalibus
 Vix umquam potui; Mater ut incubat (a)
 Languenti lacrymis uvida filio,
 Me luctu implicitis non secus hostibus
 Demisi illacrymans, ac gremio fovens.
 15 Contra illi miseris gaudia casibus
 Captantes, lateri se agglomerant meo,
 Et multo lacerant verberare nescium.
 16 Coeptis at mediis ecce supervenit;
 Concursumque Deus dissipat impium;
 Ad se non animus propterea redit.
 En rursus rabies: Caedere quem flagris
 Aegre destiterant, nunc onerant probris,
 Et fannas patulis rictibus ingerunt,
 Atque in me rabidis dentibus infremunt.
 17 Quando haec aspicies? Hanc, Deus, improbis
 Hanc educ animam faucibus; unica haec
 Ne detur cupidis praeda leonibus.
 18 Solvam pro meritis tunc ego gratias
 Ingenti in populo, quo innumerabiles,
 Ut Te concelebrent, conveniunt pij;
 19 Hostes dum modo ne funere gaudeant
 Nostro, qui immeritum perdere gestiunt,
 Flagrantes odio, luminibus tamen

Blan-

(a) S. Hier. ex Hebr. quasi ingens mater, tristis incurvabat.

- Blandis perfidiam condere callidi;
30 Sunt visi speciem pacis amabilem
Mecum compositis fingere vocibus,
Iram sed latebris cordis in intimis
Caelantes, tenui murmure ganniunt;
Et versant tacitos, queis capiar, dolos,
Vivo ut coeca ciens sulphure murmura (a)
Rimis flamma cavis subter humum latet;
31 Tectus non ita post prosiluit furor:
Diductis rabidi faucibus allarrant,
Et buccis revomunt virus hiantibus:
Quod votis fieri optavimus omnibus,
Euge Euge hoc avido lumine vidimus.
32 Scis me vera loqui; Cuncta fidelibus
Spectasti haec oculis. Rumpe silentia
Jamdudum, miserum neu procul abjice.
33 Surge, & judicio, quo premor, ac meae
Causae adjuuge animum; rectus, & Arbitr.
34 Rem pro justitia fac dirimas tua,
35 Ne nostra tumidi clade superbiant
Hostes, laetitia pectus & ebrui
Sic plaudant animae naufragio meae:
Euge! infra exanimos ille jacet greges;
Euge! illum cupida fauce voravimus;
36 Imo ipsis facies inficiat rubor,
Qui nostris agitant gaudia de malis;
Nec solum facies, velet at insolens
Illis tota pudor corpora, qui meis
Sese magnifice cladibus efferunt;
37 At illis bene sit, plenaque jugiter
Effuso exiliant pectora gaudio,
Queis cordi integritas est mea; vindicem

(a) Hebr. super scissuras terrae.

Et certent Dominum tollere laudibus,
Quos pacis studium sollicitat meae.

- 28 Indulgens simili tunc ego gaudio,
Te justum merito carmine concinam;
Atque in perpetuum nulla fluet dies,
Quin signata tuis laudibus insonet.

PSALMUS XXXV.

Dixit injustus ut delinquat &c.

- 1 *Summam impiorum malitiam, Dei misericordiam,
& justitiam, bonorum felicitatem describit.*

- 2 **I**mpius insanas agitans sub pectore curas,
Constituit foedis animum corrumpere culpis,
Non etenim justa pensantem lance nocentes
Cogitat esse Deum, metuit nec vindicis iras.
3 Quin spectante ipso, fraudes, & coepta peregit
Subdola: sed non haec oculis Deus aspicit aequis
Dissimulans; Tectam falso sub pectore vulpem
Deregit, atque odiis usque infectatur acerbis.
4 Ille autem indignis addens verba improba factis
Nexuit ore dolos, nilque est, nisi iniqua, profatus.
Vis arcana animum quamvis percelleret aequi,
Quamvis consiliis monitor non deesset amicis:
Naturae vocem suadentis recta refugit,
Formari studio nil se meliore laborans.
5 Languida componit molli dum membra cubili,
Insomni solitas meditatatur pectore noxas;
Et quaecunque via, aut aperit quaecunque nocendi:

- Se ratio, huc animum, curasque huc adjicit omnes.
 Non illi turpis visa, aut inamabilis ulla
 Peccati facies, tanta est peccare libido.
- 6 Sed major Tibi, summe Parens, aequataque Caelo
 Est pietas, nubes tua vincit, & evolat ultra
- 7 Justitia, excedunt summi ceu nubila montes.
 Judicio quodcunque tuo decernis, ut alta
 Nocte latet, multaque fugit caligine visus!
- 8 Te liquet esse pium: Nec solum humana tueris
 Corpora, sed pastu reficis jumenta parato.
 Quanta tuae praebes pietatis pignora! quantis
 Ingratos etiam cumulas, Pater optime, donis!
 Hinc hominum genus omne tuis recubare sub alis,
 Implumes veluti pulli, festinat, ibique
 Omne bonum, & largos jam nunc dulcedinis haustus
- 9 Aetherae sperat, quae suavi pectora gustu
 Ebria perfundat, praegustandasque propinet
 Delicias, tua magna domus quibus affluit: illic
 Largior undabit torrens, eademque voluptas
 Potabit cupidos, quae Te satiatque, beatque;
- 10 Omnis enim Tu fons vitae, fons luminis idem,
 Per quod inaccessam fas nobis cernere lucem.
- 11 Egregia pietate tuos complectere, quotquot
 Te norunt, Numenque tuum, Nomenque fatentur,
 Justitiam & meritis reddentem praemia discant;
 Quae cura est putam servare a crimine vitam.
- 12 Ne mihi sese addat comitem, accedatque superbus,
 Neve manum admoveat, statione aut cedere cogat
 Impius, & coeco rapter per devia gressu.
- 13 Namque ibi collapsi, quotquot furiosa libido
 Egit praecipites, tristem traxere ruinam,
 Atque in perpetuum pulsi felicibus oris
 Amissas nunquam potuere revivere sedes.

PSALMUS XXXVI.

Noli aemulari in malignantibus &c.

Præcepta ad bonos confirmandos, ne malorum falsa felicitate decipiantur, cum vera bona a Deo unice speranda sint.

- N**E tibi dirus amor, subeatque insana cupido,
 Aemulus ut studeas improba facta sequi.
 Lascivire vides si quando impune nocentes,
 Ne mordax animum torqueat ira tuum.
- 2 Sole sub ardenti ceu prata undantia foeno,
 Molle velut, siccis fontibus, aret olus;
 Haud secus hos dicto citius languere videbis,
 Et subito afflictos procubuisse solo.
- 3 Si felix cupis esse, Deo spes haereat omnis,
 Et fluat exemplis vita peracta bonis.
 Tunc cole securus terras, tunc otia carpe;
 Ipse suas large suppeditabit opes,
- 4 Ille voluptatum, votorum summa tuorum
 Ille sit, optatis annuet Ille tuis.
- 5 Si qua tibi acciderint, Domino refer omnia fidens;
 Fidenti auxilium protinus Ille feret.
- 6 Tunc tua se integritas manifesto in lumine prodet,
 In medium erumpent tunc benefacta diem.
 Ote silens Domino cervicem subde jubenti;
 Tantum humiles imo pectore funde preces;
- 7 Neu te disrucies, aura si dextra secunda
 Fortuna injustum tollat ad astra virum.

1. Pone iras, tumidumque animo compesce furorem;
 Culpa nihil, felix unde putetur, habet.
 9. Impius exitio dabitur: mansura tenebit
 Is bona, spes cui stat fulta iuvante Deo.
 10. Parva mora est; nusquam malus est; vestigia quaeras;
 Sed nullo videas nulla relicta loco.
 11. At patiens, mitisque animo, quoscumque creatit
 Terra ferax, haeres certus adibit opes.
 12. Condet & innubes tranquilla per otia soles,
 Laetaque perpetuae tempora pacis ager.
 13. Improbis innocuum studio observabit inani,
 Et rabidis ringens dentibus ore fremet.
 14. At Deus illudet stulto; nam prospicit illi
 Fatalem interitus haud procul esse diem.
 15. Agmine conferto gladium eduxere nocentes,
 Suspendere arcu spicula certa suo;
 Stat miserum, atque inopem iactis configere telis,
 Innocuaque truces spargere caede manus.
 16. Versus in auctores sed pectora sauciat ensis,
 Et disrupta arcus cornua dissiliunt.
 17. Praestiterit parvo contentum vivere iustum,
 Quam scelere aggestas condere divitias.
 18. Namque erit, attrito jaceant ut robore fontes,
 Utque Deo vigeant auxiliante, boni.
 19. Innocuos probat ille dies, vitamque pudicam,
 Darque frui patriis tempus in omne bonis.
 20. Tristitia non illos frangent, non turpis egestas,
 Largaque in angusta suppetet esca fame.
 21. Culpa malos perdet: male parto turgida honore
 Cum caput extulerit gens inimica Deo.
 22. Deficiet, veluti tenues vanescit in auras
 Fumus, & ad nihilum, dum petit alta, redit.

21. Mutua saepe rogat, nec habet qui debita solvat
 Improbus; at justus, quae bona donet, habet:
22. Ille beatus erit, cuius laudatur ab ore,
 Ille miser, cuius laeditur ore Deus.
23. Hic hominem nutu reget, ac deducet euntem,
 Per sibi monstratas ibit at ille vias.
24. Si cadat, haud tristi collidet membra ruina;
 Supposita fulcit nam Deus ipse manu.
25. Cum mihi adhuc prima vernaret mala iuventa,
 Mox & ubi infecit cana senecta comas,
 Nunquam desertum vidi aevum ducere justum,
 Nec sobolem modicos ore rogare cibos.
26. Quin pius ingentes aliena in commoda gazas
 Eroga, inde bona prole beatus erit.
27. Improba devota, sectare innoxia facta:
 Perpetuo terras, & tua rura coles.
28. Chara Deo integritas: cultorem haud deferet aequi,
 Salvus & aeternos exiget ille dies.
 Injusti poenas sancto sub iudice pendent,
 Progeniesque patrum crimina clade luer.
29. At justis tellus habitanda obtinget in aevum,
 Haeredi tanquam debita jure suo.
30. Innocuis meditata fuet sapientia labris,
 Nec, nisi recta, sciet candida lingua loqui.
31. Divinas etenim volvit sub pectore leges
 Vir bonus, incautum nec malus error ager.
32. Improbus hunc oculis transversum spectat iniquis,
 Arque aliqua tentat posse nocere via;
33. Sed Deus haud hostis manibus permittet inultum,
 Nec bona sub quoyis iudice causa cadet.
34. Quisquis es, ergo Deum specta, Divina verere
 Jussa, dabit magno te frui honore Deus.

Per-

Perpetuis potiere bonis; post foeda nocentum
Funera, fortunas noveris ipse tuas.

35 Vidi ego sublimi surgentem vertice sentem,
In Libani surgit cedrus ut alta jugis;

36 Sed vix praeterii, retro dum lumina verto,
Nulla erat ex tanto forma relicta viro.

Saltem impressa solo vestigia conquisi,
Nec fuit inventus, quo sterit ille, locus.

37 Recti esto custos, ac servantissimus aequi;
Floret enim longa posteritate pius.

38 Turba nocens nullo discrimine tota peribit,
Et soboles ipsi nulla superstes erit.

39 Justorum stat nempe salus in Numine nixa;
Protegit hos, ubi fors saeviat atra, Deus.

40 Ille erit auxilio, salvosque ex hoste receptos
In se non frustra spem posuisse finet.

PSALMUS XXXVII.

Domine, ne in furore tuo &c.

• *Deploret peccata sua, miseriaeque ex iis consecutas exponit, Deique auxilium petit, quae & ad Christum pro nostris culpis patientem referri possunt.*

• **P**Arce, Deus, torum me contra urgere furorem;
Nec tua in exitio saeviat ira meo.

• Fixa meis haerent penitus tua tela medullis,
Inque nova incubuit vulnera firma manus.

- 4 Ira mihi ante oculos astat tua; concutit artus
Terror, & est aegro in corpore nulla salus;
Foeda mihi scelerum obversatur imago meorum;
Horreo, nec trepidis ossibus ulla quies.
- 5 In caput insiliere meum mea crimina: Quanto,
Pressa superposito pondere terga gemunt!
- 6 Putruit, & saniem foedo vomit ulcus hiatu,
Indita dum celo vulnera stultus ego.
- 7 Heu miser, & prono curvatus corpore volvor,
Meque coquit totos anxia cura dies.
- 8 Me stimulis agit indomitis lasciva libido,
Languet & exhaustis viribus aegra caro.
- 9 Indolui; puduitque mei, moestoque petitos
Pectore rugitus ore gemente dedi.
- 10 Vota, Deus, Tibi sunt, animo quaecumque peregi,
Cognita, nec luctus Te latuere mei.
- 11 Eheu quanta calent agitato praelia corde!
Eheu me virtus pristina destituit!
Nil video, fugit ex oculis jam lumen ademptum,
Eripit optatum nox & oborta diem.
- 12 Quotquot erant aliquo mihi amoris foedere juncti,
Saeva mihi infesta bella tulere manu.
- 13 Arripuerunt fugam socii; violentior instat
Hostis atrox, nostroque imminet exitio.
Ast alii infensis animis mihi ficta locuti,
Per totos fraudes composuere dies.
- 14 Ipse autem vanis obstruxi vocibus aures,
Reddidit & nullum lingua retenta sonum;
- 15 Non aliter, quam si caneretur fabula surdo,
Nec possem in solitosnectere verba modos.
- 16 Sed quoniam posita est mihi Te spes omnis in uno;
Accipies voces Tu, Deus, aure meas:

- 17 Ne nostris, dixi, grarentur casibus hostes,
 Qui magnas jactant, me titubante, minas.
 18 Nec poenam fugio: pronum en in verbera tergum:
 Heu merui; hic oculos vulnerat usque dolor.
 19 Inque oculis est, & pleno scelus ore fatebor,
 Una erit admissum cura piare nefas.
 20 Interea at vivunt hostes, meque acrius urgent,
 Inque dies odii crescit iniqua seges.
 21 Haec mihi tot memores meritorum praemia red-
 dunt;
 Causa est, quod recti nitar inire vias.
 22 Ah ne me solum, Pater alme, Deusque, relinque,
 A latere offensus neve recede meo.
 23 Affer opem, tua quae pietas, succurre jacenti,
 O Deus, o rebus portus, & ara meis.

PSALMUS XXXVIII.

Dixi: custodiam vias meas &c.

- 1 *In suis malis, injuriisque, quibus appetitur, se
 brevitate vitae consolatur, & ad Deum suae
 calamitatis auctorem confugit.*

- 2 **D**ixi: statutum, ac mente decretum sedet
 Meos in actus sedulo
 Inquirere; omni & temperare a jurgio,
 Ne lingua peccet lubrica.
 Conviciis cum me improbus laceggeret,
 Ori obdidi repagulum.

- 3 Tuli silens injuriam, ac iram premens
Nec iusta verba protuli.
Dolor sed inde plus eo recruduit,
Quo rectus est silentio.
- 4 Novos repente pectus aëstus concipit;
Facies & ira subjicit;
Nam dum malorum facta iniqua cogito,
Magno cor igne exaëstuat.
- 5 Erupit at compressus in Voces dolor,
Et froena lingua reppulit.
Quo hæc usque, dixi, perferam? Quis est, Deus,
Finis futurus, edoce.
Modus diebus quis statutus est meis,
Quid porro restat, noverim.
- 6 Anni breves labuntur; ante Te nihil
Est, quicquid esse existimor.
Et quisquis hujus lucis aura vescitur,
Quamvis honore fulgeat,
Quamvis superbo celsus in fastigio
Felicitate floreat,
Opibusque multis, ac bonis circumfluat,
Refertus est inanijs.
- 7 Quales oberrant per quietem imagines,
Quæ mox in auras diffluunt,
Homo caducus haud secus dilabitur,
Fugaxque vita præterit.
Frustra tamen sese irritis laboribus
Noctu, diuque macerat.
Opes acervat maximas, nescit tamen
Cui tot parata sint bona.
- 8 At quæ mihi spes est, nisi solus Deus?
Tu solus es mihi omnia.

- 9 Nexus meorum Tu resolve criminum;
Mala unde cuncta profluunt.
Tu me dedisti insanienti ludicrum,
Levique vulgo fabulam.
- 10 Ego dolorem condidi silentio
Auctore Te, factum sciens.
Abstine jam tandem novas infligere
Plagas, manumque contine.
- 11 Fractus potente concidi sub dextera;
Dum verberatum corripis.
Ob perpetrata nanque crimina asperis
Sontem flagellis atteris;
- 12 Facisque, curis irritis exercitus
Tabescat aeger spiritus,
Tabescit ut labore vano aranea,
Suaque tela absumitur.
Inanibus sed cuncta gens mortalium
Consumitur laboribus.
- 13 Mea, Summe Rector, vota pronis auribus,
Meosque fletus excipe:
Neu me silens contemne: Scis, ut advena
His solus oris exulem.
Alia, parentes factitarunt ut mei,
Migrabo visurus loca.
- 14 Remitte poenas, ut meae hoc solatium
Migrationis auferam.
Ne quando totus mergar atro funere,
In sempiterna oblivia.

PSALMUS XXXIX.

Expectans expectavi Dominum &c.

- *Magno periculo ereptus Deo gratias agit, ac se ipsum devovet, & in posterum auxilium petit, eaque occasione ad Christi, & Ecclesiae dolores, & triumphos transgreditur.*

- **D**udum expectavi, Domino miserante salutem:
Tandem benignus ille votis annuit.
3 Audiit ille preces, barathroque eduxit ab imo,
Et sublevavit squalido haerentem luto;
Tum mea firmavit solida vestigia petra,
Rectaque gressus ponere edocuit via.
4 Afflatuque novum dedit in mea guttura carmen,
Carmen faventi concinendum Numini.
Aspicient multi, atque eadem sibi fata timebunt,
Deoque discent non minus confidere.
5 Felix, Divinum, cui spes fuit unica Nomen,
Vanasque non respexit ad fallacias.
6 Fecisti Tu multa, Deus, mirandaque solus,
Et cogitata nullus aequiparet tua:
Haec ego vulgavi, quanta est data copia fandi;
Sed cuncta non fas voce, nec numero assequi.
At majus nihil est, nihil est sublimius illo,
Quod nunc profunda mente tecum cogitas.
7 Non Tibi sacra placent, oblataque munera templis:
Alio litandum sacro, & alio munere.

Po-

- Poscor Ego: hinc dociles jussis caelestibus aures,
 Corpus ferendo mihi dedisti aptissimum ^(a).
 9 Non holocausta petis, nec culpis rite piandis
 Tibi vis ad aras immolari victimas?
 En adsum, dixi: nostram, Pater, accipe vitam,
 Totusque apertis hic eat venis cruor.
 10 Sic Tibi stat, video; scriptum est fatale volumen,
 Cujus priore sum notatus pagina;
 Hic tua praecipitur mihi perficienda voluntas;
 Ego libenter, quod juberur, annuo.
 Namque tuas medio descripsi pectore leges,
 10 Quas publicavi maxima in frequentia;
 Nec labia absistent unquam defessa loquendo:
 Tu testis ipse, cuncta cui sunt cognita.
 11 Justitiamque tuam tacito non pectore texi,
 Nec veritatem, nec salutis pignora,
 Indictam non sum pietatem passus, & illam
 Tuam aequitatem facta librantem omnia.
 12 At Tu, summe Parens, inter tot amara malorum
 A me salubrem ne arceas opem procul.
 Tu Pius, & Verax: Haec me tua Nomina tutum
 In rebus usque praestiterunt asperis.
 13 Nonne vides, miserum quot me infortunia stipant,
 Modus nec ullus huiusce, nec numerus malis?
 Criminibus premor ipse meis, velut agmine facto,
 Ut tanta multitudo visus obruat.
 Non tot nostra volant fusi per colla capilli;
 Heu opprimor, totusque me liquit vigor.
 14 Flecte animum, Pater, & tantis me subtrahe poenis;
 Tuere me, meamque vitam respice.
 Ast illos pudor, & sceleris mens conscia turbet,
 Qui destinarunt caede satiari mea.

(a) Graece, & Apost. Hebr. 10. Corpus autem aptatissimum mihi.

- 16 Oraque dejiciant turpi suffusa rubore;
 Qui clade dicunt in mea: euge vicimus;
 17 Laetitia exiliant, ac de Te gaudia captent,
 Qui mente pura Te laborant quaerere;
 Et semper rerum Domino sit gloria, dicant,
 Qui gestiunt per Te salutem consequi.
 18 Me labor, & duris premit arcta in rebus egestas,
 Mei gerit sed providus curam Deus.
 Tu mihi praesidium, & rerum tutela mearum:
 Ah ne morare ferre tot malis opem.
-

PSALMUS XL.

Beatus, qui intelligit super egenum &c.

- 1 In suis aerumnis Christi patientis personam exprimit, ejus iniquam prodicionem, & futuram gloriam exequitur.

- 1 **F**elix, quisquis in indigum
 Intendens oculos, auxilio levat
 Hunc, atri ut venient dies,
 Aerumnis miserans eripiet Deus.
 2 Servetque incolumem, precor,
 Et det post cineres esse superstitem;
 Florentem cumulet bonis,
 Permitti arbitrio nec sinat hostium;
 3 Si morbo implicitus gravi
 Fors tristi jaceat languidus in thoro,
 Olli pharmaca temperet
 Lenitura malum. Tam bonus es, Deus,

Ut strata Ipse tua manu
Verses, aeger ubi mollius incubet:

8 Proin dixi: Pietas tua
Me dulci, Genitor, munere recreet;
Mentis vulnera sauciae,

Sana, quam stimulus lancinat acribus
In Te commeritum scelus.

6 In poenam satis est, ac super hostium
Immanis rabies, preces.
Qui diras adhibent: Quando erit, ultimam
Ut vitae hic videat diem,

Et nomen tenebris mors simul obruat?

7 Quod si limina quispiam
Intravit tacitus, lumine livido

Actus dispiciens meos;
Certus me laqueis prendere, crimina

Est commentus inania,
Congessitque dolos mox sibi noxios;

8 Exin profiluit foras
Narrans unanimis falsa fodalibus.

Gens de me invida detrahit,
9 Miscens colloquia, & plurima murmurans;
Ac pestem mihi comparat;

Collata in medium consilia instruit,
Ut me interceptat dolo.

Num semper jaceam? Perpetuus premat
Nunquid depositum sopor?

Non sic eveniet: Cui gravis irrigat
Somnus languida lumina,

Nunquid se excutere, ac surgere negligat?

10 Surgam, me excutiam: Tamen
Magnis interea cladibus opprimor.

Qui

Qui mecum socialia

Pacis perpetuae foedera junxerat,

Cui confidere sueveram,

Qui mensae socius discubuit meae,

Struxit praecipue dolos,

Me tentans, positusnectere retibus.

11 Sed tandem pietas mei

Te tangat, Genitor, meque tot obrutum

Duris casibus excita.

12 Tunc illis referam debita praemia,

Et dignam meritis vicem.

13 En audis: vel in hoc novi ego, quam Tibi

Sim curae, ut studeas mihi,

Quod nostro haud referet gaudia funere

Nostri sanguinis institor.

14 Tu me, quod sceleris noveris integrum,

Fovisti patrio sinu;

Quin magno imperio praeficis, omnibus

Astantem Tibi saeculis.

15 Sit jugis patrio gloria Numini,

Fidus quod colit Israel.

16 Sic sic eveniat, nec precer irrita.

PSALMUS XLI.

Quemadmodum desiderat cervus ec.

- *Sive ad captivitatem Babylonicam respiciat, seu potius ad exilium, in quo versabatur a Saule exagitatus, omnino animae ad Caelum aspirantis desideria exprimit.*

- **C**eu sitiens aestu, longoque per avia cursu
Fessus ad optatas cervus anhelat aquas,
Anxia tot curis, tantisque erroribus acta
Sic mea Te solum mens sitit aegra, Deus;
• Mens sitit aegra Deum, vivum, sua gaudia, fontem:
Quando erit, optato detur ut ore frui?
• Nocte, dieque mihi rigui sunt pabula flerus,
Dum Deus ille tuus saepe rogamur, ubi est?
• Sed spe jam nunc praecipio laetabile tempus,
Tantaque mens inter gaudia mersa natat,
Cum penetrale sacrum, populo comitante, subibo,
Quaeque colit praesens limina Sancta, Deus;
• Hic ego laetitiae voces, laudumque ciebo,
Qualibus est festas mos celebrare dapes.
• Cur te, anime, excrucias, gemitus cur fundis inanēs?
Cur turbas luctu gaudia nostra tuo?
Fide Deo: jam tempus erit cum, lumina, dicam,
Praesens nostra beas, o mea vita, Deus.
Sed redit ad luctus animus; me debilem, egenum
Cogitat, atque iterum solvitur in lacrymas,
Una,

- Una, Deus, superest mihi Te meminisse voluptas;
Hic, ubi Judaeis finibus exul ago;
Hic ubi Jordanes placido secat agmine campos,
Arvaque non jam oculis visa decora meis;
Hic ubi se Hermonius modico mons vertice tollit,
Exilium solus Tu mihi triste levas.
- Me mala nexa malis prope jam mersere, procellam
Imbre novo foetam rupta procella ciet.
- Tu sonitu horribili Caelum discludis, aquarum
Agmen & immensum praecipitare jubes.
Quotquot in aeris pendebant nubibus imbres,
In nostrum missi defiliere caput.
- En redit alma dies: tandem miseratus amico
Discussit vultu nubila terra Deus.
Sed licet obductis nox ingruat atra tenebris;
Ulli & in obscura cantica nocte canam;
- Inque sinu, taciteque orans: Tutela salutis
Unica Tu, dicam, praesidiumque mihi es.
Cur nunc, aut quae Te capiunt obliviae nostri:
Aut quid ago tristes, hoste premente, dies?
- Debilitata labant longo dum membra labore,
Illudit nostris gens inimica malis.
Et mihi per solidas jactat convicia luces:
Nunc Deus ille tuus, nunc tuus ultor ubi est?
- Cur te, anime, excrucias, gemirus cur tundis inanes?
Cur turbas luctu gaudia nostra tuo?
- Fide Deo: jam tempus erit cum, lumina, dicam,
Praesens nostra beas, o mea vita, Deus.

P S A L M U S XLII.

Judica me Deus, & discerne &c.

Appendix, & quasi epitome Psalmi superioris, eadem continens vota liberationis, & spem futurae felicitatis.

- M**E judica, causamque discepta meam,
Summae aequitatis Arbiter;
Gente e maligna, & sycophantae e fraudibus;
Calumniisque me eripe.
Tu fortitudo, Tu meum robur, Deus:
Cur me precantem relisces?
Cur, Te vidente, tristis incedo, ac gemens,
Dum me acer hostis opprimit?
Emitte ab alto luminis radium tui,
Et veritatis lampada;
Haec me praeibunt horrida in caligine,
Rectaque deducunt via,
Scandam tui sic sancta montis culmina,
Temploque succedam tuo;
Sacrasque ad aras gaudii auctorem mei
Pia salutabo preces
Nunquam caducae qui mihi florentia
Refert juventae tempora.
Tunc blanda curvi fila tangam barbiti;
Tuasque laudes concinam.
Et confitebor Te, Deus, Deus meus;
Tua & retexam munera.

Quid ergo, tristis anime, quid sic angeris,

Quid me inquietum sic habes?

6 Spes in Deo repone, mox & debitas

Illi rependam gratias;

Dicamque: Tu salutis, & pacis Dator,

Meusque Tu semper Deus.

P S A L M U S XLIII.

Deus auribus nostris audivimus &c.

1 *Praedicat calamitates Judaeis illatas, sive in captivitate Babylonica, sive in tempore Machabaeorum ab Antiocho Epiphane, & in iis Ecclesiae calamitates praesignat; quas ab Imperatoribus passura erat, pro quibus Deum implorat, vetera ejus beneficia commemorans.*

2 **A**udiimus, Deus, & nostras pervenit ad aures
Fama vetus: prisci nobis retulere parentes,
Elapsis quae fecisti memoranda diebus,
Et quae praestiteras olim senioribus annis.

3 Quotquot erant terra hac, gentes tua dextra profanas

Expulit, & certa nostros statione locavit;

Tu populos frustra obstantes certamine duro

Fregisti, atque alias egisti quaerere sedes.

4 Non etenim potuere bona regione potiri

Vi propria Abramidae, nec eos sua dextera texit;

Sed tua pugnantem manus insuperabilis armis

Ju-

- Juvit, & invictum quo polles robore; Vultus
 Affulsit lux alma tui, viresque, animosque
 Addidit auspicio tanto; Tibi namque fovere
 Hanc libuit gentem populis magis omnibus unam.
- 5 Tu Rex, Tu nostri imperii moderaris habenas,
 Tu Deus, incolumis per Te servatur Iacob.
- 6 Per te, impacatus quoties tentaverit hostis
 Praelia, per liquidas sparsum jactabimus auras,
 Cornibus excussos ceu taurus in astra maniplos;
 Quippe Tui clypeo protecti Nominis omnes
 Speremus, valido quotquot nos Marte laceffant.
- 7 Non etenim certo spes nostra innititur arcu,
 Non stricto stat in ense salus;
- 8 Tu saepe cruento
 Marte laceffitos servasti ex hostibus unus,
 Et qui nos odiis divexavere protervis,
 Turpia cum multo egisti dare terga pudore.
- 9 Si qua unquam nostris accedet gloria fastis,
 Tota tua est, & tota tuo referenda favori;
 Tu semper, Nomenque tuum, laudesque canendae.
- 10 Nunc autem averso indignans nos despicias ore,
 Et fieri insani pateris ludibria vulgi;
 Non jam progredieris nostras, velut ante solebas
 Ante acies, laetas rapiens in bella phalanges.
- 11 Terga sed instanti per te dare (a) cogimur hosti,
 Qui nostras populatur opes, aurumque repostum
 Diripit, & spoliis incedit onustus opimis.
- 12 Dat miseras ferro strages, & inertia passim
 Corpora sternit humi, caesarum more bidentum;
 Ast alios cogit diversas quaerere terras,
 Undique dispersos;
- 13 Nullo dividimur aere

G

Gens

(a) S. Hier. vertisti terga nostra hosti.

Gens tua, nec magno mutantur corpora, quaevis
Charior est merces;

14 Vicinis fabula nostris

Jam sumus, & cuncti miseris illudere certant
Finitimi;

15 Vertunt nos in proverbialia gentes

Infensae, quatiuntque caput, rictusque resolvunt;

16 Ipse, meum ante oculos cui semper dedecus haeret,

Demitto tacitos vultus, rubor inficit ora,

17 Nec valeo populi dicteria ferre procacis,

Et conjuratas in nostra opprobria linguas.

18 Omnia nos haec damna sumus, gravioraque passi:

Atqui nulla tui subiere obliviam nobis,

Nec pravis unquam tua jura infregimus ausis.

19 Postquam pacta fides tecum, tibi foedere firmo

Haesimus, & retro mens nunquam aversa recessit,

Nec per diversos flexit vestigia calles ^(a),

20 Ut nos in tantos tetro sub carcere luctus

Conjiceres, mortis nosque atra involveret umbra.

21 Quod si Divinum nostro unquam pectore Nomen

Excidit, aut aliena manus ad Numina passas

Sustulimus:

22 Deus haec nescit, nec quaerere curat?

Ille Deus, cui mortalis penerralia cordis

Cuncta patent, nullique animi latuere recessus?

Testis es ipse, Deum Genitor, quae prima malorum

Semina, quae fuerit tam dirae pestis origo.

Te propter caedes nos quotidiana fatigat,

Ceu pecudes sacras raptae maetantur ad aras,

Et repido infixos respergunt sanguine cultros.

23 Surge age; quid dormis? Quatenam Te incuria nostri

Lon-

(a) S. Hier. & non declinaverunt semitae nostrae.

- Longa tenet? surge, & nos ne patiaris inultos,
 Atque opis expertes, donec nos ultima mergant
 Exitia.
- 24 Averſo cur ſic nos ore tueris,
 Nec curas inopes, tantis ac ſteribus actos?
- 25 Aſpicias ut foedo ſpargamus pulvere frontem
 Semianimes, totoque affixi corpore terrae
 Volvamur, veniam gemitu, auxiliumque rogantes?
- 26 Surge Deus, fer opem miſeris, atque eripe cladi
 Per quaecumque tuum commendat gloria Nomen.

P S A L M U S XLIV.

Eruſtavit cor meum &c.

- 1 *Epithalamium, quo Chriſti cum Eccleſia nuptiae celebrantur, quas in connubio Salomonis cum Filia Pharaonis clariſſime adumbrat.*
- 2 **F**Auſta cano, pleno congeſtaque pectora Vates
 Verba foras rumpo, non me meus incitat ardor,
 Sed major vis intus agit; Me Numen amicum
 Implet, ego aethereo dico me, meaque omnia Regi;
 Nam veluti calamus ſcribenti reddere fidus
 Verba ſolet, ductumque ſequi dextramque mo-
 ventem,
 Divino haud aliter nutu mea lingua movetur.
- 3 Rex Caelo demiſſe, Tibi quae forma venuſto
 Ore ſedet! Quae hominum facies huic aemula certet?
 Dulcibus eloqui quae ſtillat gratia labris!

Haec Genitor Tibi dona dedit; Te, maxime Princeps,
Aeterno Deus, ipse Deus cumulavit honore,
Multiplicique tuum ditavit munere pectus.

- 4 Ergo veni, tuaque illa, quibus victoria paret,
Tela move, laterique potens accingere ferrum,
Unde tibi species, angustaque frontis honestas
Crescit,

- 5 Et adversos, Heros fortissime, in hostes
Progredere auspicio laeto, ac tibi debita dudum
Regna cape, ac totum tua jura ostende per orbem.
Quem plus sceptrum decet? non Te veracior, aut Te
Mittior est alter, nec Te servantior aequi.
Te virtus innata reget; Tua dextera cunctos
Expediet casus, & Te per prospera ducet.

- 6 Scilicet horrendas praecurta cuspide vibras,
Hostis & haesuras transfixo in corde sagittas.
Hinc populos late cernes, aut plangere terram
Vulnere confossos multo, aut victricibus ultro
Advolvi genibus, faciendaque poscere iussa.

- 7 Aeternum tua regna manent, Deus, & tua sedes, (a)
Saeculorum seriem vincet: regis aequa potenti
Sceptrum manu, & iusta populos ditone coerces.
8 Justitiae Tibi solus amor, scelera omnia iusto
Exagitas odio, & facta averfari iniqua.

- Propterea Deus ille tuus Te prae omnibus unum
Regem constituit, sacroque perunxit olivo
Tempora, quo plenae afflavit nova gaudia menti.

- 9 Hinc bene totus oles, divinoque unguine fragras,
Hinc myrrha, atque aloe, & casia Tibi regia vestis
Diffluit, & suavem late diffundit odorem;

Quo-

(a) Manifestum testimonium de Christi Divinitate.

(b) Deus Pater.

Quod omnis, & Lybico implentur distincta elephanto
 Limina; Progressaeque adeo e conclavibus aureis
 Conspicuae, regum soboles, lectaeque puellae
 Obsequiis Te circumstant, studioque frequentes,
 Officiosa cohors; Mulcent tibi gaudia pectus
 Interea, tantoque Tibi grataris honore.

- 10 At dextrae Conjux astat Regina, decorum
 Auro cincta latus; fluit aurea palla maeandro
 Multiplici illusa, & vario circumdata limbo.
- 11 Nunc aures adverte tuas huc, Regia Virgo,
 Huc intende animum, monitoris & accipe voces;
 Jam patriam antiquam, ac deserti tecta parentis,
 Teque parum dignas hinc jam obliviscere terras^(a).
- 12 Captus amore tui, pulchraeque cupidine formae
 Rex magis ardebit, flammis & pectore toto
 Concipiet; tuus ille idem Dominusque, Deusque;
 Cui flexo cunctae procumbent poplite gentes.
- 13 Te quoque Sidoniae venient invisere matres
 Munera portantes, Te supplice voce rogabunt,
 Quorquot divitiis, & magno nomine pollent.
- 14 At quae regalem commendat gloria nuptiam,
 Intus corde sedet: miro spectanda decore
 Est animi facies: Hanc ornamenta decentem
 Efficiunt pretiosa magis; fulgentius ambit
 Extremas aurum sinuosae cycladis oras,
 Pictaque acu Phrygia, varioque intexta colore
 Hanc melior vestis propriis virtutibus ornat.
 Hoc cultu insignis sponsi procedet ad aedes;
 Virginei tum pompa chori numerosa sequetur,
 Et quae pone legunt Dominae vestigia, longo
 Ordine ducentur lectae Tibi, Sponse, puellae

(a) Gentium partes.

- Aborbeat montes profundum,
Impavidos ferient ruinae.
- 4 Fragore magno caerula personent,
Turbentur undae, ac Sydera proluant;
Altosque vi magna frementes
Concutiant scopulos procellae;
- 5 At lene labens fluminis impetus
Dilecta Caelo moenia recreat,
Sanctae Sionis, consecratque
Haud dubium sua templa Numen.
- 6 In urbe praeses stat media Deus:
Quos illa casus, quas timeat vices,
Quam pervigil prompto tuetur
Praesidio Deus ipse custos?
- 7 Gentes profanas sternit humi pavor;
Et Regna summo barbara culmine
Detracta procumbunt, tremittque
Terra, simul dedit Ille vocem.
- 8 At nostra ductat bellipotens Pater
Vexilla, cujus mille acies latus
Stipant; Jacobique Numen
Nos animo jubet esse tuto.
- 9 Orbis venite e finibus ultimis,
Regisque summi facta tuemini:
Quae mira patravit, silere
Bella jubens ad utrumque solem!
- 10 Diffringet arcus, spicula conteret,
Rumpetque acuta cuspide lanceas,
Et scuta acervabit futura
Suppositis alimenta flammis.
- 11 Vacate ab armis, inquit; in otio
Videte quantus sim Deus. Omnibus

Extollar in terris, per omnes
Transiliet mea fama gentes.

- 12 Hic nostra ducat bellipotens Pater
Vexilla, cujus mille acies latus
Stripant; Jacobique Numen
Nos animo jubet esse tuto.

PSALMUS XLVI.

Omnes gentes plaudite manibus &c.

- 1 *Sive in Arcae asportatione ad montem Sion, si-
ve in ejusdem reportatione post insignem victo-
riam, sive in Templi iterum aedificati dedica-
tione, scriptus credatur hic psalmus, totus fe-
re est in praenunciando Christi ad Caelum a-
scensu, ejusque regni propagatione.*

- 2 **T**ollite aeternum super astra laetis
Plausibus Regem, populi per omnes
Diffiti terras, agitate festa
Gaudia voce.

- 3 Ille sublimi folio refulgens
Dejicit gentes humili pavore;
Ille Rex magnus ditione terram
Temperat omnem.

- 4 Ille victrices agitans catervas
Regna subjecit, populosque nobis,
Jussit & nostras genibus minores
Lambere plantas.

5 Nos

- 5 Nos sibi legit proprios, suoque
 6 Jure possedit, specieque captus
 (a) Optimi Jacob, sibi sempiterno
 Junxit amore.
 6 En triumphali super astra curru
 Victor ascendit; tremulus tubarum
 Clangor, & vocum strepitus canentum
 Impulit auras.
 7 Psallite; immensum celebrate Numen;
 Psallite; invictum celebrate Regem:
 8 Imperat terris Deus; eleganti
 Psallite cantu.
 9 Tempus & quondam veniet, subactae
 Cum pati discent nova Regna gentes:
 Nunc Deus Caelo residet, suaque
 Regnat in arce.
 10 Quem Deum est Abram veneratus, illum
 Barbari oratum coeunt tyranni (b);
 Unus est cunctis Deus, una sacra,
 Ritibus & unus.
 Quanta terrestres levat aura Divos (c);
 Quos per adversos generosa virtus
 Expedit casus, Superisque magno
 Aequat honore!

PSAL-

(a) I. e. Populi Judaici.

(b) Vocatio Genium.

(c) I. e. Apostolos luxu Chrysoth. vel ut alii, Principes terrae nos ex accessu ad Christum virtute, & gloria auctos.

PSALMUS XLVII.

Magnus Dominus, & laudabilis nimis &c.

- 1 *Laudat Deum ob Jerusalem iterum aedificatam post captivitatem Babylonicam, & sub hac figura ob Ecclesiam, averſa Idololatria, conſtitutam.*

- 2 **M**agnus, & immenſa populorum laude canendus
 Eſt Deus: Hoc Urbis reſtantur mœnia ſacrae,
 Quae ſancto ſuper attollit ſtigia monte.
 3 Totius huic late aſſurgunt confinia terrae,
 Et fauſtos gaudent educi ad ſydera muros;
 Tum Monti plaudunt, gelidam qui vergit ad Arcton,
 Et laterum objectu Boream, & glacialia pellit
 Flamina, ne placidum contriſtent frigore Caelum;
 Et magni Regis celebrant ſermonibus Urbem.
 4 Illius auguſtis Divina potentia rectis
 Clareſcet, proprioque Deus ſe lumine prodet,
 Cum muros Urbis, ſacraſque tuebitur arces
 Numine, & obducta circum amplexabitur umbra.
 5 Ecce autem extremi cunctis regionibus orbis
 Inſurgunt Reges infeſti, Urbique minantur,
 Collectis ſimul agminibus: dum praelia tentant
 Impia, jam ſeſcunt animos, & coepta retractant,
 6 Mirati tantam Caelo ſe attollere molem,
 Tantaque cernentes illic miracula rerum;
 7 Quin ipſis turbata pavor per pectora ſerpens
 Inſi-

Insinuat, gelidusque coit formidine sanguis,
 Coecus & ima tremor penitus discurret in ossa;
 Dilanians & tota dolor sic viscera mordet,
 Foeta velut mulier partum enixura laborat.

8 At tu ventoso permiscens turbine pontum,
 Instructas armis puppes, ac mole timendas,
 Quales merce graves quae Tharsica littora tentant,
 Illides scopulis, & fractas gurgite merges.

9 Accipiunt promissa fidem; Quod prisca futurum
 Temporibus feris cecinere oracula Vatum,
 Cernimus impletum Divini Regis in Urbe,
 Urbe, Deus quam ultro legit sibi noster habendam,
 Extruxitque suis manibus, stabilemque locavit,
 Et firmo dedit aeternum fundamine niti.

10 At sese, Deus, in medio Tua maxima templo
 Effudit Pietas voce exorata precantum:

11 Utque tuum extremas pervadit Nomen in oras,
 Sic tua per cunctas resonant praeconia terras.
 Justus ubique audis, aequam tua dextera lancem
 Exigit, & meritis poenas, vel praemia reddit.

12 Ergo age, laetitia sancti juga summa Sionis
 Exiliant, Judaeque nurus, castaeque puellae
 Laetitiam ingeminant, tua dum, Deus optime, cer-
 nent

Judicia, adjutosque pios, fractosque nocentes:

13 Saxa, viri, ferte, & validis hanc moenibus urbem
 Cingite, & aggeribus circumvallate Sionem.
 Scandite mox turre, populosque ciete remotos,
 Ut stupeant opibus florentem, ac civibus Urbem.

14 Huc animos, quaeso, huc totas advertite curas,
 Nil ut praesidii, aut apti muniminis absit;
 Tum rectis optate locum, sibi quisque laboret

Limi-

Limina fortitus; Populo sic aucta frequenti
 Ferveat Urbs, veniens ut gloria manet in aevum,
 Et, genitor natis opera immortalia narret
 Numinis, ad seros veniat dum fama nepotes;
 15 Et Deus hic, dicat, Deus hic est noster, eritque,
 Postera dum certo volventur saecula gyro:
 Perpetuo nos Ille reget, casusque per omnes
 Imperii semper nostri tractabit habenas.

PSALMUS XLVIII.

Audite haec omnes gentes &c.

Hominum vanitas in caducis rebus sectandis:

- 1 **A**udite gentes, quoquot estis; auribus
 2 Haurite, quotquot estis orbis incolae,
 3 Seu filii terrae, inclytis majoribus
 Seu creti in oras prodiistis luminis,
 Dives, simulque pauper aequae attendite:
 4 Praecepta vobis profutura proloquar,
 Diuque mente cogitatas intima
 Voces, refertas proferam prudentia.
 5 Audita fabor: me Magister doctior,
 Summus Magister, menti & intimus meae
 Ante edocebit, quem libenter audiam
 Dictata sacris implicantem ambagibus;
 Excepta & inde verba pronis auribus
 Vobis canente mox recludam barbito.
 6 Torquebit atra quid paventem me die?

Ini-

Iniqua facta; si qua vitae ad exitum
 Sim persecutus devis vestigis.

Haec me obsidebunt, atque cingent undique
 Quam maximas adductum ad usque angustias.

- 7 Quicumque fidunt plurima potentia,
 Magnaque rerum gloriantur copia,
- 8 Non hos vel ipse frater, ut sese vadem
 Pro fratre tradat, vendicare sit potis.
 Quid alius? Haud mortalium quisquam queat
 Juvare, nec placare muneribus Deum,
 Quo praestitutos proroget vitae dies,
- 9 Redimere nec pecunia periculum.
 Nunquam quietis improbus laboribus
 Frangetur, aeternumque divexabitur (a);
- 10 Brevi sed evoluta vita tempore
 Finem videbit, transilire quem nefas.
- 11 An ille mortis non timebit spicula,
 Cum videat ipsis funus efferri bonis?
 Sed innocentes una, & improbos simul
 Mors aequa nullo conteret discrimine.
- 12 Tot aggeratas mox opes laboribus
 Ignotus haeres possidebit. immemor.
 Illis sepulchra tunc futura sunt domus
 Colendae in aevum; splendida haec palatia
 Sunt possidenda glorioso pulveri,
 Donec genus mortale propagabitur;
 Et sola, saxis sculpta quae reliquerint;
 Aut aere, terris indita aut olim suis (b),
 De tam superbis vix manebunt nomina.
- 13 Usque adeo honore cum supremo excelleret,
 Suae

(a) Ita S. August.

(b) S. Hier. vocaverunt nominibus suis terras suas.

Suae ipse vixit dignitatis immemor
 Mortalis, & se bestiis fecit parem,
 Mores earum, ac aemulatus indolem.

14 Haec, qua nocentes ambularunt, semita
 Deducit illos in ruinas maximas.

Sed gloriantur, sed sibi stulti placent,
 Et foeda plenis facta buccis praedicant.

15 At mox, macello duci inertes ut solent
 Oves gregatim, & sponte adactum gutturi
 Excipere ferrum, sic & illi tartara
 Detrussi ad ima, aeterna Morti pabula
 Cedent, cruentis conterenda dentibus.
 Aeterna Justis cum dies illuxerit,
 Fractos domabunt, & coercebunt malos,
 Dominosque, quos tulere, tunc servos prement:
 Opibus quod illi collocabant in suis,
 Tunc consenescet omne praesidium; ruet,
 Qua sic in altum se efferebant, gloria,
 Postquam profundas viderint Stygis Domos.

16 Sed me Deus sua prehensum dextera
 Tenebricoso educet ex Orci sinu,
 Animamque caecis hanc cavernis eruet.

17 Ne pertimescas improbi potentiam,
 Quamvis domi coegerit magnas opes,
 Multaque abundet, ac tumescat gloria.

18 Dies migrandi cum suprema advenerit
 Nil ille secum rebus ex tot auferet,
 Ipsumque parta non sequetur gloria.

19 Caeli favore blandientis ebrius
 Multis beatos ducit in bonis dies,
 Dum vita superat; inde cuncta deserunt:
 Te laudibus depraedicat, tunc scilicet,

Cum

Cum dona larga effuderis manu, Deus (a),
Adversa ubi incidunt, paratus obloqui.

- Hinc ad parentes demigrabit impios,
Quorum nefanda est aemulatus crimina,
Funestae eandem mortis ingressus viam,
Lumenque nunquam dulce conspicabitur.
- Usque adeo honore cum supremo excelleret;
Suae ipse vixit dignitatis immemor
Mortalis, & se bestiis fecit parem
Mores earum, ac aemulatus indolem.

PSALMUS XLIX.

Deus Deorum Dominus &c.

Futurum Judicium praenuntiat, & Judaeos ex Sacrificiorum legalium reprobatione ad Spiritalem Dei cultum in novo Testamento exercendum disponit.

- **R** Ex hominum, Divumque ingenti voce locutus
Intonuit, terramque citans ad iussa silentem
- Accit, Eoo qua Phoebus ab aequore surgit,
Quaque sub Hesperiiis decedens mergitur undis.
Olli pulchra Sion sedes; hinc prodit, & alte
Emicat, egregio late spectabilis ore.
- Praescriptum jam tempus adest, cum luce refulgens
Conspicua, Deus adveniet, manifesta daturus
Signa suae majestatis; non ille filebit,
Ut quondam, placidoque inerit clementia vultu;

(a) Alii aliter.

Sed longos Caeli tractus, maria omnia, terras
 Late omnes simul involvens populabitur ignis,
 Rapraque fumabunt stridentibus omnia flammis
 Ipsius ante oculos; totum simul undique mundum
 Horrida concutiet, fundoque evertet ab imo
 Tempestas.

- 4 Superos Caeli convexa tenentes (a),
 Mortalesque omni terrarum parte vocatos
 Judicii testes ascriptoresque jubebit,
 Pectora fida sibi, ac lectam secernere gentem
 Coetibus immistam invisis, turbaque nocentum.
- 5 Ergo agite, & populos ex omni parte fideles
 Cogite, Caelicolae, qui foedera rite colentes
 Pacta Deo, sanctas adolerunt thuribus aras,
 Oblato verax confessi munera Numen.
- 6 Tum vero horrifico Caelum omne fragore tonabit,
 Justitiam, & magni testatum Judicis iras.
 Nunc age, Te, gens appellat Judaea; tibi ipse
 Ecce Deus loquitur, monet & praevertere damnum:
- 7 Huc aures adverte tuas, memorique reconde
 Pectore, quae moneo, Israel: Tibi certa salutis
 Consilia, & nostra quae stet sententia mente,
 Ipse Deus, Deus ipse tuus, nunc ordine pando.
- 8 Non ego te, sacris quod non altaria fument,
 Accusem, nec nostra vacent quod templa cruore
 Caesarum pecudum: semper mihi munera libas
 Multa focis, semper pingues holocausta per aras
 Multa ardent, sacros multa imbuunt hostia cultros.
- 9 Quid tum? non vitulos mihi de praesepibus altis
 Eductos, raptosve tuis ab ovilibus agnos
 Posco dari.

Quotquot sylvis stabulantur opacis,

- Quotquot & aëris jumenta in montibus errant,
 (Sunt mea; Me validi Dominum novere juvenci,
 11 Me pictæ volucres; qua nidos arbore figant,
 (Quas habitent sedes, ubi tuta cubilia ponant,
 Novi ego; Me terræ fruges auctore creantur,
 (Pullulat omnis ager, gravidis & canet aristis.
 12 Si quando esuriani, non a te pabula poscam;
 Est meus, & fructus totus mihi parturit orbis,
 Effundit pleno quos dives Copia cornu.
 13 Nunquid ego e secto carnes mihi tergo tauri,
 Aut pateras hirci spumantes sanguine sumam?
 14 Solve Deo laudes: hoc est mihi honore litandum;
 Et suscepta Deo fac reddas vota fidelis;
 15 Cumque tibi fortuna dies adduxerit atros,
 Me venerare, piaque meum prece Numen adora
 Ipse adero, & salvum te per discrimina rerum:
 Expediam, tu me digno celebrabis honore.
 16 Haec ubi dicta piis, tum vero affatur iniquos
 Sic Deus, & tali compellat voce nocentem:
 Quid leges, insane, meas, quid foedera jactas,
 Quid mea jura crepas lingua temerata profana?
 17 Interea rectos odisti, perfide, mores,
 Et mea sub pedibus contemptor iussa dedisti.
 18 Seu tibi fur, turpis sive obvius esset adulter,
 Te furi socium jungens avertere praedas
 Tentasti, in partem sceleris te accepit adulter;
 19 Verba venenatis vomuisti livida labris,
 Callidus astuta fraudes contexere linguae;
 20 Interdumque sedens ignava per otia quemvis
 Dente lacescebas, mordacique ore latrabas,
 Foedere sive foret, seu quis tibi sanguine junctus.
 Saepe dolos etiam malecauto, & subdola plantis

- Retia tendebas, captus quibus ille periret.
 Haec tu cum faceres, tacito tamen omnia vultu
 Sustinui dudum, nec longa silentia rupi.
- 21 Sed frustra tibi me similem, scelerique faventem
 Finxisti demens: Te contra denique tollam
 Increpitans vocem & statuam tua crimina coram,
 Et tua te multo traducent facta pudore.
- 22 Audite, atque animis haec alte infigite vestris
 Vos, quibus ex animo Deus excidit, atque cavete,
 Ne vos securos nimis, ac nil tale timentes
 In jus abripiat, neu poenas exigat ultor,
 Quin aliquis validae possit subducere dextrae.
- 23 Placatura meum laudes sunt hostia Numen;
 Hae sternunt iter ad Superos, ubi prima salutis
 Causa, Deus, clara dat sese in luce videndum.

P S A L M U S L.

Miserere mei Deus secundum magnam &c.

- 1 *Post Bethsabeam adulteratam, & Uriam caesum,
 a Nathan Propheta reprehensus, & ad se re-
 versus, peccatum deslet, & Dei clementiam
 implorat.*

- 2 **P**ER quae magna Tuo pietas in pectore regnat,
 Summe Pater, casus ah miserare meos;
 3 Et, quae multa tuis patuit clementia factis,
 A me patratum deleat una nefas.
 4 Ablue, si qua manent sceleris vestigia nostri,
 Et cunctas imo e pectore terge notas.

- 5 Heu culpam agnosco: Quo vertam lumina, semper
Criminis ante oculos haeret imago meos.
- 6 In Te peccavi solum, tua Numina laesi,
Conscius es, sceleris testis & ipse mei.
- 7 Arguor hinc merito, & si ausim contendere tecum
Judicio, melior causa futura tua est.
- 8 Quid faciam? Mihi culpa haeret vel matris ab alvo,
Et foetu intumuit plena nocente parens.
- 9 At mea simplicitas fuko praetexere verum
Nescia, visa aliquo digna favore fuit.
- 10 Hinc tua, quae multa tegitur Sapientia nocte,
Hinc mihi sunt animi sensa reclusa tui.
- 11 Hyssopo me sparge; sacra lustrabor ab unda,
Intractas vincam lotus & inde nives.
- 12 Sentiet, & dulci sensu mens laeta fruetur,
Et contrita novus serpet in ossa vigor.
- 13 Aspectu scelerum vultus averte meorum,
Et quocumque premor crimine, solve reum.
- 14 Cor mihi finge novum, novus intra viscera surgat
Spiritus, obliqua nescius ire via.
- 15 A facie ne, quaeso, tua me projice, sancta
Neu me destituat Numinis aura tui.
- 16 Laetitiam antiquam reparata redde salute,
Firmet & egregius membra resecta vigor.
- 17 Tunc ego vulgabo in populum tua facta nocentem,
Discet & inde tuas impius ire vias.
- 18 Me cruor accusat fusus: Tu me exime noxa,
O Deus, o animae vita, salusque meae,
Tunc mea, quam justa culpas pietate remittas,
Incipiet laeto pandere lingua sono.
- 19 Quae scelus astrinxit, labiis Tu vincula solve;
Ibunt in laudes ora soluta tuas.

- 18 Si Tibi maētatis placuissent sacra juuencis;
 Ara bouum multa perlita caede foret.
 Sed Te non sacro delectat victima fumo,
 Victima odoratis rite cremata focus.
 19 Hostia grata Deo mens est scelus omne perosa;
 Anxiaque, admissio crimine, corda placent.
 20 Da veniam; charae hoc praesta, Deus alme, Sioni,
 Per me fac munus sentiat illa tuum.
 Ut Solymae cecidere meo prope moenia casu,
 Sic venia assurgant pene resecta mea.
 21 Tunc accepta Tibi pia sacra; & dona ferentur,
 Tunc cadet ante tuos hostia grata focos.
 Convenient populi, vitulosque a lacte recentes
 Imponent aris, lecta piacla, tuis.
-

P S A L M U S LI.

Quid gloriaris in malitia &c.

- 1 *Reprehensio Doeg Idumaei, qui calumniatus est Da-*
 2 *videm, & Achimelech. Sacerdotem apud Saul,*
 3 *& causa fuit, cur multi perirent, & poenae*
 4 *comminatio calumniatoribus. I. Reg. 22.*

- 1 **Q**uid gloriaris, improbe factis potens,
 Fortisque solo in crimine?
 2 Dudum sub alta mente conceptum scelus
 Lingua nocente parturis.
 3 Caecum doloso infligis ictum vulnere,
 Acuta ceu novacula.

, No.

- 1 Noceere cunctis, profuisse nemini,
 Tibi mente defixum sedet.
 Iniqua vident plus tibi mendacia,
 Quam iusta verba proloqui.
- 6 Quaeque in ruinam credulos voces agunt,
 Dolosa lingua, has deligis.
- 7 Sed in tuum convertet exitium caput
 Deus ille vindex criminum:
 Te clade ab imo verteret extrema obrutum,
 Exterminabit & domo;
 Cogetque patriis migrare sedibus
 Extorrem, egentem, ac exulem;
 Tum siqua restant in solo ex te germina,
 Imis revellet stirpibus.
- 8 Justus jacentem cernet, & casus feri
 Horrescet ad spectaculum;
 Mox & cachinnis ora solvet, talibus
 Illudet & te vocibus:
- 9 En qui faventem nil moratus est Deum,
 Securus omnis auxilij,
 Sed in bonorum lubrica affluentia
 Sibi spes inanes condidit.
- 10 At ipse Divina educatus in Domo
 Aura faventis Numinis
 Vigebo, ramis crescit ut feracibus
 Oliva felici solo.
- Nam semper aluit me Dei benignitas
 Sperata in omne saeculum.
- 11 Hinc debitas Tibi usque solvam gratias
 Ob facta, Numen, talia;
 Tuoque semper collocabo in Nomine
 Spes haud futuras irritas;

Bonum, ac salubre id esse, qui periculum
Fecere, testantur pii.

PSALMUS LII.

Dixit insipiens in corde suo &c.

*Deplo rat humani generis insipientiam, optat capti-
vitatis Babylonicae finem, & Christi adventum.*

- 1 **I** Nsipiens tacito dixit sub corde susurrans:
Nullus in orbe Deus;
- 2 Hinc scelere, hinc probris sordescit vita pudendis;
Nullus ubique bonus.
- 3 Prospexit Deus e Caelo, si sanior ullus,
Si cui cura Dei est.
- 4 Deliquere omnes, scelus est opus omnibus unum;
Nullus ubique probus.
- 5 Nunquam ergo sapient, nunquam meliora sequentur,
Qui modo crimen amant?
Mos quibus est tenues avido consumere dente,
Triticeam ut Cererem;
- 6 Nec meminere Deum aversum seu flectere votis,
Sive vocare prece.
Inde timor, vel nulla subest ubi causa timoris:
Conscia mens trepidat.
Nam quos afflatu populi levat aura secundo,
Hos Deus attenuat.
Aspernante Deo, vulgi ludibria facti.
Ora pudore notant.

7 Quis

- 7 Quis dabit, Isaacidis felici ut ab urbe Sionis ?
 Prodeat alma salus ?
 Cum Deus exolvat captos, & Patria cives
 Accipiet reduces,
 Tunc totum veteris genus exultabit Iacob,
 Laetaque posteritas.
-

P S A L M U S LIII.

Deus in nomine tuo saluum me fac &c.

- 1 Cum Ziphæi Davidem apud se latentem Sauli detulissent, & ipse magno cum exercitu instaret, in tanto periculo ad Deum confugit.

- 3 **M**E tuum tantis, Deus, e periculis
 Nomen educat; tua magna virtus
 Judicis ritu mea facta lance

Ponderet aequa.

- 4 Te pium sperem, modo nostra vultu
 Vota pacato excipias, tuasque
 Praebeas imo tibi corde fusis

Vocibus aures.

- 5 Gens studet nostris inimica damnis;
 Fortis & caedem minitatur hostis,
 Nec Deus vindex animo, nec ultrix

Ira recurSAT.

- 6 Excubat nostrae Deus at saluti,
 Et fovet dulci gremio receptum;
 Tuta sub tanto mea se tuetur

Vindice vita.

- 7 Quae meo intentant capiti, fac hostes
Sentiant in se rediisse, cladem,
Per fidem oratus, mihi comparantes
Disjice gentes.
- 8 Tunc libens sacris operabor aris,
Et tuo laetos modulabor hymnos
Nomini, quo nil melius, nihilque
Sanctius usquam;
- 9 Quod mihi adversos superare casus
Sospiti, erecto dederisque vultu
Cernere afflictos, domitosque foedis
Cladibus hostes.

P S A L M U S LIV.

Exaudi Deus orationem meam, & ne &c.

- 1 *Fugiens Saulem, seu Absalonem persequentem,
Deum pro liberatione exorat, Christi patientis,
hominis justī, & Ecclesiae ab impiis divexatae
personam, & sensa exprimit.*
- 2 **E**Xcipe, summe Pater, vultu mea vota sereno,
Neu spernas, humili quas damus ore preces;
Luctifonis faciles praebe clamoribus aures,
Nec concepta suo pondere vota vacent.
- 3 Quae mala me exercent, tacita dum mente revolve,
Heu quot tristitiae fluctibus exagitor!
Territat insultans hostis me voce minaci,
Vexat & indignis impius usque modis.

4 In

4. In me conjiciunt probra mille, & crimina fingunt,
Inque meum frendens irruit ira caput.
5. Ima dolor sensu praecordia stringit amaro,
Instat vicinae mortis ubique timor.
6. Et timor, & gelidus totos tremor occupat artus,
Et lux ex oculis fugit amica meis.
7. Quis volucres, dixi, mihi tergo accommodet alas,
Prospecto quales hoste columba quatit?
Sic rapidis deserta petam, & nemora avia pennis,
Abditus & tuta sede quietus ero.
8. Arripui procul inde fugam, lucemque perosus
In solis mansi, delituique locis.
9. Atque hic auxilium solo opperiebar ab Illo,
Unde optata mihi est non semel orta salus,
Cum me turbato tempestas horrida fluctu
Mergeret, & trepido deficerent animi.
10. At, Deus, exitio audaces Tu merge profundo,
Atque insensa mihi disjice colloquia.
Vidi ego juratos in me concurrere cives,
Atque rebellantes vertere ad arma manus.
11. Impietas tota victrix dominatur in urbe,
Et vigil in muris nocte, dieque sedet;
In medio labor immeritos exercet iniquus,
Censetur numero fasque, nefasque pari;
12. Opprimit, & miseros jugulat grave foenus egentes,
Et fraus in toto regnat iniqua foro.
13. Quod si mecum odiis inimicus certet acerbis,
Offensas aequa tunc ego mente feram;
Si quicum fuerat mecum longaeva similtas,
Foeda ingessisset probra, trucesque minas,
Perfugium caecis quaesisset forte latebris,
Vitassem & capiti damna parata meo.

- 24 (a) At mecum antiquo vivebas foedere junctus;
 Qui nunc infidam prodis amicitiam.
 Consiliis sic ipse tuis, & voce regebar,
 Ut coepris esses duxque, comesque meis.
- 15 Mecum communes epulas celebrare solebas,
 Divinam unanimi religione domum.
- 16 Fallaces, similesque tui mors occupet atra,
 Mergat & infernis corpora viva vadis.
 Cum vitiis habitant hi nempe penatibus jisdem,
 Et media in coetu culpa frequente sedet.
- 17 Ast ego voce Deum multa, precibusque vocabo;
 Incolumem cunctis eruet Ille malis.
- 18 Cum serus vesper, primus cum fulserit Eos,
 Et medio cum sol egerit orbe rotas,
 Aerumnas illi recinam, & mea tristia fata;
 Audiet & voces protinus Ille meas.
- 19 Hanc animam mediis servabit ab hostibus, & me
 Pace dabit, nullo praepediente, frui.
 Quanquam illi infestis gladiis me cominus urgent,
 Confertaque gerunt impia bella manu.
- 20 Audiet orantem, qui saecula cuncta praeivit,
 Illos exanimi corpore sternet humi.
- 21 Consilia in melius nec enim revocare laborant,
 Tergo impendentem nec timuere Deum;
 Idcirco ultricem extendens in vulnera dextram
 Praemia pro factis, quae meruere, dabit.
- 22 Hoc poscunt foedo violatae crimine leges,
 Fractaque mutata pacta sacrata fide.
 Sed Deus irato percussos conteret ore;
 Jam decreta alto pectore poena prope est.
- 23 Quisquis, es in Dominum simul omnes rejice curas:
 Ne dubita, rebus consulat Ille tuis.

- Justus in adversis rerum si fluctuet undis,
 Non tamen aeternum dira procella fremet.
 24 At Tu perpetua damnatos morte nocentes
 In vada dejicies non remeanda, Deus.
 Qui fraudes agitant, ferrum qui caede cruentant,
 Tempora nec vitae dimidiata trahent.
 Verum ego quidquid opis, quod fas sperare salutis,
 Id, Deus, auxilio consequar omne tuo.
-

P S A L M U S LV.

Miserere mei Deus, quoniam &c.

- 1 *A Saule profugus, & ex manibus Regis Achis
 per insaniae simulationem elapsus, & in spe-
 luncam abditus suam in Deo, ejusque promif-
 sis fiduciam ostendit.*
- 2 **A** Dis. e Caelo, Deus, ac miserare jacentem,
 Me proterit mortalis, ac pessum premit.
 Pugnat atrox, odiis nunquam satius iniquis,
 Instatque totos in meas clades dies.
- 3 Collatis multi coierunt viribus hostes,
 Pede & superbo contudere jam caput.
- 4 Inde diem timeo, ut medium subit altior orbem,
 Fidisque conor me tenebris abdere.
 Sed spes in tanto me recreat una timore,
 Spes in tuo quae stat locata Numine.
- 5 Te recolam compos voti, & mihi facta revolvens
 Promissa, tantam laudibus fidem efferam.
 Spes

Spes mihi firma Deus: mortalia nulla timebo,
Humana nec de me quid ira cogitet.

6 Dicta illi studiis carpunt, & facta malignis,
Unumque curant immerentem perdere.

7 Mecum habitant, fraudes simul alto corde recondunt,
Oculisque limis, quo pedem vertam, notant.

8 Sed velut hi nostram tendunt invadere vitam,
Sic his salutis non patet per Te via.

Quin potius iusta confurges concitus ira,
Et dira vasta capita clade conteres.

9 Emenso Tibi narravi, Rex summe, labores,
Tu lacrymas Tibi ponis ante oculos meas.

10 Sic fore pollicitus fueras: inimica retrorsum
Jam, Te premente, gens feret vestigia.

Quo Te cunque die supplex in vota vocaro,
Expertus, esse Te mihi scio Deum.

11 Proin tua verba canam semper, carituraque certa
Nunquam fide promissa laudabo tua.

12 Me spes solatur Domino commissa potenti:
Homo haud timebo quid mihi paret mali.

13 Vota tuas reddam suscepta operatus ad aras,
Tibique dignas concinam laudes memor.

14 Namque animam hanc avidi servasti e faucibus Orci,
Mei stetere, fulciente Te, pedes.

Hinc Tibi me adnitar factis, dictisque probare,
Spirabilis dum vescar aura luminis.

P S A L M U S LVI.

Miserere mei Deus miserere mei &c.

1. *Saulem fugiens, & in spelunca Engaddi abditus
petit a Deo liberationem a persecutione, ejus
bonitati confidens, & Christum praefignat.*

2. **S**umme Deus, miserare aegrum, miserare dolentem:

Scilicet in Te uno spes mihi tota sita est.

Spes est una, cuius requiescere posse sub alis,

Impia dum scelerum tempora praetereant.

3. Imus ego summum clamore ciebo Tonantem,

Multa dedit larga qui mihi dona manu.

4. Misit enim Caelo auxilium, me ex hoste recepit,

Et mea damna illi vertit in opprobrium.

5. Justitia, & Pietas celeres tua lapsa per auras

Hanc animam ex avidis faucibus eripuit.

Nam, quales catuli pastorum caede leonum,

Sanguine certarunt ora rigare meo.

Horrida adhuc turbant pavidum simulacra soporem;

Exterretque oculos tristis imago meos.

Nunc etiam dentes acuunt; sunt lurida dentes

Spicula, quaeve arcu missa sagitta volat.

O quae mordaci infligunt fera vulnera lingua!

Hanc gladium, aut gladio dixeris esse parem.

6. Te, Deus, aetherea noscant super arce tonantem,

Et tua per totam gloria regnet humum.

7. Aspi-

- 1 Aspice; caeca meis posuerunt retia plantis,
 Conati ad terram detrahere exanimum.
 Quacunque ingrederer, ducta scrobe semita clausa est,
 Fossa sed auctores obruit illa suos.
- 2 Quae Tibi cunque placent, Deus, en me ferre paratum;
 Aequa mente feram, quae Tibi cunque placent.
 Quidquid & acciderit, grato Te carmine dicam,
 Et faciam similes reddere plectra modos.
- 3 Surge anime, & solitum jam pectore concipe Numen,
 Jam resides chordae surgite, surge chelis.
 Discutiet primus noctis cum Lucifer umbras
 Corripiam molli membra resecta thoro,
- 4 Et tua vulgabo in cunctas praeconia gentes,
 Audiet & cantus ultima terra meos.
- 5 Nam tua se Pietas super ardua sidera tollit,
 Justitia & nubes transvolat aethras.
- 6 Ergo tuum late resonet super aethera Nomen;
 Et tua per terras fama perennis eat.

PSALMUS LVII.

Si vere utique iustitiam &c.

- 1 Arguit impios consiliarios Saulis, omnesque injustos, eisque maturam poenam denuntiat.
- 2 SI lingua verax iustitiam crepat,
 Si iusta vobis ex animo placent,
 Recta elocuti, recta vestris
 Iudiciis, homines, probate.

3 At

- 3 At vos maligno crimina pectore,
Molimini, mox vertitis improba
Ad ausa dextras, & venustis
Instruitis malefacta verbis.
- 4 Stulti vel ipso matris ab ubere
Transversi aguntur; prima crepundia
Culpae est rudimentum, strophasque
De tenero meditantur ungui;
- 5 Qualis veneno turgidus emicat
Serpens, vel aspis furda, volubili
Quae novit obturare cauda,
Ne sonitu feriantur, aures,
- 6 Frustraque solers arte veneficus
Arcana in auras carmina murmurat;
Non cantiones illa curat,
Nec magicis capitur susurris;
Talis quoque illis seu furor insidet,
Seu pervicacis durities fera
Cordis, nec ullis edomanda
Alloquiis, monitisque nullis,
- 7 Horum retundet vulnificos Deus
In ore dentes, saeva rudentium
Molas leonum praepotente
Conteret, excutietque dextra.
- 8 Aqua ut citato labitur agmine,
Sic & nocentum definet impetus:
Jam Numen arcum, jam retendit
Tela feras domitura vires.
- 9 Cera ut propinquis liquitur ignibus,
Sic dissipatus defluet impius:
Descendit en ignis, nec alium
Deficiens videt ille Solem.

- 60 (a) Spineta duris caesa bipennibus,
Cum nondum adultis rhamnus aculeis
Sylvescit, ut flammis vorantur,
Ante diem caditis scelesti,
Vivosque vindex ira vorat.

- 11 Pius
Laetatur ultus facta nocentia,
Fusoque respersus cruore,
Caede manus lavat impiorum.
Vox una cunctis: Praemia si capie
Probata virtus, est Deus, est Deus,
Mortalium qui facta librat
Quique vicem meritis rependit.

PSALMUS LVIII.

Eripe me de inimicis meis &c.

- 1 Domi suae a Saulis Satellitibus custoditus, & ad
necem quaesitus, Dei auxilium implorat, inimi-
cis supplicia praedicit, quae omnia in Christum
conveniunt a Judaeis exagitatum, eorumque ju-
stam punitionem.

- 2 **D**Eus, cruentis me tuere ab hostibus
Adversus insurgentibus;

- 3 Me de nocentum manibus educ, obsecro,
Caedi paratis impiae

- 4 En me plagis cepere ceu venaticis (b),
Magnisque adorti viribus

(a) S. Hieron. Antequam crescant spinæ vestrae in rhamnum.
(b) Graec. venati sunt.

Dein irruerunt: Conscium testor tuum

Numen, Deus Sanctissime,

Non culpa, & aliquo crimine id factum meo;

Sum totus extra noxiam.

Exurge, Teque da mihi sis obvium,

Meosque casus aspice;

Tu, cui cohortes militant Caelestium,

Tu verus Israel Deus,

Descende, cunctis ius daturus gentibus,

Expende vitas omnium;

Neu parce iniqua facta perpetrantibus,

Pietas nec ulla molliat:

Ad se redibunt, cernere incipient diem,

Surgente sed jam vespero.

Tunc sero sapient; nulla se ostendet via,

Vel spes salutis perditis.

Sed esca egentes circuibunt oppidum,

Canes velut famelici.

Nunc interim de me loquuntur impia,

Et ore verba glutunt;

Enses eorum inesse labris dixeris,

Sic lingua acuta vulnerant.

Nam nos quis, ajunt, mussitantes audiit,

Dictisve testis adfuit?

Sed Tu, Deus, ridebis hos; teruncii

Gentes vel omnes non facis.

Tu tota nostrae causa fortitudinis,

Et tutor, & custodia;

Tu sospitali me recepisti sinu,

Deus ter, & quater meus.

Quae me praeivit haecenus, Pietas tua,

Omne praeibit tempore.

- 12 En auguror: Poenas Deus me cernere
Dabit luendas hostibus.
Ah parce cladi, parce populares meos
Vel sic merentes perdere,
Ne oblitterata forte nostrae fundirus
Gentis memoria intercidad.
Potius tua disperde eos potentia
Terras per omnes exules,
Summoque honoris dejice e fastigio,
Defensor o noster, Deus.
- 13 Illos peregit proprius sermo reos,
Et verba condemnant sua.
Qui jam superbos extulere spiritus,
Captiva colla deprimant:
- 14 Dira execrati, fraude mentiti mala
Fama arguentur publica,
Cum versa flammis urbs ruet voracibus,
Deique ab ira concidet,
Nec amplius Judaea gens erit, vetus
Nec Abrahami gloria.
Regnare in Israele tunc scient Deum,
Cunctisque terrae finibus.
- 15 Ad se redibunt, cernere incipient diem,
Surgente sed jam vespero.
Tunc vero sapient; nulla se ostendet via,
Vel spes salutis perditis.
Sed esca egentes circuibunt oppidum,
Canes velut famelici,
- 16 Passim vagantes parca quaerent pabula
Terras per omnes exules;
Explere longam si denegetur famem,
Sortem querentur asperam.
- 17 Tuam

- 17 Tuam canam sed ipse fortitudinem,
 Quandoque primum luxerit.
 Tuamque gaudens efferam clementiam
 Majore dignam carmine,
 18 Ad Te receptus quod mihi, & portus fuit
 Atro in malorum turbine.
 Te nostra dicent plectra, Te, vindex meus,
 Te vita, Te salus mea.
-

P S A L M U S LIX.

Deus repulisti nos &c.

- 1 *Per occasionem belli, quod Davidi intercessit cum
 Philistaeis, Moabitibus, Syris, & Idumaeis, a
 quibus fuerat laceffitus, Dei opem implorat, si-
 bique victoriam auguratur, quae Christo, &
 Ecclesiae accommodari possunt.*
 2 **J**Am satis abjecti, Deus, a Te, immania passi,
 Absumptique sumus; Tua nos ita perculit ira,
 Tantorum ut facies dira, ac miseranda laborum,
 Sit quoque visa Tibi.
 3 *Magna commota malorum*
 Diluvie, & crebro Terra haec attrita sub ictu
 Horret adhuc, laceroque ostentat corpore plagas (a).
 Tu, quae fecisti, demum lethalia sana
 Vulnera. Nonne vides? Longo turbata dolore
 Ingemit, & moestas versat sub pectore curas.
 4 Saevitum satis est; populo sat dura dedisti

(a) Hebr. scidisti, vulnerasti.

- Fata tuo; austeri bibimus sat tristitia vini
 Pocula, quae succo fauces, & viscera torquent;
 Jam sapere incipimus, jam vitae poenitet actae;
 6 Novimus: intentis sinuosi cornibus arcus,
 Servitio Tibi devinctis non vana dedisti
 Signa volaturae quondam per inane sagittae,
 7 Viter ut impendens fatum Tibi chara propago.
 Ergo me serva incolumem, mihi porrige dextram,
 Sancte, tuam, pronisque has auribus excipe voces.
 8 Audior: En nostro fundit se pectore Numen,
 Suggestit en voces, sanctoque in Vate profatur:
 Victor ego, imperioque potens Samaritidas Urbes
 Partibor, quibus & tentoria fixit Iacob,
 9 Limite metabor valles, Galaditis & ora
 Tota mea est, servit victi mihi terra Manassis,
 Belligeris & foeta viris Ephraimia nostrum
 Tutatur regio caput, & me robore firmat;
 10 Accepit mea jura tribus quoque regia Judae,
 Regum progenies, Regumque futura creatrix;
 Nec jam ferre jugum provincia tota Moabi
 Detrectat, gleba quae spes alit ubere nostras,
 Et vescas nostrae carnes in fercula mensae.
 Nec satis haec; Libet & campis victricia signa
 Figere Idumaeis, domitas cursare per Urbes;
 Jamque peregrinae poscunt mea foedera gentes,
 Aera Philistaei jam vectigalia pendunt.
 11 Quid mihi vincendum restat? Quis ducet, ubi arces
 Munitae surgunt, atque urbs fortissima bello?
 Quis me per mediam victorem ducet Idumen?
 12 Quis, nisi Tu nostrae, Deus, Arbiter unice sortis,
 Cui tunc cum libitum res est evertere nostras,
 Desertos liquisti, inopesque, atque omnium egenos?
- Tu-

- Tuque adeo in bella egrediens non robore nostro,
 Non armis fidis, non cinctis aere catervis,
 Sat propria virtute potens, magni agmnis instar.
 13 Ergo, namque potes, Tu nobis rebus in arctis
 Opportunus ades; vanum est aliunde salutem
 Sperare, humanis, & fidere viribus. Isto
 14 Freti praesidio magna, & praeclara geremus;
 Ille premet, nostros & funditus eruet hostes.
-

P S A L M U S LX.

Exaudi Deus deprecationem meam &c.

- 1 *Oratio seu Davidis in exilio, seu populi in captivitate, seu hominis Justī cujusvis, seu Christi, seu Ecclesiae in malis suis Dei opem poscentis, & ad Caelestem patriam aspirantis.*

- 2 **V**Oces precantis excipe,
 Summae Deus clementiae,
 Intende mentem supplici.
 3 Terrae ultimis e finibus
 Clamoribus te maximis
 Rebus vocavi in asperis,
 Dum cor mihi tabesceret
 Doloris aegritudine;
 In arce munitissima
 Tu me locasti sospitem;
 4 Dubiae per anfractus viae
 Tu praebuisti Te ducem;

- Tu spes mihi certissima,
 Tu dira contra praelia,
 Adversus hostes impios
 Turris fuisti ahenea.
- 5 Ergo tuis Sacrariis
 Semper morabor abditus;
 Sub matre ceu pullus pavens
 Alis cubabo sub tuis,
 Tuaque ab umbra protegar.
- 6 Tu vora, Tu semper preces
 Audire fuetus es meas,
 Meus ter, & quater Deus;
 Mihique, quotquot & tuum
 Nomen verentur, & colunt,
 Jam destinatum deferēs
 Haereditatis maximae
 Perenne patrimonium.
 Mens auguratur praescia:
- 7 Regis Tibi carissimi (a)
 Vitae ampliabis terminos,
 Dies diebus astruens,
 Annos & usque protrahes
 De stirpe stirpem in alteram.
- 8 Jamque Ille summo Numini
 Aeternus aeterno affidet
 Et obtinet per omnia
 Commune regnum tempora.
 Huic quanta sit clementia,
 Et quanta dictis veritas,
 Quis quaerat, aut quis aestimet?
- 9 Tuo ergo, Sancte, Nomini

De

(a) i. e. Christi.

Devota pangam carmina
 Omni canenda saeculo,
 Tibique vota debita
 Reddam diebus omnibus.

PSALMUS LXI.

Nonne Deo subjecta erit &c.

1 *Se ipsum ad patientiam in adversis, & confidentiam in Deo adhortatur, nosque item Deo, non divitiis fidere docet.*

2 **N**Um Dei subdi imperio negabit
 Spiritus noster? sed enim per illum
 Gaudeo parta, fruar & perenni
 Usque salute.

3 Hic mihi semper Deus, hic salutis
 Auctor, hic vitae column caducae;
 Nulla me tanto quatiet ruina
 Numine nixum.

4 Quandiu infestis inimica telis
 Agmina, in me unum ruitis? cupido
 Tanta quae, nostrae rabiesque caedis
 Incitat omnes?

Qualis est hoste in fragili triumphus?
 Sicut acclinis paries ruinam
 Si det impulsu, lapidesve nullo
 Glutine juncti.

5 Invidet nostro fera gens honori,
 Meque eo tendit spoliare; cursum

Plus ego intendo, sitis aegra fauces
Torret anhelas.

Ore blanditi phalerata ficto
Verba contexunt, nec avara laudum;
Interim diras animo precati,
Damna minantur.

- 6 At Dei scitis animus verendis
Serviat noster; patiens, silensque
Hinc opem speret: Deus una nobis
Vita, salusque est.
- 7 Vindice hoc, nunquam statione cedam,
Nulla me vincet facies malorum;
- 8 Hic salus, hic est decus omne, spesque,
Praesidiumque.
- 9 Fidite huic, omnes populi, quot estis,
Votaque, & curas animo repostas
Fundite ante Illum, Potis Ille certam
Ferre salutem.
- 10 O genus mendax, homines, dolosa
Cuncta pensantes trutina, simulque
Arte fallendi, quasi vanitatis
Foedere, juncti.
- 11 Ausa spem nulli faciant iniqua,
Nullus & rapto male parva quaerat;
Affluent gazae, procul esto avari
Cura peculi.
- 12 Est Deus certo semel ore fatus,
Et manet dictis; duo me docentem
Audii: summa est Pietas, Tibique
Summa Potestas.
Tu, Deus, vitae medius sedebis
Arbiter nostrae, meritis daturus

Prae-

Praemia, aut poenas; sibi quisque sortem
Fingit agendo.

PSALMUS LXII.

Deus Deus meus, ad te de luce &c.

1. *Cum fugiens Absalonem lateret in deserto Idumaeae, seu verius Judaeae, deplorat exilium suum, & desiderium praesefert videndi non tam terrenam patriam, quam Caelestem, qua in re omnium justorum desideria exprimit.*

2. **T**E primis vigilans mane novo, Deus,
Exquiro studiis; impatiens sitit
Te mens, imo etiam Te caro gestiens
Ambit, multiplici tacta cupidine.
3. Desertis profugus verset ut in locis,
Qua nulla est hominum trita solo via,
Nullus manat agris fons sitientibus,
Has inter latebras, lustraue inhospita,
Visus ante tuos tam prope constitui,
Quam si sancta tuae tecta colam domus;
Virtutemque tuam, quantum homini datur,
Vidi, & conspicuam lumine gloriam,
Admirans animo;
4. Proin pietas tua,
Quae vita est potior, laudis erit seges
Nostrae, Te labiis rite canentibus.
5. Dum grato aetherae munere perfruat
Lucis, fausta Tibi deprecet omnia,

- Et Nomen memorans, atque iterans tuum;
Ad Caelum geminas saepe feram manus.
- 6 Adjectisque utinam viribus auctior
Divino hic vigeat munere spiritus,
Ceu distenta adipe, ac pingua plurimo,
Florent egregio corpora robore!
Solvens ora tuis tunc ego laudibus
Testabor memori gaudia carmine.
- 7 Si, cum fessa thoro membra reponerem,
Te nunquam immemori pectore depuli,
Cum primum roseum sol referet jubar,
Te semper recolam pectore sedulo,
- 8 O & praesidium, & dulce decus meum,
- 9 Pullis ut volucris mollibus incubat,
Illi laetitia gutture gestiunt,
Alis lene cubans, sic ego sub tuis
Vocali retegam gaudia gutture.
Post Te currere, Te prendere gestiit
Mens desideriiis icta fidelibus,
Suscepitque adeo me pietas tua
Dignata auxilio tendere dexteram.
- 10 Qui nostris avidi cladibus imminet,
Conatu hanc animam surripere irrito
Tentarunt: Erebi ad regna dolentia
- 11 Detrussi, gladiis triste minantibus
Tradentur, rabidis escaque vulpibus.
- 12 At Rex dextro agitans gaudia Numine
Fulgebit domitis inclytus hostibus;
Tum quicunque bonum rite colunt Deum,
Et Nomen pavidi ter venerabile
Jurant, exanimos nil veriti Deos,
Tollentur meritis undique laudibus.

Tunc

Tunc tristes hominum prava loquentium
 Pallebunt facies, oraque garrula
 Torpebunt, stupido pressa silentio.

P S A L M U S LXIII.

Exaudi Deus orationem meam, cum &c.

1 *Dei auxilium petit contra adversariorum calumnias,
 quas irritas fore praedicit, sive id de Davide,
 sive de Christo intelligatur.*

2 **A**Ure precor, facili, Deus, excipe vota rogantis,
 Et pavidum immani vindicâ ab hoste caput;

3 Eripe me coetus e seditione maligni,
 Quaeque scelus meditans plurima turba colit.

4 Nam veluti gladios, linguas acuerere procaces,
 Intentusque manu lethifer arcus inest.

Insidiis tecti, scelus, expediere sagittas,
 Innocuum feriant ut sine teste latus.

5 Continuo at posito torquebunt tela timore;
 Sic sedet immotum pectore consilium.

6 Mentita fraudes specie, dixere, regamus:
 Quis valet occultas detegere insidias?

7 Plurima commenti sunt crimina; inania vero
 Crimina successus non habuere suos.

8 Quae fuerit molitus homo sub corde profundo,
 Ridet, & assurgit clarior inde Deus.

9 Torta manu hostili ceciderunt tela sine ictu,
 Irrita, ceu pueri spicula missa manu;

Cassa-

- Cassaque cesserunt pravae convicia linguae;
 Versaque in auctores mox rediere suos.
 10 Quicunque aspiciunt, casu turbantur acerbo,
 It gelidus cunctis ima per ossa timor.
 Tunc miranda Dei narrabunt facta, simulque
 Consilia agnoscent non bene nota prius.
 11 Tunc placitura Deo celebrabit gaudia justus,
 Ejus & in certa spem sibi ponet ope;
 Et recti cultor, culpaque immunis ab omni
 Pro meritis laudum praemia digna feret.

P S A L M U S LXIV.

Te decet hymnus &c.

- 1 *Inducuntur Hieremias, & Ezechiel Prophetæ, sive ipse populus Judaicus orans liberationem a captivitate, & reditum in Jerusalem, quibus figuris & liberationem generis humani a captivitate Daemonis, & infidelium conversionem ab Idolorum cultu, & hominis justî a miseriis vitæ ereptionem designat.*

- 1 **T**E decet festo celebrare cantu
 In sacra excelsae, Deus, arce Sion,
 Et Tibi augusta Solymae sub aede
 Solvere vota.
 2 Has, precor, voces miseratus audi:
 Omnis exemplo stimolata nostro
 Gens tuas, qua qua patet orbis, aras,
 Templaque adibit.

- * Jus datum late sceleri, nefasque
 Fasque permistum luimus merentes:
 Tu pius noxis, pariterque poenis
 Solve precantes.
 † Ille ter felix, tua quem voluntas
 Legit, ascitum numero tuorum,
 Cui Tibi sacri celebrare detur
 Atria templi!
 ‡ Quanta nos illic bona, quae voluptas
 Nos manet pleno potienda voto!
 Quae redundantes opulenta rerum
 Copia pascet!
 Sanctitas circum tua templa vestit,
 Hic nihil pravum; nihil hic iniquum;
 Turba miratur, sacer & paventem (a)
 Concutit horror.
 § O salus nobis, Deus, una cunctis
 Spes ad extremas ubicunque metas
 Pertinet tellus, procul & refusum
 Murmurat aequor,
 Has preces audi:
 ¶ Tua magna virtus,
 Quaque praecinctus graderis, potestas,
 Firmat immotos, stabilitque vasto
 Pondere montes.
 Tu procellosi vada falsa ponti
 Fluctibus misces, agitasque ventis,
 Et cava undarum resonare pulsu
 Littora mandas.
 † Si qua contristent tua signa Caelum,
 Pallidus gentes pavor occupabit,

Quot-

(a) Hebr. pro mirabile habet terribile.

Quotquot extremis habitant repostas
Finibus oras.

Sol ubi primo radiabit ortu,
Astra ubi dulcem referent soporem,
Tempora alternans peragrabat orbem,
Blanda voluptas.

- 10 Respicias terras, bibulasque glebas
Imbre perfundis, riguoque rore,
Fundit & largos opulenta cornu
Copia fructus.

Vitrei lympa trepidante campos
Alluunt amnes hominum daturos
In cibum fruges: ea firma rerum
Foedera sancis.

- 11 Qua levi rivus properat susurro,
Pura pubentes aqua lactat herbas;
Surgit hinc laetum, viget & salubri a-
spergine germen.

- 12 Orbis exacti revolutus anni
Per vices sentit tua dona certas,
Et tui foeru, gravidoque turgent
Ubere campi.

- 13 Quin & inculti speciosa vernal
Forma deserti, viret herba scabras
Nata per rupes, varioque rident
Gramine colles.

- 14 Candido it pratis aries amictus
Vellere, hunc densae pecudes sequuntur;
Quae gregem suppleant, geminosque lactant
Ubere foetus,

Ima frumenti gravidis aristis
Fluctuat vallis, Tibi cuncta festo

Per-

Personant plausu, Tibi cuncta dicunt
Carminē laudem.

PSALMUS LXV.

Jubilate Deo omnis terra, psalmum &c.

- 1 *Omnes homines invitat ad gratias Deo agendas ob servitutem depulsam tum a Judaeis, tum ab universo humano genere.*

2 **L** Aetitiaē date signa nova, atque attollite plausus,
Terrigenae, quotquot sol spectat uterque recurrens,
Et summum celebrate Deum, Nomenque verendum
Dicite, percussis aprantes carmina nervis,
Illius ut dignas evulget gloria laudes.

3 Dicite: Summe Opifex rerum, quam mira, sacroque
Digna metu dextrae sunt inclyta facta potentis!
Quanta Tibi virtus! non credat barbarus hostis
Impia mentitus de Te, atque indigna locutus;
Prodentur convicta tuis mendacia factis.

4 Cuncta Tibi psallat tellus, Teque omnis adoret
Gens meditata tuum concordi carmine Nomen.

5 Huc populi properate omnes, & magna videte
Gesta Dei: Quam terribilis, quamque Ille profundis
Consiliis hominum casus, ac fata gubernat!

6 Ut loquitur, jussu cedit mare, & arida tellus
Apparet, qua fluctus erat; dant flumina latam
Sponte viam, & sicco pede trajiciuntur euntis.

Hinc

Hinc nostri plausus, hinc nobis omnis ab illo
Laetitia.

- 7 Ille sua semper virtute regendum
8 Obtinet imperium, gentesque altissimus omnes
Aspicit: Impune haud illi contendere quisquam
Audeat, aut frontem contra ostentare rebellem, (a)
Neu propria nimium fidat virtute superbus;
9 Quin potius cuncti magnum celebrate Tonantem
Per terras populi, & toto praeconia mundo
Spargite;
10 Qui per tanta meam discrimina vitam
Expedit, dedit & firmos consistere gressus,
Nutantem haud passus misero procumbere casu.
11 Heu quantae, Rex summe, vices, heu quanta pro-
barunt
Nos mala! Quam variae tulimus ludibria fortis!
12 Ceu faber argentum succenso explorat in igne,
Torquet & ardenti conflatum saepe camino.
13 Vinc̃ta diu duris onerasti colla catenis,
Pressa fatigasti sub iniquo pondere terga,
Et domini famulis insultavere feroces;
14 Denique per flammās nobis via facta, per undas,
Donec in optata fessis confidere terra
Posse datum.
15 Gaudens ergo tua templa subibo,
Atque holocausta feram sacros adolenda per ignes,
Votaque persolvam conceptis edita verbis,
Et labiis deprompta meis, sub mole malorum
Cum gemerem:
16 Te votorum damnatus adibo,
17 Lectaque procumbet sacra Tibi caesa bipenni
Vi-

(a) Chald. legit rebelles.

Victima; succensis aries mactabitur aris
 Thure vaporatis multo, tum sanguine terram
 Cornibus auratis taurique, hircique rigabunt.

16 Huc o adeste omnes, animosque advertite vestros,
 Qui Superum colitis Regem; Memorare juvabit,
 Quae mihi contulerit, quantis cumulatus ab Illo
 Muneribus fuerim; quid enim sine Numine possem?

17 Ipso dante, Deum magno clamore vocavi,
 Ejus & in laudes exultans ora resolvi.

18 Verum siqua meo labes in corde lateret,
 Nequicquam vanis lassarem sydera votis.

19 Sed Deus infontem audivit, mentemque precantis
 Vocibus intendit.

20 Deus euge, o Maximus euge
 Ter Deus, averfa qui non mea reppulit aure
 Vota, nec abjecto pietatem adhibere negavit.

P S A L M U S LXVI.

Deus misereatur nostri &c.

• *Messiae adventum optat, ac praedicit.*

2 **L**ongis misertus nos levet malis Deus,
 Suisque donis muneret;
 Suique clarum lumen oris proferat,

3 Opemque fessis afferat.

4 Ut terrae in hoc errore inextricabili,
 Quae ducat ad Te semita,

Cernamus, omnes ut sibi per Te datam,
 Deus, salutem intelligant.

- 4 Populi perennes Tibi rependant gratias
Tanto obligati munere;
- 5 Agitentque inultata gentes gaudia,
Quod cuncta recte iudices,
Mundumque sanctis institutum legibus,
Ad saniora dirigas.
- 6 Populi rependant gratias: Tandem suum
Jam terra Fructum protulit.
- 7 Suis Deus nos affatim dicet bonis,
Noster secundet nos Deus,
Caelestium Dator ille munerum suis
Ditet bonis nos affatim,
Eumque terrarum ultimi fines colant
Pleni sacra formidine.
-

P S A L M U S LXVII.

Exurgat Deus &c.

- 1 *Decantat utriusque Testamenti Myſteria, & ſub ve-*
teribus figuris Chriſti victoriam, in Caelum a-
ſcenſum, Eccleſiam per Apoſtolos ſtabilitam de-
clarat.
- 1 **E**Xurgat Deus, exurgat: Procul illius acti
Diſpereant hoſtes, & atrocita quotquot in illum
Exerceant odia, aſpectu percuſa verendo;
- 2 Terga fugae mandent; Tenues ut ſumus in auras
Vaneſcit, mollis vicino ut liquitur igni
Cera, Dei obſpecto pereant ſic ore nocentes.

4 Ar

4. At gens iusta hilares epulas, festasque choreas
 Concelebret, praesente Deo, licitaque fruatur
 5. Iactitia. Summo laudes cantate Tonanti,
 Felices populi, Caelo dilecta propago,
 Carmine & invictum super aethera tollite Nomen.
 Caelesti referate viam, ac decedite Regi (a),
 Qui celso invehitur supra mortalia curru,
 6. Mortalesque vices, mortisque ferocia jura;
 Est Illi Dominus nomen: celebrate triumphum
 Insolitum, ante oculos magni Victoris, & ora;
 At contra infano turbati corda pavore
 Aspicient hostes flammantia lumina Regis,
 Exitium sibi triste, ac fata extrema parantis,
 Dum miseros clemens, charisque parentibus orbos
 Asciscit natos, litesque expendit iniquas,
 Quis inopes torquet viduas praedator avarus.
 7. Jam solio sedet Ille suo, sua Regna triumphans
 Jam tenet; inde facit subjectis otia terris,
 Concordeque animos aeterno foedere jungit;
 8. Quique catenato gestabant vincula collo,
 Nexibus educit validi virtute lacerti;
 Quique adeo scelerum lutulenta in faece putrescunt
 Defixi penitus, ceu condita membra sepulcris,
 Aspera corda, suae temere oblustantia legi,
 Hos quoque ab interitu revocat miseratus acerbo,
 Eductosque umbris vitales tollit in auras.
 9. Scilicet ille idem Deus es, quo gens tua longam
 Praeteriit monstrante viam, desertaque vasta,
 Te comite intravit;
 10. Tum terra tremoribus acta
 Subsiluit validis, & toto vertice Sina

Fumos volvitur agens, tua cernens cominus ora;
 Tum placidus gravidis stillavit nubibus imber,
 Caelestique dape Abramidas, & languida pavit
 Agmina, Te longos populi miserante labores.

- 11 Sed nunc gentem aliam, cujus Tu diceris haeres^(a),
 Sponte tua meliore paras pius imbre fovere,
 Muneribusque aliam ditas potioribus Urbem.
 Haec etiam attrita est^(b) quondam, fractisque labavit
 Viribus; at laetis coepit florescere rebus
 Auxiliis firmata tuis. Huc undique cunctae
 Concurrent gentes, sparsas in septa reducit
 Pastor uti pecudes.

- 12 Illo securus ovili
 Grex tuus inveniet, quae Tu delecta parasti
 Pascua; caelestique famem solabitur esca;
 Tanta tuum in miseros mollit clementia pectus.

- 13 Dein sua^(c) legatos vulganda ad iussa ministros
 De se narrantes, de se praeclara loquentes
 Vi multa, Deus ipse dabit majore tonare
 Eloquio, infundetque labris sua verba disertis.

- 14 At Rex^(d), chara Deo soboles, quem prae om-
 nibus unum

Diligit ardenti studio, cui mille phalanges
 Sunt praesto, exuvias, & capta ex hoste trophaea,
 Vi nulla, nullo Martis terrore, suorum
 Virtuti tribuet, quo regia recta decore
 Ornentur cumulata novo. Comes addita tanto
 Turba Duci, jam nunc Urbi transcripta futurae,
 15 Maeste animi, magno te quippe auctore rueris.

Sor-

(a) Christianum Populum, & Ecclesiam.

(b) Ob persecutiones.

(c) Apostolos.

(d) Christus.

Sorte data esse homini nostri duo ^(a) foedera, genti
 Quae Deus ipse suae vario pro tempore scripsit:
 Haec si respiciens, foedus venereris utrunque,
 Utraque si Divina animum tibi pagina firmet,
 Ad cumulum summi nihil ^(b) Urbi deerit honoris;
 Quae sic fulgebit, ceu tota nitens argento,
 Et dorsi pennas pallenti concolor auro
 Splendescit, spatians adverso in sole columba.

- 16 Electos Procere, Judaeae lumina gentis,
 Omnipotens Rex secernit, qui rebus agendis
 Praesideant, Urbisque datas moderentur habenas.
 Tum populi, juga ^(c) Selmonis per opaca vagantes,
 Agrestes populi, morum squalore relicto,
 Aequabunt candore nives.

17 Est ille Deo mons
 In primis charus, pinguiissimus ubere glebae.
 Ubera lacte ferunt illic distenta capellae,
 Illic laeta viget foecundae copia terrae.
 Quid pingues alibi certatis quaerere montes?
 Ille Deo solus placet, illic & sua templa,
 Et certas posuit ventura in saecula sedes.

- 18 Dena triumphalem circumstant millia currum,
 Quo Deus invehitur, terras delapsus in imas;
 Illa suo Regi testantur gaudia festo
 Carmine, laetitiaque fremunt, humerosque volentes
 Subjiciunt; Tali vectus sedet Ille quadriga
 Sinae consistens in verticibus sacratiss.

- 19 At Tu, certa Dei Proles, Supera alta petisti
 Captivos tecum ducens, & sponte sequentes,

K 3

No-

(a) Duo Testamenta. Mira hic Interpretationum varietas. Nos Bel-
 zarum. & antiquos PP. fere omnes sequimur.

(b) Ecclesiae.

(c) Ecclesia ex gentibus congregata, quae monti Selmon asperissimo
 sed mox quasi in uberrimum matando, comparari videtur.

Nobile servitium, moestis quos ducta sub umbris
 Vincula coercebant; summaque in sede locatus
 Magna accepisti pro factis munera, nulli
 Vel concessa prius, vel concedenda per aevum,
 Quae mox ipse ultro regeras mortalibus aegris;
 His etiam, Superum qui lucida templa tenentem
 Non credunt regnare Deum, Caeloque tonare.

²⁰ Jo Regnator, dicamus, ter bonus Jo
 Regnator Divum, atque hominum; cunctisque diebus
 Olli pro meritis referatur gratia tantis.

²¹ Nempe dabit cursu fluere omnia laeta secundo
 Ille Deus nostrae fons, principiumque salutis;
 Nam multos servare, & aperta pericula lethi
 Propulsare Illi proprium est; Hoc vindice cunctas
 Est vitare vices, certamque evadere mortem.

²² At si quis tumida contra cervice feratur
 Impius, adversaque velit concurrere fronte,
 Confringet caput indomitum, frontemque superbam
 Conteret, & sparsos foedabit pulvere crines.

²³ Hoc fore pollicitus quondam: Qui pingua, dixit,
 Rura colit Basani, illum felicibus oris
 Abstractum avellam, mox in ventosa profundi
 Aequora projiciam, tumidoque in gurgite mergam.

²⁴ Tuque adeo hostilem madefacta per arva cruorem
 Gens mea, calcabis pedibus, lingetque tuorum
 Lingua canum: nostris dicta haec fors hostibus esto.

²⁵ Aspicient tua gesta Deus, partosque triumphos,
 Magnum admirati, cui tanta potentia, Numen,
 Numen idem, Regemque meum, quem Regia Caeli
 Sancta tenet, sancta regnat qui solus in aula

²⁶ Carmina Victoris peragent praeconia: Primi
 Rectores populorum aderunt, cantusque mo-
 vebunt, Psal-

Psallentumque choris numeris, ac voce praeibunt.
 Caelicolae modulos recinent, Caelum omne sonabit
 Vocibus, ac fidium cantu, quas pectine docto
 Turba Puellarum ^(a) citharas pulsare perita
 Tanger, & ad resonas aptabit carmina chordas,
 Felices Animae, Superis decus addita Pubes.

- ² Vox cunctis erit una: Deum celebrate canendo,
 Et Domini laudes coetus memorate per omnes,
 Quas Israelis primum est e fontibus haustas
 Promere libando, memoresque revolvere fastos.
 At Proceres inter, sequitur quos turba canentum,
²⁵ ^(b) Beniamides astat, Caelum qui mente pererrat,
 Egregius Juvenis, ^(c) Judae tum clara Propago,
 Invictique genus ^(d) Zabulonis, & inclyta bello
 Pectora, Nephthalidae. Deus o, tua perfice coepta,
²⁹ Virtutisque tuae, suscepto praecipe ut instet
 Gnava operi, jube & esse ratum, Te auctore
 quod actum

Hactenus est, propria & nobis tua munera serva.

- ³⁰ Convenient Solymam Reges, Templumque sub altum
 Dona ferent, Tibi Divini indicentur honores,
³¹ Ast hominum ^(e) portenta, feras per pigra latentes
 Stagna palustris aquae, calamisque, & arundine
 rectas,

Clamore exciras in lucem erumpere coge,
 Atque ex insidiis in apertum conjice bellum.
 Ceu quondam indomiti, facto simul agmine, tauri
 Imbelles agitant vitulos, foetasque juvenas,

K 4

To-

(a) Animae sanctae in Caelum a Christo ductae.

(b) S. Paulus e tribu Benjamin.

(c) Jacobus, Simon, Judas Apostoli.

(d) Caeteri Apostoli e Bethsaida, Urbibusque ad sortem Zabulon,
 & Nephthali pertinentibus.

(e) Haereticos, seu Ethnicos, seu Daemones.

- Toraque vesano miscent armenta tumultu,
 Sic illi ingenio audaces, ac robore fisci
 Incautos pravis animos, ac mobile vulgus
 Consiliis stimulant, & in una sede coacti, (tes
 Concilium horrendum, populos ardua arma fremen-
 Sollicitant, cupidosque infanda ad bella lacessunt,
 Ut sede exturbent omni, coetuque piorum
 Quemque bonum, cuius duris exercita virtus
 Enituit, veluti argentum fornace probatum.
- 31 Infroenes, quae bella volunt, Tu disjice gentes;
 Interea missi Aegypto ^(a), pacemque rogantes
 Legati advenient; sed & illos munera portans
 Praeveniet sacrandae Deo, veniamque precata
 Finibus Aethiopum extremis gens usque profecta.
- 32 Omnia, quae totum floretis Regna per orbem,
 Eja Deo laudes, & summo dicite Regi,
 Eja Deum fidibus celebrate, & carmine fausto,
- 33 Qui Caeli volucris curru superevolat arces,
 Prima renascentis qua panditur orbita solis.
 Ecce dabit Deus ipse sonum, dabit ipse loquendi
 Vimque, animumque, suas dabit ipse in carmina voces,
 Et dabit ipse suis virtutem ac pondera dictis.
- 34 Munificum celebrate Deum, percurrite fando,
 Contulit Isaciae quae plurima munera genti.
 Scilicet & tempus veniet, cum luce refulgens
 Illius in summis majestas, gloria, virtus
- 36 Nubibus eniteat, largeque impensa beatis
 Ordinibus Divum se mira potentia pandat.
 Tunc Deus Isacidum lectae fortissima plebi ^(b)
 Pectora, nec duris frangendam casibus unquam
- Vir-

(a) Conversio Gentium.

(b) Electis.

Virtutem dabit. Ergo Deo laus, fama, decusque
 Personet, ac terras late vulgetur in omnes.

PSALMUS LXVIII.

Saluum me fac, Deus &c.

*Quamvis fortasse respiciat captivitatem Babylo-
 nicam, clare tamen praedicit Christi cruciatus,
 Judaeorum everfionem, Ecclesiae aedificationem.*

- M**E, Deus o, serva: superantibus obruor undis,
 Pota vias animae jam prope claudit aqua.
- 3 Hei mihi, fixa haerent crasso vestigia limo,
 Lapsantesque negant sistere posse pedes.
 Provehor heu pelago; veni jactatus in altum;
 Horrida saevit hyems, meque procella vorat.
- 4 Fessa fatigavi longis clamoribus ora,
 Nec vox est raucis faucibus ulla super.
 Lumina deficiunt, intabescuntque tuendo,
 Expecto Caeli dum miserantis opem.
- 5 Plures se glomerant hostes, quam fronte capilli,
 Ulla nec injusti causa subest odii.
 Invaluere, animis qui me insectantur iniquis,
 Et quae non feci crimina, morte luo.
- 6 Quae mihi stultitia obicitur, quae crimina, nosti;
 Scis ut me faciat non mea culpa reum.
- 7 Ne saltem, ne sint illis mea probra pudori,
 Spes quos una tuo nixa favore tenet.
 Nostraque ne clades animos, studiosaque frangat
 Pectora conantum Te reperire, Deus.

4. Te propter ludus sum vulgi, & fabula factus,
Nostra verecundus sparsit: & ora rubor.
9. Fratribus ipse meis veluti peregrinus & hospes,
Proh scelus! ignotus fratribus ipse fui.
10. Me tua causa premit; labes ea prima malorum,
Quod me magna domus cura tuæ coqueret;
Quæque in Te audaci vomuere opprobria lingua,
Conversa in nostrum nunc rediere caput.
11. Squalidus, absumptus macie jejunia traxi,
Mecum velato multa gemens capite.
12. Ast illi insanis laxarunt ora cachinnis,
Opprobrioque mihi vel dolor ipse fuit.
13. Horridus incessi fetoso indutus amictu;
Tunc quoque me ludos fecit iniqua cohors.
14. Judicia in portis soliti exercere sedentes
Colloquia in nostrum conseruere caput.
Pocula siccantes largo spumantia vino
Laeto inter cyathos me cecinere sono.
15. Verum ego voce, Deus, Te supplice compellavi:
Quod placitum est, miseris jam dare tempus adest.
16. Ut pius es, nostras audi miserate querelas,
Ut verax, veniat fac mihi pacta, salus.
17. Ne penitus coeno infigar, quo pene sepultus
Obruor, auxilio Tu mihi tende manum.
Tende manum, atque odiis hostilibus eripe, & imis,
In quibus haeresco jam periturus, aquis.
18. Ne me tempestas rapiat furiosa, profundum
Neu ferar undosis in mare vorticibus;
Neu superimposito putei clausa ostia saxo
Spem mihi praecidant quamlibet effugii.
19. Exaudi mea vota, Deus; clementia spondet
Hoc tua, cujus adhuc vena benigna fluit.

Per

- Per, quae multa tuo pietas e corde redundat,
 Aspice me, hoc tantum; caetera dicet amor.
- 18 Ne a famulo avertas ora indignata rogante:
 Heu crucior! votis heu cito adesto meis.
- 19 Hanc animam specta jam pene extrema ferentem,
 Hanc serva e mortis faucibus incolumem.
- Hostes ne nostra victores clade triumphent,
 Eripe me; cumulet nec mea damna pudor.
- 20 Ipse vides nostrae quae sint dispendia famae,
 Ipse vides, quantus stet rubor ante genas.
- 21 Ante tuos astant oculos, quibus opprimor, hostes:
 Me labor heu quantus, quantaque probra ma-
 Dudum expectavi, nostri comes esse doloris (nunt!
 Qui vellet; nec quem tangeret, ullus erat.
- Quaesivi, alloquiis qui solaretur amicis,
 Qui mea mulceret pectora, nemo fuit.
- 22 Fel fuit esca mihi, mordax mihi potus acetum,
 Cum mea torreret viscera dira sitis.
- 23 Ast illis sua mensa epulis instructa paratis (a)
 Elisam frangat, restis ut arcta, gulam;
 Haec (b) scelerum poenas repetat, perdatque meren-
 Et grave dejectos mergat in exitium. (tes,
- 24 Ex oculis lucem eripiat nox atra tenebris,
 Et prono spectent corpore semper humum.
- 25 Laxatis totum froenis effunde furorem,
 Et tua comprehensos hauriat ira sequax;
- 26 Squaleat abductis regio deserta colonis,
 Et vacuae sileant, nullo habitante, domus.
- 27 Quem Tu contuderas, insultavere jacenti,
 Atque nova addiderunt vulnera vulneribus:
 At

(a) i. e. Sacri Libri, quibus Iudaei abutuntur.
 (b) Praedictio excoecationis Iudaeorum.

- 28 At Tu criminibus sine & hi nova crimina nectant,
Nulla Tibi hos unquam gratia conciliet.
- 29 Impia radantur viventum nomina ab albo,
Impia, nec Sanctis adnumeranda choris.
- 30 Solus, egenus, inops altum premo corde dolorem,
Sed mihi Te, Deus, est vindice parva salus.
- 31 Ergo tuum memori celebrabo carmine Nomen,
Te merita supra sydera laude feram.
- 32 Plus laus illa Deo vitulo est placitura novello,
Cui frons prima tumet cornibus, ungue pedes.
- 33 Haec inopes videant, inopinaque gaudia captent,
Exemplo sperent & meliora meo.
- Quaerite mente Deum, gens dura exercita forte:
In mediis requies haec erit una malis.
- 34 Audivit Deus afflictos, recreavit egentes,
Nec sprevit victos compede crura gravi.
- 35 Hunc Caelum laudet, tellus, vada caerula ponti,
Quotquot & in vasto gurgite monstra natant.
- 36 Servabit Deus augustae sacra tecta Sionis,
Et cernes urbes surgere, Juda, novas.
- 37 Illa sede alii figent sibi tecta coloni,
Et veteres haeres alter adibit opes.
- Has genitor natis, tradentque nepotibus illi,
Florebitque Deo dedita posteritas;
Aeternas illa sedes sibi ponet in urbe,
Si quem Divini Nominis urit amor.

P S A L M U S LXIX.

Deus in adjutorium &c.

Sive Christi in Cruce salutem corporis sui, sive hominis justis suam defensionem precantis sensa exprimit.

- A** Desto, adesto adjutor, ac vindex meus;
Opem, Deus, fer ocyus;
3 Illi que ferus occupet rubor, genas,
Qui me laborant perdere;
4 Victi facessant, ac pudore absteriti,
Qui damna nostra cogitant;
Cedant retrorsum turpiter, quotquot mihi:
Euge euge, clamant; vicimus.
5 Illi triumphant, efferantur gaudio,
Qui Te requirunt unice;
Et qui paratam a Te salutem diligunt,
Dicant: Deo sit gloria.
6 En pauper aevum duco, & omnium indigens:
Tu me benignus adjuva.
Tu liberator, Tuque custos, es meus:
Ultra moram ne protrahas.

P S A L M U S LXX.

In te Domine speravi &c. 2.

- *Continuata Absalonis defectione, David jam senex suam in Deo spem, Dei in se beneficia commemorat, ejus auxilium implorat, cujus se laudes praedicaturum pollicetur, normamque praebet Deum pro salute abscecrandi.*

- 1 **I**N Te, Rex superum, spem posui meam;
Spe nunquam posita tam bene decidam.
Tu pro justitia protege me tua,
Torque e casibus eripe.
Tu voces placidis auribus excipe,
Tu me lethi avidis extrahe faucibus,
Tu custos vigil, ac praesidium, Tuo
Fac me Numine sospitem.
- 3 Tu nostrum columen, perfugium, salus,
4 Tu me de manibus subtrahe noxiis,
• Quae ruptis violant omnia legibus,
Et fas, juraque negligunt.
- 5 Tu virtus animi, Tu patientia,
Annis Tu mihi spes a juvenilibus;
- 6 Tu robur validum matris ab ubere,
Tu patrocinium mihi.
- 7 Te semper memori gutture concinam
In laetis pariter rebus, & asperis;
Id multis simile est prodigii; at tui
Vis tantum auxilii valet.

- 8 Laudum magna meis copia largiter
Exundet labiis: Quae tua gloria,
Quantus sisque Deus, carmine perpeti
Dicam, quotquot eant dies.
- 9 Ne me, quem senium debile conficit,
Ne, quaeso, abjicias. Aegra relanguit
Jam virtus gelidi corporis: Ultimo
Ne me tempore deferas.
- 10 Hostes colloquiis me exagitant suis,
Et qui munierant ante mihi latus,
Versis nunc studiis insidiantibus
Jungunt consilia hostibus.
- 11 Illum, ajunt, stomachans destituit Deus
Nunc tempus facili Marte lacessere,
Nunc colla impositis noctere vinculis;
Non est, qui eripiat malo.
- 12 Ah me ne fugias, neve abeas procul,
Neu linquas inopem praesidii, Deus:
Jactatum miseris aspice casibus,
Et tende auxilio manum.
- 13 Illos deficiat vis, pudor occupet,
Qui hanc tentant animam, noctere fraudibus,
Illis & facies inficiat rubor,
Qui cladem mihi comparant.
- 14 In Te sed mihi spes semper erit sita,
Laudes usque tuas laudibus astruam,
- 15 Semper justitiam, & quae miseris salus
Est per Te data, concinam.
- 16 Doctrinae in studiis inscius, ac rudis,
Divinae impavida mente potentiae
Secreta ingrediar, justitiae modo
Vim mecum reputans, tuae.

Unus

- 17 Unus Tu teneris doctor ab unguibus
Formasti monitis me docilem tuis:
De Te mira ideo nunc, & in ultima
Vitae tempora proloquar.
- 18 Dum fractus senio deficiam gravi,
Ne me destituas, inclyta brachii
Donec facta tui post genitis canam;
Seris atque nepotibus.
- 19 Dicam magnificae signa potentiae,
Dicam iustitiae, quae super ardua
Caelorum edideris, quantaque feceris:
Quisnam Te aequiparet, Deus?
- 20 Quantis, & quoties me quoque cladibus
Vexasti! Unde tuo non fine Numine
Emersi superas luminis ad plagas
Terrae e sedibus infimis.
- 21 Versis nunc vicibus, plurima congeris
In me magnifica munera dextera,
Et me vultu alio leniter intuens
Detergis mihi lacrymas.
- 22 Jus verumque adeo, quod colis integre,
Arguto fidicen pectine concinam;
Vocalis citharae Te recinet sonus,
O Sancti Deus Israel.
- 23 Te dicam labiis, & simul efferar
Dulci laetitia; carmine gestiet
Nostrae vox animae mortis ab unguibus
Servatae auxilio tuo.
- 24 Nulla deinde tuam iustitiam die
Indictam patiar, cum pudor, ac dolor
Elata obtuderit corda minantium
Extremum exitum mihi

P S A L M U S LXXI.

Deus judicium tuum regi da &c.

- *Capta occasione a Salomone regnum auspicante, cui sapientiam & felicitatem precatur, statim ad Christi adventum transgreditur, ejusque regni propagationem, gloriam, felicitatem vaticinatur.*

- **O** Qui regnorum eventus, ac fata gubernas
Consilio sapiente, hominum qui jura decoro
Ordine dispensas, & justo foedere sancis,
Judicii ad praescripta tui, Deus optime, Regi
Da populos moderari; & sceptrata paterna petenti
Nunc primum Regis soboli da scribere leges
Justitia dictante tua, quo froena recentis
Imperii, rerumque datas bene tractet habenas,
Et Tibi devotae gentis componere lites,
Et miserae discat causas, & commoda plebis
Momentis pensare suis.

• Pax aurea Caelo

- Descendat nostros praesens invisere montes,
Et populos opulenta beet, collesque per istos
Justitia incedat, palla succincta nivali,
Et recti studium & mores inspiret honestos.
• Te rectore, novus (verum mens auguret opto)
Rex inopes, quoscunque potens injuria vexat,
Judicio absolver, custos rectissimus aequi,
Atque inopum natos digna, atque indigna ferentes
Eripiet capitis, fortunarumque periclo;

L

Qui-

- Quiquae sacramentis fallax contendat iniquis,
 Crimine deprenso, victum, abiectumque remittet;
 5 Dum sol ignipedes obliquo ager axe jugales,
 Lunaque per certos reparabit cornua menses,
 Aeterno nixus folio mansura tenebit ^(a)
 Imperia, usque hominum dum se nova saecula pro-
 pagent.
- 6 Ceu quondam in vellus ^(b) nocturnus decidit imber,
 Ceu stillat teneras ros matutinus in herbas
 Descendens lapsu tacito, guttisque minutis,
 Haud secus Ille Dei nutu demissus ab alto
 Imperium in magnum, terras delapsus in imas
 Adveniet sonitu nullo;
- 7 Nascetur & una
 Justitia, & Pax alma, & pleno Copia cornu,
 Quae totum faustis hilarent successibus orbem,
 Dum praeceps Caelo det Luna refixa ruinam.
- 8 Qua primis Phoebus radiis Eoa colorat
 Aequora, qua fessus se gurgite mergit Ibero,
 Quaeque gelu canet Tanais, Scythicisque pruinis,
 Solibus exusti extrema ad confinia mundi,
 Nullae Illi positae metae, vel tempora rerum;
- 9 Imperium sine fine reget, genibusque minores
 Ante Illum Aethiopes procumbent, oraue terra
 10 Demittent hostes pavidum, ac vestigia lingent.
 Tharsenses venient extremo a littore Reges
 Munera portantes; venient, circumflua ponti
 11 Quos claudit, pelagoque procul strepit unda refuso
 Atque Arabum Reges, & dites thure Sabaei
 Dona ferent; Terras late quicunque per omnes
 Sceptra tenent, Olli generosae insignia frontis

(a) Hic spiritus assurgit ad Christum.

(b) Job. 6.

(c) Vid. Bellar.

- Regia submittent, & quotquot ubique locorum
 Sparfae habitant gentes Victoris jura subibunt.
 11 Ipse autem nexos, & dura compede victos,
 Quis non auxilium, non spes erat ulla salutis,
 Eximet injusta domini ditione potentis.
 12 Tunc inopi, ac misero veniam, pacemque roganti
 Annuet indulgens, ipsoque a limine lethi
 Eductas hominum vitas servabit egentum.
 13 Institit exactor durus, fœnusque poposcit,
 Usurasque graves, & leges dixit iniquas
 Pauperibus, miseras animas pro fœnore pactus;
 Has redimet bonus, & laqueis exolvēt avaris;
 Et sibi non viles magno dignatus honore,
 Haud finet indignis ultra sordescere probris.
 14 Vivet, florebitque potens, Arabumque fodinis
 Eductae mittentur opes, aurique metalla;
 Tum positis passim templis, fumantibus aris
 Sacraque, Divinique Ipsi indicentur honores,
 Ejus & aeterno Nomen celebrabitur aevo.
 15 Immensae incipient per ditia surgere mœsses
 Jugera, frumentis ipsi pinguescere montes,
 Inque jugis laetae se culmo attollere fruges,
 Ut Libani assurgunt nemoroso vertice cedri;
 Urbs tota undabit populis, & civibus Urbis
 Compita fervebunt, ac turba tecta frequenti,
 Ceu fœni spisso pubescit gramine tellus.
 16 Cuncta sonet tanti Regis per saecula Nomen,
 Omnia quod vincat durando saecula, donec
 Ignifera Phaebus lustrabit lampade terras.
 Cunctae olim gentes passim Divina per Illum
 Munera suscipient, felices Numine tanto,
 Cunctae immortale extollent Nomenque, decusque.

- 18 Vivat jo Deus Ifacidum, Deus ille per aevum
Regnet jo, qui magna facit, mirandaque solus.
- 19 Divinum Nomen, Majestatemque verendam
Laudibus exornent, quorquot sunt, ante fuere,
Quorquot erunt, feris olim volventibus annis,
Illius & totum majestas impleat orbem,
Omnis & augusto resonet de Nomine tellus:
Annue, summe Parens, & Numine vota secunda.

P S A L M U S LXXII.

Quam bonus Israel Deus &c.

Hortatur, nequis errore se labi sinat, si malos videat prospera uti fortuna, bonos adversa, cum exitus spectandus sit in utrisque.

- 1 **Q**uam noster bonus est Deus
In rectos animi, & criminis integros?
- 2 Imprudens ego lubricis
Effusus pedibus quam prope corruui,
Et vestigia passibus
Nutarunt dubiis firma parum solo!
- 3 Indignatio me mala
Transverso abripuit tramite devium,
Dum pravos hominum greges
Securos video longa per otia
Soles condere candidos.
- 4 Non mortem memores respiciunt suam,
Non vitae spatium breve;
Si fors dura levi vulnere sauciet,

- Non his plaga diu sedet;
Admoto propere sed medicamine,
Totus discutitur dolor.
- 5 Non casus hominum, fata nec aspera,
Communesque ferunt vices;
6 Hinc versant tumidos pectore spiritus,
Elatique superbia
Contemnunt reliquos, & nihili putant;
Hinc se sordibus inquinant,
Et marcent vitiis omnibus obsiti.
- 7 Ex pinguedine plurima,
Qua distentus adeps diffluit, improbae
Tot sordes scelerum scatent;
Fortunaque sua dulciter ebrii
Multis luxuriant bonis,
Et se flagitiis omnibus obruunt;
Quae mox insita pectori
Corrumpunt Animae nobilem originem,
Rectique indita semina,
Illosque efficiunt dissimiles sibi,
Culpis & similes suis.
- 8 Secum quaeque animo pessima cogitant,
Quaeque & pessima dictitant;
Nec recti haec latebris, sed loco ab edito,
Et luce in media canunt;
- 9 Quin audent superis ora procacia
Inferre Arcibus, & Deum
Impura intrepidi voce lacescere:
Cuiquam nescia parcere
Terram omnem petulans lingua perambulat:
Advertens animum pius
- 10 Succenset populus, nec sibi temperat,

- Illos aurea tempora
 Cernens ad senium protrahere ultimum;
 11 Et sermo hic hominum fremit;
 Spectat nostra Deus? Cura ea scilicet,
 Is vexat superos labor.
- 12 En ut divitiis affluat omnibus
 Gens deterrima moribus.
- 13 Frustra dixi & ego, mens mea nullius
 Commissi est sibi conscia;
 Et frustra innocuis coetibus additus
 Absterfi maculis manus;
- 14 Inter dura tamen totus abit dies,
 Hora ut nulla vacet malis.
- 15 Quae mecum reputo, si temere eloqui
 Imprudentibus audeam;
 Damnem progeniem, Summe Pater tuam,
 Et gentem Tibi deditam,
 Quae nec fracta malis, commoda nec sequens
 Mores innocuos colit.
- 16 Haec inter dubito; pluraque noscere
 Conantem labor implicat.
 Caligat tenebris obsita mens suis
 Verum cernere nescia,
- 17 Dum succedam adytis, quae Deus incolit,
 Vultuque irradiat suo.
 Hic fata incipiam nosse novissima,
 Quae demum nocuos manent.
- 18 Quod nempe insidias tendere callidi
 Fraudes nexuerint bonis,
 Idcirco insidias Tu quoque comparas;
 Quis capti pereant mali;
 Casu praecipites dejicis & gravi,

Dum

Dum se attollere gestiunt.

19 Ut foli, utque inopes! Quae facies nova?

Quae rerum subitae vices?

Omnes deficiunt divitiae, ac decus,

Ipsi deficiunt simul.

Huc demum improbitas hos sua perpulit,

Culpaque intereunt sua.

20 Ceu, fingit cumulos cui fopor aureos,

Inter ditia somnia

Exurgit vigilans, & vacua manu

Auras prensat inutiles,

Sic, quando emeritos excipiet pios,

Rex Caeli, tua Civitas,

Quae rerum species, vanae & imagines

Mentes ludificant leves,

Ventos diffugient in volucres, super

Usquam nil erit impiis.

21 Sed flammis mihi cor quod melioribus

Nunc felicius ardeat,

Quam cum pestiferas prava animo faces

Indignatio subderet;

Quod mutata mihi pectora sentiam,

Nec sim, qui fueram prius,

Quod mentis stolidus subsideat tumor

Nil se cernere consciae,

22 Jumentumque humeris ceu subiens onus,

Totum me dederim Tibi,

Tecumque unanimis semper eam comes,

Omne id muneris est tui.

23 Prenfasti timidam Tu mihi dexteram

Sustentans dubios gradus,

Per virtutis iter dux meus, & comes

Me nutu moderans tuo;

Ornasti, eximia denique gloria.

Exceptum patrio sinu.

²⁴ Quid pulchri in superis est mihi sedibus,

Quid tellure super boni,

Te praeter? Quid ego abs Te volui, aut velim?

²⁵ En desiderio Tui

Artus deficiunt semianimes, caro

Vix se languida sustinet;

Tabescensque tua cor face liquitur,

Nostrae o vita animae, Deus,

Aeternumque bonum saecula per omnia.

²⁶ Quicumque a Te abeunt procul,

Illos interitus perpetuo manet;

Nam Tu cladibus obruis

Omnes, pollicitam qui violant fidem.

²⁷ At me haerere Deo juvat,

Et sperare pium, salvus ut inclyta

²⁸ Ejus facta canam, frequens

Ad portas Solymae qua populus coit.

PSALMUS LXXIII.

Ut quid Deus repulisti &c.

Praeviciens mala, quae Judaei passuri erant vel a Nabuchodonosor, vel a Tito, & Vespasiano, vel potius, ac verius ab Antiocho Illustri, ea hic deplorat, Deique implorat auxilium.

- **Q**uid tantum, Pater alme, furis? Semperne repelles,
Inque tuum semper saeviet ira gregem?
• Esto memor populi Te sub ductore coacti,
Ultima quem generis fecit origo tuum.
Ille Tibi pretio est emprus; Tu proprius haeres,
Atque haec est juris portio terra tui.
Hic Tu sceptrum tenes; Tuus est mons ipse Sionis,
Hae Tibi sunt sedes, haec Tibi certa domus.
• Quid tantum tumuere hostes? Jam brachia tolle,
Elata & valida cornua frange manu.
Quae scelera, & clades, quae foeda, ac dira dedere,
Numini ubi surgunt limina sacra tuo!
• Qui Te, arasque tuas odere, immane furentes
Inter solemnes (a) infremuere choros.
Quaeque solent portis urbis victricia signa
Affigi; summo conspicienda loco,
Turribus affixere sacris, monumenta triumphi,
Nec templi ratio est ulla, nec nulla Dei.

6 Ex-

(a) Ita S. Hier.

- 6 Excindunt postes, & ferro claustra refringunt,
 Caedua ut adducta sylva bipenne cadit.
 Omnia deiciunt: sonat hic impacta securis,
 Hic geminans ictus ascia ligna dolat.
- 7 Injiciunt templo flammās, adytumque verendum
 Per scelus incessant, sparsaque sacra solo.
- 8 Convenere omnes scelerum sibi foedere juncti,
 Atque animo haec secum constituere suo:
 Numinis ignoti solemnia festa quiescant,
 Nullus & in toto sit sacer orbe dies;
- 9 Quod nunc perfugium, quae nunc fiducia nobis?
 Signa negat praesens, quae dabat ante, Deus.
 Nullus adest, fundat qui sacra oracula, Vates;
 Nos jam gens Caelo non bene nota sumus.
- 10 Quem, Deus, ad finem insultans sese efferet hostis?
 En furit atque iras asperat ille tuas.
- 11 Quid laevam cohibes? Dextram quin exeris ultor?
 Quidve fovēs medio lentus utranque sinu?
- 12 Verum age, Rex noster, Deus omni antiquior aevo
 Signa patrocinii non dubitanda dedit.
- 13 Terrarum in medio, spectantibus undique circum
 Gentibus, est illo nata ferente salus.
- Tu mare diducto solidasti, Maxime, fluctu,
 Quo serpentigenum merfa natant capita;
- 14 Per Te audax Phario frons est effracta Draconi,
 Aethiopum & jacuit praeda relictā feriss;
- 15 Per Te rupta flix scatuit torrentibus undis,
 Fluminaque in sicco magna dedere viam:
- 16 Per Te aurora suos, per Te sol extulit ignes,
 Pendet ab arbitrio noxque, diesque tuos.
- 17 Tu terrae extendis fines, Tu purpureum ver
 Pingis, & aestivo sydere findis agros.

(a) Ethan signif. fortem, seu magnum, sc. Jordan.

- 18 Hoc alta maneat Tibi mente, quod exprobrat hostis;
In Nomen demens invehiturque tuum.
- 19 Ne, quaeso, ne trade feris Te rite colentes,
Neve relinque inopes immemor usque animas.
- 20 Foedera cum nostris antiqua parentibus icta,
Respice, & astrictam non semel ante fidem.
Obscurum genus, & terrae gens filia nostras
Per scelus invasit facta opulenta domos.
- 21 Pauper inops voto ne a Te discedat inani;
Nominis in laudes ibit & ipse tui.
- 22 Surge, Deus; Tua causa monet; Jam suscipe causam
Ipse tuam, jam jus ipse tuere tuum.
Volve animo tua probra memor, tua probra refelle;
Quae totos recinit gens malefana dies.
- 23 Sacrilegas hominum nunquam obliviscere voces;
Aeterno in Te odio corda superba tument.

P S A L M U S. LXXIV.

Confitebimur tibi Deus &c.

- 1 *Admonet homines, ut juste vivant; & superbiam de-
ponant; quod judicium Dei severissimum immineat.*

D I A L O G U S.

INTERLOCUTORES.

Populus justus, Deus, Propheta.

- 1 *Pop. just.* **D**icemus meritis Te, Bone, laudibus;
Te, Nomenque tuum voce vocabimus,
Et narrabimus alto,
Quae miranda facis, sono.

Deus. Opportuna mihi lux ubi venerit,
Judex in folio tetricus aureo

Aequa lance librabo

Quicquid nunc homines agunt.

Pop. juf. Aspectum omne solum solvitur ad tuum,
Tabescunt homines, quotquot alit solum.

Deus. Sed virtute columnae

Stant nixae penitus mea.

Proph. Factis, dixi, igitur parcite noxiis,
Neu fastu tumida extollite cornua,

Offensuraque Numen

Verba audacia mittite.

7 Nam nulla effugii ex occiduis plagis,
Eoive aperit se via, montium

Desertove recessu;

Judex cuncta replet Deus.

8 Hunc affligit humi, illum altius evehit,
Iraque tenet pocula dextera

Vino plena meraco,

Tetris mista liquoribus.

9 Jamque huc, jamque alio invergit, & impios
Epotare luem lethiferam jubet:

Faex teterrima restat;

Omnes inde bibent mali.

10 Ereptus mediis ast ego cladibus

Venturis referam nuntia saeculis,

Jacobique Patris Deo

Fundam perpetuum melos!

11 Deus. Caelo erecta hominum vana furentium,
Jactantumque minas frangam Ego cornua:

Dignis Justus ad astra

Extolletur honoribus.

P S A L M U S LXXV.

Norns in Judaea Deus &c.

¹ *Dei potentiam celebrat ob infractos Judaeae hostes,
ac fortasse ob praeviam Sennacheribi caedem
tempore Ezechiae factam, sed altiore, ac verio-
re sensu ob victoriam Christianorum, ac praefer-
tim Electorum de adversariis reportatam.*

² **C**Aelo imperantem, ac terrigenis Deum
Judaea novit; Nominis inclyti

Praeconia haud vulgata passim
Isacidae celebrant frequentes.

³ Sibi Ille certam constituit domum
Pacatae in Urbis moenibus; & sacro
In vertice excelsi Sionis,
Quas coleret, sibi legit arces.

⁴ Illinc & arcus perculit hostium,
Nervis vibrantes tela valentibus,
Et scuta, & enses, & paratas
Bella manu renovare turmas.

⁵ Tu mira terras spargis in infimas
E sempiternis lumina Montibus:
Amente bacchantum furore
Corda pavor tremefacta turbat.

⁶ Vir aggeratis divitiis potens,
Somno sepultus stertuit ut gravi,
Mox excitatus nilprehendit,
Sed vacuas modo captat auras.

- 7 Vix increpantem Te, Deus, audiit,
Cum merfus umbris tristibus occubat,
Qui nuper exultans, & acri
Vectus equo furibundus ibat.
- 8 Te Terror anteit, Te sequitur Metus:
Quis aequa Tecum praelia conserat?
Succensus ira cum rebelles
Exagitas, nihil est salutis.
- 9 Horrente Caelo, judicium minax
Indicis orbi; Terra tremoribus
Concussa magnis, mox timendo
Conticuit stupefacta visu,
- 10 Cum jam paratus iudicio Deus
E sede vindex surgeret aurea,
Ut damna perpeffos iniqua
Eriperet manibus nocentum.
- 11 Hinc pro salutis munere debitas
Sospes rependet gens Tibi grarias,
Laeto & triumpho Te per omne
Cura memor celebrabit aevum.
- 12 Vovete, vestro & reddite Numini
Concepta verbis vota fidelibus,
Qui rite circum provoluti
Muneribus cumularis aras.
- 13 Placate votis terribilem Deum,
Summos potentem sternere principes,
Delere reges, & severo
Regna supercilio movere.

PSALMUS LXXVI.

Voce mea ad Dominum &c.

- 1 *Exemplo suo docet publicas, & privatas ferre calamitates, occasione fortasse capta, vel a captivitate Babylonica, vel ab Antiochi persecutione, vel ab alia quapiam Judaeorum calamitate, vel ab humana miseria generatim, cujus per Christum reparationem praedicat.*

- 2 **R** Egem Deorum voce clamavi mea,
Deum vocavi; aures vocatus praebuit.
3 Duro malorum dum gravarer pondere,
Deum requirens, nocte multa supplices
Caelo tetendi cum prece effusa manus,
Nec me fefellit irrita expectatio.
4 Quare omne refugit aegra mens solatium,
Deumque solum cogitare me juvat,
Qua cogitatione sola recreor.
Haec dum revolveo, mecum & ipse deputo,
Magna liquefcit spiritus dulcedine.
5 Nondum excubaret prima cum custodia,
Discussi ab oculis pervigil somnum meis:
Tam multa vitae cogitans discrimina,
Turbatus alto constitui silentio.
6 Hic anteaetos mente percurri dies,
Et prisca saecula ultima ex origine
Tuis referta semper auxiliis meo

Ani-

Animo revolvi, luctuum solatia.

- 7 Per inquietae longa noctis ocia
Cum fluctuante multa corde differens,
Aegrumque versans hinc & inde spiritum,
Mecum loquebar :

- 8 Itane tam bonus Deus
Abjiciat omne nos per aevum, ac negligat?
Nunquamne vultu mitiore arrideat?

- 9 Suamne semper subtrahat Clementiam
Nobisque, filiisque, tum nepotibus?

- 10 Aegrosne sublevare dediscet Deus,
Iraque victus usitatae flumina
Pietatis alto continebit objice?

- 11 Afflatus aura sed superni luminis
Dixi: recepto nunc revixi spiritu,
Quando innovatus incipit vitae tenor;
Meliore cudit nunc metallo tempora,
Vicesque mutat Regis excelsi manus.

- 12 Haesere nostro fixa semper pectori,
Quae magna summus opera patravit Deus;
Semperque primo reperam ab usque exordio,
13 Quae Tu edidisti, mira, rerum Conditor;
Tuaeque facta quaelibet potentiae,
Diaeque mecum mentis inventa exigam.

- 14 Tuae instituta cuncta providentiae
Directa sunt ad sanctitatis regulam.
Tantam quis unquam aequare magnitudinem,
Aut se Deo conferre quis nostro potest?
Tu magna solus, mira Tu solus facis.

- 15 Perspecta cunctis gentibus virtus tua,
Interminatae & summa vis potentiae,

- 16 Qua dura longae servitutis vincula
Cervice populi depulisti de tui

Ja-

Jacobo, Josephoque ducentis genus.

- 17 Videre Te marini ab alto gurgites,
Videre fluctus hinc, & inde penduli,
Tuique majestate vultus territi
Cepere rapidam vortices proni fugam,
Et pontus alto motus intremuit sinu;
- 18 Ingenti aquarum mox sonore refluxum
Consueta rursus aequor opplevit loca
Late redundans; inde ruptis nubibus
Vis magna aquarum cum fragore maximo
Ruens, supernis miscet infernas aquas;
- 19 Strident per auras igne torto fulmina,
Caelum per omne mugiunt tonitrua,
Fractosque currus obruunt, sparsas rotas;
Nimbos coruscant inter atros fulgura,
Tellus tremit quassata magnis motibus,
Nutatque, fundamenta & ima concutit.
- 20 Via est profundo tunc aperta in aequore,
Lataeque patuerunt per undas semitae,
Te transeunte; nec, reductis fluctibus,
Pedum tuorum permanent vestigia
Ulli legenda, sed nec ulli cognita.
- 21 Moses, & Aron praefuere, Te tuas
Ducente turmas, & docente semitas,
Vigil sequentem pastor ut ducit gregem.

P S A L M U S LXXVII.

Attendite popule meus &c.

Dei in populum Judaicum beneficia, ejusque ingratum semper animum a Moysi ad sua usque tempora commemorat, & Christi regnum adumbrat.

- 1 **L** Egibus attentam nostris advertite mentem,
Gens mea, & his pronas intendite vocibus aures:
- 2 Certa per implexas ambages ora resolvam
Obscuris vera involvens; ab origine rerum
Coecis retrusa in tenebris, & nocte profunda
Obruta fatidicus Vates oracula pandam;
- 3 Quaeque verus nostras perduxit rumor ad aures
Facta, canam, multos ad nos delata per annos,
Quae prisca nobis enarravere parentes,
- 4 Nec post se genitos, prognatosque inde nepotes
Sunt passi ignorare, Dei memoranda docentes
Gestaque, virtutesque, & dignas carmine laudes,
Quaeque suae ostendit toties miracula genti.
- 5 Principio proprium sibi foedere junxit Jacob,
Isacidis & jura suos testantia sensus
Constituit, tabulis, & saxo inscripta fideli.
- 6 Quanta dehinc nostris mandavit patribus, illi
Ex se progenitis ut pernoscenta renarrent,
Et stirpe ex una stirps deinceps altera discat,
Inde alii ex aliis nati, & qui deinde subibunt!
- 7 Scilicet in solo quo spem sibi Numine ponant,
Tan-

Tantum, & memores operum Divina laborent
Jussa avidis haurire animis, curaque fideli.

- 8 Improbata majorum ne forte exempla secuti
Per transversa ruant, & justi Vindictis iras
Extimulent. Gens illa quidem perversa, procaxque,
Insincera fuit cui mens, & nescia recti,
Atque ipsi malefida Deo.

- 9 Florentis Ephremi (a)
Heu genus infidum, magna ac praeclara professum
Nec dictis stetit, & partes nutavit in omnes,
Mutavitque fidem, qua sese obstrinxerat ante;
Qualis in arma cohors primo ruit impete belli,
Jam sinuat validis contentum viribus arcum,
Jam tela intendit, jam signat vulneris ictum;
Mox ubi pugnandi tollit cava buccina signum,
Fervet Martis opus, miscent fera praelia turmae,
Illa fugam celerat, tergumque obvertit in hostem;
10 Magnifica haud aliter frangit promissa, Deique
Perfida gens sanctas audet contemnere leges;
11 Nec benefacta memor reputat; nec munera tanta,
Tanta nec ostentata sibi, tam miraque signa.
12 At Deus ante ipsos oculos, atque ora parentum
Mira Canopaeis, atque ante incognita terris
Edidit, immensos Tanais qua prospicit agros;
13 Aequeoreas perrupit aquas, fluctusque reductos
Continuit, veluti conclusas utribus undas,
Et sicci incolumes duxit per aperta profundi;
14 Perque diem piceam jussit praecedere nubem,
Et praelucentes noctu praecurrere flammis.
15 Ingredierentur iter cum per desertum viarum,
Vexaretque sitis fessos, e rupe liquentes

M 2

Eli-

(a) i. e. Prop. Heb. quia tribus Ephraim erat numerosissima.

Elicuit latices; veluti tellure profunda

- 16 Cum lacus erumpit, sic Ille e pumice vivo
Torrentes eduxit aquas, largeque fluentes,
Flumina ceu rapidis campos stringentia lymphis;
17 Et tamen infestis iterum convicia linguis
Fuderunt, justasque Deum compellere in iras
Sunt ausi, latices iterum cum terra negaret,
18 Rursus & insanos agitarunt mente furores,
Tentaruntque Deum votis audacibus, escas
Cum peterent, cupidi delinimenta palati;
19 Atque oblatrantes: Nunquid, dixere, potestas
Tanta Deo? Nunquid per inhospita, & aspe-
ra saxa

Et steriles glebas potis est apponere mensas,

- 20 Optatasque parare dapes? si rupibus undas
Traxit, & e sicco percussi viscere saxi
Manavit iussus liquor, atque undantia ripis
Flumina, num poterit nobis & adorea liba
Instruere, atque suos mensis explere paratis?
21 Audiit indignans, averfatusque rebelles
Reppulit abs sese Dominus; Tunc ignis Jacob
Improviso arsit castris, populumque procacem
Magna ex parte Dei descendens Ira voravit,
22 Quod dictis adhibere fidem, ac Divina negarent
Promissa audire, ac Caelo sperare salutem;
23 Et tamen insuetum iussit de nubibus imbrem
Depluere, astringeri referavit & ostia mundi,
24 Ambrosiasque dapes, missasque ex aethere fruges
Vescendas dedit,

- 25 Et pretiosa cibaria Divum
Mandere mortali licuit, largeque profusas
Delicias, quantum ferret cujusque libido.
Nec satis; ingratae mulcens fastidia gentis

- Luxuriemque gulae satiari carne rogantis,
 26 Dispulit Eois flantem de partibus Eurum,
 Africus & Libycis praecepit ut excirus oris
 27 Vasta (a) coturnicum sparsam trans aequora nubem
 Cogeret, Arabiaeque adverteret agmine tanto,
 Quam multus vento glomeratur in aere pulvis,
 Aut maris in sicco densatur littore arena.
 28 In media affusae liquidum per inane volucres
 Castra pluunt, motis circa tentoria pennis.
 29 In praedam vulgus ruit omne, epulisque paratis
 Est exempta fames, & amor compressus edendi,
 30 Expletusque furor, ventrisque insana libido.
 Sed dum jam voto potitur; cupidoque petitas
 Ore vorat carnes, haerent dum dentibus escae;
 31 Ecce superveniens descendit turbine magno
 Ira Dei, populumque avidum simul occupat, illos
 Praecipue, quibus uncta nitet caro pinguior; atro
 Implicata est morbo Jacobi lecta juvenus.
 Talibus affecti poenis commissa luerunt,
 32 Auctorem tantorum operum, quod credere Caeli
 Noluerint Regem; Hinc illis properata repente
 Mors super incubuit, volucris velocius umbra
 33 Vitae praeteriere dies, annique citato
 Impete, nec quicquam valuit fatale morari
 Exitium.
 34 Cum saeviret Deus ultor, & aequas
 Expeteret poenas, aversum flectere Numen
 Supplicibus tentant votis, veniamque precari;
 35 Continuo ante aras veniunt, animoque recurvat
 Nota Dei pietas, miseris hanc saepe fuisse
 Auxilio, hanc arcem, portumque patere malorum.

- 36 Sed licet ore pio testentur mitis amorem
 Numinis, ipsi etiam vanae mendacia linguae
 Obtrudunt, ipsi certant illudere Caelo.
- 37 Non animo sincera fides, non cura colendi
 Rite Dei, & leges, jurataque pacta tuendi.
- 38 Ipse autem, ut pius est, populi miseratus iniqui
 Crimina, non parva poenas ex parte remisit,
 Nec vel sic meritos radicitus extirpavit;
 Quin etiam magna victus pietate, furorem
 Avertit, froenoque graves compescuit iras;
- 39 Namque animo subiit, fragili quam condita limo
 Membra gerant, vitamque levem, quae tempore
 ra velox
 Omnia transmittit, nunquam ad decursa revertens.
- 40 Oh quoties justas acuerunt Vindicis iras
 Deserta regione viae, stimulosque furori
 Admorum obtreptantes sitientibus arvis,
- 41 Et pactam fregere fidem, quantum Ille valeret
 Tentantes, sanctumque ausi contemnere Numen!
- 42 Scilicet immemores Dextrae omnipotentis, & acti
 Temporis, infestum procul a cervice tyrannum
 Cum repulit, servoque exemit vincula collo;
- 43 Perque Pharaetonias rerum miracula terras
 Edidit, & latis in magnae Taneos agris,
- 44 Flumina tinxerunt atro cum sanguine ripas,
 Et rigui passim manarunt sanguine fontes,
 Et cupida infectas sitis exhorresceret undas;
- 45 Praeterea infestas ingenti examine muscas
 Immisi, gracili laedentes corpora dente,
 Ranasque in mediis salientes undique rectis,
 Quae laribus pulsos vacuos egere per agros;
- 46 Erucae la plantas lapsu repsero per altas,

- Et pubescentes carpservunt arbore fructus;
 Terra proruptae saliere per arva locustae
 Passim vastantes fata laeta, boumque labores;
 47 Horridus e Caelo lapidosa grandine nimbus
 Decidit, & spisso contrivit verbere vites,
 Decoxitque gelu moros, canaeque pruinae;
 48 Quin etiam tanto crepitans ruit agmine grando
 Fulguribus commissa, simul percussa perirent
 Ut jumenta, voraxque agros incenderet ignis.
 49 Sic poenas repetens irae laxavit habenas
 Ipse suae, multaque explevit caede furorem;
 Tum furiae ultrices imo ex Acheronte vocatae,
 Verbere & armatae dextras, tortoque flagello
 Sparserunt clades, ac semina dira malorum.
 50 Ira diu infrendens, durisque coercita vinclis
 Substitit, obnitens frustra; tandem, obijce rupto,
 Ipsa viam late sibi fecit, & impete magno,
 Qua data porta, ruit, nec caedi, odioque pepercit,
 Quin vitas hominum pariter, pecudumque cruento
 Demeteret ferro, casuque involveret uno.
 51 Aegypto in tota quae prima parentis ab alvo
 Prodierat proles, praematurusque laborum
 Fructus, quem Chamae stirpis foeta arva crearant,
 Occidit, & luctu populos turbavit acerbo.
 52 Tunc qualis clauso pecudes educit ovili
 Opilio, populum Phariis miseratus ab oris
 Ipse suum Deus eduxit, desertaque lectum
 53 Traxit in arva gregem, trepidoque, & cuncta paventi
 Spemque, animosque dedit; nullus timor urget
 euntem,
 Postquam submersi perierunt fluctibus hostes.
 54 Mox ad felices oras, montesque sacratos,

- Devotosque sibi tot fessum errore viarum
Adduxit, montes, victo quos hoste recepit,
Ipse sua ante acies committens praelia dextra,
Ipse feras pepulit gentes, desertaque tecta,
Et vacuos sortitus agros, sua cuique colenda
Arva dedit, ducto partitus jugera fune;
55 Et quibus ejecti cesserunt sedibus hostes,
Attribuit tecta Isaciis habitanda colonis.
56 En iterum in solitos erumpit turba furores,
En iterum tentatque Deum, dictisque lacescit,
Nec sacras curat leges, nec foedera servat,
57 Seque alio averrit, pactisque manere recusat.
Usque adeo pravos soboles imitata parentes,
Nil aliud, nisi prava sapit, nisi prava profatur,
Ceu male distortis vitiosus cornibus arcus,
Quo missae nunquam signum tetigere sagittae.
58 Quin etiam colles ausa est celebrare profana
Relligione sacros, ritusque oblita vetustos,
Aemula sacrilegas simulacra locare per aras,
Nil verita aeterni succendere Vindictis iras.
59 Audiit haec Deus, & populum contempsit inertem,
Et tumidum elati fregit caput Israelis.
60 Tum sedem, soliumque suum, quod fixerat alta
Ipse Silo, e cunctis sibi lecta sacraria terris,
Quae coleret mediis mistus mortalibus, ultro
Reppulit indignans:
Quicquid virtutis in illo,
61 Quicquid erat decoris populo, victoribus omne
Permisit, praedamque rapaci tradidit hosti.
62 Objecit gladiis gentem, quam jure tenebat
Praecipuo, nihil hanc, nihil & sua regna moratus.
63 Hostili periit flamma consumpta juvenus,
Atque

- Atque immatura praereptae morte puellae,
 Seu prius extincto protractae in vincula sponso
 Non habuere, piis lacrymis qui fata levaret;
 61 Nulla Sacerdotes pietas, non infula rexit,
 Quo minus imbuerent sceleratum sanguine ferrum;
 Et viduae raptis infanda clade maritis,
 Collacrymant solae, sua quisque ob funera luget.
 65 At tandem, lento ceu victus lumina somno
 Lumina jam cyathis, & largo marcida vino
 Vir validus membris, & vastae robore molis,
 Excutitur Deus, & casus respectat acerbos.
 66 Inde genus morbi postica in parte (a) pudendum
 Hostibus immisit, poenaeque opprobria jussit
 Perpetuo e fulvo pendere expressa metallo.
 67 Verum & Josephi stirpem non aequus, ut ante,
 Fovit, & ex illa tentoria sede refixit,
 Fortis Ephraimi nec dictam nomine gentem
 Assumpsit, regni cui demandaret habenas;
 68 Sed Judae genus ascivit, montemque Sionis
 Jucundum sibi prae reliquis:
 69 Ibi nobile templum
 Templum augustum, ingens, feriens & culmine nubes,
 Rhinocerotis uti surgit de vertice cornu,
 Extruxit Solyma in magna, quam condidit Urbem
 Omnia fatali mansuram in saecula lege.
 70 Tum sibi Davidem legit, dum pastor apertis
 Ducit oves stabulis, sequiturque ad pascua foetas,
 71 Pasceret ut cretam Jacobi sanguine gentem,
 Et populum regeret proprio sibi jure dicatum.
 72 Ipse autem simplex animo, rectusque sequentem
 Pavit, & infestae per cuncta pericula vitae
 Consilioque, manuque gregem bene providus egit.

PSALMUS LXXVIII.

Deus venerunt gentes &c.

Deplorat Hebraeorum calamitates sub Antiocho, & cacteris Regibus tempore Machabaeorum, & Ecclesiae sub Imperatoribus Ethnicis.

- I**N tua jura, Deus, gentes venere profanae,
Templaque sacrilega sunt temerata manu;
Illaque divitiis Urbs quondam foeta, virisque
Jam nulla antiqui signa decoris habet;
Sed lapidum est cumulus, tugurique ignobile culmen,
Maceria aut hortis addita pomiferis.
- 2 Gens sacris addicta tuis, inhumata per agros
Corpora, praeda feris, alitibusque jacent.
- 3 It cruor, & Solymae, ceu flumine, moenia lambit,
Nec, tumultu exanimes qui tegat, ullus adest.
- 4 In nos finitimae fundunt convicia gentes,
Fabula vicinis, ludibriumque sumus.
- 5 Quem, Deus, ad finem tua saeviat ira, tuusque
Ardeat, ut vento concita flamma, furor?
- 6 Sunt gentes quae Te ignorant, tua jura recusant;
Effunde hic irae froena soluta tuae.
- Sunt & regna tuum nunquam implorantia Nomen:
Huc vindicta suo pondere tota ruat.
- 7 Nunc sata Jacobo stirps ore absumpta voraci est,
Et vacuus squallet, quo stetit ante, locus
- 8 Ne vetera infensum Te nostra piacula reddant,
Ex animo pietas deleat illa tuo.

- Ultima praeveniat jam jam properantia fata;
 Heu premimur, nimiis obruimurque malis.
- 9 Affer opem, Deus, una salus; Sic gloria vivat
 Non peritura tui Nominis; affer opem.
 Per Nomen quaeso, quo non praestantius ullum,
 Placatus nostris sis face criminibus;
- 10 Ne forte in nostro laetatae funere gentes:
 Illorum, possint dicere, Numen ubi est?
 Neve ea barbaricas didatur fama per urbes,
 Et videant tantum lumina nostra malum.
- 11 Te petit ultorem caedes miseranda tuorum,
 Quique fluit sparsus foeda per arva cruor;
 Et dolor, & gemitus cervice indigna trahentum
 Vincula conspectum perstrepat ante tuum.
 Reliquias serva, & caesorum pignora patrum,
 Namque potes; quid non dextera magna valet?
- 12 Vicino septemgeminas ex hoste repose
 Poenas, inque sinum damna redire jube,
 Quaeque in Te stulta fudere opprobria lingua,
 In meritum recidant fac modo versa caput.
- 13 Nos tuus at populus, Tibi gens devota, tuus grex
 Dicemus landes tempus in omne tuas;
 Dumque aliis alii succedent ordine nati,
 Dicet ubique tuum nuncia Fama decus.

P S A L M U S LXXIX.

Qui regis Israel &c.

Praedicitur captivitas primum sub rege Assyriorum Salmanasar, deinde sub Nabucodonosor, & liberatio Hebraeorum, quae figurae fuerunt captivitatis nostrae, & liberationis per Christum.

1 **Q**ui fidum regis Israel,
 Hos pronis gemitus auribus excipe;
 Qui Joseph genitos agis,
 Ut solers tenerum pastor agit gregem;
 2 Qui subnixa nitentibus
 Alis terga super Caelituum sedes,
 Prodi obtutibus Ephraim,
 Prodi Beniamidis conspicuus tuis,
 3 Manassisque nepotibus,
 Sublimisque tua surge potentia,
 Huc spectandus & adveni,
 Ut nos e miseris casibus eximas.
 4 Nos postliminio domos (a)
 Ad nostras revoca, moribus ad bonam
 Frugem compositis: Age,
 Moerentes placido respice lumine,
 Vultum detege amabilem;
 Vivemusque tuo munere fospites.
 5 Bellorum Deus Arbiter,
 Quid tantum famuli supplicibus tui

(a) juxta duplic. explicationem.

Indignabere vocibus?

6 Quid potus lacrymae, quid lacrymae cibus?

Quid nullus lacrimis modus (a)?

7 Bellum finitimis perpetuum sumus,

Nostros ludus & hostibus.

8 Nunc versis animis in melius, Deus,

Magne exercituum Deus,

Nos longe positus finibus exules

In dulcem patriam reduce.

Optatam faciem pande, precor, tuam,

Nobis unde aderit salus.

9 Translatam Phariis e regionibus

Plantasti Tibi Vineam,

Vellensque indigenum semina gentium,

Sevistis solo in ubere.

10 Custos perpetuus, cultor eras vigil,

Tu Dux, Tuque comes tuis.

Depacti penitus malleoli infimas

Fixerunt scrobibus fibras,

Laetis omne solum vitibus horruit:

Summorum juga montium

11 Texit pampineis umbra cadens comis;

In fastigia palmites

Vicere aëreas verticibus cedros;

Pubens vinea brachia

12 Extendit pelagi litus ad ultimum (b),

Et propagine pertigit,

Euphrates tumido qua fluit alveo.

13 Quid nunc funditus eruta

A Te maceries sparsa jacet solo?

Et

(a) In mensura magna Hebr. Tripliciter Hier. & Chald.

(b) Deuter. 11.

- Et quotquot viam obambulant;
 Hanc uvis viduant suave rubentibus (a)?
- 14 Rictu vastat & horrido
 E sylvae latebris progrediens aper,
 Laetis pastaque vitibus
 Saevit fulmineis trux fera dentibus?
- 15 Rex exercituum Deus,
 De Caelo huc placido respice lumine,
 Hanc circumspice Vineam:
- 16 Quaeque a Te propria est confita dextera,
 Cultu hanc perfice sedulo;
 Custodemque (b) adeo respice Vineae,
 Humani generis Virum,
 Auctum divitiis, robore praeditum,
 Charum praecipue Tibi.
- 17 Hanc flammae populant stirpitus erutam
 Squallentem illuvie, ac situ;
 Praedones oculis torva tuentibus
 Cum Tu terrueris semel,
 Ceu tacti trifidis fulminis ignibus,
 Demersi exitio cadent.
- 18 Tantum Illum placido protege Numine
 Inter nos genitum Virum,
 Vim, roburque tuae non leve dexteræ,
 Dilectum penitus Tibi,
 Quem tu multiplici munere divitem,
 Fecisti Tibi proprium,
- 19 Adjuncti lateri nos comites tuo
 Nulla dividimur vice.
 In Te nostra salus, vitæque; Nos tuum

No-

(a) Philistaeos, Assyrios, & praecipue Nabuchodonosor Regem intellige.

(b) i. e. Christum Ecclesiae custodem.

Nomen saepe vocabimus.

20 Nos ergo Assyriis e regionibus,

Virtutum Deus, abstrahe:

Da Te conspicuum; nostra aderit salus.

PSALMUS LXXX.

Exultate Deo adiutori &c.

1 *Adhortatur populum ad festos dies rite celebrandos, ac praesertim Neomeniam mensis Septembris, quae erat omnium celeberrima, dicebaturque festum tubarum, tum beneficia commemorat, ob quae celebrantur, ejusque negligentiam, & infidelitatem reprehendit.*

2 **I**Nstaurare Deo publica gaudia,
Custodi Isacidum plaudite Numini:

3 Eja aptum modulis promite canticum,
Pulsandum eja mihi cedere tympanum,
Nervosque, & citharam tangite tinnulam;

4 Festa mense novo clangire buccina,
Vobis tam celebri, tamque sacro die.

5 Hoc nempe Isacidis relligio jubet,
Hanc legem Isacidis ipse tulit Deus;

6 Josephi sobolem jussit id exequi,
Cum primum Pharias deseruit plagas,
Ignotaeque sonum vocis ab ardui (a)
Sinae verticibus desuper audiit.

7 Illius gravibus terga laboribus

(a) Ita August. Hier. Theod. Euthym.

Subduxit miserans Caelicolum Pater,
 Cum sub ponderibus fessa fatiscerent,
 Et plenis gernerent brachia corbibus,
 Nunc coctos lateres, nunc madidum lutum
 Sub duri imperio subveherent heri.

- 8 Antiquos memora, te Deus arguit,
 Gens ingrata, dies. Rebus in asperis
 Clamasti, & gemitus supplicis audii;
 Adduxi piceis nubibus abditus
 Nimbis foetam hyemem, quae simul obrutos
 Currus, aque equites im mare volveret:
 Tentatura tuam (sic placuit) fidem
 Te defecit aqua: hic jurgia perstrepunt,
 Commotis populi seditionibus,
 Ut rupe exiliens hinc aqua traxerit
 Nomen.

- 9 Nunc animos arrige, gens mea;
 Quod sit consilium, quae mihi mens, tibi
 Testatum esse volo, nescia ne fies:
- 10 Si nostris docilem vocibus, Israel,
 Te ultro praeberis, nullus erit recens,
 Externusque Deus, cui facias sacra,
 Gentes Numinibus quae faciunt suis.
- 11 Unus sum Dominus, sumque Deus tuus,
 Qui te Niliacis ex regionibus
 Eduxi, miseroque eripui jugo:
 Jam si quid cupias amplius, expete,
 Neu desiderii sit pudor, aut modus,
 Omnis te faciam voti Ego compotem.
- 12 Aures his refugas vocibus improbus
 Avertit populus, non animum Israel
 Intendit monitis recta iubentibus;

Qua-

- 13 Quare hunc arbitriis deferui suis,
 Ut vitæ teneat, quam libeat, viam.
 14 Si dicto hic populus mî foret audiens,
 Gens Judaea vias si tereret meas,
 15 Vires ex facili contererem hostium
 Fortasse, iisque meas injicerem manus,
 Quicunque exagitant Isacidum genus.
 16 Verum gens toties pacta Deo fidem
 Hostiles animos induit, & suis
 Mendax pollicitis haud stetit: Ultio
 Illam certa manet saccla per omnia.
 17 Has poenas repetunt tot data munera
 Ingratis, similia quos Deus optima,
 Pavitque eximia fruge, feracibus
 Lecta jugeribus, mellaque ab asperis
 Saxis elicuit sponte fluentia,
 Explendae faciles delicias fami.
-

PSALMUS LXXXI.

Deus stetit in Synagoga &c.

Hortatur Judices, ut juste judicent.

- **Q**uasi in Deorum concilio, sedens
 Subsellia inter publica Judicum,
 In judices exercet ipsos
 Arbitria intemerata Numen.
 • Quousque lites pondere non suo
 Libratis? inquit; Quidve nocentium

N

Su-

- Superba respectatis ora,
 Donaque, deteriore causa?
- 3 Pupillus ad vos si veniat, suum
 Jus consequatur; Pauper, & infima
 De stirpe prognatus probatam
 Obtineat sine fraude causam.
- 4 Vinculis egenum judicialibus
 Sententiarum vos ope solvite,
 Ne forte circumventus astu
 Insidiis pateat malorum.
- 5 Quorsum ista jacto? Nil sapiunt, nihil
 Et scire curant, in tenebris pede
 Incerto oberrant, & libido
 Res hominum furiosa miscet;
 Fas omne, & aequum rumpitur, omnia
 Turbantur, ordo nullus; ab infimis
 Radicibus convulsa tellus
 Jam penitus ruitura nutat.
- 6 Vos rebus olim praeferens: Dii,
 Dixi, estis omnes, Diva ab origine
 Prognata proles; summa vobis
 Pene meae similis potestas.
- 7 Communis at vos conditio manet.
 Mortalis aevi; vos quoque semitas
 Calcabitis lethi, & ruina
 Principibus simili cadetis.
- 8 Tu surge, Numen; Tu vice judicis
 Desungere aequi, & crimina discute
 Mortalium: Cunctae subibunt
 Imperii tua jura gentes.

PSALMUS LXXXII.

Deus quis similis erit tibi &c.

- 1 *Populus Judaens a barbaris nationibus oppressus Dei auxilium petit, quo praenuntiatur Ecclesiae status a Gentibus primum, mox ab Haereticis, demum ab Antichristo oppugnatae.*

- 2 **Q**uis est, vel esse par Tibi. potest, Deus?
 Quid ergo cessas? Quid premis silentio,
 Paterisque inultas improborum injurias?
 Ah ne quiescas, neu Tibi ultra temperes.
- 3 Tibi ecce gens infesta motus excitat,
 Tubisque clangit, tetra & inflat classica,
 Contraque Te superba frontem sustulit,
- 4 Contraque populum consilia capit tuum,
 Pestemque sanctis cupida molitur viris:
- 5 Venite, dixit, infra & omnes mortuos
 Mandemus istos, atque nomen Israel
 Premat sepultum sempiterna oblivio.
- 6 Coetu id coacto cogitarunt impii
 Concordibus juncti simul sententiis;
 Iniere contra Te scelesti foedera
- 7 Jurata Idume, & Ismaelis agmina,
 Torisque castris fit tumultus; convenit
- 8 Una Moabi, & Agarum dirum genus,
 Gebalis, Ammonisque prava natio,
 Et Amalechi gens fera, & Philistios

- Quicumque aratro barbari vertunt agros,
Finesque quotquot incolunt Sidonios;
9 Se junxit illis Assur, auxilium ferens
Lothi parentis optimi stirpi impiae.
10 Hos clade eadem perde, & exitio pari,
Ac perculisti Madianis agmina,
Caputque clavo fixum adacto Sisaram,
Jabinque regem, qua rapax Giffon ruit.
11 Periere in Endor ambo, agris cadavera
Sanie insepulta, tabo & atro disfluunt.
Pinguescit unde terra, ceu pingui fimo..
12 Duces eorum perde, sicut Orebum,
Zebumque, Zebeamque regem, & Salmanam,
13 Duces eorum, qui minantes dixerant:
Deo dicata vendicemus limina
Haereditatis jure nobis debita.
14 Devolve eos, ut volvitur praeceps rota,
Disperge, stipulam ventus ut spargit levem;
15 Qualisque sylvis ignis incubit vorax,
Celsasque victor comprehendit arbores,
Strident, favillas evomuntque incendia,
Qualisque siccum flamma foenum in montibus
Absumit, alte fumus ater volvitur;
16 Talis furente concitatus impetu
Illos adurge, iraeque magnitudine
Exterritos percelle, proturba, opprime.
17 Pudore vultus impudentes infice,
Teque invocare, Nomen & discant tuum.
18 Porro obstinati, & Te timere nescii
Multo erubescant, atque turbentur magis,
Maneatque inusta saeculum in omne infamia,
Pereantque merfi sempiterno funere,

Sero-

- 49 Seroque tandem sentiendo intelligant,
 Dominum vocari jure, & esse Te omnium,
 Regnumque terris Te obrinere in omibus.
-

PSALMUS LXXXIII.

Quam dilecta Tabernacula &c.

- 1 *Sen David ab Absalone pulsus, seu populus Babylonis captivus suum exprimant desiderium in patriam redeundi, Deique tabernaculum visendi, certe sub hac imagine, ac fortasse in primis vota refert hominis justī ad Caelestem patriam aspirantis.*

- 2 **R** Ex o summe, latus stipant cui mille phalanges,
 Quam jucunda mihi sunt tua templa, Deus!
 3 Aestuat, aspiransque avidis sacra ad atria votis
 Mens desiderio deficit aegra suo.
 4 Exultat, vivique Dei cor gestit amore,
 Quin motus sequitur cordis & ipsa caro.
 5 Invenit tutos sibi passer in arbore nidos,
 Turtur habet pullis frondea tecta suis:
 At mihi securus tua sunt altaria nidus
 Rex, Deus, armipotens, Rexque, Deusque meus.
 6 Felices Animae, tecum tua tecta colentes,
 Quae recinent Nomen tempus in omne tuum!
 7 Ille etiam felix, cui Tu spes una salutis,
 Qui Tibi praesidium credidit omne suum!
 8 Hunc Deus ipse docet semper procedere porro,
 Et nunquam fesso tendere in alta gradu,

Valle & in hac, quam luctus habet, lacrymae
que dolentum

Carpere virtutis summa tenentis iter;

Donec ad optati conscendat culmina Montis,

Metam difficilis quem dedit esse viae.

8 Afferet auxilium qui legem condidit, idem:

Viribus his fidens ulteriora petet.

Nitendo magis atque magis vis crescet, & ardor,

Dum se Rex Divum monstrer in Arce Sion.

9 Rex, Deus, omnipotens, audi mea vota, tuasque

Huc adverte aures, Rex, Deus, Isaacidum.

10 Aspice nos, o praesidium, tutelaque nostra,

In faciem Regis lumina flecte tui.

11 Una dies praestat Superis in sedibus acta,

Quam terrae in miseris millia multa plagis;

Praestat Divinos abjectum habitare penates,

Quam sub polluta prima tenere domo.

12 Una Deo cordi est pietas, verumque: Paratum

Ex illo auxilium, gloria certa venit.

13 Nec benefactorum quisquam mercede carebit,

Qui trahit innocuos, ac sine labe dies.

Ter quater, o felix, Rex o fortissime, quisquis

Spem sibi in auxilio credit inesse tuo!

PSALMUS LXXXIV.

Benedixisti Domine &c.

- 1 Commemorata liberatione a captivitate Aegyptiaca, orat pro liberatione a Babylonica, siue rectius pro liberatione generis humani a captivitate Diaboli, pro qua, veluti jam peracta, initio gratias agit.*

- P**letate tandem victus antiqua, Deus,
Terram beasti munere optato tuam,
Gemensque dura servitute, vinculis
Jam liberaisti triste Jacobi genus;
3 Tuae remissis ultro genti, admiserat
Quaecunque per socordiam, piaculis,
Alta obruisti cuncta nocte crimina.
4 Aestus tumentes pristinae iracundiae
Ad lenitatis transtulisti gratiam,
Ira reflectens incitatum spiritum.
5 Deus, salutis causa nostrae, devios
Ad te reduce, mentem & inspira bonam,
Alioque transfer, quicquid irarum est super.
6 Nunquid tuus nos semper urgebit furor,
Traducta & ira stirpe ab una in alteram
Nullis feretur terminis coercita?
7 Sed Tu, Deus, pacata vertens lumina
Reddes fugacem semivivis spiritum,
Tuaeque plebi optata gignes gaudia.

- ⁸ Nobis tuam jam pande jam clementiam,
Tuumque nostrae da salutis Vindicem.
- ⁹ Est Numen in me: Quid loquatur audiam;
De pace nam loquetur, quam suis parat,
Qui vel probe vixere, vel certe student
Ad se redire, ac saniora persequi.
- ¹⁰ Salus propinquat jam Deum timentibus,
Jam nostro in orbe praepotentis Numinis
Versatur, incolitque terras Gloria;
- ¹¹ Non asperata fronte rugis Veritas
Placabili fit obviam Clementiae;
Sibique dexteras copularunt mutuas,
Pax, Aequitasque alterna jungunt oscula;
- ¹² Tellure jam prognata surgit Veritas,
Justitia Caelo conspicanda prodiit.
- ¹³ Benignitatem Dominus ostendet suam,
Suumque terra nostra Fructum proferet,
Fructum sine ullo procreatum semine,
Afflante Caelo ex inegro solo editum.
- ¹⁴ Praecedet Illum candida Innocentia,
Probitasque, cunctarumque Virtutum chorus;
Sic aevi inibit Ille mortalis viam.

PSALMUS LXXXV.

Inclina Domine aurem tuam &c.

Precatio Davidis cum amaro esset animo, & Divinae consolationis imploratio.

Flecte aures, Pater alme, tuas ad vota precantis:

Pauper ego, arque omni Te rogo nudus ope.

Hanc animam serva tot ab hostibus undique cinctam;
Nam Tibi sum sancta religione sacer.

O multum dilecte, tuum, precor, asserere servum,
Qui spes in Te omnes, auxiliumque locat.

Ah luctus miserare meos, miserare labores:
Clamavit totos Te mea lingua dies.

Ad Te animum curis aegrum, gemituque levavi:
Tu vera curas, dilue laetitia.

Suavis enim, mitisque Tibi natura; vocato
Multa tuo pietas Nomine ubique fluit.

Excipe vota, Deus, facili, quae fundimus, aure
Excipe, submisso quas damus ore, preces.

Quo me cunque die duri invasere labores,
Ad Te clamabam, Tu mihi fautor eras.

Nulla tuis valeant conferri ingentia facta,
Nulli Te valeant aequiparare Dii.

Quotquot utroque jacent Caeli subvertice gentes,
Quas tua Divina condidit arte manus,

Advenient, flexoque Tibi se poplite sistent,
Et decora extollent Nominis alta tui.

- 10 Magnus es, & miranda tuae molimina dextrae,
 Solus es Omnipotens, solus es ipse Deus.
 11 Tu dux esto viae, trepidantes Tu rege gressus;
 Ingrediarque tuum, Te duce, tutus iter.
 Gaudia mens agitet, timor at mea gaudia sanctus
 Temperet, & verear Nomen, amenique tuum;
 12 Tunc meritas toto referam Tibi pectore grates,
 Nomen & usque tuum, sit modo vita, canam.
 13 Magna in me pietas tua scilicet extitit; Orco
 Eductum, penitus qua specus alta jacet.
 14 Nunc iterum instaurata movent mihi bella nocentes,
 Et validae coeunt in mea damna manus.
 In caput hoc coetus conjuravere potentes;
 Nulla illis de Te cura, timorque subit.
 15 Tu pius, & patiens, miseris succurrere promptus,
 Veraxque, & fidei, pollicitique tenax:
 16 Respice me, famulique tui miserare labores,
 Queis ego deficior ^(a) viribus, adde tuas.
 Me serva, & tantis trepidantem educe periclis:
 Sum tuus, ancilla progenitusque tua.
 17 Auxilii da signa tui felicia: Cernat
 Hostis, & ad terram deprimat ora pudor.
 Cernat praesidio mihi Te venisse faventem,
 Solamen nostris, perfugiumque malis.

PSAL-

(a) Hebr. Fortitudinem tuam.

PSALMUS LXXXVI.

Fundamenta ejus &c.

1 *Civitatis Jerusalem, qua Ecclesia designatur, laudes canit, & gentium vocationem praedicat.*

• **F**undata Sanctis montibus (a)
In astra surgit Civitas:

Portas Deus plus inclytas

Almae Sionis diligit,

Vetusta quam dilexerat

Abramidum tentoria.

3 Praeclara de te praecinit,

Deo dicata Civitas,

Qui nostra quoque lumine

Afflat Sacer praecordia,

Intusque fatur Spiritus:

4 Non inquit, uni condidi

Haec nationi moenia.

Jam nunc mihi sese objicit

Aegyptus (b) ipsa, cladibus,

Ac servitute Abramidum

Superba; se mihi objicit

Babylon quoque ipsa, non semel

Spoliis meorum ditior.

Regnis ab his, & undique

Po-

(a) Intelligit Ecclesiam.

(b) Raab Hebraea vox significat *Superbum*; quo Interpretes intelligunt *Aegyptum*.

- Populos vocabo barbaros,
 Qui Me, Meique gloriam
 Discent fateri Nominis.
 En exteris e finibus
 Huc nationes confluunt,
 Tyrique regna ditia,
 Simulque fuscus Aethiops,
 Sanctaque in Urbe confident.
 5 (a) O mira res, o res nova,
 Omnem prope excedens fidem!
 Quemquam ne posse dicere
 Almae Sioni: Moenibus
 Ex his in auras prodiit
 Homo, Deusque Altissimus,
 Et Urbis idem conditor?
 Hoc ipse sed testabitur.
 6 Deus verendis litteris,
 Ascripta ubi extant nomina
 Tum gentium, tum Principum;
 Queis gloriatur civibus
 Dilecta Caelo Patria.
 7 Illic perenni gaudio
 Omnes triumphant incolae,
 Lactos, & instaurant choros.

PSAL-

(a) Ita Aug. Hier. Theodor. Euthim. Alii aliter. Vide Bellar.
 in hunc vers.

PSALMUS LXXXVII.

Domine Deus salutis meae &c.

*Hominis aerumnis confecti, ac praesertim Christi
patientis ad Deum deprecatio.*

- D**Eus, salutis auctor, ac parens meae,
Noctu, diuque maximis,
Opem rogans, Tibi astiti ejulatus:
Tandem penetrent, obsecro,
Ad te preces, & supplicis clamoribus
Aures benignus admove.
Meus malis hinc inde confluentibus
Circumvenitur spiritus,
Et vita Mortis appropinquans finibus
Pene ima visit tartara.
Illisque vulgo comparandus censeor,
Lethaea qui sulcant vada,
Ope ut juvandus nulla, & inter mortuos,
Vitalium exfors munerum;
Iisque par, qui jam sepulchris occubant
Confossi adacto vulnere,
Quos immemor jam negligis, nec amplius
Manu gubernas provida.
Demissus ecce sum lacus ad infimos,
Umbrasque Mortis pallidas.
Vel Tu furoris incitatus impete
Me perculisti innoxium,

Tuo-

- Tuosque, quotquot ira fervet fluctibus,
Meum impulisti in verticem;
9 Fecisti, ut omnes me mei relinquerent,
Abominatum ceu caput;
10 In hostium sum dura vincla tradirus,
Nec ulla jam datur fuga;
Soloque fixae, ac prae dolore languidae
Intabuerunt pupulae.
Voces manusque Tibi die tota, Deus,
Vitam precatus sustuli:
11 Voles inusitata nunquid edere
In mortuos miracula?
Aut hi medentum suscitati pharmacis
Tuis vacabunt laudibus?
12 Ecquis sepulchri sub tenebris conditus
Tuam canat clementiam?
Aut veritatem praedicet quisquam tuam
Demersus inferna Stryge?
13 Tot mira, in orbe quae facis, carentibus
Die videri num queunt?
Aut aequitatis signa cognosci tuae
Oblivionis in domo?
14 Ad Te, Deus, clamare festino, diem
Praecurro surgentem prece,
Ut imminetia occupem pericula,
Tuamque gratiam aucuper.
15 Precationem quid repellis irritam,
Vultum quid avertis tuum?
16 Inops ego, durisque sum laboribus
Prima a juvena exercitus;
Honore vix elatus, imo decidi
Repente turbatus solo.

- 17 In me tua ira erupit, invasit gravis
De mente dejectum timor,
18 Qualisque vis immensa aquarum, turbidis
Absorbuit nimbis caput,
Circumque fusus, undique affluentibus
Obsedit usque fluctibus.
Nec quisquam amicus adfuit, vel proximus,
Qui me levaret in malis.
-

P S A L M U S LXXXVIII.

Misericordias Domini &c.

- 1 Populi Dei in captivitate positi desiderium, ut
Christus multo ante promissus adveniat, ubi
commemoratis promissis Davidi factis de ejus
regno in perpetuum duraturo, nec illis in Da-
vidis temporali regno impletis, petitur, ut in
Christo vero, ac sempiterno Rege, de quo il-
la intelligenda erant, impleantur.

- 2 **Q**uae pietas, & quanta Deo, quam firma per
omnem
3 Saeculorum seriem victuro carmine pandam;
Ore meo natis, tardisque neporibus edam,
Summe Pater, quam sis verax, dictisque fidelis,
4 Nam fore pollicitus fueras, mansura per aevum
5 Ut Pietas Caeli super alta assurgeret arce
Ceu vastam in molem, stabili quae condita saxo
Impleat aethereas muris ingentibus oras.
Illic promissisque fides constabit, & illic

Consilii inviolata tui Decreta manebunt
Mente reposita alta, solidoque inscripta adamante.

- 4 Foedera, dixisti, nullos violanda per annos
Dilectae genti statui, servoque fideli
Davidi in primis: Olli sacra pacta revelans,
His mea juravi testatus Numina verbis:
- 5 Posteritas aeterna tuo de semine creta
Nascetur, sedemque tuam transmittet habendam
Et genitor nato, & sero dein iste nepoti,
Mox hic post genitis, dum se ultima tempora
volvent.
- 6 Sed quid ego haec? Quae mira facis, Rex ma-
xime Divum,
Tota renarrabit Domus omnipotentis Olympi.
Et Superi assensu extollent, plausuque secundo;
Inque tuae laudes fidei laeta ora resolvent,
Et Te veridicum, sancte & tua dicta tuentem
Conventu in magno recinent, populoque piorum.
- 7 Ecquis enim nubes super, & super ardua Caeli
Culmina sese ausit summo conferre Tonanti?
Ecquis Caelicolas inter sese audeat uni
Aequiparare Deo?
- 8 Summis quem laudibus omnes
Exornant Caeli cives, Regemque fatentur
Concilio Divum in medio. Spectandus in aureo
Ille sedet solio insistens, magnusque, potensque
Majestate gravis, formidatoque verendus
Aspectu totam complet terroribus aulam,
Et medius magna Superum stipante caterva
Hinc latus, atque illinc, unus superemuner omnes:
- 9 Quis similis Tibi, bellorum Deus arbiter? Unus
Cuncta potes; Tu vera vides, Tu vera profaris,
Lu-

Lumine Te circum liquido nitet undique Verum.

- 10 Tu maris imperitas altum assurgentibus undis,
 Tu tempestates cohibes, fluctusque furentes,
 11 Tu fastus reprimis tumidos, sternisque superbos
 Vulnere ceu subito dejectos; fortia tollis
 Brachia, & invicta perdis virtute rebelles.
 12 Est Caelum omne tuum; Tibi servit & ultima tellus;
 Terrarum hunc, quacunque pater, tua condidit orbem
 Dextera, terrarum & quidquid complectitur orbis.
 Tu mare, Tu ventos fecisti, Eurumque, Notumque,
 Et Boream, septem subjectaque regna trioni;
 13 Occiduusque Thabor, aurorae obversus & Hermon
 Laetitia exiliunt; & moto vertice nutant,
 Auctorisque sui venerando in Nomine plaudunt,
 Tantum dextra valet tua, tantum aeterna potestas.
 14 Sed sit dextra potens sane tua, summa potestas
 Laudibus illa quidem immortalibus extollatur;
 At jus, atque aequum sedem Tibi firmat, & alte
 & Fultam sustentat, decoratque insigne tribunal;
 15 Aurea te cultu Pietas, Verumque colore
 Fucatum nullo, vultu praecedat honesto:
 O gens ante alias fortunatissima, quae Te
 Laudibus, & digno novit celebrare triumpho!
 16 Huic tuus affulget radianti lumine vultus,
 Et vitae praemonstrat iter, quo sub duce certas
 Discoet inire vias,
 17 Et tanto Nomine laeta
 Sancta per integras agitabit gaudia luces;
 Tuque adeo vires mira bonitate, decusque,
 Imperiumque dabis, vectamque ad sydera tolles.
 18 Ejus enim Tu praesidium, Tu robur, & omnis
 Gloria virtutis; Teque aspirante, subactis

Hostibus, erecta feriemus sydera fronte.

- 19 Noster enim vindex Deus est; nos Ille suorum
In numero ascripsit, suscepitque Ille tuendos.
Rex sibi devoti sanctissimus Israelis.
- 20 Principio sanctis clara Te in luce videndum
Vatibus ostendens, & operta oracula pandens:
Huic Ego constitui populo, magnoque futurum
Auxilio misi, dixisti, in rebus iniquis
Egregium virtute virum, belloque potentem,
Et populo ex ipso lectum, de gente meorum,
Quem forte evexi ex humili, solioque locavi;
- 21 Quippe meum reperi longo post tempore servum
Davidem; hunc Regem dixi, & sacro unguine levi.
- 22 Olli praesto aderit mea semper dextera; vires,
Sufficiamque animos, fortemque ad praelia reddam.
- 23 Non illi quisquam audebit contendere bello
Hostis, & infesto nihil unquam Marte nocebit
Impius, atque iras frustra exercebit inanes.
- 24 Ipse ego in adversos procedam comminus hostes,
Agmina disjiciam, manabunt sanguine campi,
Vixque fuga pauci rediment, pedibusque salutem.
- 25 Nusquam illum mea destituet pietasque, fidesque,
Nomine & armatus nostro discrimina vincet
Cuncta, triumphalem decorabit laurea frontem,
Crescet & auspicio firmata potentia nostro.
- 26 Quin etiam validam extendet super aequora dex-
xtram,
Fluminaque insueras discent gestare catenas.
- 27 Tu Pater, ille mihi dicet, Tu Numen, in omni
Tu vindex casu, tutelaque certa salutis;
- 28 Contra Ego non me illi Patrem inficiatus, honore
Dignabor tanto, quantus decet ordine primum
Ex me progenitum cuncti prae regibus orbis

Excelsum magis, & lata ditione potentem.

- 29 Aeterna, & vicibus nunquam mutabilis ullis
 Servata est illi pietas mea; firmaque pacta,
 Quae semel edixi, non aetas ulla resolver:
 30 Ac dum perpetuo volventur saecula lapsu,
 Usque nova illius prodibit semine proles,
 Et firmum late imperium, soliumque tenebit,
 Dum gemino alternas luces Sol dividet orbi.
 31 Quod leges si forte meas oritura propago
 Deferat, & scitis procul erret devia nostris,
 32 Si mea polluerit sacra, si mandata refringat,
 Haud impune feret;

- 33 Sublata Ego crimina virga
 Ulciscar, plagisque luent commissa merentes;
 34 Sed mea non patri pietas se subtrahet unquam,
 Nec patiar mea verba fide, eventumque carere,
 35 Pacta nec infringam; quae sum semel ore locutus
 Veridico, rapidis tradam non irrita ventis.
 36 Juravi per sancta semel mea Nomina: vanus
 Non ero Davidi, nec ficto mentiar ore.
 37 Illius aeternum durabit semen, & alto
 38 Ante meos oculos solium fulgebit honore
 Perpetuum, & rerum vicibus violabile nullis,
 Fulget ut in medio Titan altissimus orbe,
 Lunaque, cum pleno reparavit cornua mense,
 Aut nubes inter variata coloribus iris,
 Foederis antiqui monumentum, ac testis Olympo.
 39 At Tu, summe Parens, verborum pene tuorum
 Oblitus, populumque tuum, stirpemque futuram
 Projicis indignans, ac despexisse videris
 Averfus (a), Regemque tuo unguine delibutum

O 2

Heu

(a) Jechoniam, & Sedeciam ductos Babylonem.

Heu procul ignotas ejectum extrudis in bras.

- 40 Servo olim condita tuo, & jurata resolvīs
Foedera ^(a); Sacratī capitis diadema decorum
Polluis abjectum terra, pedibusque premendum;
41 Vineā jam perit, perit circumdata sepēs
Stirpibus evulsa ex imis; munimen ab omni
Quod fuit ante metu, metus est nunc totus, &
horror.
- 42 Quisquis praetereat, gravidos de vite racemos
Diripit, illudunt vicini; & scommata jactant.
43 Tu vires dextris hinc inde prementibus addis;
Tuque animos victori, & gaudia sufficis hosti;
44 Propugnatorum gladios, velut ante solebas,
Non ope sustentas, nec se defendere bello
Conanti, infestasque acies depellere Regi
Auxilio venis, & solum, nudumque relinquis.
45 Nulla illi jam mundities, jam nulla supersunt
Ornamenta; rudi sordet velatus amictu,
Elisa ad terram jacet atro in pulvere sedes
Regia, nulla super regni vestigia restant.
46 Ut sperata brevi clausisti tempora meta,
Contracti ut fluxere dies! pudor occupat aegrum,
Turbatumque, hominumque oculos, lucemque
timentem!
- 47 Quem, Deus, ad finem tantum indignata retrorsum
Lumina torquebis, populumque aversus egentem
Despicias? Tantaē ne animis caelestibus irae
Ardescunt, veluti laxis immissus habenis?
Cuncta vorat, semperque furit violentior ignis?
48 Quid tantum exitio incumbis? Quae vita, memento,
Nostra sit, utque dies brevis aevi limite claudat.
Nun-

(a) Vid. Bellar.

Nunquid enim frustra mortales vivimus, a Te
Aeternam in cladem, truculentaque fata creati?

49 Quisnam hic perpetuo viver, nec dura subibit.

Jura necis, quis non Manes descendet ad imos?

50 Nunc ubi prisca, Deus, pietas tua, nunc ubi quondam
Davidi promissa fides, jurataque pacta?

51 At reputa, quantis patet, urgeturque tuus grex

Opprobriis, quam foeda vomunt convicia gentes,

Quae nostro contenta sinu sine voce premuntur.

52 Insultat tuus, & nobis, Deus, exprobrat hostis,

Quod data nempe Tuo per verba gravissima Regi (a)

Sic fuerit mutata fides, indignaque tantis

Reddita sit meritis merces.

53 Sed gloria semper

Iusta Deum, quaecunque illi sint visa, sequarur.

Sic precor, eveniat: Nutu, Deus, omina firma.

PSALMUS LXXXIX.

Domine refugium factus es nobis &c.

A pluribus tribuitur hic psalmus Moyfi, quod & Versio vulgata praefert.

*Vitae brevitatem, caeterasque misérias per peccatum
inductas describit, Deique misericordiam implorat.*

• **P**erfugium, Deus, es nobis discrimine in omni
Majorum ab aeo posteros ad ultimos.

• Cum nondum aerias superarent verrice nubes
Educta Caelo montium cacumina,

(a) Juxta duplicem exposit.

- Cum nondum tellus, nondum confisteret orbis,
Ab alio in aliud saeculum regnas Deus.
- 3 Parce hominum genus indignis permittere curis,
Ut sempiternis obsolescat fordibus.
- Gens tibi chara sumus: Tua nos ea dicta petebant:
Consilia mentem ad saniora vertite.
- Heu miseri! Nihil hic longum perdurat in aevum,
Brevisque vita, & aura abit fugacior.
- 4 Mille licet tribuas annos, Tibi quantula summa est!
Hesternae qualis lapsa, quae fugit, dies,
- 5 Aut quales, quas nocturnus vigil excubat, horae;
Ut sint putandi tam breves anni nihil.
- 6 Herba novo veluti florescit mane, caditque
Mox vespere, senescit, ac statim aruit.
- Vita die haud aliter floret mortalis in uno,
Tum consenescit, aret, ac demum occidit.
- 7 Nam tua sic meritos ad lethum compulit ira,
Citaeque mortis tradidit terroribus.
- 8 Nostra tuum contra posuisti crimina vultum,
Et cuncta clara in luce vitae tempora.
- 9 Inde dies lapsu contracti abiire fugaci,
Perculsi & ira cessimus fatis;
- 10 Vitaeque se vano exercet consumpta labore,
Aranea ut se tela inani eviscerat.
- Bis septem lustris humanae clauditur orbis
Vitae, aut bis octo, si quis est valentior;
Ulterius si quid, nihil est, nisi debilis aetas,
Laborque varius, inquietus & dolor.
- Tunc subeunt mites anni, fastusque remittit,
Et spiritus fit usque castigator.
- 11 Quis tua quid valeat, digne satis aestimet, ira,
Ejusque, prae timore, pondus exigit?

- 12 Nunc ostende tuam, tribuat quae munera, Dextram,
 Sapientiaque quos Tua erudiveris (a).
 13 Verte oculos: (semperne illos avertere certum est?)
 Tuisque servis redde Te placabilem.
 14 Lux veniet, veniatque precor, qua nos tua totos
 Cunctis diebus impleat Benignitas.
 15 Qualia tunc animos mulcebunt gaudia nostros,
 Qualis voluptas influet tunc pectori!
 Tunc actos moerore dies meminisse juvabit,
 Annosque, dura vidimus quibus mala.
 16 Ore tuos placido famulos, quos ipse creasti,
 Respecta, & illis procreatos dirige;
 17 Nosque tui illustra Divino lumine vultus,
 Manuumque facta quaeque nostrarum rege.
-

P S A L M U S XC.

Qui habitat &c.

Adhortatio ad fiduciam in Dei auxilio collocandam.

- Q Uem Deus, firma velut arce reatum,
 Numine adiutor valide tuetur,
 Regis immensi Superum quiescet
 Tutus in umbra;
 , Is Deo dicet: meus esto vindex,
 Esto Tu nostrae columen salutis;
 Ille mi solus Deus; est in Illo
 Spes mihi, eritque.
 O 4 , Illa

(a) Vid. Bellarm.

- 3 Ille venantum laqueo implicatum,
Jamque mactandum caput expedit,
Et mihi cavit; mala ne impiorum
Facta nocerent.
- 4 Maeste virtutis! Scapulis obumbrans
Te suis condet, patulasque supra
Porriget pennas placidoque somnos
Pectore duces.
- 5 Ejus, ut pando clypei sub orbe,
Te fides circum teget; inde noctis
Inter obscurae varios timores
Tutus abibis.
- 6 Seu die intortae volitent sagittae,
Sive nocturnis lateant in umbris,
Torva seu incurset, mediaque luce oc-
currat Erymnis.
- 7 Mille procumbent latus ad sinistrum,
Millia ad dextrum data dena letho;
Te leves stridens jaculum per auras
Stringere parcer.
- 8 Ipse tum cernes oculis, quid ultor
Saeviat Numen, meritaque fontes
Clade percelli, scelerumque dignas
Solvere poenas.
- 9 Grande te Nomen tegit; Es mihi una
Spes, Deo dixti; stat in arce summa
Forte munimen, tibi bella contra
Cuncta paratum.
- 10 Nulla te invadent mala, nulla Pestis
Triste te circum quatiet flagellum,
Sed tuis longe, metuens ferire,
Sedibus ibit.

- 11 Rex poli alarum Superum cohortem
Ad tuum iussit latus excubare,
Quaque iter tendas, comitem tuarum
Esse viarum.
- 12 Illa sublimem manibus levabit;
Forte ad extantes lapidum falebras
Ne pedem offendas, & humum caduco
Corpore plangas.
- 13 Aspidem supra, & tumidum veneno
Regulum forti gradiere passu,
Et premes torvum pedibus Leonem,
Sive Draconem.
- 14 Spem mihi hic omnem, Deus inquit, uni
Credidit; Cunctis adero in periclis
Tutor, ac vindex: Mihi quae sit ipso in
Nomine virtus,
Is probe novit;
- 15 Prece me vocabit
Flebili, advertam miseratus aurem;
Quin nec indigni socius doloris
Esse recusem.
Fluctibus mox e mediis malorum
Sospes eductus, placidoque portu
Conditus, per me celebri nitebit
Auctus honore.
- 16 Tum dies illi numerare longos,
Tum dabo nostrum sine nube vultum
Cernere, & quicquid fuit hoc in omnes
Fonte salutis.

PSALMUS XCI.

Bonum est confiteri &c.

Canendus die Sabbati, quo discat populus Dei laudibus vacare ob creationem praesertim, caeteraque magna Dei opera, & poenas impiis infligendas.

Nunc est canendum, laudibus est Deus
Nunc efferendus; psallere carmine
Nunc festo oportet, Rex Deorum,
Atque tuum celebrare Nomen.

Tu mane primo, Tu, & pietas tua
Dicenda, claro splendidior die,
Tu nocte sera, Veritasque
Illa sacris latitans tenebris.

Nunc temperatam cum fidibus decem
Testudinem, nunc promite nablia,
Intendite & vocalis aurea
Fila lyrae, socianda cantu.

Meo voluptas quanta animo influit
Tuae intuenti facta potentiae,
Caelumque, terrarumque molem,
Totque tuae monimenta. Dextrae?

Praeclara quam sunt, quae facis, Artifex
Divine rerum, magnifica manu!

Quae cogitas, quam sunt profunda
Consilia, & penetranda nulli!

7 Quam

- 7 Quam moliaris grandia, noscere
Rerum imperito non homini datum,
Nec mente complecti, ut sagaci
Judicio modereris orbem.
- 8 Postquam nocentes prodierint solo
Repente, & altum sustulerint caput,
Ceu prata pubescens inumbrat
Luxuria viridante foenum,
- 9 Ictu recisi mox subito cadent,
Per cuncta merfi funere saecula:
Tu sempiterno solus aevo,
Perpetuo fruerisque regno.
- 10 Tui en peribunt, ecce tui, Deus,
Hostes peribunt; pulveris in modum.
Dispersi in auras; differentur
Quotquot agit scelus omne coecos.
- 11 Ego at supino, rhinoceros velut,
Erecta tollam vertice cornua,
Tardaue confectum senecta
Multa Dei Pietas fovebit.
- 12 Frustra frementes despiciam minas,
Et fama nostris afferet auribus,
Qui Marte me injusto lateffunt,
Hos subita periisse clade.
- 13 Ceu palma Idume floret in ardua,
Justus vigebit; ceu Libani jugis
Attollitur procera cedrus,
Ille caput super astra condet;
- 14 Non glareoso confitus in solo,
Divinae at ipsis aedis in atriis,
Imo aede in ipsa, germinabit
Flore decens, locuplesque fructu.

15 Mox

15 Mox ad senectam proferet ultimam

Dies; senectus sed viridis, sui

Sed plena succi, nec fatiscens

Viribus, & patiens laborum,

Ut testis oris nuntiet omnibus,

16 Quam rectus orbi Rex Deus imperet,

Iniquitas ut nulla sancti

Judicii rata Jura laedat.

P S A L M U S XCII.

Dominus regnavit, decorem &c.

*Dei potentiam commendat ob mundi creationem,
vel reparationem per Christum, cujus regni, id
est Ecclesiae foundationem, describit.*

- 1 **R**egno potitur perpetuo Deus;
Decoro amictus lumine gloriae,
Virtute & accinctus potente
Forte latus, patuit quis esset.
Olim Ille terram pondere condidit
Suo libraram, nullus ut impetus,
Hanc nulla vel momenta possint
Sede sua remove molem.
2 Jam tum perennem, summe Opifex, Tibi
Sedem parasti: Tu prior omnibus
Es saeculis, semper futurus,
Qualis es, & fueras per aevum.
3 Immista terris flumina murmure

Ma-

Magno sonabant,

Flumina fluctibus

Altis tangebant, inquieto

Unda frequens fremuit tumultu.

Immane, quantos tum mare volveret

Montes aquarum: mira Dei tamen

Caelo tonantis vox superbum

Littoribus pelagus coerces.

Tua ergo certam dicta fidelibus

Probata signis inveniunt fidem:

Tu Sanctus es, sanctasque semper

Quas habitas, decet esse sedes.

PSALMUS XCIII.

Deus ultionum Dominus &c.

Petit, seu praedicat extremum impiorum supplicium.

ILle ultor scelerum, terribilis Deus,
Ille ultor Dominus, nil remorantibus

Vindictam objicibus, liber ab omnibus
Poenas fontibus exigit.

Tu, qui facta hominum singula judicas
Insistens solio celsus in arduo,

Quae sunt promeriti, redde agentibus
Magnos pectore spiritus.

Quis fastu gravidis sit pudor impiis,
Captandaeque modus crimine gloriae?

Quid tantum ore fluant, quid mala praedicent
Buccis facta tumentibus?

- 5 Atqui illi populum, Tute vides, tuum
Sunt ausi opprobriis mille laceffere,
Et quem legitimo jure Tibi arrogas,
Vexarunt miseris modis.
- 6 Indigno vidua est dedita funeri,
Et pupillus inops; Sanguine perfidam
Sparfit caesus humum, si quis inhospitis
Oris appulit advena.
- 7 Sic secum tacito pectore miffitant:
Nullis haec oculis aspiciet Deus,
Nullis, quem celebrant Ifacidae Deum,
Haec intelliget auribus.
- 8 Stulta o gens hominum, jam sapere incipe,
Vecordemque animo pone libidinem,
Quae coecat miseram, sed melioribus
Mentem consiliis rego.
- 9 Is, qui nos bibulis muniit auribus,
Non vocum sonitum, stipes ut, accipit,
Qui nostris oculos frontibus indidit,
Non ipse omnia perspicit?
- 10 Qui gentes scelerum non semel arguit
Poenis edomitas, quique scientiae
Omnis fons homini est, is sapiet nihil,
Nec quenquam peraget reum.
- 11 Quid volvant homines pectore, inanibus
Ut curis animum discrucient suum,
Illo Rex Superum lumine dispicit,
Quo circumspicit omnia.
- 12 Felix, ad solidam quem sapientiam
Formaris, monitis erudiens tuis,
Et praecepta, Deus, nosse salubria
Legis cui dederis tuae!

Quo

- 11 Quo turbata malis pectora mulceas
 Caelesti eloquio, donec ad infimum
 Sit depressa solum fossa, nocentium
 Quam sensim exitio excavas.
- 12 Gentem non etenim destituet suam,
 Aut impune finet cladibus obrui
 Gentem, jure suo quam sibi vindicar
 Ille ultor scelerum Deus;
- 13 Donec judicio Justitia ultimo,
 Spectanda in medio lumine prodeat,
 Quam juxta affideant laeti hominum chori
 Fas, aequumque colentium.
- 14 At nunc auxilio quis veniet mihi
 Tot contra furias dira frementium?
 Quis contra insidias, quae latus obsident,
 Addet se focium mihi?
- 15 Ni me praesidio protegeret Deus,
 Hostes heu misero tot capiti imminent,
 Noster tartareis ut prope spiritus
 Demersus tenebris foret.
- 16 Heu dixi quoties: Lubrica corruunt
 Jam vestigia! Sed sustinuit tua
 Lapsantem pietas, o Deus, atque opem,
 Qua tunc indigui, tulit.
- 17 Quantae multiplici vulnere faucium
 Strinxerunt animum sollicitudines,
 Tantum deliciae mox recreant tuae
 Dio nectare spiritum.
- 18 Quid (a)? Commune tibi nunquid Iniquitas
 Insistit solum? difficiles feras
 Ut leges, neque stet magna fidelibus
 Merces dicta laboribus?

(a) Alii aliter legunt, & explicant.

- 21 Hic mos iudicibus scilicet improbis:
 Justos infidiis excipiunt viros,
 Quos circumveniant criminibus, pium
 Certi effundere sanguinem.
- 22 Sed contra infidias, atque pericula
 Nobis praesidio dexter adest Deus:
 Hic immota sedet, firmaque nititur
 Spes, quae pectora roborat.
- 23 Culpas Ille suas vertet in impros,
 Et poenas repetet flagitiis pares;
 Perdet sic meritos exitio Deus,
 Ille ultor scelerum, Deus.
-

P S A L M U S XCIV.

Venite, exultemus Domino &c.

Omnes invitat ad Deum laudandum, eique morem gerendum, ne sicuti perveraces Hebraei a Terra promissa, ita ii a Caelo excludantur.

- 1 **V**enite, amici, adeste: Promamus Deo
 Concepta mente gaudia;
 Festos salutis nostrae amico Numini
 Laetosque ducamus choros;
- 2 Dura ultionis occupemus tempora,
 Admissa fassi crimina,
 Semperque pronam supplici clementiam
 Grato efferamus carmine;
- 3 Rex nempe magnus, magnus est noster Deus,
 Rex est Deorum maximus.

- 4 **Potentia** Ille sceptrā terrae ad ultimos
Extendit usque limites.
Minata Caelo montium cacumina
Subjecta prospectat sibi;
- 5 **Immensus** illi paret Oceanus, suos
Et sponte fluctus subjicit;
Namque Idem & undas procreavit, aridam
Idemque terram condidit.
- 6 **Adeste:** Flexo procidamus poplite
Tanto advoluti Numini;
Ante Ejus ora, nos qui in auras edidit,
Flendo expiemus crimina.
- 7 **Est noster** Ille Dominus, ac noster Deus;
Nos populus Illius sumus,
Et grex, suis quem nutrit Ille pascuis,
Ovesque, quas manu regit.
- 8 **Hunc te** vocantem si quis hodie audiveris,
Corda obstinata ne geras.
Vocem obseratis, Ipse sic inquit; meam
Ne respuatis auribus,
- 9 **Vestris** quod olim factitatum est patribus,
Iras mihi asperantibus,
Me quando per deserta tentarunt loca,
Dictis adorti audacibus.
Verum meam sensere tum potentiam,
Opera intuentes grandia.
- 10 **Per bis** vicanos gente cum dura mihi
Annos negotium fuit,
Semperque, dixi, hi vera aberrant a via
Acti improba libidine.
- 11 **Meas** tenere noluerunt semitas,
Meisque jussis obsequi.

Per Numen illis sed Ego juravi meum (a),
 Justo furore percitus,
 Terrae quietis a beatae finibus
 Semper futuros exules.

PSALMUS XCV.

Cantate Domino canticum novum, cantate &c.

*Quamvis hunc psalmum David composuerit, cum
 reduceretur Arca in montem Sion, & Esdras
 eum cani. jufferit, cum templum post captivita-
 tem iterum aedificaretur, certum est in eo prae-
 dici adventum Christi, ejusque regnum.*

- N**on audita prius fundite cantica,
 Qui terrae varias incolitis plagas;
 Terra omnis, Domino carmina concine,
 Laudes eximio concine Nomini:
 Quae nostro generi parta redit salus,
 Illo authore, novis, quotquot eunt dies,
 Ad vocum numeros laudibus insonet;
 Vulgate in populos tam bona nuncia,
 Ejusque ad superos tollite gloriam,
 Quam gentes tenebris tristibus obsitae
 Discant; Quaeque facit mira, habitabilis
 Extremis regio finibus audiat.
 Magnus quippe Deus, dignis & omnibus
 Ornari omnigeno carmine laudibus;
 Idem terribilis, cum medio stetit

(a) Numer. 14.

- Divum in concilio, ac voce minax tonat.
 5 Verum quæ populi Numina barbari
 Sacro thure colunt, non ea Numina,
 Sed tristes Furiae, quas Strygiis foras
 Emisit tenebris Tartareum Chaos.
 Ille unus Deus est, Qui superas domos;
 Qui Caeli explicuit magnâ volumina;
 6 Ante Ipsum, solio dum sedet aureo,
 Laudum materies ampla perennium,
 Miro dispositum visitur ordine,
 Quod mens nulla potest fingere pulchrius,
 Et rerum facies mille decentium;
 Augustisque adytis undique sanctiras,
 Perstringitque oculos magnificentia.
 Vos, urbes, populis cultaque barbaris,
 Longe sepositis oppida finibus,
 7 Vos certate Deum tollere honoribus,
 Cultuque eximio; debita Nomini
 Divino officia, & reddite gloriam.
 8 Delectas gregibus ducite victimas,
 Sacratisque pedem ponite in atriis;
 Vosque ante ora Dei sternite cernuos,
 Casta & vestibulis oscula figite.
 9 Ante Ejus. faciem sedibus excita
 Omnis terra suis subsiliat, sacros
 Et confessa Deum concipiat metus.
 Regnavit Dominus, dicite gentibus,
 Cunctis, dicite, jo, regnat jo Deus.
 10 Terram Ille imperio condidit, ac regit,
 Nullae quam moveant sede sua vices;
 Vitas Ille hominum, criminaque integro
 Scrutans judicio, nil sinet abditum.

- 11 Jam Caelum insolita laetitia fremat,
 Jam terra exiliat concita gaudio,
 Jamque aequor tremulis fluctibus adsonet,
 Et quantum aequoreis fluctibus innatat,
 Dum tanti facies conspicitur Dei.
 Judex ecce Deus, ecce Deus venit;
 En gaudet viridi laetus ager solo,
 Pingui & laetus ager quidquid alit solo;
- 12 En motae umbriferis saltibus arbores
 Plaudunt, en quatunt alta cacumina;
 Judex namque venit, ecce Deus venit,
 Terras arbitriis corrigit, ut suis.
- 13 Aequum terrigenis Ille paventibus
 Reddet judicium, parcere nescia
 Suspendet populos in trutina, suis
 Poenam ut pro meritis, praemia vel ferant.
-

P S A L M U S XCVI.

Dominus regnavit, exultet terra &c.

David, interfecto Absalone, in regnum restitutus, inde occasionem capit describendi regnum Dei, vel Christi post judicium, quando hostibus plane prostratis, in summa gloria, & tranquillitate regnabit.

A Eterna victor regna tenet Deus:
 Tellus utroque a cardine concita
 Exultet, & sparsae per omnem
 Insulae Oceanum triumphant.

- 2 Caliginosis undique nubibus
 Stripatur: adstans Justitia horridum (a)
 Fulcit tribunal, Veritasque,
 Nixae humeris rigidae sorores.
- 3 Alte sedentem de solio emicans
 Praecedit ignis vortice fumido,
 Circumque serpens, dissipatos
 Insequitur violentus hostes.
- 4 Torta ut rubenti fulgura dextera
 Luxere, terror gentibus ingruit;
 Vidit perhorrescens, simulque
 Exiluit tremefacta tellus.
- 5 Cera ut propinquis liquitur ignibus,
 Vultu minaci sic juga montium
 Extabuerunt, tota tellus
 In cineres resoluta fedit.
- 6 Illum ipsa justum sydera praedicant,
 Orbesque, jugis quos rotat imperiis;
 Cunctisque Divina explicavit
 Gloria se populis videndam.
- 7 Iis ora turpis dejiciat pudor,
 Qui sculpta adorant, vanaque Numina,
 Mutisque frustra gloriantur,
 Spemque sibi posuere signis.
- 8 At vos honorem succiduo genu
 Deo, beati reddite Caelites:
 Audivit; Assensu faventum
 Laeta Sion, fremituque fervet.
 Judaeque alumnae, fidae Animae Deo,
 Testantur altis gaudia plausibus,

P 3

Quod

(a) Justitia, & Judicium Firmamentum scilicet ejus; Ita S. Hieron., & Hebraei.

Quod lance iusta ponderaris
Res hominum, intemerare Judex.

- 9 Tu regna late, maxime Principum,
Extendis, omnes Tu superemines,
Quicumque Divorum beato
Aethereum bibit ore nectar.
- 10 O quisquis unum, caetera negligens,
Amore casto prosequeris Deum,
Quod odit Ille, & tu perosus,
Omne malum, scelus omne vita.
Deus suorum Numine dextero
Vitas ruetur. Frendeat impius
Telis obarmatus; minaces
Effugient sine fraude dextras.
- 11 Justis renidens jamque oritur dies,
Quam nulla nubes, nullaue nox teget,
Et corde recti laetiores
Incipiunt agitare luces.
- 12 Tuae sit auctor laetitiae Deus,
Gens iusta; dignis dic age laudibus (a)
Ter Sanctum, & acceptam referro,
Quam tribuit tibi, Sanctitatem.

P S A L M U S XCVII.

Cantate Domino canticum novum, quia mirabilia &c.

Sub specie salutis a Deo Judaeis allatae salutem humano generi a Christo partam canit; ejusque primum, & secundum adventum praedicat.

- 1 **P**Angite Divino nova carmina pangite Regi,
 Qui mira solus edidit.
 Illius afflictum servavit Dexteram mundum,
 Sanctique virtus Brachii.
- 2 Cunctis conspicuam terris dedit esse salutem,
 Suo paratam munere;
 Justitiamque suam densa caligine tectam
 Cunctis retexit gentibus.
- 3 Prisca subit pietas, & menti pacta recurfat
 Cum stirpe Jacobi fides.
- 4 Jamque omnes terrae fines videre salutem
 Auctore partam Numine.
- 5 Quaelibet ora Deo laudes date, fundite carmen,
 Choris vacate, & psallite;
- 6 Psallite nunc cithara, dulci nunc psallite voce,
 Tubae & sonore ductilis;
 Cornea nunc auras strepitu tuba vibret acuto,
 Deoque coram ludite;
- 7 Audiat, & motis exulter fluctibus aequor,
 Et quidquid aequor continet;

Denique terrarum totus quoque gestiat orbis,
Et orbis omnes incolae.

- 8 Flumina tum manibus plaudent, montesque supina
Excelsa motabunt juga
Ante Dei faciem, supera qui labitur arce,
De toto ut orbe judicet.
- 9 Omnes Ille homines trutina suspendit in aequa,
Jus redditurus singulis.

PSALMUS XCVIII.

Dominus regnavit, irascantur populi &c.

Post regnum in domo Davidis stabilitum, sive ut aliis placet, post Judaeos Babylone reductos, hortatur ad regnum Dei agnoscendum, eumque adorandum, exemplo majorum, qua in re Ecclesiam praecipue respicit, ubi Dei regnum maxime floret.

- 1 **D**eus triumphans regnat: Inutili
Infrendeant ira, & trepido fremant
Gentes rebellantes tumultu:
Regnat jo, Deus ille regnat;
Qui terga Divum desuper insidens
Premit volantum, regnat jo Deus:
Repugnet indignata tellus,
Insolitos cieatque motus.
- 2 In arce praesens Ille Sionia
Quam magna magnus jura habet imperi!
Quam

Quam celsus assurgit! ter ampla
Ut populos ditione froenat!

- 3 Magnum ergo Nomen, depositis minis,
Pacem precati laudibus efferant,
Nomen tremendum, terque Sanctum,
Nomen idem venerentur aequum;
Namque aequitatem Rex amat; hoc decus
Illi arrogavit Regia dignitas;
Tu jura, Tu mores regendis,
Rex sapiens, populis dedisti:
- 4 Quantaque mundum justitia ordines,
Qualique fontes judicio premas,
Testes Jacobi nepores;
Et merito data cuique merces.
- 5 Laudate nostrum, gens hominum, Deum,
Et qua verendos sede (a) locat pedes,
Pronis adorete advolti
Corporibus; locus iste sanctus.
- 6 Ejus fuerunt praepositi sacris
Moses, & Aron; Hunc Samuel prece,
Votisque fufis invocavit,
In numero eximius piorum.
- 7 Verbis rogabant supplicibus Deum,
Praebeat aures Ille rogantibus,
Attraeque sub nubis columna
Dicta dabat veneranda reclus.
- Ipsi imperantis iussa facessere,
Servare leges & sibi traditas
Pro se laborabant, sacrorum
Nec patrios violare ritus;
- 8 Tu deprecantum vota libens, Deus,
Exaudiebas, auxilium ferens,

(a) I. e. Arca foederis.

- Injurias &, si quis illos
 Laederet, haud patiens inultas.
 9 Deum ergo nostrum tollite honoribus,
 Et quo dicatam monte tenet domum,
 Pronis adorete advoluti
 Corporibus: Deus iste sanctus.
-

PSALMUS XCIX.

Jubilare Deo omnis terra, servite &c.

Adhortatio ad Deum laudandum.

- 1 **O**Mnis terra, Deo prome age gaudia,
 2 Testare obsequium laetitiae tuum,
 3 Ejusque ante verendos
 Conspectus hilaris veni;
 4 Hunc rerum Dominum, hunc esse scias Deum,
 Qui nos e nihilo condidit erutos:
 Non nos fecimus ipsi,
 Qui semper fuimus nihil.
 5 Nos Ejus populus, nos sumus optimi
 Pastoris pecudes altae in ovilibus:
 Illi solvite grates,
 Intrantes sacra limina.
 Festis pulsa sonent atria canticis,
 Et laudes patrio pangere Numini:
 Pro se quisque laboret,
 Quamvis non meritis pares.
 6 Tam dulcis Domini Nomen amabile
 Laetis ad Superos tollite plausibus:

Nil est suavius Illo,
Et jucundius est nihil.

Durat perpetuis vivida saeculis
Illius Pietas; per varias vices
Usque immota manebit
Ejus candida Veritas.

P S A L M U S C.

Misericordiam, & Judicium &c.

*Boni Principis, & Patris familias officia suo e-
xemplo describit.*

1 **T**Uam, Deus, clementiam,
Et aequitatem judicis,
Qua temperas mortalia,
Et temperari praecipis,
Est exequi mens carmine.

2 Sed voce tunc apta canam,
Pectens sonantem barbiton,
Tunc sanctioris optima
Vitae instituta intelligam,
Dum Tu mihi optatissimam
Opem ferens adveneris
Illapsus imo pectori.

3 Ego innocentem quolibet
Vitam peregi a crimine
Domesticis in sedibus,
Nil unquam iniquum cogitans,

Ima

Imo & perosus improbos,
Qui sacra jura verterent.

- 4 Pravum maligno pectore
Qui cor foveret, ad meum
Accessit haud comes latus,
Et nulla mecum foedera
Inivit, aut commercia.

A me recessit impius
Meis iniquus moribus:
Nescire finxi, hujusmodi
Alienus a sodalibus.

- 5 Quicumque nostris auribus
Tacite insufurrans, alterum
Falsi arguebat criminis,
Hunc angue pejus oderam.
Qui despiciatus caeteros
Tumebat arrogancia,
Quique improba cupidine
Opes avaras aggerans
Insaniebat, hunc meae
Dignabar haud mensae cibus.

- 6 At si qui ubique gentium
Fidem colebant, lumine,
Blando intuebar, annuens,
Mecum ut federent; integer,
Et labe nulla sordidus
Mihi administer adfuit.

- 7 Quicumque per superbiam
Sese insolenter efferat,
Trabibus sub iisdem, vel meae
Vetabo versetur domi;
Qui fraudulentis abdita

Ver-

Verbis struit mendacia,
Praesentis ora non tuli,
Aversa torquens lumina.

- 8 Cum prima sese proderet
Adulta nondum iniquitas,
Mora remota, protinus,
Quotquot fuerunt improbi
In hisce regni finibus,
Ferro necandos censui,
Omnes sacratis ut Deo
De Civitatis moenibus
Exterminarem noxios.
-

PSALMUS CI.

Domine exaudi orationem meam, & clamor &c.

- *Hominis in luctu, ac moerore positi, sive is
Christus sit, sive populus captivus, sive poeni-
tens peccator, ad Deum oratio, in qua gene-
ris humani reparatio, & Ecclesiae aedificatio
praedicatur.*

- 1 **C**aelituum Divine, preces, Rex, accipe nostras,
2 Clamor & hic vultus obstrepat ante tuos.
3 Ne faciem avertas, aures sed flecte benignas,
4 Quae mihi cunque malis fulserit atra dies.
5 Qua Te cunque die moesto clamore vocaro,
6 Ocyus ah votis annue supplicibus.
7 Nam veluti tenues abit ater fumus in auras,
8 Sic volucres vitae praeteriere dies;

Et mea sic arent exhaustis carnibus ossa,

Ligna velut repidis injicienda focis.

5 Ceu foenum, nimio quod sol percusserit aestu,

Langueo, corque arens non suus humor alit.

Idcirco dulces mensas oblitus, & escas

Vix traxi longa, languida membra fame.

6 Sic gemitu fessus, singultuque illa duxi,

Haereat ut siccis ossibus atra cutis.

7 Protraxi luctus, solis ceu plorat in arvis,

Quae proprio pullos sanguine pascit, avis;

Semirutaeque domus ceu summo in culmine bubo

Per noctem querulo carmine triste gemit;

8 Ante diem evigilans, tecta ut super alta domorum

Solivagus passer, multa dolens gemui.

9 Turba mihi lingua insultans inimica procaci

Per totos fudit probra pudenda dies;

Quique mihi verbis assentabantur amicis,

Jurati in nostrum mox coiere caput;

10 Quod cinerem donis sparsum cerealibus essem;

Mistaeque cum lacrymis procula diluerem.

11 Sed tua me facies, tuaque ira extërret: in altum

Erigis, allisum dejicis inde solo.

12 Jamque mei fugere dies, ut mobilis umbra,

Arui, & aestivo ceu solet herba cane.

13 Tu, Deus, aeternum vivis, monumentaque dextrae

Magna tuae nulla sunt peritura die.

14 Tempus adest: surgens tandem miserebere Sion;

Afflictæ dextram tendere tempus adest.

Nunc aequata solo, lapidumque informis acervus

Illa nihil priscae nobilitatis habet:

15 At confusa tuis placuerunt ruderæ servis,

Et pietate animos inclyta terra mover.

16 Jam-

- 16 Jamque tuo discunt pallefcere Nomine gentes,
 Et tua jam reges fama timore quatit.
 17 Teſta renaſcentis ſtruxit reparata Sionis,
 Spectandusque ſuo ſtabit honore Deus.
 18 Exceptit populi tandem pia vota dolentis,
 Nec miſeras dura reſpuit aure preces.
 19 Haec diſcant ſeri ſcriptis mandata nepotes,
 Atque eat in laudes ſtirps oritura Dei.
 20 Nos ſupera rerum Dominus proſpexit ab arce,
 Et placida ad triſtem lumina flexit humum,
 21 Quo gemitum audiret crudelia vincla trahentum,
 Pignoraque extincto ſolveret orba patrē.
 22 Ergo Deus tota celebretur in urbe Sionis,
 Et Solyma illius laude recuſſa ſonet.
 23 Huc ſimul accurrent reges, populique frequentes,
 Ut Dominum vera religione colant.
 24 Cum Solyma ^(a) floreret adhuc armisque, virisque,
 Et virtute vicens, imperioque potens,
 Jam tum animo brevia haec reputans: Ediffere, dixit,
 Tempora des vitae, quantulacunque, Deus.
 25 Ne mea dimidio rumpas fatalia curſu
 Stamina: in aeternos ſtat tibi vita dies.
 26 Principio terram vaſta Tu mole creaviſti,
 Condidit aethereos & tua dextra globos:
 27 Illi ceu veſtis ſenio tenuata, peribunt;
 Neſcius at mortis, Tu ſine fine manes.
 28 Mutatus velut interdum renovatur amiſtus,
 Sic mutata illis forma ſuperveniet.
 Ipſe manes idem, nullo mutabilis aevo,
 Nec tua labendo tempora deficiunt.
 29 Servorum tua regna colet ſtirps ſera tuorum,
 Omnis & aeterna in ſaecula poſteritas.

P S A L M U S CII.

Benedic, anima mea, Domino, & omnia &c.

*Exponit beneficia Dei erga electos, & ad ejus
bonitatem laudandam sese excitat.*

- D**ic laudes, anime o, precor, merenti
Laudes dic, anime, optimo Tonanti;
Quin cor, viscera, & intimae medullae,
Et quidquid penitus latet repositum
Intra me, Illius inclytum celebret
Nomen, Nomen amabile, atque Sanctum.
- 2 Dic laudes, anime: heu quid heu moraris?
Noli tot benefacta, totque dona,
Quibus te cumulavit, usque & usque
Et nova adjiciens, & ampliora,
Delere ex animo, & pati sepulta.
- 3 Culpis Ille tot improbeque factis
Tuis se facilem, piūque praebet;
Morbos Ille tuos fovet salubri,
Et lenit medicamine, & latentem
Arcet visceribus, fugatque pestem;
- 4 Ille te per iter tenebricosum
Pallentes veruit subire Manes,
Orci faucibus erutum rapacis;
Ille incredibili benignitate
Et summa pietate, dimicanti
Aeternas tibi praeparat coronas,
Et desiderium tuum omne cunctis;

Quae mentem satient, bonis abunde
Implebit, nihil ut supersit ultra
Optandum, nihil & tibi expectandum.
Quin pennas aquila ut vetus novare,
Florentem induere & solet juventam,
Vires tu quoque sic tuas novabis,
Et non deciduam indues juventam.

6 Haec Dei pietas, benignitasque
Praebabit tibi munera, Ille mitis,
Et clemens Dominus, bonaeque causae
Judex optimus, ut malis inique
Oppressos tueatur innocentes.

7 Leges Ille suas, suaeque sanctae
Mentis consilia optimo bonorum
Mosi scire dedit, bonique Iacob
Dilectae soboli, quid ipse vellet,
Testatum satis, ac super reliquit.

8 Mitis Ille animi, bonus, benignus,
Et multum patiens, piusque multum,
Si nostris vitiis parumper iras
Accendi patitur,

9 Tamen perennes
Manere haud patitur suos furores,
Nec semper strepitu gravi minarum
Tonans, exanimat metu misellos,
10 Nec nos promeritis premit flagellis,
Poenam aut flagitiis parem rependit.

11 Quantum se aeterei levant in altum
Orbes, deprimiturque ad ima tellus,
Tantum Ejus pietas in alta tendit,
Atque hoc firmior, ampliorque crescit,
Quo quisquam metuit magis minantem.

Q

12 Quam

- 12 Quam longe occiduis remotus oris
Distat Sol oriens, procul repellit
A nobis; removerque quidquid usquam
Est adhuc male, turpiterque factum.
- 13 Ut natos genitor bonus, piusque
Peccantes miseratur, ac remittit
Armatas rigido manus flagello,
Sic culpis hominum sui timentum,
Quas natura parum imbecilla cavit;
Rex Divum veniam dedit misertus.
- 14 Novit, quam fragili luto, & caduco
Nostra est ficta caro, subitque menti,
Nos nihil, nisi pulverem, fuisse.
Foeni est vita hominum virentis instar,
Ut flos in medio renidet agro,
Sed mox deciduis comis relanguet,
Sic florent hominis dies fugaces;
- 15 Et vitae instabilis volucris aura
Labitur rapido citata cursu,
Et nunquam remoratur, & priorem
Ad locum remeare nescit unquam.
- 16 At Dei pietas perennis omni
Semper exstitit aevo, eritque semper,
Si quis hunc colere, ac timere curet.
- 17 Quin & justitiae, ac fidelitatis
Ejus pignora sentiet propago
Bono semine procreata, & inde
Onnis posteritas futura, servet
- 18 Modo ut foedera cum Tonante pacta,
Atque alte memori reposta mente
Ejus iussa revolvat, & fideli
Illa mox studio exequi laboret.
- 19 Nam sedem sibi in arduo locavit

Caeli vertice, prospicitque cuncta
 Factorum Deus aestimator aequus:
 Et gentes dominatus inde in omnes
 Terras imperio regit potenti.

- ²⁰ At vos, Caelicolae, optimo Tonanti
 Laudem dicite, quotquot estis, omnes
 Virtute eximii, atque praepotentes,
 Ejus jussa facessere expediti,
 Ut vox attingit imperantis aures;
²¹ Laudem dicite, quotquot estis, omnes,
 Virtutis Superae, Dei administreae,
 Quae praesto imperiis adestis, atque
 Promptae perficitis quod Ille jussit.
²² Vos Divinae opera universa Dextrae,
 Vos vestrum celebrate Conditozem,
 Per quotquot dominatur Ille terras;
 Tuque dic, anime o precor, merenti
 Laudes dic, anime, optimo Tonanti.

P S A L M U S CIII.

Benedic, anima mea, Domino; Domine Deus &c.

Docet Divinam laudare potentiam, sapientiam, providentiam ex rerum creaturarum dispositione.

D Ic, Anime, aeterno laudes, & carmina Regi;
 Plus nimio; & Sancte Parens, praestantia
 Facta probant;

Tua Te totum praeconia cingunt,

- Te vestit decor ipse tuus, Te lux tua totum
 Ambit, & in clamydem nativo purpurat ostro,
 3 Tu superos orbes, vastaeque volumina molis
 Imperio extendis, lato ceu bellica campo
 Explicat expansa miles tentoria pelle;
 Tu super aethereas oras, convexaque Caeli
 Condīs aquas; volucres texunt Tibi nubila currus,
 Et rapidas junctis submittrunt curribus alas
 Quadrijuges venti, cursuque per ardua tendunt,
 Froenaque concutiunt, & quas moliris, habenas.
 4 It lateri agglomerata cohors Caelestis, ad omnes
 Quae gnava apparet nutus, ac jussa faceffit (a)
 Ocyus, aeriis volitant quam flamina campis,
 Aut serpit quam flamma vorax, tardataque nullis
 Objicibus, partes victrix discurrit in omnes.
 5 Per Te firma manet nullo fundamine tellus
 Ponderibus librata suis, & tempore nullo
 Inclīnanda, suos current dum saecula in orbes;
 6 Huic super incumbunt, adopertamque undique cin-
 gunt,
 Et super abruptos, excelsa cacumina, montes
 Expatiantur aquae;
 7 Tremefactae ast inde recedunt
 Voce tua, ac, veluti tonitrus reboante fragore,
 Diversae passim fugiunt, pavidaeque residunt.
 8 Tum celsi assurgunt montes, campique pateñti
 Aequore subsidunt, & quos Tu cunque dedisti,
 Cuncta tenent sortita locos;
 9 Tu quippe rumentes
 Imperio compefcis aquas, & limite claufas,
 Quem transire nefas, obluctantesque coerces,
 Ne

(a) Ita Diony. Hier. Theod. Euth. Vid. Bellar., & Tirin.

Ne rursus merfas involvant gurgite terras.

- 10 Tu riuos nutu fontes convallibus imis
Elicis, & ruptis mandas prorere rivos
Montibus, obliquis anfractibus erumpentes;
11 Inde ferae, pecudisque bibunt, onagriue rudentes
Decurrente sitim gaudent restinguere lympba.
12 Propter eam pictae quaerunt sibi certa volucres
Hospitia, & nidos fingunt in rupe cavata,
Et tacitas mulcent arguto carmine sylvas.
13 At super aërios montes, eductaque Caelo
Culmina deciduos demittis nubibus imbres,
Unde rigetur humus sitiens, & munere large
Exaturata tuo, gleba ferat ubere fructum;
14 Inde parata virent jumentis pabula, foenum,
Inde olus omne, herbaeque humanis usibus aptae;
15 Inde seges, gravidæ fruges, & mitia vina
Dilutura graves hominum de pectore curas;
Inde oleum, facies quo splendeat unctior, inde
Laeta Ceres, fessas revocans in corpora vires.
16 Quin ipsae irrigua gaudent aspergine plantae,
Et melius Libani frondent in vertice cedri,
17 Quas Deus ipse, hominum non ulla industria sevit;
Illis & nidos, & fida cubilia ponunt
Arboribus volucres;

- 18 Verum altior ardea (a) cunctis
Majora in summo sibi tecta cacumine figit,
Dux avium, & pura per sudum vescitur aura;
Per montes fugiunt pavidæ, jugaque ardua cervi,
Petraque contractos latebris abscondit echinos.
19 Ille Opifex rerum momentis omnia certis
Disposuit; noctis signat data tempora Luna,

Q 3

Et

(a) E'pud' Plin. est ardea; aliis ciconia, aliis fulica.

Et Sol occiduas descendere novit in undas.

- ²⁰ Tu tenebras Coelo inducis, nox humida circum
Funditur, & furvis terram complectitur alis:
Antra ferae passim linquunt, saltusque pererrant
Huc illuc discurrentes, perque arva vagantes.
- ²¹ Dâ stimulatâ fame, praedaeque cupidine capta
Rugitus fulvi soboles generosa Leonis,
Sortitoque datas escas exquirere gessit
Impatiens;
- ²² Primo cum Sol prospexerit ortu,
In sylvas coeunt, & nota cubilia rursus
Diversae repetunt.
- ²³ Stratis tunc mane relictis
Prodit homo, & solitos gnâvus renovare labores
Exercetque diem, & magno conamine nitens
Urget opus, seras dum provehat Hesperus horas,
- ²⁴ Quantus es, & quantis tua summa potentia factis.
Rex Divine, parer! sapienti cuncta creasti
Consilio, passimque tuo de munere tellus
Plena viget, tua sunt, rotus quae continet orbis;
- ²⁵ Hi tractus maris ingentes, quod brachia longo
Margine terrarum, & sinuosas porrigit undas,
- ²⁶ Innumerique illic pisces, & mista pusillis
Corpora magna, novae facies, & grandia cete;
Nedum illic celeres findunt vada salsa carinae,
Verum etiam immanis, puppique onerosior omni
Caerula quae vasta Balena per aequora mole
Ludit, & exulrim ponto fera corpora jactat.
- ²⁷ Scilicet haec etiam pelagi gens humida solum
Te spectat, tribuas ut convenientia certis
- ²⁸ Pabula temporibus, quae Te mox dante parata
Colliget. Ut plenam referas ad munera dextram,

Cun-

- Cuncta vigent, propriisquae bonis satiata fruuntur;
 29 Sin autem faciem avertas, incerta ferentur
 Abscessu turbata tuo; Tu munera vitae
 Eripies, omnique statim defecta vigore
 Natalem in cinerem, rupra compage, redibunt.
 30 Cumque iterum Tu vitales afflaveris auras,
 En iterum plenis repunt animalia terris,
 Et genus instaurant, & dulcia pignora gignunt,
 Et reparat faciem tellus renovata priorem.
 31 Gloria perpetuum vigeat Divina per aevum,
 Et Deus ipse oculis opera admiranda recensens:
 Gaudeat, & dextrae sibi plaudat honore potentis;
 32 Ille Deus, qui terram oculo si spectet acerbo,
 Protinus illa tremens utroque a cardine nutat;
 Si digito attingat montes, mora nulla, favillas
 Eruçant montes, & toto vertice fumant.
 33 Ergo Deo laudes recinam, dum vita manebit,
 Illius & nostrae resonabunt Nomine chordae.
 Illum voce canam, dum spiritus hos reget artus.
 34 Arque utinam placeant ipsi mea carmina! Certe
 Ipse meum solamen erit, mea sola voluptas,
 Deliciaeque meae, meaque omnia gaudia solus.
 35 At si quis furiis animi stimulatus iniqui
 Detrectet laudes Domini, ac praecepta recuset,
 Terra illi fruges, afflatus deneget aer,
 Nominis infandi vestigia nulla supersint.
 Tu vero, Divinus Amor quem molliter urit,
 Dic, anime, aeterno laudes, & carmina Regi.

P S A L M U S CIV.

Confitemini Domino ; & invocate &c.

Narrat beneficia populo Dei praeſtita.

- L** Audibus exornate Deum , Nomenque vocate ,
 Et magna nuntiate facta terris .
 2 Carmina Ei reſonent , & pulſae pectine chordae ,
 Et quae peregit mira , praedicare ;
 3 Illius ornato de Nomine quaerite laudem ,
 Laetetur , Illum quiſquis optat unum .
 4 Quaerite corde Deum , nec vos ea cura fatiget ,
 Ejusque vultum quaerite uſque , & uſque ;
 5 Et memori verſate animo , quae mira patravit
 Portenta , quales condiditque leges .
 6 Vos Abrahæ genus , & gens Illi obnoxia , voſque
 Prognati Jacob , gens & Illi amica .
 7 Hic Deus eſt , quem nos Coelo regnare fatemur ,
 Deque univerſa judicare terra .
 8 Ipſe ſui memor uſque fuit per ſaecula pacti ,
 Verbique , quo omni ſe obligavit aeo ,
 9 Quod cum Abraham quondam pepigit , juravit & Iſac ,
 10 Mox Iſraeli fore ratum ſpondit :
 11 Jura tibi , dicens , tribuam Cananitidos orae ,
 Haereditatis ut tuis relictæ ,
 12 Parvus erant illi numerus , terramque beatam
 Vix advenae , ac pauciſſimi tenebant .
 13 Mox aliam ex alia gentem profugi peragrarunt ^(a) ,
 Regnumque ab altero alterum immigrarunt ;

(a) Abraham Gen. 12. & 40. Iſaac 26. Jacob. 20. & 31.

- 14 At nulla est passus fugitivis damna creari,
 Veruitque, reges increpans, nocere (a):
 15 Parcite sacraſos homines mihi tangere dixit,
 Meosque Vates laedere abſtinere.
 16 Ingruit atra fames, terram & bacchata per omnem (b)
 Frumenti ubique quod fuit, voravit;
 17 Praemiſit Deus ipſe Virum, ſolamen egenis,
 Venundatusque ſervus eſt Joſeph.
 18 Illius indigna ſonuerunt compede crura,
 Ferrique pondus anxium gravavit,
 Acciperent dum dicta fidem;
 19 Nam afflaverat illum
 Divina vox, accenderatque mentem.
 20 Tum Rex innocuo crudelia vincla reſolvit,
 Et liberum permittit ultro abire;
 21 Regalemque domum mandavit deinde regendam,
 Rerumque fecit arbitrum ſuarum,
 22 Ad ſua quo regni proceres exempla doceret,
 Senes & ad prudentiam erudiret;
 23 Tunc Pharias ſenior terras intravit Jacob,
 Novusque Chami hæſit plagis colonus;
 24 Tunc numero Ifacidæ crevere, ac viribus aucti,
 Ipſis ut hoſtibus magis valerent.
 25 Converſis arſere animis odia improba vulgo,
 Deique ſervis mox dolos pararunt.
 26 Miſit at Ipſe ſuum tanto in diſcrimine Moſen,
 Eique Aronem junxit adminiſtrum.
 27 Illis ſigna dedit, portentaque mira patrare,
 Aegypto in omni, Chamiaque terra.
 28 Condidit inductis late Cælum omne tenebris (c),
 Implente Moſe, quidquid Ipſe juſſit.

(a) Pharaonem Gen. 12. 17. & Abimelech Gen. 20. 2.

(b) Gen. 27.

(c) Vid. Bellar.

- 29 Flumina volverunt atrum polluta cruorem;
 Suisque in undis occidere pisces;
 30 Informes terram ranae scatuerunt per omnem,
 Et ipsa pervasere tecta regum;
 31 Dixit, & infestae complerunt aera muscae,
 Cunctisque ciniphes angulis volarunt;
 32 Impete nunc vasto caelo ruit horrida grando,
 Nunc fertiles adussit ignis agros;
 33 Vineae, decusso & caruit ficulnea fructu,
 Et ligna edaci sunt vorata flamma;
 34 Dixit, & innumerae campis saliere locustae,
 Erucae spissis & frequens catervis,
 35 Atque omne absumpsit per prata virentia foenum,
 Omnesque terrae devoravit herbas.
 36 Pignora percussit letho primo edita partu,
 Primosque fructus irriti laboris;
 37 Argentoque suos, auroque eduxit onustos,
 Fuit nec ullus morbus, ullus agger.
 38 Illis Aegyptus secum est laetata profectis,
 Incesserat formido tanta pectus;
 39 Praemisitque ducem picea de nube columnam,
 Ignemque nocte praenitere iussit.
 40 Cum petiere escas, venit demissa coturnix,
 Famesque caelesti dape est repulsa:
 41 Disrupit petram, latices scatuerunt liquentes,
 Soloque ierunt arido fluentia:
 42 Fixus enim sermo Divina in mente manebat,
 Quem servum ad Abraham fecerat fidelem.
 43 Sic Phariis populum terris eduxit ovantem,
 Gentemque lectam multa gestientem.
 44 His laetas populorum oras permisit habendas,
 Et exterarum gentium labores,

- 45 Illius ut studio servant praescripta fidei,
Ejusque legem mente pervolvent.

P S A L M U S CV.

Confitemini Domino, quoniam bonus 1. &c.

*Judaei Babylone captivi Dei misericordiam implo-
rant, suam, patrumque improbitatem, animum-
que semper beneficiorum immemorem confitentes,
& pietate, quam toties experti fuerant, unice
freti.*

- 1 **G** Rates referte liberali Numini,
Quo cogitari melius haud quicquam potest,
Cujusque in aevum permanet clementia.
2 Sed quis Dei fando explicet potentiam,
Omnesque laudes hominum ad aures perferat
Non ea mihi vis, mentis aut integritas.
3 Beatus aequum quisquis, ac bonum colit,
Et facta rectam singula ad normam exigit!
In hujus ore digna laus Deo sonat;
Dei invocare nos decet clementiam.
4 Nostri memento, quoque gentem prosequi
Tuam soles amore, nos complectere.
5 Ut intueri detur illa, quae tuis
Parasti amicis, & gregi electo, bona;
Communibusque indulgeamus gaudiis,
Perennibusque Te efferamus laudibus,
Et quem dicasti proprium Tibi, gregem.

- 6 Culpis parentum nos novas adjecimus,
Tuasque leges, atque iussa solvimus,
Manusque multo crimine inquinavimus.
- 7 Aegyptiis cum cederent e finibus
Nostri parentes, mira, quae patraveras,
Portenta non dispicere noverunt satis,
Oblivioso & excidere pectore,
Quae Tu dedisti signa tor clementiae;
Rubrique propter ipsa ponti littora,
Interfluenti cum propinquarent mari,
Te exasperarunt corda dejecti metu,
Tantoque, tam bonoque diffisi Deo.
- 8 Sui sed Ipse Nominis pro gloria
Fuit salutis auctor immerentibus,
Suam palam quo ostenderet potentiam.
- 9 Undis tumens, minaxque ut increpuit mare,
Statim pavens recessit, atque exaruit.
Sui per profundas fluctuum voragines
Transduxit illos, ceu per arentes vias,
- 10 Et liberatos hostium de faucibus
Salvos abire iussit, & tyrannidis
Jugum superbae depulit cervicibus.
- 11 Mox persequentes pontus hostes obruit,
Tantaeque cladis nec remansit nuncius.
- 12 Veracibus tum credidere vocibus,
Deique laudes sustulerunt carmine.
- 13 Sed haec cito fuere: Tanta Numinis
Oblivioni tradidere munera,
Nec explicari tota providentiae
Sivere coepta, summi & orsa consilii,
Ad destinatum dum venirent exitum.
- 14 Cum per remota tenderent iter loca,

Stul-

Stultae obsecuti plurimum cupidini
Optata petierunt sibi illico dari,
Nil veriti in amenti Dei potentiam
Tentare solitudine;

- 15 Et tamen dedit
Eis petita, ventris & libidinem
Explevit escis ad gulæ fastidium.
- 16 Deum Mosis iras concitarunt jurgiis (a)
Castris in ipsis; non Aaron infulæ
Texere, dignitatis aut insignia,
Quin impiis incesserent ipsum probris.
- 17 Statim profundo terra hiatu scinditur,
Dathanque perduellem, & Abiron vorat,
Et quæ scelestum turba stipabat latus;
- 18 Exarsit ignis, & manum rebellium
Invasit omnem; flamma stridens volvitur,
Ardentibusque corripit fontes globis.
- 19 Mox & juvenum condidere fusilem
Prope ipsa Horebi sacra montis culmina,
Et obtulere thura signo sculptili;
- 20 Deumque verum, gloriam ac decus suum,
Mutare non sunt veriti inani imagine
Turpis juveni, foenum, & herbas pascere,
Assueti, & immugire opacis vallibus;
- 21 Deum at salutis vindicem (proh dedecus!)
- 22 Qui tot Canopo, ac tanta prodigia edidit,
Qui mira fecit omne per Chami solum,
Qui clade atroci rubra complevit freta,
Oblivione oblitterarunt impia.
- 23 Tantas Deus non jam ferens injurias,
Est funditus minatus illos perdere;

Fe-

- Fecisset ac profecto, ni in discrimine
 Tanto sequester ante justum vindicem
 Moses amicus summus, ac fidus Deo
 Stetisset, iram ut imminentem averteret,
 Tanta rebelles ne ruina involveret.
- 24 Nec pervicax hic constitit recordia:
 Ausi beatas sunt plagas contemnere (a)
 Lactis scatentes, atque mellis copia,
- 25 Verbis nec adhibuere Divinis fidem,
 Obmurmurantes in suis tentoriis,
 Deique jussis abnegantes obsequi.
- 26 Armatam in illos ense fulmineo manum
 Erexit ultor, certus omnes sternere
 Ignota per deserta, & arentes plagas,
- 27 Semenque pravum dissipare, ac gentibus
 Mistum profanis, exterisque sinibus
 Extorre, egens, inglorium disperdere.
 Nova hic vetustis addidere crimina,
- 28 Et accolarum gentium contagio
 Foedis initiati sacris Beelphegor
 Abominandis victimarum carnibus
 Se polluerunt, quas Diis inanibus
 Devoverant, vitaeque cassis lumine,
- 29 Deum execratis provocantes ritibus.
 Tum multiplex ruina, strages plurima (b),
 Multi interempti principes suspendio.
- 30 Sed Phinees furore justo concitus
 Contra scelestos acer ultor constitit,
 Mucrone stricto, & caede in impia pius
 Iras Dei placavit, & clades stetit.

31. Stue

(a) Numer. 17.

(b) Numer. 25.

- 31 Studio æquitatis id peractum, iudice
 Cælo, est putarum, semper & putabitur,
 Mortale dum profeminabitur genus.
 32 En rursus itur in tumultus, & Dei (a)
 Odia excitant sopita, aquae ob penuriam
 Ad iurgia incitati; Id habuit anxium
 33 Mosen; miser confectus ægritudine,
 Vesana iniqua mente verba pertulit.
 34 Ad hæc diserte eis Deus praeceperat (b),
 Gentes ut omnes funditus disperderent (c);
 Nec parvum talibus dictis tamen,
 Nec perdidit quos Deus mandaverat.
 35 Quin & profanis inquilini gentibus
 36 Sese intitutis imbuerunt turpibus,
 Signisque earum serviere inanibus,
 Quae res malorum semen, ac seges fuit.
 37 Tunc immolarunt filios, ac filias
 Diti Sacratas, atque Averno victimas;
 38 Et innocenti polluerunt sanguine
 Aras nefandas, interemptis liberis,
 Quos Chananaeis immolaverunt Diis,
 39 Tellusque rubuit inquinata caedibus,
 Et impiorum obscœnitate rituum;
 Sic, conjugalem quasi thorum qui pulluunt,
 Fidem obligatam prodidere Numini,
 Commenta amantes persequi nefaria.
 40 Actus furore tunc suis succensuit
 Divinus Ultor, gentem amicam respuens,
 Haereditatem abominatus & suam;
 41 Tum barbaris addixit illos gentibus,

Ma-

(a) Numer. 20.

(b) Deuter. 7. Jud. 2.

(c) Vide Bellar.

Manusque vinctos in feroces tradidit;
Victoribusque subdiderunt hostibus

- 42 Proterva colla, qui per insolentiam
Eis labores intulere plurimos;
Victique Suerunt hoste sub durissimo
Mentis superbae flectere arrogantiam.
- 43 Ex impotentum saepe victorum manu
Hos liberavit. Sed quid inde? Audacibus
Factis ad iram concitaverunt Deum
Rursus rebelles, rursus & rebellium
Frontes rerusae sunt in ipso crimine.
- 44 Demum gravatos sub laborum pondere (a)
Respexit Ille, & ore jam sedatior
Voces dolentum supplices exaudivit;
- 45 Rursusque pactum venit in mentem vetus,
Pietasque mite tanta pectus perculit,
Ut poeniteret pene de merentibus
Sumpsisse poenas.
- 46 Usus indulgentia
Hos sublevavit in malis, spectantibus,
Mirantibusque, qui modo illos ceperant.
- 47 Jam perge porro sospites serva Deus,
Sparsosque tot per nationes barbaras
Sedes in unas parte ab omni congrega,
Grates agamus ut. potenti Nomini,
Tuisque laeti gloriemur laudibus.
- 48 Deo Israelis sit perennis gloria
Ab usque primis saeculis ad ultima;
Dicatque junctis populus omnis vocibus:
Eveniat, haec o vota fortunet Deus.

PSAL-

P S A L M U S C V I.

Confitemini Domino quoniam bonus. 2. &c.

Judaeos adhortans, ut Deo gratias agant, multis malis liberati, ac beneficiis affecti, ampliora in nobis collata designat, quae ad animae salutem pertinent.

- D**icite jo laudes Domino; namque optimus
Ipse est,
Et pietas manet Ejus in aevum;
Dicat turba frequens Illo eripiente, recepta
Ex hostis ditione superbi,
Et quos diversa passim regione vagantes
Nunc sedem revocavit in unam,
Unde oritur Titan, ubi currus mergit anhelos,
Qua Boreas, qua spirat & Auster.
Errarunt solis profugi, atque arentibus arvis,
Nec certum invenere receptum;
Dira fames fessos, ardens sitis hauserat artus,
Jamque exanguia membra jacebant:
Ad Dominum in duris clamarunt casibus; Ille
In rebus subvenit egenis;
Recta deinde via certam deduxit ad Urbem,
Et fida statione locavit.
Ergo Deum laudet Pietas sua, miraque dona,
Quaeis mortale genus cumulavit.
Oblatis namque Ille cibus jejunia pavit,
Optataque famem expulit esca.

R

10 Car-

- 10 Carceris in tenebris clausi, ac paedore sedebant,
 Atque inopes pede vincla trahebant;
 11 Quod Domini verbis ausi obrectare fuissent,
 Consiliumque Dei dare pessum;
 12 Corda sed aerumnis cessere audacia: fracti
 Ecce jacent, spes nulla salutis.
 13 Ad Dominum in duris clamarunt casibus; Ille
 In rebus subvenit egenis;
 14 Eduxit tenebris clausos, & carceris umbra,
 Et manicas, & vincula rupit.
 15 Ergo Deum laudet Pietas sua, miraque dona,
 Queis mortale genus cumulavit.
 16 Ferratos postes, vectesque refregit ahenos,
 Carceris atri claustra revellit.
 17 Emerfos vitiis, pravoque e calle reductos
 Est gremio complexus amico;
 Nam scelera aerumnas illis peperere, malisque
 Dejecere solo exanimatos.
 18 Expavere cibos stomachi fastidia lassi;
 Jam prope erant nigra ostia Lethi (a):
 19 Ad Dominum in duris clamarunt casibus: Ille
 In rebus subvenit egenis.
 20 Reddidit aegrotis operosa Voce salutem,
 Eduxitque e faucibus Orci.
 21 Ergo Deum laudet Pietas sua, miraque dona,
 Queis mortale genus cumulavit.
 22 Olli sacra ferant, merita & libamina laudis,
 Atque hilares facta inclyta vulgent.
 23 Qui pelagi inductis findunt vada falsa carinis,
 Atque in gurgite multa laborant,
 24 Hi Domini aspiciunt opera admiranda potentis,
 Quae medio facit Ille profundo.

(a) Forte cum a serpentibus ignitis ad morsu aegrotarent. Num. 21.

- 25 Dixit; & en actae vento sonuere procellae,
 En tolluntur in aera fluctus,
 26 Sydera nunc feriunt, nunc Tartara ad ima dehiscunt,
 Frigida torpent corda pavore,
 27 Turbatis titubant animis, velut ebrius, omne
 Languet consilium, ars deficit omnis.
 28 Ad Domium in duris clamarunt casibus, Ille
 In rebus subvenit egenis.
 29 Horrida tempestas placidam se vertit in auram,
 Et fluctus siluere frementes.
 30 Laetitia exoritur, pelago languente; petitum
 Jam portum tetigere carinae.
 31 Ergo Deum laudet Pietas sua, miraue dona,
 Quois mortale genus cumulavit.
 32 Cuncta illum laudet plebs una in sede coacta,
 Et procures, patrumque Senatus.
 Cum libuit, rerumque vices, & fata novavit,
 Cuncta loco, cuncta ordine movit.
 33 Flumina siccavit, riguisque scatentia rivis:
 Arva in siccis vertit arenas;
 34 Frugiferoque solo salsugo inolevit amara
 Ob scelera importuna colentum.
 35 Desertis at stagna locis induxit aquarum,
 Et scatebras arentibus arvis.
 36 Compulit huc inopes, magnas & condidit urbes,
 In quibus illi tecta tenerent:
 37 Severunt agros, junxerunt vitibus ulmos,
 Et sobolem, foetusque creant;
 38 Aspirante Deo, numero crevere frequenti,
 Et foetura greges supplevit;
 39 Mox iterum ad paucos rediere, urgente malorum
 Pondere contriti, atque dolore.

- 40 Principum honor nullus, quos veri inscitia vulgo
Ridiculos facit, & malus error;
41 Ast inopes Deus adjutans pascitque, fovetque,
Et rebus solatur in arctis;
Et laetos auget numerosa prole penates,
Ceu denso plenas grege caulas.
42 Haec Justi aspicient, ac Caelo gaudia tollent;
Muto astabunt ore nocentes.
43 Quis sapiet, memorique haec alte pectore condet;
Totque Dei pia munera noscet?
-

P S A L M U S CVII.

Paratum cor meum, Deus &c.

- 1 *Davidis, seu populi Hebraei victoriæ praedicuntur, quibus eae significabantur, quas Ecclesia tulit.*

- 2 **A**D tuos adsum, Deus, ecce nutus
Obsequens: nullum fugio laborum
Pondus; est casus mihi cor paratum
Ire per omnes.
Otia in laetis agitare rebus
Me jube, aut tristes tolerare clades;
Voce Te dicam, fidiumque cantu
Sorte in utraque.
3 Surge, mens ardens, mea surge plectrum
Gloria, & denis age surge nervis
Apta testudo: Juvat ante primam
Psallere lucem.

- 4 Summe Te cantu, Moderator orbis,
Te feram fama populos per omnes;
Audient cunctae tua personantem
Carmina gentes.
- 5 Magna se Caelo Pietas, & ultra
Provehit, totum tua tranat orbem
Veritas, penna metuente solvi
Nubila findens.
- 6 Te decet dignis super astra tolli
Laudibus, clemens Deus, atque verax;
Et tua aeternum volitet per omnes
Gloria terras.
- 7 Vitet ut duros, duc me, labores
Grex tuus, dextram mihi hospitalem
Porriges, & voces placido rogantis
Excipe vultu.
- Jam Deus fortes cecidit futuras
Vate me:
- 8 Victas ego laetus oras
Dividam, & terrae Samaritis omnes
Partiar urbes.
Valle, qua fixit sua castra Jacob (a),
Limitem ducam;
- 9 Meus est Manasses,
Galaad totus meus est, meique
Portio regni;
Praesto adest pollens Ephraim, mihi que
10 Regius Judas sua colla subdit;
Spes Moab nostras fovet, arva aratro
Pinguia vertens;
Quin Idumaeis quoque signa campis
Inferam Victor: Mea jura poscunt

Exerae gentes, & amica mecum

Foedera jungunt?

11 Quis sit invictas mihi dux ad arces,

Quisve Idumaeas penetrare in urbes

Donet, & tantis superare fretos

Viribus hostes?

12 Nonne Tu, curam posuisse nostri

Vifus, affurges, velut ante, vindex;

Nilque egens nostris opibus, nec armis

Signa praeibis?

13 Tu Ducis partes, validique functus

Agminis, casus prohibe sinistros:

Spes in humanis opibus locatur

Vana salutis.

14 Nos Dei freti auxilio geremus

Fortia, & feris memoranda saeculis;

Ipse nos ausos agitare bello

Conteret hostes;

Quis ego sum?

Quis ego sum?

Quis ego sum?

Quis ego sum?

Quis ego sum?

Quis ego sum?

Quis ego sum?

Quis ego sum?

Quis ego sum?

Quis ego sum?

Quis ego sum?

Quis ego sum?

Quis ego sum?

Quis ego sum?

Quis ego sum?

PSALM

P S A L M U S C V I I I.

Deus laudem meam ne tacueris &c.

- *Quamvis videatur per modum imprecationis Doeg Judumaei, Achitophel, aliorumque, qui Davidem apud Saulem in invidiam vocaverant, mala praedicere, haec adversus Judam proditorem, Judaeosque Christi persecutores dicta accipiuntur.*

- **M**Eam fileri ne sine innocentiam:
 Effare; quid taces, Deus?
 3 Laxavit ora in me dicacia improbus,
 Vaferque fraudes neſtere
 Condire dulcis melle linguae hic affolet
 Latens venenum pectore;
 Sermonibusque felle, & odio perlitis
 Innoxium circumlatrat;
 Movetque, ceu facto agmine, injuſtiſſima
 In immerentem praelia.
 4 Amare quem decebat, obtreſcat mihi,
 Illi precabar dum bona;
 5 Odium pro amore, pro bonis refert mala
 Humanitatis inimemor.
 6 Talem Deus, Tu comprime; & illi additus
 Durus tyrannus imperet;
 Dextraeque ſemper aſtet implacabilis
 Cruenta Erymnis cum face;
 7 Cum ſe ſeverum ſiſtet ante Judicem,
 Damnatus inde prodeat;

- Cum fundet humiles ore polluto preces,
 Id detur etiam crimini;
 8 Paucos dies enumeret; alter munere
 Illi abrogato gaudeat;
 9 Orbi gemant, parente adempto, filii,
 Amisso & uxor conjugē;
 10 Instabilis alias transferatur in plagas
 Proles, cibosque quaeritet,
 Et dirutis (a) ejecta de penatibus.
 Abire cogatur procul;
 11 Pecuniae inhians foenerator improbus
 Scrutetur abstrusas opes;
 Quod irritō labore comparuit miser,
 Id praeda cedat exteris.
 12 Quocunque sese vertat implorans opem,
 Sit nullus adiutor malis;
 Nemo misertus audiat suspiria,
 Pupilla quae proles trahet;
 13 Nati breves intercidant, cum liberis
 Nomen parentis occidat;
 14 Paterna semper refricentur crimina,
 Poenas luat dum filius;
 Antiqua nullis expientur hostiis
 Delicta matris impiae;
 15 Deo sed astent semper, implacabiles
 Et semper iras asperent.
 16 Nihil superfit de scelestis, nullaque
 Vel nominis vestigia.
 Immitis hoc crudelitas animi meret;
 Pietatis & cor nescium.
 17 Nam persecutus pauperem, ac mente anxium,
 Morti immerentem tradidit.

(a) Graec. Septuag. De ruinosis habitationibus suis.

- 18 Mala ille amavit, ergo sibi habeat mala,
Bona odit, & careat bonis.
Sese ipse cunctis stultus infortuniis
Involvit, ac paene induit.
Manabit ima pestis usque ad viscera,
Ceu pluvia terrae infunditur;
Ipsis & illabetur intus ossibus,
Ceu pinguis insinuat liquor;
19 Haec semper illi, tanquam amictus, haereat,
Ceu zona, praecingat latus.
20 Deus haec rependat iis, mihi qui detrahunt,
Meumque latrant in caput.
21 At Tu rogatus per tuum Nomen, Deus,
Descende partes in meas.
Sperare suavis hoc jubet pietas tua
Semper parata supplici;
22 Me libera mendicum, & omnium indigum,
Cordi medere saucio.
23 Ut mobilis declinat umbra vesperi,
Sic vita dilapsa est mea;
Hinc inde per diversa jactatus loca
Nusquam, ut locusta, substiti;
24 Genua labascunt languida a jejunio,
Exsucca macrescit caro.
25 Sum factus hosti ludus: Afflictum videt,
Et quassat irridens caput.
26 Vindex adesto, Domine; meque sospitem
Fac pro tua clementia.
27 Sciantque cuncti, opus tuae esse dexteræ,
Quibus laboravi malis.
28 Hostes mihi improba ingerent opprobria,
Ornabis at Tu gloria.

Tum

- Tum me prementes serus incesset pudor;
 Servus tuus laetabitur.
- 99 Diſſeruiſ qui me laceſſunt turpibus
 Pudore muti torpeant,
 Pudore toti contegantur, paenula
 Ut contegantur corpora;
- 100 Deum ſed ipſe praedicabo laudibus
 Coetu in frequenti aſtantium;
- 101 Quod pauperis dextrae adſtitit, me ſoſpitem
 Ut hoſtibus ſubduceret.

PSALMUS CIX.

Dixit Dominus Domino meo &c.

*Chriſti Regnum, & Sacerdotium, Divinam ejus
 generationem, ac praecipuas dotes exprimit.*

- 1 **A**ffatus Dominum ſic Deus eſt meum:
 Dextrae, Gnate, meae proximus aſſide,
 Hoſtes dum pedibus ſubjiciam tuis
 Fraſtos, ac ſine viribus.
- 2 Alta ex Arce Sion ſceptra potentiae,
 Rex Divine, tuae extendet ad ultimas
 Oras. Rex Genitor: Nunc domitis age
 Victor gentibus impera.
- 3 Jam princeps fueras prima ab origine,
 Cum Virtus tua, cum gloria prodiit;
 Te ſancti in medio luminis ex mea
 Alvo progenitum edidi;
 (Tali

(Tali Te alloquio prosequitur Pater)

Cum nondum nitidum protulerat jubar

Primus purpureo lucifer aethere,

Primamque attulerat diem.

6 Juravitque adeo: (nec, variantibus

Saeclis, polliciti poeniteat sui)

Esto perpetuo tempore Pontifex

Ritu Melchisedech sacer.

7 Dextrae, Summe Pater, Filius asidet;

Jam fert indomitae praelia regibus,

Jamque iras acuit, jamque solo dedit

Colla infraeta rebellium.

8 Jus cunctis veniet reddere gentibus,

Implebitque hominum fata nocentium.

Extremo exitio, plurimaque hostium

Ad terram capita atteret.

9 Mortale Ille quidem ingressus iter, bibet

Torrente e tumido sanguineas aquas;

Defunctus miseris denique casibus

Ad Caelum caput eriget.

Quos summas laurus coronat, et

Ad caelum caput eriget.

Quos summas laurus coronat, et

Ad caelum caput eriget.

Quos summas laurus coronat, et

Ad caelum caput eriget.

Quos summas laurus coronat, et

Ad caelum caput eriget.

Quos summas laurus coronat, et

Ad caelum caput eriget.

Quos summas laurus coronat, et

Ad caelum caput eriget.

PSALMUS CX.

Confitebor tibi, Domine, in toto corde meo,
in consilio &c.

*Dei laudes exequitur, tum quas Hebræi pro tot
beneficiis debebant, tum quas Christiani ob majo-
ra beneficia debent.*

- T**Oro pectore debitas
Laudes iure Tibi persolvam, Deus,
Circumstante meum latus,
Sancto concilio labe carentium,
Et stipante frequentia
Ingentis populi.
Grandia Numinis
Existunt opera, omnibus,
Quos summus statuit Conditor, usibus
Apta, & composita affabre.
Laudum materies maxima, & inclyta
Fabri magnificentia,
Rebus mirifice splendet in omnibus,
Quas in lumina protulit.
Saeclorumque vices per varias manet
Ejus justitiae tenor;
Sed quovis monimentum aere perennius;
Admirandaque pignora
Ardentis studii proposuit suis
Clemens, atque pius Pater;
Quod

- 5 Quod sese obsequio rite colentibus
Caelo pabula miserit.
Nunquam icti immemorem foederis arguent
Delabentia saecula.
- 6 Quam multa egregiae signa potentiae
Ostendit populo suo,
- 7 Possessa ut dominis arva ferocibus
Illi mancipio daret.
Rectum est iudicium, candida veritas,
Quicquid Rex Superum facit;
- 8 Cunctorumque fide sunt rata temporum
Quaecunque Ille jubet semel;
Consistunt solido namque ea pondere,
Jus aequumque quod addidit.
- 9 Jam misit, populo detraheret suo
Qui servilia vincula;
Cum seris statuit condere posteris
Aeternum nova foedera.
Sancto, ac terribili est Nomine praeditus
Sanctus, terribilis Deus.
- 10 Omnis principium, ac fons sapientiae
Est sanctus Domini timor.
Doctrinae ratio est optima, noverit
Quod quisque, hoc opere exequi.
Id quisquis studeat gnaviter assequi,
Hujus Fama perennibus
Laudes jam properat tradere saeculis.

P S A L M U S CXI.

Beatus vir, qui timet Dominum &c.

Viri boni felicitatem describit.

- F**elix, salubri qui trepidus metu
 Casta potentem mente colit Deum;
 Ejusque perfecisse iussa
 Sedulus impatienter optat.
- Hic auspicatis sub penetralibus:
 Parvos videbit ludere liberos;
 Nam sancta florebit propago
 Muneribus cumulata Caeli.
- Circumfluentes divitiae domum
 Faustam beabunt, veraque gloria;
 At rebus incorrupta laetis
 Integritas Domini manebit.
- Si tempora atris nubibus horreant,
 Dulce in tenebris exoritur jubar;
 Nam justus, & clemens amica
 Luce pium Deus ipse mulcet.
- Hinc ille in omnes comis, & improbis
 Ignoscit ultro, & commodat indigo
 Petita, sermonesque cunctos
 Judicio sapiente condit;
- Nec dimoveri magnanimae statu
 De mentis ulla se patitur vice;
 Post fata vivet sempiternus,
 Perque virum volitabit ora;

- Non obloquentis dicta procacia
 Vulgi timebit; tela licet volent
 Insecta lethali veneno,
 Innocuum violare parcent.
- 8 Parata dextro fidere Numine
 Mens est; id illi robur, & aes triplex;
 Nunquam timebit, dum retusos
 Despiciat requietus hostes.
- 9 Gazas egenis commodus erogat
 Large profusas; Quod benefecerit,
 Non longa delebit vetustas,
 Invida nec violabit aetas.
- Honore florens; atque opibus potens
 Attinget alto sidera vertice,
 Celsisque sublimem quadrigis
 Gloria non peritura tollet.
- 10 Videbit, ira ardebit & impius,
 Atrisque frendens dentibus, ac fremens
 Livore tabescet maligno,
 Irrita sed rabies peribit.

P S A L M U S CXII.

Laudate pueri Dominum &c.

Hortatur Dei cultores ad ipsum laudandum.

- **L**audes, o Pueri, terrigenum Patri,
 Laudes Caelicolum dicite Principi,
 Illiusque verendo
 Laudes dicite Nomini.

- 2 Divino resonant Nomine tempora,
 Quae nunc praetereunt, quaeque dehinc fluent,
 Donec sera totentur
 Aeterno ordine saecula.
- 3 Qua Sol purpureis exoritur rotis,
 Qua mox Hesperio gurgite tingitur,
 Vox diversa supremum
 Nomen laudibus efferat.
- 4 Cunctis omnipotens gentibus imperat
 Terrarum Dominus; fulget amabili
 Caelestes super orbes
 Ejus Gloria lumine.
- 5 Quis nostro similis, proximus aut Deo,
 Qui summo residens culmine, Caelites,
 Mortalesque catervas
 Infra se positas videt?
- 7 Coetus Ille inopes ex humili loco
 Attollit miserans, fataque corrigit,
 Limosoque jacentem
 Tollit pulvere pauperem;
- 8 Mox illum Superis ordinibus jubet
 Ascribi, & populi principibus sui,
 Divorumque sedentem
 Sancto in concilio locat.
- 9 Matrem progenie sed tumidam sua
 Mox orbam vidua deserit in domo,
 Implentemque penates
 Frustra questibus irritis.

P S A L M U S CXIII.

In exitu Israel &c.

*Decantat mirabilia opera, quae Deus fecit, dum
educeret filios Israel de Aegypto in Terram pro-
missam, ut populum confirmet in veri Dei cul-
tu, & Idolorum execratione.*

- 1 CUM gens Niliacis Ifacidum plagis
Exiret, gravibus libera vinculis,
Jacobique Domus barbara, vindice
Caelo, regna relinqueret,
2 Jam tum sancta Deo progenies fuit
Gens Judaea, piis dedita ritibus,
Jam tum certa suis regna in Abramidis
Caelestum tenuit Pater.
3 Ut vidit pelagus, corripuit fugam
Aspectu pavitans, & vada subtrahens;
Jordanes trepidas flumine refluo
Undas in caput impulit;
4 Montes subsiliunt, ut petulans solet
In campis aries, attoniti metu
Colles exiliunt, ut tener exilic
Agnus prata per herbida.
5 At quae causa fugae? quae, Mare, te rapit
Vis, tantusque timor? Cur refluentibus,
Jordanes, properas fluctibus, & vagum
Ad fontem revocas pedem?
S 6 Quid

- 6 Quid vos insolitis motibus incitat,
Montes, ut celeres saltibus arjetes?
Quis, colles trepidi, vos agit impetus;
Lascivi ut sobolem gregis?
- 7 Conspecti facie territa Numinis
Tellus intremuit; Numinis inclyti,
Quod Jacob coluit, mota perhorruit
Majestate supercilj.
- 8 Duris ille Deus rupibus elicit
Fontes, & subitos pumicibus lacus;
Ejusque imperiis vitrea flumina
Sicco profiliunt solo (a).
- 9 Ne nobis, Deus o Maxime, gloriam,
Nobis immeritum ne tribuas decus;
Solum digna tui gloria Nominis,
Dignum fac vigeat decus.
- 10 Clarescat pietas illa vetus, tuis
Et quae pollicitis esse solet, fides,
Ne forte in populos sermo eat exteros:
Illorum est ubinam Deus?
- 11 In Caelo Deus est noster, & omnia
Sunt quaecunque animo visa suo, facit;
Nil illum prohibet, nullaque maximae
Fixa est meta potentiae.
- 12 At quae sacrilegis thuribus impiae
Gentes signa colunt, aurea lamina,
Argenrique fuit massa, in imaginem
Conflata artificis manu.
- 13 Ore astant patulo, muta silent tamen,
Stant defixa oculos, nil oculi vident,
- 14 Non aures sonitus pulsant inutiles,
Nares olfaciunt nihil;

(a) Hic secundum Hebraeos incipit alius psalmus.

- 17 Non Te cassa, Deus, lumine corpora
 Laudant, nec Srygios qui subeunt lacus:
 18 Nos vita fruimur, nos Tibi plaudimus
 Nunc, & saecula per omnia.

PSALMUS CXIV.

Dilexi, quoniam exaudiet Dominus &c.

Gravi aliquo malo liberatus Deo gratias agit, & hominis salutem aeternam sitientis, ac tot periculis sese eripi posculantis, sensa exprimit.

- 1 **A** Mavi; amantis sese amantior Deus
 Precationem exaudiet.
 2 Intendit aures quando jam suas mihi,
 Duro vocabo in tempore.
 3 Lethalibus confliktor heu doloribus,
 Extrema me pericula
 Circumsident, hiantibus ne devorer
 Rapacis Orci faucibus.
 Malis, doloribusque victus, talibus
 Deum voco clamoribus:
 4 Ah libera me, quaeso. Clemens est Deus,
 Justusque, sed clemens magis.
 5 Miseretur ergo, mente si quis simplici
 Se, parvus ut puer, gerat;
 6 Namque hos tuetur. Ipse mente parvulus
 Jam nunc solutus sum malis.
 7 Convertere, anime, requiem & aspira ad tuam;
 Aspirat & Deus tibi,

- 1 Qui morte vitam hanc, lacrymis haec lumina,
 Hos arcuit lapsu pedes.
 2 Ergo placere semper adnitar Deo,
 Dum lucis oras incolam.
-

(4) P S A L M U S CXV.

Credidi, propter quod locutus sum &c.

*Suam in Deo fidem in adversis praestitam, ac
 deinceps praestandam praedicat, Dei ope fre-
 tus, pro qua se gratum fore spondet.*

- 1 **S** Tat Divina fides animo; proin vera locutus
 Ab impiis sum multa perpeffus mala.
 2 Tunc ego mentis inops, externatusque dolore
 Dixi: Placent mortalibus mendacia.
 3 At tot pro meritis, queis me Pater optimus auxit,
 Illi referre quid ego possim gratiae?
 4 Hunc calicem, succo teter qui spumat amaro,
 Mihi salutis unde causa provenit,
 Accipiamque libens, fundumque exhauriam ad i-
 mum,
 Deumque rebus invocabo in asperis;
 5 Tum Domino memor exolvam solemnia vota
 Coram frequenti turba Eum colentium.
 6 Nec mortem timeam; Nimis est pretiosa Deo mors,
 Subire pro Illo quam pii solent viri.
 7 Servus ego, Rex magne, tuus, Deus optime, servus
 Tuus, tuaque natus ancilla puer.

(4) Apud Hebraeos cum superiore conjungitur.

- 17 Aspera rupisti mihi vincula; Munera laudis
Tibi immolabo, Te vocabo Nomine.
18 Tum Domino memor exsolvam solemnia vota
19 Coram frequenti turba Eum colentium,
Qua sacra Divini consurgunt atria templi,
Qua media multis, Solyma, ferves civibus.

PSALMUS CXVI.

Laudate Dominum omnes gentes &c.

Hortatio ad Deum laudandum.

- **L**audes dicite maximo Tonanti,
Gentes undique, quorquot estis, omnes;
Illum tollite laudibus frequentes,
Qui cunctas, populi, tenetis oras.
• Illius Pietas, Benignitasque
Nos servat, reficit, fovet, tuetur,
Magnis pignoribus rata, atque firma;
Tum veri studium, fidelitasque
Promissis manet usque, & usque, & ultra
Omne perpetuo manebit aevum.

P S A L M U S CXVII.

Confitemini Domino, quoniam bonus &c. 3.

Cum Arca foederis in Montem Sion reportaretur, vel cum Israel post captivitatem Babylonicam hostes suos contrivisset, David, & populus Dei beneficia canit, sed illud potissimum, quod Christum Ecclesiae caput constituerit, tanquam angularem lapidem, qui duos quasi parietes, unde Ecclesia consurgit, Judaeos scilicet, & Gentiles, conjungeret.

1 **P**romite digna Deo, populi, praeconia laudum,
Nam bonus est, ejusque omni Clementia saeclo
Permanet:

2 Hoc omnis vox personet Israelis:
Est bonus, Illiusque omni Clementia saeclo
Permanet;

3 Aronis genus inde frequentibus instet
Vocibus ingeminans: Bonus est; Clementia saeculum
Ejus in omne manet;

4 Repetat gens tota colentum
Rite Deum: Bonus est ter, & amplius; Illius omni
Vivit, & aeternum vivat Clementia saeclo.

5 Nempe ego cum rebus moerens versarer in arctis,
Voce Deum supplex, ac fletibus appellavi:
Audiit orantem Clemens, & aperta reductum
In loca, me angustis anfractibus extricavit.

S 4

‘ Ille

- 6 Ille mihi auxilio est : Quid vis humana minetur ,
 Quidve parer , nil vel metuo , vel scire laboro ;
 7 Ille mihi auxilio est : Cuncti stent cominus hostes
 Viribus infensis , cunctos ego despicer hostes ;
 8 Praestat enim fidisse Deo , quam quaerere vanas
 Suppetias hominum , & mortali credere vitam ;
 9 Praestat praesentem a Domino sperare salutem ,
 Quam sua Principibus committere , seque tuendum .
 10 Omnes me circum glomerarunt agmina gentes ;
 Omnes Divino percussas Nomine vici ;
 11 Illae me instructis iterum obsedere catervis ,
 Divinoque iterum prostratas Nomine fregi .
 12 Praelia vi multa instaurant , urgentque frequentes ,
 Ardentesque animis , quot circum florea rura
 Effunduntur apes , aut quantus vepribus ignis
 Stridet , & indomitis raptos ardoribus ambit ;
 Ast ego Divino munitus Nomine contra
 Processi , & multo poenas cum sanguine sumpsi .
 13 Nec tamen absistunt ; magna nituntur opum vi ,
 Ut stantem impellant ; verum , pendente ruina ,
 Jam proclinatorum , devexo & pondere prorum
 Me Deus excepit , sustentavitque cadentem .
 14 Hic virtus , roburque meum , mea gloria ; certa
 Hoc auctore , salus , felix & adorea venit .
 15 Inde mihi vitam fremitu gratata receptam ;
 Justorum vox , & festo testata fragore
 Laetitiam , insonuit tectis , atque impulit auras .
 16 Dexterâ virtutem exeruit Divina , subactâ
 Dexterâ me Divina dedit dominarier hosti ;
 Dexterâ virtutem exeruit Divina potentem .
 17 Non ego non moriar , vivus , pollensque , vigenisque
 Magna salutiferi narrabo gesta Tonantis ;

18 Qui

- 18 Qui licet inflicto me castigaverit ictu
Interdum indignans, meque ad meliora reflectens,
Extrema non sustinuit me perdere clade.
- 19 Augustas referate fores, ac pervia iustis
Limina, Custodes;
- 20 Juvat his succedere tectis,
Et Domino dignas cantu persolvere grates.
Hac iter est; haec porta Dei deducit ad aedes,
Huc gens iusta subit;
- 21 Laudes Tibi, Maxime Divum;
Hic recinam, facili mea vota quod hauseris aure,
Et dederis per Te parta gaudere salute.
- 22 Ille (vices rerum o versae!) Lapis (a) ille, superbi
Quem modo structores illustria tecta parantes
Detrusere foras, nullis velut usibus aptum,
En Lapis ille novae fastigia continet aedis
Parietibus super impositus, qua nectit utrumque
Angulus, & geminos junctura copulat una.
- 23 Hoc Deus hoc fecit: magnum, ac mirabile, nostri
Quod stupeant oculi, grata novitate fruentes.
- 24 Haec est alma dies, quam summo adduxit Olympo,
Et sacram esse sibi voluit, propriamque dicavit
Ipse Deus; festa celebremus gaudia luce,
Purior & laetis resonet concentibus aether.
- 25 Salve, magne hominum Vindex, Rex optime, salve,
Prospera cuncta refer;
- 26 Salve (b) qui Nomine missus
Divino, ad nostram venis in tua regna salutem.
Haec e sacratio vobis Mysteria templo
Pandimus, o populi.
- 27 Nobis Deus ipse videndum

(a) i. e. Christus.

(b) Hebrae. *Ofanna*; i. e. Salve.

- Se dedit, & clara manifestus luce refulsit.
 Solemnem celebrate diem, templumque coronis
 Cingite, & obtentu ramorum umbrate virentum
 Postesque, murosque sacros extantia ad usque
 Cornua, protendit quo se Arae extrema crepido.
 28 Es mihi Tu Deus, & grates Tibi jure rependam;
 Es mihi Tu Deus, & laudes Tibi carmine dicam,
 Teque canam, facili mea vota quod hauseris aure,
 Et per Te parta dederis gaudere salute.
 29 Promite digna Deo, populi, praeconia laudum,
 Nam bonus est, Pietasque omni manet Illius aeo.

P S A L M U S CXVIII.

Beati immaculati in via &c.

*Encomium Legis Divinae, & hortatio ad eam
 servandam.*

- 1 **O** Ter felices, omni qui labe carentes,
 Ad Domini leges vitam agere instituunt,
 2 Et memori qui mente Dei praescripta volutant,
 Et quibus est solum quaerere cura Deum.
 3 At quicumque animum factis corrumpit iniquis,
 Excedit rectis, quas docet Ille, viis.
 4 Hoc Tibi decretum, Deus, haec tua certa voluntas,
 Quae jubeas, multa sedulitate coli.
 5 O utinam nostrae spectent huc denique curae,
 Ut moveam certos ad tua iussa gradus!
 6 Tunc sapiam, tunc me nunquam malus auferet error,
 Nota mihi fuerint cum tua dicta satis.

- 7 Jure igitur recto dicam Tibi pectore laudes,
Justitiae didici quod sacra jura tuae.
- 8 Haec servare mihi certa est sententia: Tu me
Ne modo destituas, auxiliumque neges.
- 9 Quisquis enim primo mores castigat ab aevo,
Qui faciat, servet ni Tua dicta memor?
- 10 Te cunctis studui curis exquirere; ne Tu,
Qua tua perficiam jussa, negaris opem.
- 11 Illa quidem memori sub pectore condita servò;
Ne quo in Te fiam crimine forte nocens.
- 12 Sic aeterna tuum comitetur gloria Nomen,
Me, Tibi quae possint facta placere, doce.
- 13 In labiis semper tua lex mihi, semper in ore,
Usque tua e nostro gutture verba sonant.
- 14 Legem implere tuam mihi summa, & sola voluptas;
Gaudet ut aggestas inter avarus opes.
- 15 Ergo tua intentus semper praecepta facessam,
Mente tuas relegam nocte; dieque vias;
- 16 Sanctam animo legem nunquam cessante revolvam;
Nec tua ab immemori pectore verba fluent.
- 17 Hoc mihi da, revoca moribundum ad lumina vitae;
Inde colam sancta jussa verenda fide.
- 18 Luce nova hanc oculis obductam disjice nubem;
Miraque dispiciam lege retrusa tua.
- 19 Inscius his verfor peregrinus, & advena terris:
Ne me, quae dederis jussa, latere sinas.
- 20 Lex tua votorum ratio est, & summa meorum;
Hanc cupio quovis tempore plus cupere.
- 21 Indociles animos damnas: Vae fontibus, a Te
Quos procul errantes mens malefana rapit.
- 22 At mihi dant probro, Tibi quod parere laborem:
Tu dele indignam, quae mihi iniusta, notam.

- 23 Confedere viri, coetusque habuere potentes,
Plurimaque in nostrum differuere caput;
Ast ego contempsi coetus, & inania verba,
Et tua mi solus iussa fuere labor.
- 24 His mens invigilat meditando exercita curis,
Solicito haec verso pectore consilia.
- 25 Haeret iners animus terrae: tellure jacentem
Erige; sit vitae lex tua norma meae.
- 26 Me Tibi confessum vitae male facta prioris
Audisti; Nunc quae sint mihi agenda, doce.
- 27 Pande viam, quam me ire jubes, virtutis; in illa,
Ut mira est, curram, nec labor iste gravet.
- 28 Interdum fesso obrepit torporque, soporque:
Eloquii stimulos Tu mihi subde tui;
- 29 Fac retraham cautos pravo de tramite gressus,
Pro pietate tua fac tua jura sequar.
- 30 Nam statui veri rectos insistere calles,
Nec memori tua lex excidit ex animo.
- 31 Hanc sequor, hanc toto complector pectore: Tu spes,
Quam Tibi commisi, ne sine vana cadat.
- 32 Nam quoties animum mihi Numine confirmasti,
Incessi rapido per tua iussa pede.
- 33 Praecepta qui legum via sit calcanda tuarum;
Hoc mihi stat vitae carpere semper iter.
- 34 Tu lumen menti praefer, scrutabor ego illas
Sedulus, & penitus cordis ad ima premam.
- 35 Esto viae mihi dux tua per praecepta volenti
Currere; currere enim per tua iussa volo.
- 36 Huc curas converte meas, subrepat habendi
Ne sitis, atque auri non satianda fames.
- 37 Flecte meos oculos, ne vana illudat imago,
Perque tuas alacrem da properare vias;
38 Elo-

- 38 Eloquentique tuum famuli sub pectore conde,
 Cui veniat custos sanctus in ossa timor.
 39 Quod si quid titubem, me infamia quanta sequetur !
 Hoc, Deus, hoc aufer, quod timeo, opprobrium.
 40 Dulce Tibi servire ; hoc votis omnibus opto,
 Hoc ut perficiam, fer mihi dexter opem.
 41 In me descendat Pieras tua, pactaque quondam
 (Si tua non possunt fallere verba) salus.
 42 Si derur virtus probro, haec responsa reponam
 Hostibus : In verbis spem mihi inesse Dei.
 43 Talia jactanti ne verba ex ore revellas,
 Spes etenim dictis stat mihi nixa tuis.
 44 Hinc tua servabo studio decreta fideli
 Perpetuos, superet dum mihi vita, dies ;
 45 Et tua tam cupido praecepta ardore capebam,
 Lata ut noster amor se putet ire via.
 46 De Te me, reges saepe audivere loquentem,
 Libera nec pressit degener ora pudor.
 47 Saepe agitans animo mecum tua dicta peregi,
 Quae miro inflammant pectus amore meum.
 48 Mox opus aggressa est, dilectaque jussa facessit
 Jucundo nunquam fessa labore manus.
 49 Esto. memor, quae Tu famulo promissa dedisti
 Haec faciunt animos, spemque timentis alunt.
 50 Haec me spes aegrum rebus solatur in arctis,
 Arque tuum vires adjicit alloquium.
 51 Instant, irrisumque vocant ad prava superbi ;
 Lege tamen timui devius ire tua.
 52 Semper enim menti haec alte defixa tenaci
 Haeret, & in cunctis me levat una malis.
 53 Deficio, gelidusque artus mihi concutit horror,
 Cum video hanc stultos deseruisse greges.

- 54 Haec mihi, quando his errabam peregrinus in oris;
Carmen, & exilii dulce levamen erat.
- 55 Ipsa tuum referunt noctis mihi somnia Nomen;
Imperisque tuis advigilare juvat.
- 56 Idque adeo factum, legum decreta tuarum
Quod fuerint studiis unica meta meis.
- 57 Omne bonum mihi Tu, Deus, es; sententia menti
Haec sedet, ut quidquid jusseris, ipse sequar.
- 58 Ergo ad Te supplex veni, auxiliumque poposci:
Ah miserere, tuis vocibus adde fidem.
- 59 Namque ego dum vitae rationem exquiro regendae,
Verti non dubios ad tua jussa pedes.
- 60 Haec ego sum quovis pacto servare paratus,
Nec labor, aut nimium coepta operosa movent.
- 61 Ferrea culparum quamvis me vincula nectant,
Non tamen ex animo lex violata cadit.
- 62 Quin etiam media surgo de nocte, Tibique
Grates pro talis munere legis ago.
- 63 Mecum omnes sentire reor Te rite colentes;
Cura servantes & tua scita pari.
- 64 Si pius es, pietate tua si terra redundat,
Pande, Tibi morem qua ratione geram?
- 65 Accepere fidem tua dicta, Altissime Regum;
Mitis es in servum nempe, bonusque tuum.
- 66 Esse bonus per Te discam, prudensque, sciensque,
Pondus enim dictis sum ratus esse tuis.
- 67 Nondum abjectus eram, cum Te, Pater Optime, laesi;
Hinc didici nostro cautior esse malo.
- 68 Tu bonus es; Bonitatem oro succurre per istam,
Quaeque Tibi placeant, semper obire doce.
- 69 Crescit adhuc rabies, & vis furiosa superbis;
At studeo monitus corde fovere tuos.

- 70 Lac veluti tepidum permista coagula durant,
Haud aliter vitiis corda proterva rigent;
At mihi cum subiit tua lex, meditataque sedit
Pectore, cor molliit, duritiemque domat.
- 71 Me quibus exagitas, sunt infortunia tanti,
Ut vel sic discam, quae facienda jubes.
- 72 Argenti, atque auri plusquam defossa talentum
Millia multa, mihi lex pretiosa tua est.
- 73 Me finxit tua dextra: Operi succurre, bonamque
Damentem, ut discam, quae Tibi cunque placent;
- 74 Cultoresque tui capiant me gaudia viso,
Quod spes promissis stet mihi certa tuis.
- 75 Novi ego, ut aequato libris examine lances,
Causaque iusta fuit, cur miser ipse forem.
- 76 Nunc pietas tua me foveat, soleat & aegrum,
Ut Domini ad nutus omnia servus agam.
- 77 Te mihi redde pium, pariter mihi vita redibit;
Semper enim nostra lex tua mente sedet.
- 78 Dispudeat temere me divexasse superbos,
Noster erit, quicquid jusseris, usque labor.
- 79 Quotquot Te metuunt, duce me, potiora sequantur,
Et qui sermones edidicere tuos.
- 80 Da puro servare tuas mihi pectore leges,
Ne ferus damnet non bene facta pudor.
- 81 Saepe animus per Te impatiens sperare salutem
Deficit; at verbo spes redit inde tuo.
- 82 Defecere tuis pendentia lumina verbis:
Quando erit ut mihi opem, dicere visa, feras?
- 83 Videris arentem contractis pellibus utrem,
Quem gelida in pratis forte pruina coquit;
Non secus exhaustum me longo arescere dices:
Moerore, oblitum non tua iussa tamen.
- 84 Ad

- 84 Ad mea damna dies quot restant? En erit, ut qui
 Me vexant, poenas, Te repetente, luant?
 85 Vana mihi cecinere homines commenta nocentes;
 Non ita me leges erudiere tuae.
 86 Hic verum omne latet: dant illi subdola frustra
 Verba mihi; Infidiis ne opprimar, affer opem.
 87 Quam pene ad terram me dejecere loquendo!
 Deserui monitus non tamen ipse tuos.
 88 Per, Tibi quae pieras, vires animumque ministra;
 Tunc ego, quae sancto dixeris ore, colam.
 89 Verbo extructa tuo Caeli stetit ardua moles,
 Inque sua aeternum mobilitate manet;
 90 Lege tua ex una surgens subit altera proles,
 Statque tua in tota posteritate fides;
 91 Lege tua vacuo defedit in aere tellus,
 Constat & imperiis, stabit & usque tuis;
 Lege tua alternae succedunt ordine lucas;
 Cuncta potens magna sub ditione premis.
 92 Me nisi lex tua fulcirit, meditata frequenter,
 Pondere (a) corruerem forsitan ipse meo.
 93 Nulla tuas animo evellent obliviae voces:
 Illic praesidium, robur & omne mihi est.
 94 Sum tuus: Incolumem duris subduce periculis;
 Unica de jussis est mihi cura tuis.
 95 Ut me dejicerent, expectavere nocentes;
 Sed tua mi fuerant cognita dicta satis.
 96 Optima quaeque suos vidi contingere fines;
 At tua quam lato limite jura patent!
 97 Excitat o quantos tua lex mihi, Numen, amores!
 Quam volupe est toros hanc reputare dies!
 98 Hostibus inde meis rerum prudentia major
 Me regit: Illa oculis praevia semper adest.

(a) S. Hier. leg. Pressura.

- 99 Inde omnes praece, qui me docuere, magistros:
Ingenium nobis lex meditata facit.
- 100 Inde feror senibus multo sapientior ipsis,
Quod tua scrutari dogmata cura fuit.
- 101 Nulla per obliquos flexi vestigia calles,
Ingressus recta per tua iussa via.
- 102 Ex illa nec transversum discessimus unguem;
Vox tua me in sancto continet officio.
- 103 Dulcia quam sapiunt nostro praecepta palato
Dulcia sunt illis Attica mella minus.
- 104 Illa meam claro sparserunt lumine mentem,
Inde odio, scelerum quicquid ubique, mihi est.
- 105 Illa meos nitida praecedunt lampade gressus,
Suntque per obscuras praevia caeda vias.
- 106 Ergo testatus statui inviolabile Numen;
Justitiae ad normam cuncta referre tuae.
- 107 Sed premor heu nimia dejectus mole malorum;
Erige me, atque oris fac rata dicta tuis.
- 108 Sint rata, sponte mea quae sum facienda professus
Ut faciam, Tibi quae sint placitura, doce.
- 109 Mille objecta paret semper mea vita periculis;
At tua nil animo evellere iussa potest.
- 110 Insidias, laqueosque mihi posuere nocentes;
Sustinui a placitis nec procul ire tuis.
- 111 Haec sunt jure mihi patrimonia parva perennis;
Haec mihi sunt verae semina laetitiae.
- 112 Haec animum induxi aeternum inviolata tueri,
Quod sperem studii praemia magna mei.
- 113 Odi perversum vulgus, gentemque nefandam,
Mirificoque tuae legis amore flagro.
- 114 Tu mihi perfugium, Tu casu adiutor in omni;
Quae mihi spes, verbis nititur illa tuis.

T. Ite

- 115Ite procul, procul hinc gressus removete, maligni;
Jussa Dei studio sunt recolenda meo.
- 116Excipe me, sic pollicitus, lucemque revisam;
Ne sine, ut in celeres spes eat ista notos.
- 117Ipse veni auxilio; post victa pericula sospes
Quicquid mente geram, lex tua semper erit.
- 118Spernis enim, & merito, tua qui decreta refringunt,
Tantum ausi laeva mente agitare nefas.
- 119Quod mihi sunt visi fas omne abrumpere fontes,
Inde tuae major legis inarsit amor.
- 120Tu penitus sanctum mihi cordi infige timorem:
Judicii heu timeo jura severa tui.
- 121Jus semper colui, nec vi, nec fraudibus usus:
Ne delatorum fraudibus objiciar.
- 122Crimina neu forte affingant mihi falsa superbi,
Officium famulum (a) dirige ad omne tuum.
- 123Lumina deficiunt speratae intenta saluti,
Promissique tui certa videre fidem.
- 124Te famulo, qualem tua vult Clementia, praebe,
Meque adeo, qualem jusseris, esse doce.
- 125Servus ego Tibi sum; Tu mentem inspira, animumque,
Ut praecepta mihi tradita nosse queam.
- 126Tempus adest, meritas cogas ut pendere poenas,
Qui leges ausi sunt violare tuas.
- 127Contra ego, plusquam aurum, similemque topazion
auro,
Quae jubeas, pretio quolibet empta velim.
- 128Idcirco huc animum, curasque intendimus omnes,
Odinus & vetiti criminis omne genus.
- 129Lex tua res mira est, mirum est, quodcunque jubetur;
Meque adeo haec alta volvere mente juvat.
- 130 Haec

(a) Hebr. dirige pro suscipe.

130 Haec dum aperis, claro mens lumine collustratur,
Ante diem & pueris lux, ratioque venit.

131 His inhians, avido duxi auras ore salubres,
Mirifico legis captus amore tuae.

132 Aspice me, quaque in populum tua sacra colentem
Esse soles, illa me pietate fove.

133 Tu mea flexanimis vestigia dirige verbis,
Inque animo regnet nulla libido meo.

134 Nulla mihi officiant hominum, Te vindice, probra,
Exequar amota quin tua iussa mora.

135 Servum sparge tuum Divini lumine vultus,
Morigerumque tuis legibus esse doce.

136 Nam mea flebilibus manarunt lumina rivis,
Rumpere quod leges ausa fuere tuas.

137 Justus es; & justo disponens ordine cuncta,
Iussa jubes;

138 Verax; omnia vera doces.

139 Hinc quoties verba oblitos tua conspicio hostes,
Urit atrox animum cura, dolorque meum.

140 Igne velut purgata (a), nitent tua nescia labis
Eloquia; hinc famulo cara fuere tuo.

141 Parvus ego, & nullis, fateor, majoribus ortus
Sum puer; at legis sum memor usque tuae.

142 Justitia aeternum constat Tibi firma per aevum,
Inque tua verum lege, bonumque later.

143 Hanc meditor, tantis licet undique deformatus
Aerumnis; curas haec meditata levat.

144 Haec justa est, haec aeterna manet: Tu mentis acumen
Da mihi, ut hanc possim discere; sospes ero.

145 Ad Te clamores imo de corde cientem
Audi; ut quae doceas, hac ego scrutor ope.

T 2

146 Cla-

(a) Hebr. pro signum habet *Aque examinatum.*

- 146 Clamavi: serva miserum, Pater optime, serva;
Ut tua contento iussa labore colam.
- 147 Praeveni haec iterans Phoebaeae lampadis ortus,
Spes erat in verbis tanta reposta tuis.
- 148 Ad Te oculos primo vigilans de mane levavi,
Mente tua incumbens totus in eloquia.
- 149 Per pietatem oro, clamorem supplicis audi,
Perque fidem, dulci da mihi luce frui.
- 150 Qui me conturbant, sceleri quanto arctius haerent,
Hoc a lege magis longe abiere tua;
- 151 Tu prope semper ades, Tu vel fugientibus instas;
Nil, nisi vera jubes, nil, nisi vera probas.
- 152 Cum primum tua jura animo comprehendere coepi,
Perpetuo haec novi pondere firma fore.
- 153 Casus cerne meos, & iniquae subtrahe cladi;
Hoc tua lex nostro in pectore fixa meret.
- 154 Tu causam cognosce meam, tutare salutem,
Proque tua vitam Tu mihi redde fide.
- 155 At spes nulla malis, ratio, & via nulla salutis;
Hoc tua lex tota e pectore lapsa meret.
- 156 Multa Tibi pietas, Deus optime; Redde jacenti
Redde animum, careant nec tua verba fide.
- 157 Magna insectantium premor, urgentumque caterva,
Nec vis a placitis avocat ulla tuis.
- 158 Quin illos video sacra jura resolvere, & angor,
Angor io, atque aegrum culpa aliena facit.
- 159 Aspice, me quanto tua lex inflammet amore:
Ah tua languentem me recreet pietas.
- 160 Verum dictorum caput est, & summa tuorum,
Justitiae & ratio non peritura tuae.
- 161 In me homines quanquam conjuravere potentes,
Non tamen hi faciunt, sed tua verba metum.

- 162 At tua verba mihi faciunt quoque gaudia, sicut
 Qui spolia e victis hostibus ampla tulit.
- 163 Acrius hinc odiis, scelus averfatus, inarfi,
 Et majore tuae legis amore flagro.
- 164 Quaeque dies septemgeminas Tibi dicere laudes,
 Meque tuis vidit plaudere judiciis.
- 165 Qui tua jura colunt, pax illis aurea ridet,
 Et nihil, offensam cur vereantur, habent.
- 166 Inde mihi a Te uno liber expectare salutem,
 Et tua jussa ipsis diligo plus oculis.
- 167 Haec animus nunquam violanda putavit; amabat
 Plus ea sese ipso, aut si quid amabilius.
- 168 Omnia servavi, quod Te mihi semper adesse,
 Et tanto scirem singula teste geri.
- 169 Ascendant mea vota tuas, mirissime, ad aures,
 Promissamque tuae da mihi lucis opem.
- 170 Excipe pacato, quae deprecor, ore, malisque
 Eripe me, tua ne pondere dicta vacent.
- 171 Ast ego tunc grato laudes Tibi carmine pangam,
 Cum fuero nutus doctus obire tuos.
- 172 Tunc tua vulgabo gentes oracula per omnes,
 Teque jubere tuis non nisi iusta, canam.
- 173 Tende manum, meque in mediis tutare periculis,
 Certum est, quae jubeas omnia, velle sequi.
- 174 Te cupio: per Teque data gaudere salute,
 Et versare animo quae Tibi cunque placent;
- 175 Teque adeo laudare, mihi dum vita manebit,
 Auxilioque meis lex tua rebus erit.
- 176 Erravi, fateor, qualis, pastore relicto,
 Devia dumosis saltibus errat ovis;
 At servum Tu quaere tuum, profugumque reducee;
 Non animo penitus lex tua lapsa meo est.

Oris peregrinatur ah nimis diu

Haec vita inhospitalibus.

6 Mihi alma pacis cum placerent otia,

Odere pacem barbari;

Sermonis & cum quaererem consortia,

Movere iniqua praelia.

PSALMUS CXX.

Levavi oculos meos in montes &c.

Consolatur Peregrinos ascendentes Jerusalem, sive intelligat Judaeos adhuc in captivitate degentes, sive justos ad caelestem Patriam aspirantes, perpetuamque Dei custodiam promittit.

INDUCITUR PRIMO LOQUENS

Peregrinus, deinde Propheta.

1 *Peregr.* **L** Umina in summos lacrymosa montes
Sustuli, sanctam speculatus Urbem,
Unde tot nobis veniet malorum
Dulce levamen.

2 Namque opem duris feret Ille rebus,
Astra qui finxit, stabilemque terram:

Proph. Sic erit prorsus: Peregrine, vanos
Mitte timores.

3 Te per incertos regat Ille calles,
Haud tuos passus titubare gressus;

Nec,

Nec, tibi semper vigilans, sopore
Lumina claudat;

4 Lumina haud claudet resoluta somno,
Qui sui servat genus Israelis,
Fessus & nunquam vigilem remittet
Pectore curam.

5 Te Deus servat, tua vira cordi,
Et salus illi est; latus ille dexter
Ad tuum incedit comes, & sequaci
Te tegit umbra;

6 Unde nec solis, medios per aestus,
Lampas ardentis faciem perurat,
Luna nec noctu caput insalubri
Frigore laedat.

7 Te Deus cunctis procul a periclis
Arcet; & casus utinam sinistros
Arceat semper, tibi tuta semper
Vita trahatur!

8 Seu pedes quoquam tuleris, referre
Inde seu gressus libeat, viarum
Haereat semper comes Ille cuncti,
Seu redeunti.

P S A L M U S CXXI.

Laetatus sum in his, quae dicta &c.

Describit pulchritudinem, & excellentiam Jerusalem, ad quam reverti optabant, & sperabant Hebraei, quae ad nostram de Caelesti Jerusalem spe referenda sunt.

- O Me beatum! quae mihi gaudia
 Sensus inundant! o bona nuncia!
 Sedes revisemus paternas,
 Et Domini omnipotentis aedem.
- Laeti recurrant nunc animo dies,
 Cum Civitatis moenia liberae
 Obivimus tuti, tuisque
 Constitimus, Solyme alta, portis (a).
- Haec illa felix est Solyme, omnibus
 Communis olim, charaque Civitas,
 Sic ordinata, ut cuncti in una
 Urbe bonis fruerentur iisdem.
- Illuc per annos ter stata singulos
 Ad sacra multae conveniunt tribus:
 Sic lege praescriptum Israeli,
 Rite Deum ut celebrent faventem.
- Illie daturi jura petentibus
 Sedere Reges, Davidis inclyta
 De gente creti, patrioque
 Imperio, atque opibus potiti.

(a) Hebe. In portis tuis.

- 6 Pacem ergo, Cives, & bona Patriae
Adjuncta paci cuncta precamini:
Pax, Faustitalque te beata
Sospitet, & tibi amore junctos;
- 7 Pax alma muris involitet tuis,
Et laeta cornu divite Copia
Fortunet excelsas potentum
Larga domos, procerumque tures.
- 8 Amor meorum nonnisi Civium,
Fratrumque, junxit quos mihi charitas,
Pacem precari me subegit,
Sancta tibi, Solyme, tuisque;
- 9 Et illa summo sacra Domus Deo,
Quae tangit alto nubila culmine,
Ad vota me adduxit, petentem
Cuncta tibi bona provenire.

P S A L M U S CXXII.

Ad te levavi oculos meos &c.

Sub imagine Populi a Babyloniiis proceribus oppressi, hominis justii injuriam patientis vota exprimit.

- 1 **A**D Te lumina sustuli,
Qui Caelorum habitas rempla nitentia.
- 2 Lugens servus ut affolet
Caedentis domini cernere dexteram,
Uda ut fletibus aspiciat
Sublatum dominae in verbera brachium;

Poenam ancillula deprecans;

Sic nostri, ingeminans vulnera dum ferit,

Respectant oculi Deum,

Iras si pietas leniat asperas.

3 Jam nos mitior aspice,

Jam nostri pietas Te moveat, Deus;

Facti nam satis heu sumus

Cunctis ludibrium, & fabula gentibus;

4 Nostram jam satis heu pudor

Infecit faciem, pectus & obruit;

Nostra heu plus nimio jocus

Vita est divitibus, ludus & impiis

Laeta forte tumentibus.

P S A L M U S CXXIII.

Nisi quia Dominus erat in nobis &c.

*Populus Hebraeus gratias agit Deo ob superatas
aerumnas, quas in captivitate, vel deinde in
Civitatis, & Templi instauracione passus fue-
rat; quae conveniunt Ecclesiae post persecutio-
nes.*

1 Praesente nobiscum Deus

Nisi fuisset Numine,

Ereptus infortunio

2 Nunc dicat omnis Israel,

Praesente nobiscum Deus

Nisi fuisset Numine

3 Cum

- 3 Cum nos feroces maximo
 Gentes furore invaderent,
 Vivos hiantes forsitan
 Absorbissent gutture;
 Cum saeva nostris imminens
 Arderet ira cladibus,
 4 Forſan profundo gurgite
 Meſos malorum turbida
 Hauſiſſet unda naufragos.
 5 Torrentem ab imbre turgidum
 Magno ſupinis impete
 Jugis ruentem montium,
 Secumque volventem omnia
 Sylvae fragore maximo,
 Impune tranſnatavimus.
 Nobis Deus ſed dextero
 Niſi adfuſſet Numine,
 Fortaſſe inenatabiles
 Ingreſſi in undas, ultimum
 Jam duceremus ſpiritum.
 6 Regi ſupremo Caelitum
 Summas agamus gratias,
 Immanibus furentium
 Qui beſtiarum dentibus
 Nos eſſe praedam noluit.
 7 Ut paſſer e venantium
 Vinculis ſolutus evolat,
 Sic vita noſtra arctiſſimis
 Eſt expedita nexibus:
 Contraſta ſunt jam vincula,
 Nos liberati abivimus.
 8 Adjutor adſuit Deus,

Ejusque Nomen inclytum,
 Qui templa Caeli altissima,
 Imasque terras condidit.

P S A L M U S CXXIV.

Qui confidunt in Domino &c.

*Hortatur ad fiduciam in Deo collocandam, & in
 firmitate Urbis Jerusalem Ecclesiae firmitatem
 designat.*

- **Q**uicumque dextro Numine nititur,
 Nullis movetur casibus asperis,
 Vertex ut immotus Sionis
 Vim Boreae, furiasque, ridet;
 • Stat omne in aevum, qui Solymae incolit.
 Vallata celsis moenia montibus;
 Munimen at majus suorum,
 Perpetuo Deus ambit Urbem.
 • Non Ille semper sceptris nocentibus
 Permitteret, intons se ut doleat premi
 Impune, felicique dextram.
 Incipiat icelerare culpa.
 • Bonis secundo Numine ades, Deus,
 Et mente rectis:
 • Prava sequentium
 Gregem scelestis ultor addet,
 Et simili feriet ruina.

Sed

Sed Israelis laeta nepotibus,
 Praecincta flavas Pax olea comas
 Arrideat, plenoque cornu
 Fundat opes, animosque nectat.

PSALMUS CXXV.

In convertendo Dominus &c.

*Praevidens tempus, quo Cyri decretum de solven-
 da captivitate Judaeorum promulgatum est, eo-
 rum exponit laetitiam, quae illius figura fuit,
 cujus participes erimus cum mala omnia evase-
 rimus.*

- Cum Deus Hebraeae Babylonia vincula genti
 Rupit, & in Patriam posse redire dedit,
 Vix bene credidimus nobis, sunt illaque visa,
 Qualia quae fingit gaudia vana sopor (1);
 Laetitia at pleno mox exundavit ab ore,
 Et festo increpuit lingua soluta sono.
 Cum gentes haec audierint: Quam grandia, dicent,
 Quotque illis tribuit dona fruenda Deus!
 Dona fruenda Deus vere dat grandia nobis;
 Tantaque ab hoc uno gaudia fonte fluunt.
 Quotquot adhuc reliquos Babylon, Deus, impia
 servat,
 Fac reperant plenis Patria tecta viis.
 Compita fervescent venientum undantia turba,
 Quae multis simul e partibus acta ruat,

(1) S. Hier. vertit, sicut somniantis.

Qualis flante austro, pluviis, nivibusque solutis,
 Monte ruit torrens, raptaque saxa rotat,
 Semper & auctus aquis, collectis undique rivis,
 Volvitur, & mersos cornibus urget agros.
 Sat dedimus lacrymis: Versis in prospera fatis,
 Ire nota incipiant candidiore dies.

- Haud aliter, tristis qui terrae semina mandat,
 Mox hilaris segetes plena per arva metet.
- Moerebant inopes post semina jacta coloni,
 Semina, quae mendax forte negabit ager;
 Ast ubi collectos teret area plena maniplos,
 Laetitia exultant, inter opusque canunt.

P S A L M U S CXXVI.

Nisi Dominus aedificaverit domum &c.

*Cum post captivitatem Judaei in templo, & Urbe
 reficienda laborarent, eos monet, ne nimium
 suae industriae tribuant, sed Deo nitantur, quod
 ad nostram institutionem pertinere maxime, cre-
 dendum est.*

- **F**Rustra extruendis allaborat aedibus,
 Sudatque plurimum peritus artifex,
 Nisi extruendis praesit aedibus Deus;
 Urbisque servans alta propugnacula
 Frustra tuendis excubat pro moenibus
 Armatus, Urbem ni Deus custodiat.
- Quid attinet labore vano conteri,

Quid

- Quid ante lucem de thoro confurgere?
 Nil anxii esse: cum quiete corpora
 Curata fuerint, rursus ad opus surgite,
 Qui per laborem plurimum arctum quaerere
 Panem coacti, cum dolore vivitis.
- 3 Spes est Deo credenda: ubi Ille adduxerit
 Suis, habet quos unice charissimos,
 Secura pacis, otiique tempora,
 Quanta iis bonorum, quam perennis suppetet
 Quam parva nullo cum labore copia!
 En, dulcis a Deo profecta haereditas,
 Beat parentes multitudo liberum,
 Fructusque felix ventre foecundo editus
 Merces probatae iusta virtuti datur.
- 4 Quales sagittae, quae valente dextera
 Emissae ab arcu, certa portant vulnere,
 Sic fausta proles, quamlibet parentibus
 Prognata dura sorte jactatis diu,
 Florens vigebit, atque pollens robore,
 Formidolosa vel superbis hostibus.
- 5 Beatus ille, cui dedere Caelites,
 Votis faventes, filius pubentibus,
 Velut sagittis qui pharetram impleverit ^(a),
 Domum refertam cernere! His cinctus latus
 Securus animi incedet, & nullus pudor
 Perfundet ora cum dies advenerit,
 Qua callidos refellet adversarios,
 Spissae corona affante multitudinis,
 Judicia quae frequentat, & certa die
 Portas ad ipsas urbis in jus convenit.

PSAL-

(a) S. Hier., & Hebr. Implevit pharetram suam ex ipsis.

P S A L M U S CXXVII.

Beati omnes, qui timent Dominum &c.

Hortatio ad pietatem, proposita ingenti virtutis mercede, quae in veteri testamento de temporalibus bonis erat, in novo de aeternis est intelligenda.

- **O** Te beatum, qui Deum caste colis,
 Ejusque calcas semitas!
 , Tuac labore quod manus paraverint,
 Te nutriet fructu ubere.
 Tibi bene est, eritque cunctis affluis,
 Et semper afflues bonis.
 , Qualis maritae juncta vitis populo
 Uvis abundat dulcibus,
 Sic prole multa te beabit abdita
 Uxor domus in angulo;
 Virentibusque ceu novella frondibus
 Vigent olivae germina,
 Venusta mensam sic tuam circumdabit
 Florens corona liberum.
 , En ut bonis ditabitur quamplurimis
 Timere qui novit Deum.
 , Haec largiatur, pluraque Ille munera
 Tibi Arce de Sionia,
 Solymaeque perfruare felicis bonis
 Per cuncta vitae tempora.

- 6 Cernas tuorum liberorum filios,
Laetamque pace Patriam.

PSALMUS CXXVIII.

Saepe expugnaverunt me &c.

Judaeorum populus in nova templi, urbisque aedificatione a vicinis gentibus vexatus, hic inducitur sua mala, hostiumque insanos conatus, ac futuram destructionem describens, simulque Ecclesiae semper irritas oppugnationes.

- 1 **S**Aepe immerentem prima ab origine
Vexavit acer me furor hostium:
Defuncta nunc demum periculis
Gens repetat genita Israele.
- 2 Saepe immerentem prima ab origine
Vexavit acer me furor hostium;
Sed nulla me clades, nec ulla
Frangere vis inimica quivit.
- 3 Incude ferrum tundit uti faber,
Lictor flagellis contudit impius
Sic terga plagis exarata (a),
Congeminans sine fine plagas.
- 4 At tempus instat, cum Deus hostium
Cervice fracta, supplicia exiget:
Pudore tunc victi retrorsum
Terga dabunt populi feroces,

Qui-

(a) Hebr. Supra dorsum meum araverunt aratores. Et S. Hier.

Quicumque sanctam nunc odiis Sion
Premunt iniquis.

- 5 Immiserabiles
Repente fortunae secunda
Destituet melioris aura,
Brevique raptos dejiciet solo
Matura clades;
6 Tecta velut super
Arescit enatum, priusquam
Falce cadat refecante, foenum,
7 Lectis nec implet brachia fascibus
Messor, nec herbas agglomerat sinu,
Qui colligit sparsos manipulos,
Frustra opus aggrediens anane;
8 Nec hospes illa praeteriens via
Dicit: secundet vota favens Deus,
Ejusque Nomen, quae precamur,
Auspicio meliore firmet.

P S A L M U S CXXIX.

De profundis clamavi &c.

*In malis captivitatis Dei misericordiam implorat,
culparum remissionem sperat, hominum redem-
ptionem praedicat.*

- **M**ersus malorum fluctibus,
Deus, profundo e gurgite
Ad Te ejulatus fuit.

- Ruptos ab imo pectore.
Voces, Deus mitissime,
Audi gementis, & pias
2 Verbis precantis, ut soles;
Aures misertus commoda.
Neu Te minus placabilem
Admissa reddant turpia.
3 Aequo librata examine
Si cuncta penes crimina;
Quis nam severa Judicis
Tanti subire arbitria,
Quis sustinere vindicis
Torvam queat praesentiam?
4 Sed summa Te benignitas
Commendat, atque amabilis
Lex poenitenti pollicens
Veniam paratam criminum.
Haec spem meam lex excitat;
Mihi ut pium Te spondeam.
5 Promissa veracis Dei
Addunt mihi fiduciam,
Animusque noster in malis
Favente fidit Numine.
6 Vitae diebus omnibus
A mane primo ad vespertum
Favente fidat Numine
Tota Israelis natio.
7 Penes Deum clementiae
Fons est perennis; maximum
Nostrae salutis ille habet
Pretium paratum;
8 Ille omnia

Ab Israelis posteris
Admissa quondam crimina
Magna piabit Victima.

P S A L M U S CXXX.

Domine, non est exaltatum cor meum &c.

*Suam praedicat modestiam, ut alios ad se imitan-
dum alliciat.*

- **I**Nflata nunquam corda inani spiritu
Prae me ruli, Rex summe, nec sum lumine
Fastidioso despiciatus caeteros;
Nec praedicavi gloriosa, miraque
De me, meis & ampliora viribus.
- Sublime sensi si quid unquam, sustulit
Ventosa me si mentis arrogantia,
Depulsus ut de matris infans ubere,
Plorans parentis se reclinat in sinum (a),
Notas requirere & papillas nititur,
Frustraque se labore torquet irritio,
Sic anima Caelesti sueta nectari
Mea, inde pulsa det poenas superbiae;
Carensque nota lugeat dulcedine.
- Ergo Israelis me sequuta natio
Sibi parum confisa, nec multum sibi
Tribuens, suas spes unice credat Deo
A tempore hoc ad ultima usque saecula.

V 3

PSAL:

(a) Vide Bellar.

P S A L M U S CXXXI.

Memento, Domine, David &c.

*Vel a Salomone compositus, cum aedificato templo
 Artam: Davini: eo: introduxit; vel a Davide
 in persona Salomonis post templum aedificatum
 ab eo concinendus; contingetque desiderium Da-
 vidis templi aedificandi, & promissionem ei fa-
 ctam de Regno in ipsius domo stabiliendo; Quae
 omnia de mystico templo, idest Ecclesia, &
 Christi Regno, ejusque perpetuitate sunt intel-
 ligenda.*

- D**AVIDIS memor esto, Deus, tecumque voluta,
 Mitis ut in cives extiterit ille suos.
 Sic Domino fore juravit, sic Numini Jacob
 Obstrinxit voti religione fidem:
 Non ego nota domus insistam limina nostrae,
 Nec molli apponam membra levanda thoro,
 Languida suffuso nec claudam lumina somno,
 Nec nocturna premet tempora victa quies,
 Donec sacra Deo videam consurgere tecta,
 Templaque sublimi conspicienda tholo,
 Atque inventa piae sese offerat area moli,
 Et locus, Isacii querepremat aula Dei.
 Sedibus eni nusquam certis peregrina vagatur
 Arca, Deus propriam non habet ipse domum.

(a) Fa-

- (a) Fama refert, terra mansisse Ephraïde quondam,
Pignoraque in Silo sancta fuisse diu;
(b) Mox in sylvis eadem deprendimus agris,
Jussa Philistaeis finibus ire procul.
Jam certa statione manent, optataque surgunt
Limina, habet stabilem jam Deus ecce domum.
7 Ergo Deo sacram pavidì veniemus in aedem,
Affusi sancto, quo stetit Ille, solo.
8 His succede, Deus, tectis, hac sede quiesce,
Tuque, & sancta simul foederis Arca tui.
9 Justitia incedat tectus, ceu veste, sacerdos,
Testerurque sacer gaudia festa chorus.
10 Per fidum Tibi, Summe, caput Te Davidis oro;
Regis ne afficias ora pudore tui.
11 Namque Deus nostro juravit vera parenti:
(Nec Divina solent verba carere fide;)
Parce timere; Tuo genitam de semine prolem
Imperii faciam sceptrà tenere tui.
12 Si tua progenies servarit foedera mecum
Pacta olim, leges audieritque meas,
Ipsa tuo aeternum solio subnixa sedebit,
Indeque creta omni tempore posteritas.
13 Nam Deus e toto sibi vindicat orbe Sionem,
Hac una certam fixit in Urbe domum:
14 Haec, inquit, mihi sit requies, has legimus aedes,
Hic sedem statui tempus in omne meam.
15 Munere & hic nostro non funera conjugis uxor,
Damnaque deserti sentiet ulla thori;
Non modicas pauper captabit questibus escas,
Sed multa exiliet fruge, ciboque satur.

(a) 1. Reg: 4. Alii aliter: vide Bellar.

(b) In agro Josue Bethsanitae. 1. Reg. 6.

- 16 Justitia incedet tectus, ceu veste, sacerdos,
 Et festos ducet gens pia rite choros.
 17 Hic Ego Davidis firmabo immobile Regnum,
 Et Rex illustri Germine laetus erit.
 18 Dejecti abscedent hostes, victique pudore,
 Munere florebit victor at ipse meo.

P S A L M U S CXXXII.

Ecce quam bonum &c.

*Compositus, ut caneretur a Judaeis post solutam
 captivitatem simul concorditer habitantibus, &
 laudes concordiae continens.*

EN quam salubre, quamque suave, mutuo
 Fratres, coire foedere
 Concordiae:

Tam suaviter spirat liquor
 Unguenti, Aronis vertice
 Diffusus, inque barbam lene defluens,
 Summas & oras vestium
 Collo alligatas;

Tam salubris decidit
 Hermonis in cacumina
 Ros mane primo, quique foecundat sacri
 Totum Sionis verticem,
 Montisque lactat utriusque gramina
 Gregibus alendis optima.
 Nam qui ligati charitatis vinculo
 Vivunt simul concorditer;

His larga donat Rex supremus munera,
Vitamque fera in saecula.

P S A L M U S CXXXIII.

Ecce nunc benedicite Dominum &c.

*Pertinet ad eos, qui post Templi refectionem;
in eo frequenter versabantur.*

- 1 **N**unc age, dic Domino laudes, & fausta precare
Turba dicata Deo,
Augustam celebrans aedem, sacraeque Tonanti
Atria sancta domus.
- 2 Tollite nocte manus adyta ad sacrata supinas,
Et celebrate Deum.
- 3 Quisquis is es, tibi cuncta sua det laeta Sione
Mundi utriusque Faber.

P S A L M U S CXXXIV.

Laudate nomen Domini &c.

Laudes Dei.

- 1 **S**ancta gens, Divum famulata Regi;
Ejus in laudes age rumpere vocem,
Ejus augustum celebra canoro
Nomen honore;

- 1 Qui Deo sacras habitatis aedes,
Atria & sancti veneranda templi,
In Dei laudes nimum morantes
Solvite linguas.
- 2 Sic Deo dignum: Bonus Ille, & omni
Laude tollendus; celebrate Regis
Nomen aeterni: nihil esse noſtis
Suavius illo.
- 3 Qui per immensum dominatur orbem;
Proprium fidi genus Israelis.
Legit, & certa ſibi mancipatum
Lege dicavit.
- 4 Novi ego, ut magnus Deus eſt, ut omni
Major eſt noſter Deus ille ſenſu,
Major & cunctis, ſibi quae crearunt
Numina gentes.
- 5 Quae vel in Caelo facienda ſanxit,
Quaeve per terras, vel aquoſa regna,
Aequoris fuſos & ubique tractus,
Omnia fecit.
- 6 Terrae ab extremis gravidas repente
Partibus nubes vocat, & nigranti
Miſta demittit pluvia, & ſonoris
Fulgura nimbis.
- 7 De ſuis ventos, & operta promit
Flabra theſauris; Rapidi ſolutis
Proruunt froenis, trepidoque Caelum
Murmure miſcent.
- 8 Ille in Aegypti regione primas
Perculit proles; pariliſque caeſos
Clade ſeu foetus hominum peremit;
Sive animantum;

- 9 Miraque ostendit tibi signa, Memphi,
Impias contra Pharaonis iras,
Quem suis mistum famulis, equisque.
Gurgite merfit.
- 10 Plurimas bello domitas cruento
Contudit gentes, validosque reges (a)
Clade percussit, furiosa contra
Arma ferentes.
- 11 Rex Amorrhæus mihi Schos, esto,
Et Basanites mihi testis Ogus,
Quotquot & cunctis Canaanis oris
Regna steterunt.
- 12 Tum suis terras dominis relictas
Sorte divisit: fata laeta Jacob,
Victor invasit, secuitque falce
Non sua rura.
- 13 Magnè Te Rector Superum, tuumque
Nomen aeternis vehet acta pennis
Fama; tantarum monumenta laudum
Saecula vincent.
- 14 Nam suum semper populum tuumque
Perget, & justam teget Ille causam,
Et suis semper famulis benignas
Porriget aures.
- 15 Quia colunt stultae simulacra gentes,
Auro, & argento faber illa fluxit:
Os habent, nullas tamen ore possunt
Edere voces;
- 16 Praedita & quamvis oculis, videre
Nil tamen possunt,
17 Neque pulsant aures
Ulla

(a) Numer. 21.

Ulla vox, nullus fovet & rigentes
Spiritus artus.

18 Fiat his demum similis, labore
Quisquis ingrato fabricare Divos,
Quisquis & fictis maleficus audet
Fidere Divis.

19 Omnis Aronis domus, Israelis
Omnis,

20 Et Levi, Dominumque quotquot
Axe regnantem colitis, merenti
Dicite laudes.

21 E Sion laudes resonent Tonanti,
Sede qui regni Solymis locara,
Hic amat dici Pater, atque Princeps
Voce suorum.

P S A L M U S CXXXV.

Confitemini Domino, quoniam bonus &c. 4.

1 **T**errae totius incolae,
2 Laudes dicite ter bono
3 Divorum, atque hominum Patri:
Illius Pietas manet
Omne firma per aevum.
Omnes qui superat Deos,
Omnes qui Dominos regit;
Illum tollite laudibus:
Illius Pietas manet
Omne firma per aevum;

Ma-

- 4 Magna, miraque perficit
Solutus,
5 Et superas domos
Solers condidit artifex,
6 Terramque in medijs aquis
Fixa mole locavit;
7 Magna flammifero dedit
Axe fulgere lumina,
8 Solem, qui revehat diem,
9 Lunamque, & vaga sydera,
Nox unde atra renidet;
10 Clade perculit impiam
Aegyptum, subita abstulit
Proles primigenas necesse.
Illius Pietas manet
Omne firma per aevum.
11 Saevis progenitum Isaco
Exemit genus hostibus,
Collaque eripuit iugo
12 Fortis robore brachii,
Dextra & omnipotente;
13 Aequoris tumidos rubri
Jussit cedere gurgites,
14 Inde per medias aquas
Transmisit profugum gregem
Israel pede sicco;
15 Regis at Pharii caput,
Regni totaque robora
Iisdem fluctibus obruit:
Illius Pietas manet
Omne firma per aevum.
16 Mox deserta per avia
Traduxit populum suum;

- 17 Dira Regibus intulit
Magnis funera,
- 18 Perdidit
Forres caede Tyrannos;
- 19 Regem Schon Amorrhium,
20 Ogi sceptrum Basan;
- Verrit exitio pariter
Illius Pietas manet
Omne firma per aevum.
- 21 Terras inde prioribus
Ereptas dominis,
- 22 Suis
Sortito Isacidis dedit:
Illius Pietas manet
Omne firma per aevum.
- 23 Nobis rebus in asperis
Dexter adfuit,
- 24 Hostium
Subtraxitque tyrannidi.
Illius Pietas manet
Omne firma per aevum.
- 25 Unus Ille animantia
Curat omnia, providus
Escas sufficit omnibus:
- 26 Illius Pietas manet
Omne firma per aevum.
- 26 Summo Caelituum Deo
Laudes dicere, Principum
Laudes dicite Principi:
Illius Pietas manet
Omne firma per aevum.

P S A L M U S CXXXVI.

Super flumina Babylonis &c.

Lamentatio captivorum apud Babylonem, Jerusalem, Templique everfionem deplorantium.

- 1 **S**Edimus invisos dirae Babylonis ad amnes,
Deciduo tristes imbre rigante genas.
Nam tua, chara Sion, menti occurrabat imago,
Templaque divitiis illa superba suis.
- 2 Urbe inerant media falices; suspendimus illis
Nablia, jam nullos apta ciere sonos.
- 3 At gens, colla iugo quae nostra oneravit iniquo;
Nos, scelus, est festos ausa rogare modos;
Et quae nos patriis captos abduxit ab oris:
Dicite, ait, vestrae carmina nota Sion.
- 4 Ergone, dum miseros regio nos barbara servat,
Dicemus vero carmina sacra Deo?
- 5 Si qua tui, Solyme, subeant oblivia nobis,
Fungi dediscat munere dextra suo;
- 6 Haereat & stupido torpescens lingua palato,
Si mihi te quicquam dulcius esse queat.
- 7 At Tibi, summe Parens, subeant, quae fecit Idume
Perfida, cum Solymae venit acerba dies.
Sternite, clamavit, sceleratae sternite muros
Urbis, & ex imo vertite cuncta solo.
- 8 Ah Babylon Babylon, nostra nunc clade superba
Exilis; ast eadem te quoque fata manent!
- 9 Felix,

- 9 Felix, qui factis tibi praemia digna repender,
 Et reddet meritas ob mala nostra vices;
 Nescius & flecti duro puerilia saxo
 Atteret e matrum corpora rapta sinu.

PSALMUS CXXXVII.

Confitebor tibi, Domine, in toto corde
 meo, quoniam &c.

Gratias agit Deo, quod precationem suam audiverit, qua fortasse Messiae adventum petierat, vel liberationem ab aliquo malo.

- 1 **T**E toto ex animo, Magne canam Deus,
 Quod verba audieris, votaue supplicis.
 2 Sancti rite memor sub penetralibus
 Templi sacra Tibi carmina concinam,
 Quae alternis recinant innumeri, meos
 Circumfusi humeros, Caelicolum Chori;
 Et, fit quanta tui gloria Nominis,
 Dicam, quae pietas, quaeque tuis fides
 Conster pollicitis; nam super omnia,
 Quae sunt terrigenis indita nomina,
 Nomen, quo haud aliud sanctius est, tuum
 Fecisti eximia fulgere gloria.
 3 Qua Te cunque die voce vocavero,
 Aures ad gemitus supplicis admove;
 Insuerus veniet per Te animo vigor,
 Evadamque tuo munere fortior.

4 Cun-

- 4 Cuncti, qui populos imperio premunt,
Reges, Te meritis tollere honoribus
Discant; (insonuit nam tua barbaris
Vox, & fama volat didita regibus:)
- 5 Ingressique vias, quas docuit Deus,
Dicant unanimes carmina vocibus,
Et dignam Domini carmine gloriam.
- 6 Caeli Rex Superum vertice confidet
Celsus, multipotens, omnia providens;
Hinc demissa pio lumine respicit;
Contra elata oculis prospicit eminus
Torvis, & facie terribilis aspera.
- 7 Si vivam mediis anxius in malis,
Si circum immineant mille pericula,
Cunctis eripies incolumem malis,
Servabis mediis inque periculis;
Nam pro me validas objiciens manus,
Compesces rabiem extrema minantium;
Illa & me faciet dextera sospitem,
Cui vis nulla potest firma resistere.
- 8 Sic vindex scelerum supplicia exigit
Pro me iusta Deus; deficiet tua
Nam nunquam Pietas innumerabili
Annorum serie, Summe hominum Parens.
Ergo ne miseros despicias, tuas
Quos fecere manus, neve abigas procul.

P S A L M U S CXXXVIII.

Domine, probasti me &c.

- *Admonet genus humanum, Deum esse operum nostrorum rectissimum aestimatorem, omnia providentem, amicorumque suorum praecipuam curam gerentem.*

- **C**uncta oculis, Deus alme, tuis sunt pervia;
Totum
Me scrutatus, habes perspectum, animoque notatum,
Quicquid agam, quaecunque loquar, quae mente
revolvam;

Seu sedeam lassus, seu pressa sedilia linquam,
Omnia Tu nosti;

- 3 Quicquid mens cogitat intus,
Tu procul aspectas oculis, animique latentis
Abdita pervadis;

- 4 Pergam quaecunque viarum (a),
Quaque iter absolvam meta, qua sede quiescam,
Cuncta vides; nunc quicquid ago, multo ante videbas.
Nil mea lingua sonat, vox nulla erumpit ab ore,
Quin levis aura referre tuas festinet ad aures.

- 5 Omnia scis, vel quae nunc sunt, vel quae ante fuerunt;
Tu me eduxisti dias in luminis oras,
Artificique manu finxisti membra, simulque
Condita fulxisti, in nihilum ne lapsa redirent.

Quae

(a) SS. Aug. & Hier. ex Hebr.

- 6 Quæ Tibi mente sedet, miranda scientia nostros^(a)
 Excedit sensus, tantumque assurgit, eoque
 Progreditur, studio quo frustra ego nitar inani.
 7 Quo me igitur vertam? quæ me celare latebrae
 Errantem, aspectuque tuo subducere possunt?
 8 Sydera conscendam? Tu supra sydera regnas.
 Infernas penetrem sedes? in sedibus illis
 Ultor ades.

- 9 Si mane novo mihi sumere pennas
 Detur, & immensos Caeli percurrere tractus,
 Ac demum extremi consistere littore ponti,
 10 Illuc me tua dextra vehet, mihi fulciet alas,
 Meque tua in praeceps ruiturum dextra tenebit.
 11 At circumfusae, dixi, fortasse tenebrae
 Dent latebras, & me denso velamine condant.
 12 Fallimur: ipsa diem nox efficit atra serenam
 Me circa, & claro me lumine circumfundit,
 Deliciasque meas, occultaque probra revelat^(b).
 Non etenim ante tuum spissa caligine vultum
 Nigrescunt tenebrae, sed nox nitet aemula luci,
 Nec tenebris vel lux distat, vel luce tenebrae.
 13 Quæ mea te lateant, cum Tu mea viscera primus^(c)
 Finxeris, &, coeca matris cum clauderer alvo,
 Nostra laboraris primordia?

- 14 Jure rependam
 Ergo Tibi laudes, mira quod in arte probaris
 Grande magisterium, Teque acta per omnia magnum,
 Attonitoque metu dignum: miracula rerum
 Haec videt, atque oculis mea mens prope con-
 spicit ipsis.

X 2

Abdi-

(a) Hier. ex Hebr. super me est scientia.

(b) Ita Bellarm. alii aliter.

(c) S. Hier. ex Hebr. prius est me.

- 15 Abdita nulla Tibi nostri sunt corporis ossa,
 Quippe tua compacta manu, cum ventre crearer
 Materno abstrusus, confusaque corporis hujus
 Compagès, variis inter se partibus apta
 Sub genitali arvo, & latebris coalesceret imis.
- 16 Mox imperfectum gravida intra viscera foetum^(a),
 Jam tum vitalique aura, formaque carentem
 Lumina viderunt tua, & omni ex parte notarunt.
 Namque expressa hominum cuncta exemplaria
 mente,
 Non secus ac magno descripta volumine, servas,
 Inque dies quotquot veniunt has lucis in oras,
 Nullus abest.
- 17 Verum quisquis Tibi vivit amicus,
 Illum quantus honor, me iudice, quanta sequetur
 Gloria, quamque potens, & quanto robore firmum
 Imperium sine fine manet!
- 18 Numerare tuorum
 Me juvat ingentem populum; numerare sed illos
 Qui velit, enumeret positas in littore arenas.
 Haec reputans somno excurior; me lumen obortum
 Excitat, & Te pone sequi, Tecum esse, Tibique
 Magne Parens, haerere jubet.
- 19 Si perdere fontes
 Est cœrtum Tibi, si haec animo sententia sedit,
 Ite procul, procul hinc fera corda faceffite, quotquot
 Caedibus, & damnis pascit furiosa libido.
- 20 Prospera vos limis spectantes fata bonorum,
 Haec tacito infani versastis pectore dicta:
 Frustra illi modo florentes, rebusque secundis
 Elati, quascunque, Deus, permiseris urbes
 Obrineant; inde ejectos agitabimus armis

(a) Ita Hebr.

- Perpetuo, nulla passi consistere terra.
- 21 Hos ego, qui Te odiis, Deus, insectantur iniquis;
Nonne odi? nonne exarsit suffusa medullis
Contra hostes gravis ira tuos, animumque peredit?
- 22 Quin illos odio, quo non violentius ullum,
Ultrō aversatus, nullo mihi foedere jungi
Perpetiar, sua quos fecit mihi culpa inimicos.
- 23 Me scrutare, Deus; cordis secreta profundi
Inspice: non oculos devito cuncta tuentes;
In mores inquire meos, mea facta, measque
Curas, & studia, & varios cognosce labores.
- 24 Si quid inest pravum mihi forte, aut si quid iniquum,
Corrige, & obliquo revocans de tramite, recta
Me deduce via, qua aeternas itur ad Arces.

P S A L M U S CXXXIX.

Eripe me, Domine, ab homine malo &c.

- *David vel in persona propria Deum exorat adversus Saulem, ejusque ministros, vel in persona Christi, & Christiani populi adversus Diabolum, ejusque satellites.*
- 2 **E**Ripe me populo, Deus immortalis, iniquo,
Eripe molitis impia coepta viris;
- 3 Qui tacito insidias animo mihi mille pararunt,
Instaurant totos & nova bella dies.
- 4 Ad solem ut serpens, linguas acuere vibrantes,
Utque aspis, labiis atra venena tegunt.

- 5 Me, Deus, e manibus serva, rabieque nocentum,
Subtrahe jactatis in mea damna minis.
- 6 Aggressi ad terram me deturbare superbi,
Mille mihi tectos composuere dolos.
- Fune viam secus extento mihi coeca pararunt
Vincla, parum cautos implicitura pedes.
- 7 Versus ego ad Dominum: Deus es meus; accipe, dixi,
Quas Tibi submisso fundimus ore preces.
- 8 Tu virtus, Tu nostra salus: cum bella calerent,
Texisti nostrum, ceu clypei orbe, caput.
- 9 Ne patere incautum fallat me coeca libido,
Dedar & infestis hostibus ipse volens.
- In me dira parant. Ne Tu me desere, neve
Cladibus exulter gens inimica meis.
- 10 Summa quidem fraudum, queis me circumvenit,
ipsam (a),
Et quibus insanit, verba maligna, prement.
- 11 Desuper undabunt flammæ, capita obruet ignis,
Nec de tot dabitur surgere posse malis.
- 12 Lingua loquax rebus nunquam est fruitura secundis,
Impius ad mortem per mala multa ruet.
- 13 Novi etenim, vindex quondam affore Numen egenis,
Ulturumque inopes, quos mala iniqua premunt.
- 14 Laudabit gens justa tuum, Deus optime, Nomen,
Incolet &, laeta quæ loca fronte beas.

P S A L M U S CXL.

Domine clamavi ad te &c.

Petit ab se arceri peccata, & peccatores :

- **M** Agnis vocavi Te, Deus, clamoribus;
 Audi vocatus supplicem;
 Audi vocatus supplicem, clamoribus
 Quandoque Te vocavero.
- Ut sacri odorum fumi in auras vorticem
 Acerra volvit thurea,
 Ascendat ad Te grata sic precatio
 Ardente fusa pectore;
 Et cum supinas porrigam Caelo manus,
 Jucundum id accidat Tibi,
 Quam suave fumat, quod solemus vespere
 Imponere in aras, Sacrum.
- Ori obde nostro pertinax repagulum,
 Firmumque labris objicem,
- Ne cor meum maligna verba effutiat,
 Vanoque culpas nomine
 Practexat, & se suave blandientibus
 Deliniat mendaciis.
- Cum perditissimis mihi mortalium
 Nunquam sodalitas erit,
 Electa mensis nec gulosis assidens,
 Libabo eorum fercula ^(a).

(a) Hebr. Non comedam cibum voluptatis eorum. S. Hier. Comedi-
 tur delictis eorum. Chald. Convivis.

- 5 Peccavero si quid, misertus corrigit,
 Er increpabit vir bonus;
At verba, quae scelesti adornant, lenia;
 Instarque olivi mollia,
Procul faceessant: tali olivo non feram
 Meum nitere verticem.
- 6 Quin, supplices cum fudero ad Deum preces,
 Orabo id unum scilicet,
Optata eorum ne secundet, gaudia
 Sed criminosa dissipet.
Et jam protervos pravitatis principes,
 Duces, magistros criminum,
Magno gravatos colla saxi pondere
 Mersos profundum absorbuat.
- 7 Quid nostra possint verba, fracti sentient
 Utro fatentes impii;
Sic crassior domatur unco vomere
 Gleba, ac ligone rumpitur.
Sed interim instant; jamque nos fatiscimus
 Fracti malorum pondere,
- 8 Et ossa ruptis dissipata nexibus
 Ad ipsa: Ditis ostia
Solo jacent, futura praeda hiantibus
 Voracis Orci faucibus.
Ad Te, Deus, sed mortis ipso in limine
 Jam pressa, jam natantia
Sub nocte lumina extuli, clemens Deus,
 In Te locavi spem meam.
Ne, quaeso, ne finas meis innoxium
 Membris revelli spiritum.
- 9 A retibus mihi paratis libera
 Pene implicatos jam pedes.

Vide, in salebris prava molientium
Mea ne haereant vestigia.

• Haec culpaē amantes incident in retia,
Seque inscientes induent.

Me at ipse segregabo, ne consortio
Culpaēque, poenaeque implicer;
Donec parata evasero discrimina,
Quae nunc latus circumfident.

PSALMUS CXLI.

Voce mea ad Dominum clamavi &c.

• *Cum fugisset a Saule ad Regem Achis, & ab
hoc quoque male habitus abdidiſſet ſe in ſpe-
luncam Odollam, Deum orat, ut a periculo li-
beretur.*

• **M**EIS Deum clamoribus
Vocavi, & ore ſupplici
Illius implorans fidem,
Rebus rogavi in aſperis.
• Et nunc ab imo pectore
Solus, remotis arbitris,
Effuſa vota ante Illius
Expromo vultus, & mala
Oſtendo, quae me ſauciant,
Et dira pando vulnera,
• Dum vita me jam deficit,
Jam me relinquit ſpiritus.

Sat

- Sat cognitos habes, Deus,
 Mores meos, nec omnia
 Non facta, studiaque omnia.
 Hac innocentiae via
 Cum nil timens incederem,
 Meis latentes gressibus
 Laqueos parat gens impia,
 Vim mox apertam suscitatur;
 5 At solus ipse ad dexteram
 Respecto, si quid auxilij
 Sese offerat; sed undique
 Est solitudo maxima,
 Et nemo fit mihi obviam,
 Qui me vel ore noverit;
 Spes ulla nec patet fugae,
 Et nemo de me cogitat,
 Vita aut laborat de mea.
 6 Ad Te, Deus, quam maximos
 Tunc ejulatus sustuli:
 Tu nostra, dixi, es unica
 Spes, & beata in Patria
 Mihi parata haereditas.
 7 Aures precanti commodas
 Intende; depressus nimis,
 Malisque sum pene obrutus.
 Tanta caterva ab hostium
 Me persequente libera,
 Novis quae adaucta viribus
 Incumbit in cladem meam.
 8 Educ ab hisce me malis,
 Quae me velut durissima
 Clausum tenent custodia.

Jam me opperitur liberum
 Gens justa, dum perennia
 Mihi rependas praemia.

PSALMUS CXLII.

Domine, exaudi orationem meam, auribus &c.

*Persecutionem Absalonis peccati sui poenam esse
 intelligens, ejus veniam poscit, & verae poe-
 nitentiae normam tradit.*

- 1 **H**As, Pater alme, preces, pronis haec excipe vota
 Auribus: hoc fidei, justitiaeque tuae est.
 2 Judicio noli mecum contendere; nemo,
 Qui Te disceper judice, justus erit.
 3 Urget atrox hostis, pugna & congressus iniqua
 Jam toto exanimem corpore stravit humi.
 4 Mox miserum in tenebris, & coeco carcere clausit,
 Ut, quae vitali corpora luce carent.
 Anxia tum quantae laniarunt pectora curae,
 Quantus inundavit turbida corda dolor!
 5 At prisca subiere dies, animoque recurrit
 In nostros pietas illa vetusta patres;
 In mentem rediere tuae facta omnia dextrae,
 Oblatum miseris semper & auxilium.
 6 Ergo animum spe confirmans, Tibi aperta tetendi
 Brachia, consuetam voce precatus opem.
 Aret enim sine Te, sitiens Te spiritus optat,
 Ut pluviam aestivo sydere terra sitit.

7 Sit

- 9 Sit mora nulla; meas, Deus o, precor, accipe voces:
Deficio, atque animam jam moriturus ago.
Neu faciem avertas, similis ne forte nocenti
Sim turbae, Stygii quam rapit unda lacus.
- 10 Pulchra dies properet, qua Te sentire faventem
Incipiam; Est opibus spes mea nixa tuis.
Quam jubeas calcare viam, Tu lumine signa,
O desideriiis meta petita meis.
- 11 Eripe me saevis, quibus urgeor, hostibus: ad Te
Confugio, o nostris portus, & ara malis.
Me servare doce, tua fert quodcunque voluntas;
Tu Deus: arbitrii me decet esse tui.
- 12 Me tuus afflatum Divina Spiritus aura
Ducet, & obliqua non finet ire via.
Ob Nomen revocata tuum mihi vita redibit,
Tanta Tibi in verbis, pollicitisque fides.
- 13 Tanta Tibi pietas, qua me discrimine certo
Educes, hostes disjiciesque meos;
Et qui me cruciant, praesenti hos funere perdes;
Namque ego sum servus, nec piget esse, tuus.

P S A L M U S CXLIII.

Benedictus Dominus Deus meus &c.

Victoria Davidis adversus Goliath, qua significatur Christi, & Ecclesiae victoria adversus Diabolum, ejusque ministros.

- **I**O triumphans, euge potens Deus,
Ad arma nostras qui erudit manus,
Et certa contorquere bello
Tela rudes docuit lacertos!
- Mihi Ille asylum, perfugium mihi
Est Ille, portusque; Ille salus mea,
Munimen, ac tutela praesens,
Inque meis columnen periculis.
Spes omnis ejus praesidio stetit,
Ultro regendam qui mihi tradidit
Gentem meorum, subditamque
Imperiis dedit esse nostris.
- Quid, summe Rector, quidnam homines sumus,
Te nosse nobis ut dederis? genus
Mortale quid totum est, habendum
In numero ut videatur ullo?
- Homo est inani par prope imagini,
Vana intuentes quae specie capit;
Ejusque delabuntur anni,
Ceu volucris fugit umbra lapsu.
- Descende Caelo; caerulei Tibi
Curventur orbis; Culmina montium

- Continge dextra, vorticofum
 Igne voment populante fumum.
- 6 Ruptis coruscans fulgura nubibus
 Terrore mentes concute turgidas;
 Trifulca Te vibrante tela,
 Corda pavor tremefacta sternat.
- 7 Vindex ab alto porridge brachium,
 Meque ingruenti diluvio eripe,
 Ac gentis eductum profanae
 E manibus sine fraude serva;
- 8 Quae vanitatis, fraudis & artifex
 Linguam erudivit fallere callidam;
 Et caedibus suetam, & rapinis
 In facinus rapit omne dextram.
- 9 Quiete parta, tunc ego concinam
 Non usitato carmine Te, Deus;
 Te nostra testudo loquetur
 Docta decem resonare chordis.
- 10 Tu, qui salutem reddere Regibus
 Soles, minantem qui capiti tui
 Davidis ensen depulisti,
 Subtrahe nunc iterum periclo;
- 11 Gentis profanae me eripe faucibus,
 Lingua eruditae fallere callida,
 Et fraudibus sueta, & rapinis
 In facinus ruere omne dextra.
 Nunc illa fortunae exilit ebria
 Favore:
- 12 Lecti dulcia pignora
 Florente pubescunt juventa,
 Germina ceu fruticant novella.
 Puella comptis crinibus auream
 Induta pallam Sidonio nitet

Speſtanda in oſtro, ceu renident
Templa die decorata feſto;

- “ Differta largis horrea frugibus
Rumpuntur, auctas nec capiunt opes;
Majora poſcunt, ampliora
Mox alia, atque alia extruuntur.
Foetura ſupplet lanigeros greges,
Inire quorum vix numerum queas,
Cum paſtor egreſſos ovili
Pascua ſecum in opima ducit.

- “ Armenta vaſto pingua corpore
Errant per agros; non paries timet
Firmus ruinam, nec rapaci
Dat faciles aditus latroni.
Non illa clamor per fora bellicus
Auditur; alto cuncta ſilentio
Pacata late conquieſcunt,
Omnia laeta, timorque nullus.

- “ Cui tanta genti contigerint bona,
Dicunt beatam; at fallit opinio:
Ille eſt beatus, cui bonorum
Summa Deus, Deus omnia unus.

P S A L M U S CXLIV.

... Exaltabo te, Deus meus rex &c.

Landatio Dei.

- 1 **T**E, Deus, audaci, Te, Rex Altissime, tollam
 Carmine, cuncta tuum celebrabo in saecula
 Nomen;
- 2 Nulla tua, quaecunque fluet, lux laude vacabit,
 Tempora nulla tuo signata, haud Nomine current,
 Dum se perperuos devolvent saecula in orbes.
- 3 Magnus enim Deus est, laude & dignissimus omni,
 Nec Majestatis modus est, mensuraque tantae.
- 4 Proin homines, quotquot vel sunt, vel deinde
 sequentur,
 Vel geniti quondam surgent volventibus annis,
 Facta tua, & quantis manifesta potentia rebus
 Extiterit, multa semper cum laude loquentur.
- 5 Narrabunt, quam sancta tuae quamque inclyta
 dextrae
 Sint opera, ut miris niteat tua gloria signis;
- 6 Tum quam terribilis, quam sis virtute timendus
 Hostibus, & quanto tua turbine saeviat ira.
- 7 Mox etiam pietate tua, & dulcedine mira
 Perfusi, pleno gratas e pectore voces
 Erumpent, memoresque aevo tua dona relinquent
 Perpetuo testata; Tuis constanria dictis,
 Promissisque fides, quae sit custodia recti,
 Omnia

Omnia vulgabunt, & cantu gaudia prodent.

8 Quippe bonus, mitisque Deus, patiensque, piusque;
Omnibus & suavis;

9 Sed enim clementia cunctis
Egregie nitet in factis, atque omnia vincit.

10 Te tua, summe Pater, laudent ingentia gesta,
Teque canat, laudesque tuas gens cuncta piorum.

11 Gloria quanta tui sit, quanta potentia regni,

12 Omnibus hi pandent populis, quo summa potestas,
Qua Tu cuncta regis, sit nulli ignota, tuique
Imperii discant omnes decora inclyta gentes.

13 Cuncta tuum sese extendit per saecula regnum,
Dumque hominum semper sibi succedentia surgent
Semina, jura dabis toto dominatus in orbe.

Quam verax Deus est! Cunctis quae pondera verbis!
Quanta fides! Cunctis quae porro, quantaque factis
Integritas, foedae probitas & nescia labis!

14 Ille suos firmatque manu, fulcitque labantes,
Ille solo elisos, opis ac virtutis egentes
Erigit.

15 Hinc cunctorum oculi, Rex optime, solum
Te spectant; abs Te auxilium, pacemque petentes.
Pabula munificus cunctis Tu tempore praebes
Opportuna suo;

16 Laxas in opima benignas
Dona manus, plenumque tuo genus omne animantium
Munere, abesse nihil sentit, quod vita requirat.
Quidquid mente Deus gerat, & quodcunque capeßat
Consilium; justi numeris est omnibus auctum,

17 Quidquid agat, sanctum est, & nulla labe notandum.

18 Si quis eum ex animo supplex in vota vocarit,
Protinus Ille vocatus adest, & vota secundat;

- Si quis eum veritus caste colat, Ille libenter
 Annuet optanti, prece & exorabilis omni
 Cuncta dabit, quaecunque petet, cunctisque periculis
 Ereptum, certa tribuet gaudere salute;
 Ipse suis aderit dubio in discrimine custos,
 At perdet male peccantes, & obesse vetabit.
 Hoc mihi carmen erit; Tanti plena ora resolvam
 Numinis in laudes, respondens affonnet, aura
 Quidquid vitali fruitur, Nomenque verendum
 Perque omnes ferat aetates, perque omnia saecula.
-

PSALMUS CXLV.

Lauda, anima mea, Dominum &c.

- Praedicat renovationem Hierusalem post Babyloniam captivitatem, suadens, ne quis in hominibus spem ponat, sed in Deo.*

- D**ic Deo laudes, anime: Ille totos
 Est mihi vitae celebrandus annos;
 Quamdiu hic degam, Dominum canoro

Pectine dicam.

- Principum nullam fragili in favore
 Spem, vel humanis opibus locetis:
 Nulla mortali bene spes salutis

Creditur unquam.

- Mors ubi nexus animae reveller,
 Frigidus fient resoluta pulvis
 Membra, tunc omnes fugient inani

Pectore curae.

- 1 Quem Deus Jacob regit, ille felix;
Ille, cui spes est Deus una, Caeli
6 Conditor, terraeque, marisque, & omni
Quicquid in orbe est,
7 Qui rata aeternum sua dicta servat,
Damna qui passos recreat, fovetque,
Qui fame fessos reficit parata
Providus esca;
8 Ipse captivis sua vincla solvit,
Dat diem coecis reducem tueri,
Erigit fractos, patriumque justis
Praestat amorem;
9 Advena est ipsi, profugusque curae,
Ipse pupilli, viduaeque duram
Suscipit causam, scelerumque pravas
Dissipat artes.
10 Ipse regnabit redeunte semper
Orbe saeculorum; Tuus ille, Sion
Alma, regnabit Deus ad remotos
Usque nepotes.

P S A L M U S CXLVI.

Laudate Dominum, quoniam bonus &c.

*Hortatio ad laudandum Deum, tum ob alia,
tum praesertim ob restitutam Hierusalem, in
cujus aedificatione Ecclesia intelligitur.*

- 1 **L**audate Regem Caelitum: tales decet
Cantus clementem psallere;
Jucunda sit, tantoque digna Nomine
Nostro Deo laudatio.
- 2 Ille excitabit subrutae Hierusalem
Caelo inferenda moenia;
Et Israelis dissipatas undique
Partes in unum colliget.
- 3 Ille admoveat fomenta corde sauciis;
Circumligatque vulnera;
- 4 Caelo recenset Ille sparsa sydera,
Et cuncta signat nomine.
- 5 Est magnus Ipse, magna virtus Ipsius;
Nec est modus sapientiae.
- 6 Mites recepit mitis, at tumidum scelus
Dejecit afflictum solo.
- 7 Hunc personate laudibus; nostro Deo
Pulsate vocales fides;
- 8 Qui condit attris omne caelum nubibus,
Imbresque terris dejecit,
Qui vestit herbis celsa montium juga,
Olusque fert mortalibus;

- 9 Jumenta latis, qui vagata pascuis
Virente nutrit gramine;
Implumibusque corvis se invocantibus
Petita praebet pabula.
- 10 At non equorum fortitudo, & insolens
Deo placet ferocia;
Suis nec homines viribus fisci nimis,
Pernicibusque cruribus;
- 11 Sed qui verentur mente dejecta Deum,
Quique Ejus indulgentia
Freti, Deo res, spesque concedunt suas,
Hos Ille solos diligit.

P S A L M U S CXLVII.

Lauda Hierusalem Dominum &c.

Qui apud Hebraeos est continuatio superioris.

*Laudat Deum ob beneficia populo suo praestita,
quae perfectius Christianae Ecclesiae conveniunt.*

- 11 **R**egalis Urbs Hierusalem,
Deum celebra laudibus
Tuum, Sionis Civitas,
Laudare ne cessa Deum.
- 12 Novo Ille te munimine,
Novoque sepsit robore,
Firmisque portarum seris
Vectes ahenos obdidit,
Multoque dices munere

Y 3

Tuos

Tuos beavit filios;

- 14 Tuisque jussit auream
Regnare pacem finibus,
Et laeta fluctuantibus
Foecundat arva messibus.

- 15 Sua Ille verba in ultimas
Emittit oras: Illico
Terras per omnes evolat
Divina vox pernicibus
Subvecta pennis, & sua
Virtute complet omnia.

- 16 Ut alba lanae vellera,
Nunc candidas spargit nives,
Nunc instar atri pulveris,
Nebulas volucres aere
Effundit, aut argentibus (a)
Agros pruinis excoquit.

- 17 Nunc unda conerescit gelu
Astricta, ducta in laminas
Glacies rigescit frigore,
Buccella tamquam scetilis.
Heu quanta vis est frigoris!
Vim ferre quis tantam queat?

- 18 Verbum Deus sed efficax
Emittit ore, ac protinus
Nives, pruinas, & gelu
Calore solvit igneo...
Spirabit Auster humidus
Ipso jubente, & candidis
Gelu nivale montibus
Liquefcet, inde flumina
Aquis adaucta defluent.

(a) S. Hier. pro nebulam, vertit ex Hebraeo pruinam.

- 9 Haec caeteris; Sed unice
 Dilecti Jacob posteris
 Sua Ipse verba nunciat;
 Sua Israelis filiis
 Praecepta, suaeque foedera,
 Suasque leges tradidit.
- 10 Non omnibus tot praestitit,
 Nec tanta nationibus;
 Suaeque mentis abdita
 Illis patere noluit.

P S A L M U S CXLVIII.

Laudate Dominum de Caelis &c.

Invitat res creatas ad Deum laudandum.

- 1 **L** Audibus omne sonet Caelum, Supera ardua
 laudes
 Dei canoris personent concentibus;
- 2 Caelicolæ in laudes ora immortalia solvant,
 Deumque laudet cuncta Virtutum cohors;
- 3 Sol Illum radiis, & Luna loquacibus, Illum
 Stellaeque, Caeli & cuncta laudent lumina.
- 4 Supremique orbes, supremisque orbibus undae
 Supernatantes Nomen ingens praedicent;
- 5 Cuncta Deum laudent: Ejus sunt condita voce
 Cuncta: Ipse jussit, exiteret & omnia.
- 6 Perpetua haec statuit, semperque integra manere;
 Nec constitutum praeteribunt ordinem.
- 7 Laudibus hinc tellus resonet, tum grandia cetera,
 Tum nant profundo monstra quotquot gurgite;

- 9 Ignis, grando, nives, glacies, ventique furentes;
 Quae intentra dictis omnia apparent Deo.
 10 Tum montes, collesque humiles, plantaeque feraces,
 Saltusque agrestes, saltuumque honor, cedri;
 11 Tum pecudes, omnesque ferae, & quae corporavolvunt,
 Pennis & auras quae secant volucribus;
 12 Tum Reges, populique omnes, omnesque tyranni,
 Terrisque quotquot jura dicunt iudices;
 13 Impubesque simul pueri, innuptaeque puellae,
 Senesque misti juniorum coetibus,
 Divinum laudent concordi carmine Nomen,
 Sublime, celsum, cuncta vincens nomina.
 14 Laudibus Illius Caelum, tellusque resulter,
 Suam qui ad astra gentem gloria extulit.
 15 Hymnis ergo decet coetum indulgere piorum,
 Stirpem Israelis, proximum Deo genus.

PSALMUS CXLIX.

Cantate Domino canticum novum, laus &c.

Praeviciens humani generis liberationem, & Ecclesiae Christianae victorias, ac praesertim eam, quam sancti in judicio de tyrannis, & improbis referent, bonos hortatur, ut Deo gratias agant; atque haec sub imagine triumphorum, quos Israelitae de hostibus reportarunt, adumbrat.

- 1 **I**Nsuetum Domino dic age canticum,
 Gens addicta Deo; Namque pios decet
 Conventus animis rite faventibus
 Illum tollere laudibus.

- 2 Jacobi soboles laetitia fremat,
Vitae concelebrans Artificem suae,
Sionisque agitent gaudia filii
Regis prae studio sui.
- 3 Ejus vociferans ingeminet chorus
Nomen, quo reboent concava tympana,
Cui deinde ad numerum cum fidibus decem
Concors barbitos affonet.
- 4 Semper de populo sollicitus suo
Hunc praesente Deus Numine protegit;
Mansuetisque viris & decus, & simul
Vitae praesidium afferet.
- 5 Ergo perpetua Gens Pia gloria
Exultans, patriis laeta ager aedibus,
- 6 Plenoque unanimes gutture concinent
Causam laetitiae Deum;
Iidemque ancipites vindice dextera
- 7 Stringentes gladios, exitium impiis
Indicent populis, diraque gentium
In se facta redarguent.
- 8 Captis injicient vincula regibus,
Et multa proceres compede vincient,
Jussos judicio sistere se suo,
- 9 Et
Causam dicere criminum;
Decreta in tabulis scripta adamantinis
Nulla in perpetuum saecula deleant.
Haec Sanctos homines gloria, & hoc manet
Electum populum decus.

PSALMUS CL.

Laudate Dominum in Sanctis Ejus &c.

Populum Dei invitat ad Ejus laudes canendas.

- 1 **L**audate Sancta in sede ter Sanctum Deum,
 Sydereaque domo,
 Virtute quam firmat sua;
 2 **L**audate miram Numinis potentiam,
 Quaque nihil melius,
 Majusve, magnitudinem.
 3 **D**ei tubae clangore laudes dicite,
 Sive decem fidibus,
 Sive amplius juvet lyra,
 4 **V**el tympano, chordisve mollioribus,
 Multisonove choro,
 Altum strepente aut organo;
 5 **D**eum sonora voce laeta cymbala,
 Laude Deum celebret,
 6 **Q**uicunque ducit spiritum.

FINIS PSALMORUM.

CANTICA

UTRIUSQUE TESTAMENTI

QUAE IN ECCLESIASTICIS OFFICIIS
USURPARI SOLENT.

... ..

... ..

... ..

... ..

... ..

... ..

... ..

... ..

... ..

CANTICUM MOSIS

1. ex Exod. C. 15.

Cantemus Domino &c.

Post mare rubrum transmissum, Aegyptiosque cum Pharaone demersos, Moses hoc cecinit Epinicium, populumque edocuit, in quo factum magnifice describit, Deo gratias agit, & Israelitarum ingressum praedicat in Terram promissam, gentibus, quae se opponerent, expugnatis; Quae ad hominum liberationem per Christum accommodari solent.

1. **D**eum canamus: Grandia protulit
Interminatae signa potentiae;
Vastoque dejectos profundo
Victor equos, equitesque merfit.
2. Deus mihi armorum instar, & agminis,
Deus triumphi dulce decus mei;
Illoque sustentante fulta
Nostra salus stetit, atque vita.
Mihi Ille solus semper erit Deus,
Solumque semper laudibus efferam:
Pater colebat; nunc paternae
Ipse colam pietatis haeres.
3. Invictus ut bellator, & impares
Aggressus hostes, omnipotens Deus

Viro-

- 1 Viroſque, quadrigaſque ſparſit
 Aequoreis Pharaonis undis.
 Rubro naravit naufraga gurgite
 Electa pubes;
 2 Obruta fluctibus
 Descendit in fundum, pereſo
 Fragmen uti ſcopulo revuſum.
 3 Fortem probavit ſe tua Dextera;
 Deus, tua hoſtem Dextera perculit;
 4 Diaque majeſtate vultus
 Exanimes jacuere turmae.
 Erumpit ardens ira, & edacibus
 Correpta flammis agmina devorat,
 Immiſſus arenem per agros
 Ceu ſtipulam populatur ignis.
 5 Proſas furentem pectore ſpiritum,
 Tum fluctus alto ſe aggerat aequore
 Immotus, aſurgitque magno
 Unda ſtupens glomerata monte.
 6 Adurget hoſtis: Perſequar, inquiens,
 Captos reducam; Tum ſpoliis gravis
 Revertar, & partis fruatur
 Divitiis ſatiatus ardor;
 Nudabo fidum, quod male comprimis
 Vagina ferrum, ſanguinis improbi
 Hauſtu rigandum, decolorque
 Caede ſolum miſera natabit.
 7 Tuus fiat atro turbine ſpiritus,
 En pontus illos obruit, en vadis
 Repente deſidunt profundis;
 Sicut iners gravitate plumbum;
 8 Virtute ſeſe quis Tibi conferat?
 Tu Sanctus aequae ac magnificus, ſimul

Laudatis, atque idem timeris,
Nilque facis, nisi mira semper.

11 Vix Ipse dextram quippe retenderas,
Jamque aequor hostes hauserat:

12 At tuis

Dux exitisti, quos levaras.

Niliacis miserans catenis.

Mox & lacertis impositos tuis

Casus tulisti per varios viae

Ad arva promissa, & daturas

Tecta plagas Tibi dedicanda.

13 Contra irruerunt, quas furor exciit

Ad arma, gentes, indoluit fremens

Quisquis Philistaeos aratro

Vertit agros, & amoena rura;

14 Flos ipse Idumes territus adstitit,

Valensque membris intremuit Moab,

Visuque consternatus ipso

Diriguit Cananaeus acer.

15 At obstupefcant attoniti metu,

Tremens per artus insinuet pavor,

Dum turbine ingenti rotatum

Circumagit tua dextra ferrum;

Ut dura rupes, aut gelidus silex,

Immobiles stent, dum tua transeat

Haec turba sospes, quam perenni

Mancipio Tibi comparasti.

16 Tuo illa ductu scandet in ardua

(a) Tibi sacrati montis, ubi altius

Radicibus fixis, tenebit,

Quos proprios dederis, receptus.

Edi-

Educta in auras sacra Tibi Domus

Hic surget, artis nobile opus tuæ;

Hic templa, mansuramque molem

Ipse tuis manibus locabis.

18 Nam firma, nullis moraque casibus

Aeternitatem Numen in ultimam,

Aeternitatem & siquid ultra

Esse potest, sua regna profert.

19 Bene est: In altum se Pharaó dedit,

Mistique currus, atque equitum greges,

Deoque suspensi movente

In capita insiliere fluctus.

At Israelis per medias aquas

Felix propago carpsit iter datum,

Siccoque transivit profundo,

Dante viam, ac fugiente ponto.

CANTICUM MOSIS

II. ex Deuter. C. 32.

Audite , Caeli &c.

Moses morti proximus, praevidensque populum a Deo defecturum, & in Idololatriam prolapsurum, hoc ei Canticum tradidit ediscendum, in quo praemissis Dei laudibus, in ingratos Hebraeos invehitur, poenas minatur, Divinam demum misericordiam pollicetur.

- **C**Aelestes audite orbes, haec verba loquentis,
 • Audiat & tellus, intentasque arrigat aures;
 • Quaeque damus, documenta animis, & sensibus imis
 Indita concrecant, veluti dispersa per auras
 • Concrecant pluvia e guttis collecta minutis;
 Et nostrum fluat eloquium, atque aspergine mentes
 • Leniter irroret, ceu terram roscidus humor,
 Imber agros, tenues pubentia gramina guttae;
 • Quippe Deus mihi carmen erit; Nomenque vo-
 cabo
 Sanctum, augustum, ingens; Haec nostri exordia
 cantus;
 • Vosque adeo, quicunque estis, celebrate potentem
 Voce Deum, nostri decora inclyta tollite Regis.
 • Omnia sunt, quaecunque facit, perfecta, suisque
 Et numeris, modulisque, & pondere consummata;

- - -

Z

Con-

- Confilia & quaecunque capit, sapiente reguntur
 Omnia iudicio; cunctis stat maxima dictis,
 Promissisque fides, & iniquae nescia fraudis;
 5 Jus Illi, rectumque placet: Tamen impia proles
 Astrictam fregitque fidem, laesitque Parentem
 Degener; & multo sordescens crimine, Patris
 Dulce recusavit nomen, sibi maluit hostem.
 Impia progenies, nec tanto digna Parente,
 6 Haecine pro meritis Domino malesana rependis?
 Haecne refers grates? Annon Pater Ille, tuusque
 Est Dominus, qui te primo possedit ab orru,
 Teque adeo genuit, superasque eduxit in auras?
 7 In mentem veterum redeant exempla dierum,
 Quaslibet aetates relege, ac genus omne tuorum;
 Percontare patrem, Deus & quae fecerit, ille
 Narrabit; res a proavis scitare vetustas;
 Illi etiam Domini memorabunt gesta faventis.
 8 Jam cum cum gentes varias dimisit in oras,
 Primaevamque patris sobolem divisit Adami;
 Frugiferam certo partitus limite terram,
 In tot distribuit partes, quot nomina gentis.
 Isaciae, & domini post tempora longa futuri;
 9 Ipse autem populum sibi legit ab omnibus unum,
 Unaque Jacobi placuit, quam jure teneret,
 Progenies, hanc Ille unam sibi vendicat haeres.
 10 Desertas inter terras, atque horrida tesqua
 Repperit hanc sola passim regione vagantem:
 Dux illi fuit Ipse viae, desertaque circum
 Per loca deduxit, temereque incerta sequentem
 Lege sua erudiit; Custos discrimine in omni
 Adfuit, ut vigili servatur pupula cura.
 11 Ceu volucrum regina rudes pubente juvena

Edu-

Educit nido pullos, timidosque, nec ausos
 Credere se pennis, primos tentare volatus
 Edocet, & super ipsa volat, fulcitque, regitque,
 Haud secus expandit magnas Pater optimus alas,
 Et populum texit pavitantem, ac cuncta timentem,
 Gestavitque humeris, tutaque in sede locavit.

11 Dux illi Deus unus erat, peregrina nec usquam
 Numina;

12 Tum demum pulcris in montibus illum
 Constituit, pinguemque solo dedit ubere terram,
 Ut laetas meteret segetes felicibus arvis,
 Sugeret & venis silicum stillantia mella,
 Atque oleum duri manans e viscere saxi.

13 Pingua praebebant non parcum armenta butyrum,
 Lac tenerae pecudes, & raptos matribus agnos,
 Lanigerique duces gregis inter ditia cretos
 Pascua Basani, junctos grave olentibus hircis.
 Tum vescam frumenta dabant electa medullam,
 Uva dabat succum, secreta faece, meracum;

14 Dilectus nimis at populus pinguedine multa
 Luxurians, crassoque cutem distentus onaso,
 Indomitus veluti sonipes, largaque sagina
 Exultans, lateri calces impingit herili,
 Sic ille arrepta in Dominum cervice reluctans
 Calcitrat, ac froenos, atque indignatur habenas,
 Auctoremque suum, defensoremque salutis
 Deferit, infidusque alio se transfuga vertit.

15 Extera sectantes falsorum monstra Deorum
 Nil metuunt justas accendere Numinis iras
 Ritibus infandis;

16 Furiis pallentis Averni
 Aras constituunt, ignorisque impia Divis

Sacra ferunt, patrio, veroque negata Tonanti;
 Huic nova succedunt, aevoque insueta priori
 Numina, quae prisca nunquam coluere parentes.
 18 Gens scelerata, Deum, cujus de munere vivis,
 Linquere, & oblito potuisti pectore Patrem,
 Artificemque abolere tuum?

19 Prospexit ab alto
 Haec Deus, & justos concepit mente furores,
 Quod nati immemores, ingrataque pignora, natae
 Talia sint ausi, rupitque has pectore voces:
 20 Hos ego pacato non, ut prius, ore tuebor
 Praeterea, faciemque, aversaque lumina condam.
 Quin ubi summa dies, & ineluctabile tempus
 Venerit, aerumnas, & fata novissima gentis
 Immotis spectabo oculis: Perversa propago
 Hoc meret, inque pium minus officiosa parentem.
 21 Illi commentis mecum contendere Divis,
 Aemulaque incestis sunt ausi altaria flammis,
 Impurisque adolere sacris: Contendere contra
 Ipse quoque aggrediar, populumque aliena securum
 Accersam, & stulta se religione ferentem,
 Adjungamque mihi, meaque ultro ad sacra vocabo,
 Quo rabies illorum animos, visque aemula pungat.
 22 Ardet enim, penitusque imas flammata medullas
 Ira mihi exurit; vindex furit ignis, & illos
 Corripit, insequiturque, & tergo cominus instat,
 Donec ad infernas sedes, noctemque profundam
 Detrudar miseros, totos depascat & artus.
 Serpet flamma sequax, virides populaeque campos
 Germina comburet, montes mox rursus in altos
 Evadens, simul & stirpes, sylvasque vorabit,
 Ejectans imis saxa eruta fundamentis.

- 23 Diluviem immensam, tempestatemque malorum
 Illorum capiti invergam, densasque sagittas
 Injiciens, gravis promam omnia tela pharetra;
 24 Exanimata fame, passimque inhumata jacebunt
 Corpora, vulturibus, dirisque volucris esca;
 Saltibus erumpent tacitis, & opaca relinquent
 Lustra ferae, rabiemque acuent, dentesque cruentos
 Artubus infigent; reptantia monstra coibunt
 In morsus, spiris sinuati ingentibus angues
 Corpora convolvent, spargentque in vulnera virus.
 25 Nulla salus usquam; Gladiis immanibus hostis
 Moenibus instabit, clademque minabitur urbi,
 Turbabit clausos pavor intra moenia cives;
 Procumbent juvenesque simul, castaeque puellae,
 Et senibus misti infantes, non debilis illis
 Aetas profuerit, non his custodia marmorum.
 26 Tunc, ubi sunt? dicam; neque enim vestigia tanto
 Ex populo superesse sinam; fama ipsa peribit,
 Infandumque aeterna prement oblivio nomen.
 27 His adeo mora nulla foret; Differre merentum
 Sed poenas ardens animis hostilibus ira
 Suadet adhuc, tanta exultans ne se effera: hostis
 Clade super, dicatque: Potens haec omnia fecit
 Nostra manus, nec enim Dominus.
 28 Gens stulta, carensque
 Consilio incassum vano se nomine jactat.
 29 O utinam saperent tandem, ac mortalia iusto
 Pondere librarent, & fata novissima rerum
 Prospicerent, qualique vices sese ordine volvant;
 30 Qui fiat, vel mille viros non amplius unus
 Ut premat, utque duo vel millia dena repellant!
 Nonne ideo, a se distractos quod tradidit hosti
 Hos Deus, & manibus captos permisit iniquis?

- 11 Non, velut imbelles, Illorum Numina, Divi,
 Sic noster Deus est: Ipsi pro testibus adsint
 Perculsi toties memorandis cladibus hostes.
 Nunc pingues foecunda ferunt vineta racemos,
 Et laeto illorum frondescunt palmitum colles:
 12 Talia florebant Sodomis felicia quondam,
 Inque suburbanis foedae vineta Gomorrhæ;
 At mox deciduis perierunt obruta flammis.
 Quæ sic arboribus pendent sublimibus uvæ,
 Felle tument, gravidos absinthia tetra racemos
 Inficiunt, faucesque gravis tentabit amaror;
 13 Et quæ de plenis fervent undantia labris
 Vina, venenato spumant liventia succo,
 Serpentum & dira sanie; taboque draconum
 Lethifero, membris quod nulla abigatur ab arte.
 14 An non hæc, Deus inquit, ego mala condita servo
 Me penes, has mea signatas aeraria clades
 Non condunt, opportuno quas tempore promam?
 15 Est punire meum, ac sceleratas sumere poenas;
 Et sumam, cum tempus erit; damnata ruinam
 Gens trahet, & vasto procumbet perdita casu.
 16 Jamque dies fatalis adest, jam tristitia cursum
 Tempora festinant; Jam disceptare fuorum
 Ipse Deus causam properat: Miserabitur aegros
 Antiquo tandem mentem labefactus amore,
 Cum cernet lassasque manus, & cassa vigore
 Brachia, cum fractos clausa intra moenia cives
 Ultima perpeffos jam defecisse videbit,
 Ac, si qui fuerant reliqui, quæis parceret ensis,
 Hos periisse fame, & diuturna tabe peresos.
 Ast ubi jamdudum nostro saturata cruore
 In populos ultor vertet sua tela profanos:

- 37 Nunc ubi sunt, dicet, quos religione solebant
 Tam sancta colere, & queis tantum fidere, Divi?
 38 Quorum costa sacris mandebant viscera flammis,
 Semiustumque adipem, plenisque liquentia vina
 Libabant pateris? Surgant nunc denique, vobis
 Auxiliumque ferant, nunc denique rebus in arctis
 Subveniant, vosque in tanto discrimine servant.
 39 Discite Me solum Caelo regnare tonantem,
 Nunc tandem, & nullum, Me praeter, Numen
 habendum.
- Cum liber, e medio raptos sub Tartara mitto,
 Cum liber, extinctos rursus voco lucis in auras,
 Vulneraque infligo, & quae feci, vulnera sano,
 Fasque manus nulli nostras evadere.
- 40 Juro
 Nunc adeo, attollens duplices ad sydera palmas,
 Nostrum testatus Numen, vitamque perennem,
 Qua fruor, aeternumque fruam:
- 41 Si fulguris instar,
 Fulmineum exacuam gladium, si debita fonti
 Judicia exercere velim, tunc digna rependam
 Hostibus, atque odiis qui me immortalibus urgent,
 Praemia persolvam.
- 42 Tunc sanguine tela rubescunt
 Ebrja, tunc carnes discerpet, & hauriet ensis
 Invisas, largumque bibet de caede cruorem,
 Captivosque alios inimica in vincula dedam
 Gestantes rigidas rafa cervice catenas.
- 43 Ne, gentes, inflat animos, verique Tonantis
 Cultores laudate pios. Patietur inultos
 Haud longum Ille suos; Effusi sanguinis ultro
 Mox aderit vindex, poenas & ab hoste reposcet,
 Praesentique teget sacras sibi Numine terras.

CANTICUM ANNAE

Ex I. Reg. C. 3.

Exultavit cor meum &c.

Anna Elcanae uxor, post longam sterilitatem, in qua a Phenenna, altera uxore, multas injurias perpeffa fuerat, cum voto ad Deum facto Samuelem peperisset, carmen hoc Eucharisticum cecinit, in quo Deo gratias agit, Phenennae aemulae sterili effectae insultat, atque in sua fecunditate Ecclesiae propagationem, in Phenennae sterilitate Synagogae reprobationem praesignat.

- M**agno triumphant corda nostra gaudio,
 Deus mihi auctor gaudii.
 Meum levavit Ille ad astra verticem
 Huc usque demissum solo.
 Nunc ora laxat, provocarque ultro aemulos
 Liberrima indignatio.
 Per Te, Deus, pudore omisso, gaudeo,
 Parta & salute glorior.
 Non sanctitate quisque vel sanctissimus
 Conferre se audeat Deo.
 Te praeter unum, nullus est usquam Deus,
 Qui ubique solus imperas.
 Tecum queat nec quisque vel fortissimus
 Certare fortitudine.

3 Cave-

- 3 Cavete, magna praedicetis, grandibus
 Altum strepentes vocibus;
 Tandem loquelis temperate inanibus,
 Quas venditastis hactenus.
 Namque omnis auctor est Deus scientiae,
 Scit Ipse solus omnia;
 Et, provida quaecunque mente cogitat,
 Recto administrat ordine.
- 4 Arcus lacertis tela quondam fortibus,
 Jaculatus, en torpet situ;
 Et viribus defecta quondam brachia,
 Novo invalescunt robore.
- 5 Pro comparandis se locarunt panibus
 Prius saginati affatim;
 Fameque membra qui trahebant languida,
 Pleni affluente sunt cibo;
 Carebat infoecunda quae jam liberis,
 Enixa nunc est plurimos;
 Multaque prole quae superba inceserat,
 Moerens, & orba nunc gemit.
 Adversa, cum libebit, adducet Deus,
 Et mox reducet prospera;
- 6 Ad ipsa trudit pene Mortis limina,
 Rursusque in auras evocat.
- 7 Depauperat, ditatque, ad ima deprimit,
 Ad summa rursus evehit.
- 8 Squalenti egentem sublevat de pulvere,
 Fimoque turpi pauperem,
 Ut principum receptus in consortium
 In sede celsa fulgeat.
- Utrumque terrae cardinem Deus tenet,
 Quo versat orbis machinam.

- 9 Deus piorum fulciet vestigia,
 Solos relinquet impios,
 Qui se tenebris occultent, silentio
 Merfi, pudoris indice.
Non fortitudo proderit cuiquam sua;
 Si laevus obsistat Deus;
10 Hostesque fractos gelidus incesset timor,
 Ubi Ille, ruptis nubibus,
Caelum ciebit murmure horrendo tonans
 Capita super ferocia;
Cunctisque late jura dicet gentibus
 Fines ad orbis ultimos;
Suoque Regi maximum imperium dabit,
 Quod meta nulla terminet;
Sacroque olivo delibutum tempora
 Ad astra tollet gloria.

CANTICUM ISAIAE

Isa. C. 12.

Confitebor tibi, Domine &c.

*Cum Isaias venturum Messiam praedixisset, Eju-
sque dotes, ac pacatum regnum descripsisset,
Judaeorum a captivitate dispersorum restitutio-
nem, gentium contritionem, utrorumque ad
Deum conversionem praenunciasset, hoc Canticum
communis Servatoris beneficia praedicat.*

1. **T**E, clemens, memori carmine concinam,
Regnator Superum, quod merito meis
Iratu vitiis, jam posita modum
Ira, tot statuas malis.
2. Vindex ecce meus jam Deus advenit;
Jam fidens animi nil metuum mali;
Virtus Ille mea est, & mea gloria,
Ille est una mihi salus.
3. Jam non de riguis quaerite fontibus
Eductos latices; Aetherei scatent
Fontes, unde salus, vitaeque profluit:
Haurite has hilares aquas.
4. Illa haec una die vox erit omnibus:
Laudes munifico solvite Numini,
Et Nomen precibus ter venerabile
Implorate frequentibus.
- San-

Sanctaeque in populos spargite diffitos
Mentis consilia huc usque recondita;
Vulgate & memores, Nominis inclyti

Quam celsum emineat decus.

Divinum Domino dicite canticum,
Factis magnificus qui patuit suis,
Qua lustratque plagas sol habitabiles,
Facta ingentia pandite.

At Tu prae reliquis gaudia concipe,
Fortunata Sion, laudibus & vaca;
Nam muris medius constitit in tuis
Ter Sanctus Deus Israel.

CANTICUM EZECHIAE

Ex Isai. C. 38. v. 10.

Ego dixi in dimidio &c.

Ezechias Rex Juda anno aetatis 39. Regni 14. victo Sennacherib, cum ad mortem aegrotasset, & salutem a Deo, vitaeque annos 15. impetrasset; hoc Canticum composuit, in quo primum se aegrotantem describit, ac de mortis immaturitate conquerentem, cum praesertim filiis caveret, deinde Deo pro restituta salute gratias agit.

CUm mea lethifero languerent corpora morbo,
Nec mihi vivendi spes foret ulla super:
Ergone, dum mediae nentur mihi stamina vitae,
Tartareas, dixi, cogor adire domos?

Qui reliqui fuerant, incassum optavimus annos;
Mors immaturos rumpit acerba dies.

- 11 Non ultra vivos inter sacra limina visam,
Conspiciusque sua qui sedit aede, Deum.
Non ultra dulces cernam, mea gaudia, cives,
Quos patrios intra pax beat alma lares.
- 12 Me geniti restant nec post mea funera nati;
Mecum una tota est nostra sepulta Domus.
Complicat excedens propere ut tentoria pastor,
Sic mea jam ad metam stirps cito rapta venit.
Non secus, exorsae quam si subtemina telae
Textor, & inceptum forfice rumpat opus,
Ante diem nostrae scinduntur stamina vitae,
Stamina fatali vix bene juncta iugo.
Vix primos vidi Phoebaeae lampadis ortus,
Obscurante polum vespere, nullus ero.
- 13 Ast ego, producta longa inter taedia nocte,
Sperabam exorta gaudia prima die.
Sed, velut arreptos leo si discerpsit artus,
Sic mea lethalis contudit ossa lues.
Tum sensi, lucem mihi diluxisse supremam,
Jamque mea aeterna lumina nocte premi.
- 14 Vociferans, rauco ceu pullus hirundinis ore
Ingemui, aut qualis moesta columba gemit;
Jamque oculis acies fessis defecit, in altum
Lumina dum tendo fixa, precatus opem.
Usuram repetens Mors instat acerba, diemque
Dura negat: Deus o, Tu mihi sponsor ades.
- 15 Sed quos det praedes, aut quae vadimonia sistat,
Causa sit interitus cum Deus ipse mei?
Aversum ut flectam, fletu male facta piabo,
Praeteritos reCOLens corde gemente dies.

- 16 Si variant sic fata vices, hic terminus haeret,
Vitaque si tali lege trahenda mihi est,
Qui mea sublimi nunc caedis terga flagello,
Sorte dabis forsan prosperiore frui.
- 17 Interea, quo plus doleam, post bella peracta
Acrior en pacem turbat amarities.
At Tu jam precibus cedis, reddisque salutem,
Meque immatura morte perire vetas.
Abjicis ex animo, quaecunque ego crimina feci;
Quae Tibi de nostra gloria clade venit?
- 18 Non etenim taciti celebrabere vocibus Orci,
Nec Mors in laudes hiscet itura tuas.
Qui semel infernas moriens descendit ad umbras,
Non manet, accipiant ut sua dicta fidem;
- 19 Sed qui vivit adhuc, qui munere vescitur aerae
Aetheriae, laudes concinet ille tuas.
Hoc ego agam, atque hujus celebrabo gaudia lucis,
Qua miserum a mortis limine restituis.
Narrabit natis pater, (ac sperare jubebit
Interea) ut veri sis, fideique tenax.
- 20 Hanc, Deus, ex omni vitam discrimine serva,
Teque salutiferum tempus in omne canam;
Et Tibi votivos modulabor cantibus hymnos
Divinae celebrans atria sancta Domus.

CANTICUM TRIUM PUERORUM

Ex Dan. C. 3. v. 57.

Benedicite omnia opera &c.

In quo aliqua ab Ecclesia omittuntur.

Tres Juvenes Judaei Ananias, Misael, & Azarias in captivitatem abducti a Nabuchodonosor Rege Babylonis, quod recusassent ejus statuam adorare, in fornacem ardentem missi, nec ab igne laesi, per mediam fornacem ambulantes hoc canticum Deum laudarunt, creata omnia ad similem laudationem hortati.

77 **Q**uaeunque summus Artifex
 Produxit, Illi dicite
 Laudes, Eumque saecula
 Per cuncta in altum tollite.

58 Laudes, beati Caelites,
 Dei fideles Nuncii,
 Regi supremo dicite,
 59 Pulchraeque sedes Caelitum.

Et vos, aquae Caelestibus
 60 Supernatantes orbibus,
 61 Caelestiumque exercitus,
 Deum ciete laudibus;

62 Et sol diurna lampade,
 Et luce Luna argentea,

- 43 Et sparsa Caelo sydera,
Laudate Fontem Luminis;
44 Imberque, & humor roscidus,
Et vos, fugaces addidit
65 Queis Ille pennas, flamina,
Laudes Deo persolvite;
66 Et vos calores ignei,
Aestas quibus succenditur,
67 Hyberna vosque frigora,
Laudate Regem temporum;
68 Rores, pruina candida,
69 Geluque, & albor horridus,
70 Glacies, nivisque vellera,
Laudate naturae Arbitrum.
71 Noctes, diesque praepetes,
72 Lux, & tenebrae, & nubila,
73 Et rupta nube fulgura
Laudate regnantem aethere.
74 Dei celebret gloriam
Haec tota terrae machina,
Ejusque Nomen inclytum
Per cuncta laudet saecula.
75 Collesque, Montesque ardui,
Plantaeque, & omnis educat
76 Quaecunque tellus germina,
Ornate laudibus Deum;
77 Lymphaque fontes garrula,
78 Et maria rauco murmure,
Leni & susurro flumina,
Deum sonate laudibus;
79 Vos magna cete, caerulo
Quotquot natatis gurgite,

- 80 Quorquot secatis aera,
 Deum canendo extollite.
 81 Ferae vagantes saltibus,
 Pratis greges in mollibus,
 82 Et cuncta gens mortalium,
 Dei vacate laudibus.
 83 Deo perennem gloriam
 Gratus rependat Israel;
 Eumque laudet, omnia
 Et usque & usque in saecula.
 84 Vos infulis cincti sacris,
 Laudes praeite Numinis;
 85 Devota tuque plebs Deo,
 Laudes secuta succine.
 86 Deo, pii, mortalibus
 Membris soluti Spiritus,
 87 Virique mites, ac boni,
 Libate laudum munera.
 88 Dilecte Caelo Anania,
 Fideque par Azaria,
 Et par utrique Misael,
 Laudare vestrum Vindicem;
 89 Ejusque laudes inclytas,
 Ipsumque ad astra tollite,
 Et ipsa supra sydera,
 Quotquot recurrent saecula (a).
 Patri, & coaevo Filio,
 Laudes, parique Flamine
 Dicamus, ac per omnia
 Unum canamus tempora.

A a

Tu

(a) Haec habentur in scriptura; caetera ab Ecclesia sunt appo-
 gra.

Tu summa in arce syderum
 Laudaris, o Rex Caelitum,
 Laudatus, ac laudabilis
 Aeterna ad usque saecula.

CANTICUM HABACHUC

Hab. C. 3.

Domine audiui auditionem tuam &c.

Proximam Chaldaeorum in Palaestinam irruptionem, & Judaeorum sub Nabuchodonosor miseram captivitatem praevidens Propheta, hoc Canticum effudit, in quo rerum atrocitate a Deo praemonstrata perterritus, ejus misericordiam implo rat, quem & placatum iri sibi auguratur ex iis, quae olim fecerat pro Judaeis Aegyptiaca captivitate liberandis, quae mox in simili fortuna renovanda consuit, atque ita liberationem humani generis per Christum, ejusque futurum adventum obscure quidem, sed magnifice adumbrat.

- **A**D me loquentem Te, Deus, audii;
 Adhuc recenti mens trepidat metu:
 Quae damna, quos cerno labores
 Isacidum capiti imminentes!
- Ah parce, & annis visa prioribus
 Portenta, nostri fac videant dies,

Et

Et patribus concessa quondam

Nunc medium renova sub aevum.

En audior. Cursu in medio vices

Anni novabunt: Jam Pietas tua

Se prodit, inque ipso furore

Miram animum Tibi dulce pulsat.

• Aeras parentum laeta revertitur,

Deusque mores en repetit suos:

En parte ab australi profectus

Rursus adest, & opaca Pharan (a)

Per saltuosi culinina passibus

Descendit altis; Jamque operit polum

Verenda majestas utrumque;

Terra sono fremit icta laudum;

• Splendet corusco lumine, lampadis

Ceu cum diurnae Sol jubar exerit;

Et fulminum vis igneorum

Tota fedit rutilante Dextra;

• Immensa virtus condita ibi flaret,

Unde Ille terras, & freta concutit;

Quacunque vadit, Mors cruento (b)

Praegrediens iter ense sternit;

Torva antecedit turba satellitum,

Emissa ab imo monstra Erebi specu,

Armata ferali flagello,

Et scelerum exitio parata.

• At Ipse in arvis constitit hostium (c),

Mensusque longis illa decempedis,

Hero priori abjudicata

Ifaciis tribuit colonis.

A 22

Gen-

(a) Pentec. 32. 3.

(b) Exod. 23. 27.

(c) Josue 13., & sequen. 14. 7. 45.

Gentes profanas vindice turbidus

Prospexit ira: nec mora, corruunt

Tellure fusae; subsidentes.

Discutiunt juga summa montes

Immoti ab ipsa semper origine;

Celsique colles sub domino pede

Se Regis Aeterni reclinant,

Atque viam faciunt eunti.

7 Noxas luerunt Aethiopes suas:

Tentoria illos bellica vellere

Vidi fugatos; Madianos

Explicitas glomerare pelles

Raptim involutas, & trepido meru

Turbata cerno castra; nec ordines

Nec signa servantes, Te premente,

Toto acies procul ire campo.

8 Quid? Numne tantus Te furor abripit,

Objecta contra ut flumina saevias,

Divine Vindex? Num nec ipsis

Fluminibus tua parcit ira?

Quin & marinos insequitur furens;

Vertitque ab imo gurgite vortices?

Quid magna peccarunt fluenta,

Quidve sali meruere fluctus?

Bello paratus jam super igneos

Scandis jugales, jamque agitas tuas

Victor quadrigas, sospitesque

Hoste tuos domito reducis.

9 Juratus illis Te fore vindicem

Promiseras multo ante, nec irritum

Dixti sacramentum: Potentem

En sinuas feriturus arcum.

10 Te

- 11 Te scissa viso flumina, montibus
 Structis in altum, dividuas aquas
 Concreta suspendunt, dolentque
 Praecipites inhibere cursus;
 Mox expeditos volvere gurgites
 Gaudent, relictas & reperunt vias,
 Hinc inde jam discessit aequor
 Horrifico reboans fragore;
 Stantesque fluctus insolita fremunt
 Se vi teneri, rendere tum manus
 Visi supinas, attributa
 Jura sibi petiere reddi.
- 12 Sol ipse Caelo, Lunaque constitit (a)
 Tempus triumphis jussa tuis dare;
 Perterriti hostes versa nudant
 Terga fugae: Tua tela lucem
 Dant dissipatis, & tua fulgurat
 Flammis per umbras hasta minacibus;
- 13 Terramque conculcans scelestam
 Ingredieris fremebundus ira;
 Pallorque gentes, & stupor occupat
 Tanto furoris turbine territas:
- 14 Tu victor incedis, tuisque
 Auxilio venis, & saluti;
 Tecumque jussum carpit iter tuo
 Ductor refertus pectora spiritu,
 Cui jura gentis, cui regendas
 Isacidum dederas habenas.
 Jamque amputasti primigenum caput (b)
 Domus superbae, concidit impia

(a) Josu. 10. 12.

(b) Pharaonis Exod. 12.

- Radicibus convulsa ab imis,
 Et subita jacuit ruina.
- 14 Devota diris sceptris solo abjicis,
 Suoque stratos cum duce milites,
 In nostra jam damna irruentes,
 Quale ruit per inane turbo.
- Paeana, victis jam velut hostibus,
 Laetum canebant, qualis in abdito
 Si quis retrusus nil timentem
 Aggrediens inopem trucidet.
- 15 At Tu frementes quadrijuges agens,
 Undas aperta per medias via,
 Tuis praestis; per lutosum
 Aridum iter patuit profundum.
- 16 Sed nunc minantem Te procul audio,
 Et nostra terror viscera concutit;
 Confusa mens horret, retento
 Lingua sono tremebunda torpet.
- Foedo putrescant ossa situ mea,
 Totoque tabum corpore defluat,
 Dum, tempore exacto malorum,
 Tandem animo placidus quiescam;
- Nostrique jungar, cum reduces domos
 Priscas revisent, & juga patria;
 Vinculisque diffractis, cupitum
 Suscipient iter expediti.
- 17 Heu quantus instat luctus! Ut insonat
 Nimbis per auras exitio gravis!
 Quae vastitas, qui squalor agris,
 Quanta hominum, pecudumque clades!
- Tunc nulla laetis germina sicubus,
 Floresque surgent, nullaue vitibus

Gemma intumescet, palmitisque

Vinea non pariet feraces.

Non curva baccis brachia porriget

Oliua mendax, non segeti fides

Constabit, & spem pertinacis

Agricolae sine fruge faller;

Suis abactus grex ab ovilibus

Haud nota perget carpere pascua,

Praesepibusque armenta nullis

Fronde famem, stipulaque pellent.

Verum benignus me recreat Deus,

Mea Ille semper gaudia nutriet;

Stat rota in Illo spes salutis,

Semper erit meus Ille cantus;

Mea Ille virtus, robur & unicum,

Unumque tantis effugium malis;

Quae sospes ut vitem, fugaci

Crure dedit superare cervos;

Victorque montes in patriosaget,

Ducetque sedes visere pristinas,

Grato triumphales cientem

Ore modos, habilique plectro.

CANTICUM ZACHARIAE

Ex Luc. C. 1. v. 68.

Benedictus Dominus Deus Israel &c.

*Nato Joanne Christi Praecursore, Zacharias ejus
pater has laetitiae voces edidit, quibus Deo
de Messiae adventu gratias agit, suoque Filio
tam excellens officium parandi Domino plebem
perfectam gratulatur.*

⁶⁸ **E**uge, Rex Sancti, Deus, Israelis
Prodiit summo veniens olympo,
Et suae ingenti pretio redemit
Vincula gentis.

⁶⁹ Reddidit certam, stabilemque nobis,
Fracta quae quondam jacuit, salutem,
Stirpe ab illustri Sibi dedicati
Davidis ortam.

⁷⁰ Ipse sic olim cecinit futurum
Ore sanctorum sato ab orbe Vatum,
Quos sui affiatos animavit alma
Numinis aura:

⁷¹ Nos frui firma daret ut salute,
Hoste prostrato, manibus protervae
Gentis ereptos, odiumque diro
Corde foveatis.

⁷² Hac Patres olim pietate nostros
Ille solatus, repetensque mente

Foedus antiquum, sua verba certo

Pignore firmat.

73 Haec Patri quondam dedit Abrahamo

Dicta juratus, fore cui recepit,

74 Nostra ut hostili recreet soluta

Corda timore;

Nosque Caelesti Domino obsecuti,

Grata gestemus juga servitutis,

75 Sancta sectantes opera, ac tenaces

Juris, & aequi;

Ejus & nullis violemus ora

Improbe factis, oculosque longe

Cuncta spectantes, data pensa donec

Vita revolvat.

76 Tuque vitales modo fusa in auras

Macte virtutis Puer; Ipse Vates,

Ipse Divinus proprio fereris

Nomine Praeco.

Strenuus Regis superi Satelles

Dia praecurres venientis ora,

Et viam sternes, aditusque recto

Limite pandes.

77 Tu dabis lecta documenta plebi,

Niti ut ad certam studeat salutem,

Expiet noxas, veniamque pravis

Impetret ausis.

78 Hoc Dei spondet Pietas, Patrisque

Viscera humanos miserata casus,

Ut Velit nostras oriens ab alto

Visere terras,

79 Quo diem caecis referat, sepulti

Qui diu tetra jacuere nocte,

Et

Et regat nostros per amica pacis
Compita gressus.

CANTICUM B. M. VIRGINIS

Ex Luc. C. 1. v. 47.

Magnificat anima mea &c.

*Cum Maria Virgo, Filio concepto, Elisabeth in-
visisset, ejusque gratulationem excepisset, in
hoc Canticum repente erupit, in quo Dei in
se dignationem, effusam in omnes gentes mi-
sericordiam, Judaeorum reprobationem, gentium
vocationem exequitur.*

- 47 **I**N Dei assurgit studiosa laudes
Mens mea, exultant mea corda dulci
Gaudio; nostrae Deus hoc salutis
Excitat auctor.
- 48 Ille respectans humilem benigno
Lumine Ancillam, mihi dulce risit;
Inde ter felix veniente semper
Dicar ab aevo.
- 49 Ille me largo decoravit auctam
Munerum censu; mihi magna fecit
Rex potens idem, proprioque Sanctus
Nomine dictus.
- 50 Ejus ex alto Pietas profecta:
Fonte in humanum genus omne fluxit;

Qui

Quisquis offensam metuens, verendum
Numen adorat.

51 Brachium exertans validum, potentes
Protulit vires; Retudit protervae
Spiritus frontis, tumidosque pressit
Sub pede fastus.

52 Quique sublimi populos premebant
Sede subnixa, subita hos ruina
Egit in praeceps, humilesque in illa
Sede locavit.

53 Pauperes, rebus positosque in arctis
Fecit immensis opibus beatos,
Quique se immensis opibus ferebant,
Fecit inanes.

54 Jam sibi obstricti genus Israelis
Mitis excepit; subiitque menti
Illa, quae semper pietas sub alto
Pectore sedit.

55 Ipse sic nostris cecinit futurum
Patribus, fido dedit haec Abramo
Ipse promissa, & generi futuro
Omne per aevum.

CANTICUM SIMEONIS

Ex Luc. C. 2. v. 29.

Nunc dimittis &c.

Cum Maria Virgo Puerum Jesum Domino sifteret, Simeon pius senex a Spiritu S. praemonitus, fore ut, ante quam vita excederet, natum videret Messiam; Divinum Infantem in ulnas excipiens; sibi tantum munus gratulatur, nec quicquam sibi in vita amplius optandum ratus, jam mori postulat.

- ²⁹ **N**unc jam corpore liberam
 Hanc mittes animam; Claudere nil moror
 Extremum placide diem,
 Rerum Summe Parens, polliciti fidem
 Cum Tu praestiteris tui.
- ³⁰ Praesentem hisce oculis cernere contigit,
 Quae a Te missa venit salus;
- ³¹ Jamque haec est populis proposita omnibus,
 Cunctorumque oculis patet.
- ³² Hoc Lumen tenebras discutit, & diem
 Affert gentibus auream,
 Adjectum Isacidis grande decus tuis.
-

*Quae consequuntur Cantica in extremum locum rejeta sunt,
 propterea quod in Ecclesiastico Officio non legantur.*

CANTICUM DEBORAE

Ex Jud. C. 5. v. 2.

Qui sponte obtulistis &c.

Prostrato Sisara, duce exercitus Jabin Regis Chanaanai, Debora cum Barac Hebraeorum duce, quem ipsa ad bellum excitaverat, & profecuta fuerat, canit Epinicium, in quo Deo victoriae auctori gratias agit, Hebraeas Tribus, quae bello interfuerant, collaudat, caeteras, quae abstinuerant, carpit, Jafelem celebrat, quae Sisara interfecto, bellum confecerat.

I Sacidum fortes Animae, devota periclis
Pectora, quas non vis terruit ulla necis,
Dicite io Domino Laudes:

3 Advertite, Reges,
Huc aures, magni haec condite mente, Duces.
En ego ego ipsa canam Dominum, nostraeque
sonabunt

Fila lyrae, Isacidum qui regit arma, Deum.
4 Quantus eras, paruit, Deus, alto e vertice Scir ^(a)
Cum per Idumaeas ingrederere plagas.

Concita contremuit tellus, ac nubibus atris
Turbidus immensae decidit imber aquae,
5 Tabuerunt montes liquefacti ante ora Tonantis,
Defluxitque alto a culmine Sina ruens.

(a) Exod. 19. & Deuter. 33. 2.

- 6 Cum desperandum tanto Duce, & Auspice tanto
 Nil foret, atque animos facta priora darent;
 Cumque futurus adhuc dux bella per omnia Samgar
 Viveret, & gesta ad fortia nata Jahel,
 Ut pavitans latuit Judas, omnisque quievit
 Nullo incedentum semita trita solo!
 Si quis prodire est ausus, per devia gressus
 Flexit, & obliquo tramite carpsit iter.
- 7 Nullus in Isacidis sumptis erat utilis armis,
 Otia vel patria lentus agebat humo;
 Debbora dum magnis dux foemina surgeret ausis,
 Surgeret Hebraea in gente futura parens.
 Instituit nova bella Deus, nova tela recudit,
 Hostilesque nova contudit arte minas.
- 8 Ipse inivit pugnam, quibus & se incluserat hostis,
 Ipse sua everxit ferrea claustra manu.
 Quadragena licet prodirent millia, nullus
 Isacidis clypeus, nulla vel hasta fuit.
- 9 Hebraei Proceres, genus insuperabile bello,
 O amor, o cordis cura decora mei,
 Qui magnis objecistis vos sponte periculis,
 Carmina victori dicite digna Deo.
- 10 O qui jumentis, Proceres, equitatis obesis,
 Suntque quibus trepidi credita jura fori,
 Quique infesta modo, nunc compita tuta tenetis,
 Inclyta belligeri dicite facta Dei.
- 11 Hic, ubi collisae hostiles periere quadrigae,
 Exitioque acies interiере pari,
 Vindicis hic justae memorentur Numinis irae,
 Inque suos pietas significata duces.
- 12 Venit ad infensas populus, duce Numine, portas,
 Et domito exuvias victor ab hoste tulit.

11 Sur-

- „ Surge age, surge ferox age Debbora, surge virago;
 Surge, triumphali carmina pange sono;
 Tuque adeo surge, o Barac, fate Abinoe, surge,
 Duce catenato corpora capta pede.
- „ Reliquiae populi sunt victo ex hoste receptae,
 Ipse Deus fortes movit in arma manus.
- „ Pugnant Ephraimi acies, sed stabat ab illis
 Dux Deus; hoc Amalec caesus ab hoste ruit.
 Beniamis instabat, sed vis re, Amalece, premebat
 Major, & ipse Deus militis instar erat.
 Venere e Machir, nec non Zabulonis ab oris,
 Educturi acies in fera bella, Duces.
- „ Issachar invictas junxit tibi, Debbora, turmas
 Juratas Barac impigra signa sequi;
 Ipse autem impavidus discrimina in omnia praecepit
 Se dedit, objectam certus obire necem.
 Scinditur ambiguus studia in contraria Ruben,
 Increpat & virtus vivida vulgus iners:
- „ Quid stas? in partes animum quid dividis ambas?
 Cur dubio pendes inter utrumque gradu,
 Hic, ubi te patriae retinet malesana cupido,
 Et vox balantum perstrepat aure gregum?
 Dissidet at Ruben studiis distractus iniquis,
 Et certat virtus aemula desidia:
- „ Trans quoque Jordanem Galaad piger abstinet armis,
 Deses & in patriis otia carpit agris.
 Mercibus oppletas Dan ducit in aequora puppes,
 Dumque ineunt alii praelia, lucra petit;
 Littora avarus Aser habitat, portusque frequentat;
 Hae sunt illi acies, haec modo castra placent.
- „ At Zabulon, & Nephtalidae in regione Meromes
 Nituntur pulchra quaerere morte decus.

- 19 Infensi coeunt Reges, Martemque fatigant,
 Confertaque gerunt praelia dira manu.
 In Tanacho instaurant Chananaei bella tyranni,
 Mageddo placidis culta ubi findit aquis.
 Sed spoliis quamvis inhient, haud sanguine siccis,
 Non sequitur cupidas praeda petita manus.
- 20 Conjuratus enim contra illos militat aether,
 Missus & e Caelo ad classica miles adest.
 Ordine lapsa suos peragunt dum sydera cursus,
 In Sisaram infesto lumine bella gerunt.
- 21 Jamque rotat torrens dejecta cadavera Cison,
 Cison (a) antiquis nobilis amnis aquis.
 Nunc age, mens, tanta jamdudum pascere caede,
 Contere robustos sub pede laeta viros.
- 22 Profuit effusas, quid equis permittere habenas,
 Cum fugeret, melior quisquis ad arma fuit.
 Ungula currentes saxi impacta fefellit,
 Planxit & excussus corpore fessor humum;
 Praecipitesque equites per & invia, & avia rapiti
 Ocyus incurrunt funera, quae fugiunt.
- 23 At male sit, clamate, tibi, Merotia tellus;
 Sic Ales supera missus ab arce jubet.
 Totam execrati diris incessite gentem,
 Quae damnata Deo rura, laresque colit.
 Non illa auxilio Dominum in certamine juvit,
 Agmina non lata fortia juvit ope.
- 24 At tibi, foemineos inter celeberrima coetus,
 Digna Haberis conjux, sit bene, magna Jabel.
 Sic quando merita est, bona cuncta precaminor olli,
 Quamque tenet, fausta personet aula prece.
- 25 Sisara fessus aquam petiit, lac obtulit ipsa,
 Nobili & in phiala fusa colostrâ dedit.

(a) Cademim, l. e. antiquus.

- 26 Dormit: En laeva clavis properante trabalis,
 Fabrilis dextra malleus arripitur.
 Vulneris ecce locum sopito in vertice quaerit,
 Tum librat, & ferro tempora transfadigit.
- 27 Inter crura ruit, vitam cum sanguine fundens,
 Ejus & exanimis volvitur ante pedes,
 Donec cum suprema quies, & ferreus urget
 Somnus, & infelix, ac sine honore jacer.
- 28 Mater at ex alta prospectans saepe fenestra
 Luctifonso longas increpat ore moras.
 Saepe etiam summis effatur ab aedibus: Heu quid
 Quid nondum currus huc agit ille suos?
 Cur tantum cessant lenti sine mora jugales,
 Nec sparia admissae corripuere rotae?
- 29 Tunc nuptas inter sapientior una: Quid, inquit,
 Te crucias, mater, quaeve pericla times?
- 30 Nunc fors exuvias, spolia & partitur opima,
 Forsitan & nobis optima quaeque parati
 Captivaeque inter formoso corpore praestans
 Eligitur, tanto quae famuletur hero.
 Et pictae Sifarae vestes traduntur, & aurum,
 Debita magnanimo praeda futura viro.
 Plurima congeritur gemmarum, aurique supellex,
 Torquibus ut niteant colla decora novis.
- 31 Sic quotquot te odiis, Deus, insectantur iniquis,
 Dispereant, tali crimina clade luant.
 At te quotquot amant, cláro fulgore nitescant,
 Exoriens rutilo Phoebus ut ore nitet.

CANTICUM DAVIDIS

Ex 2. Reg. C. 1. v. 18.

Confidera Israel &c.

Saule, & Jonatha extinctis, David, ut in morte Principum, epicedium canit, in quo totum Israellem ad luctum invitat ob mortuorum virtutes, quas laudando commemorat, & praecipue Jonathae.

- 18 **Q**Uae tibi causa subest justî, Jadaea, doloris,
 Volve animo, & quales mors tulit atra viros!
 19 Hei mihi quanta tuis est montibus edita clades!
 Hei mihi quam claro sanguine terra rubet!
 Montibus his cecidit cuncti decus Israelis,
 Et potuit? Fortes hic cecidere Duces?
 20 Haec cave Gethaeas didatur fama per urbes,
 Perque Ascalonis compita laeta volet,
 Dira Philistaeae capiant ne gaudia nuptae,
 Barbaricas hilarent neu mala nostra nurus.
 21 At vos Gelboici, scelerata cacumina, montes,
 Cassa ubi vitali corpora luce jacent,
 Nec ros mane novo foecunda aspergine lactet,
 Nec pluvius placido Juppiter imbre riget;
 Nec vestris primae fruges oriantur in agris,
 Inque solo sterili gleba putrescat iners;
 Namque illic parma fortes cecidere relictâ,
 Atque suus Saulem deseruit clypeus.

Quid regale decus, sacro aut frons oblita olivo
Profuit? Heu turbæ mors facit æqua parem.

23 Occidit & Jonathas, quem nunquam missa fefellit,
Nec rediit nulla caede sagitta rubens.

Sed fortes aggressa, imamque recepta sub alvum
Constitit, & ferro ruptus adhaesit adeps.

At neque Saul unquam gladium vibravit inanem,
Quin multo imbueret sanguine victor humum.

24 Occubuit Saul, & Jonathas; cum prole decora
Occubuit fato non meliore pater.

Pulcher uterque fuit, nec amari indignus uterque,
Unaque mors jungit, quos modo junxit amor.

Quam rapidis aquilæ nuntur in æra pennis,
Quam valido tentat robore bella leo,

Tam celeres illi fugientum caedere terga,
Tam fortes valida bella ciere manu.

25 Vos quoque Judææ gemitus effundite matres,
Exanimi Regis Manibus inferias.

Qui vobis Tyrio saturatas murice vestes,
Atque illusa auro texta superba dabat,

Ille informe solo jacet, ac sine nomine corpus,
Cumque illo Regni gloria tota jacet.

26 Qui potuit tristis fortes mors, perdere bello?
Qui potuit virtus tam generosa mori?

Infelix Jonathas! Tingit nunc sanguine montes,
Friger & invisq. in vertice truncus iners.

27 Te doleo in primis, Jonathas; Te, Frater, adempto,
Dimidia videor parte carere mei.

Heu formose puer, majori & dignus amore,
Foemina quam pictis conspicienda genis!

Diligit ut tenerum mater, sua viscera, natum,
Sic tibi concordi junctus amore fui.

- 27 Qui cecidit praestans invicto robore virtus,
Quive solo belli fulmina strata jacent?

TOBIAE MONITA AD FILIUM

Tob. 4. v. 2.

Audi fili mi &c.

Cum se crederet moriturum.

- 1 **N**Ate, meis adhibe pronas hortatibus aures;
Atque alto Patris voces sub pectore conde.
2 Cum Deus hos anima exangues seduxerit artus,
Frigida membra solo manda; Tum debita Matri
Officia, & dignum, dum vita supersit, honorem
Ex animo factis, dictisque adhibere memento,
3 Multa memor tecum versans, quae, & quanta pericla,
Quantaque pertulerit denos fastidia menses.
4 Ast ubi concessos etiam ipsa peregerit annos,
Fac mecum exanimis tumulto condatur eodem.
5 Tum, quotquot tua vita dies numeraverit, alta
Mente Deum reputa; atque omni ratione caveto,
Ne te peccandi rapiat vesana libido,
Nostri ut transiias Domini praecepta, Deique.
6 Quas tibi res fortuna dedit, largire petenti,
Et faciem nullo avertas a paupere; quod si
Feceris, averso nec te Deus ore repellat.
7 Esto pius, prout se dederit tibi copia; Multum
Si

- 9 Si fuerit, multum quoque da rerum omnium egeno,
 Sin modicum fuerit, modicum impertire libenter :
 10 Praemia magna feres pietatis, opesque recondes
 Sorte tibi ex usu mox in graviore futuras :
 11 Stips inopi collata admissa piacula solvit,
 Nec patitur Mortis durae implacata subire
 Jura, nec infaustas animam descendere ad umbras.
 12 Quod quisquam miseris impenderit, esse quieto
 Ipsum animo, mitemque Deum sperare jubebit.
 13 Nate, cave, ad vetitos ne te lasciva voluptas
 Pertrahat amplexus, te nullaque, conjuge dempta,
 Foemina pelliciat, crimen neu noveris ullum;
 14 Neu nimis elatos animos, fastusque tumentes
 5 Mente fove tacita, nec dictis prode superbis.
 Inde etenim exitium fluxit, labesque malorum
 In nostrum genus, & casu nos merisit acerbo.
 15 Si quis opus faciat tibi, nullas nocte morandi
 10 Causas, quin dicto mercedem tempore solvas,
 Et nunquam pretium exhausti patiare laboris
 Te penes haerere, & longum torquere petentem;
 16 Ne in quenquam admittas, quae in te commissa
 doleres;
 17 Quam tu dehte reris cererem, partire benignus
 Cum miseris, quos longa premunt jejunia ventris,
 Quosque arctis vexat malesuada in rebus egestas;
 Quasque domi servas vestes, his nuda tegantur
 Corpora, quo gelidae defendant frigora brumae.
 18 Ad tumulos, sita Justorum quibus ossa quiescunt,
 Libaque rite feras, & sacri pocula vini (a);
 Appositas mistus sed parce nocentibus escas
 Mandere, & incestos cyathis haurire liquores.
 19 Quidquid agas, semper sapientes consule, Semper

- 20 Pange Deo laudes, precibusque enitere multis;
 Ut mores regat Ille tuos, tuaque omnia in Illum
 Spectent consilia, atque illo vertantur in uno (a).
 21 Ne timeas, mi nate; inopem traducere vitam
 Nobis sorte datum; sed plurima suppeditabunt
 Commoda, sancta Dei si iussa verebimur, atque
 Omne nefas viso pejus vitabimus angue,
 Et quidquid fas, ac rectum suadebit, agemus.

TOBIAE CANTICUM

Tob. 13.

Magnus es &c.

*Cum filio, ac visu recepto, Raphaelis Angeli
 monitu Deo pro beneficiis gratias ageret.*

- 1 **M**agnus es, aeternum, Deus, usque futurus
 in aevum,
 Perpetuoque tuum cuncta ultra saecula Nomen
 Permanet.
 2 Elato Tu nostra in terga flagello
 Acrior interdum insurgis, mox mitior ira
 Jam posita parcis, salvosque a morte reducis,
 Visus ad infernas miseros detrudere sedes,
 Mox iterum superas reduces revocare sub auras:
 Néc quisquam est, terrae totus qua panditur orbis,
 Qui valeat dextrae vim devitare potentis.

3 Eja

- 2 Eja agite, & dignas Domino persolvite grates,
 3 Ifacidum genus, & spectantibus undique circum
 Gentibus, Illius laudes celebrate canendo;
 4 Non etenim temere profugos, patriaeque caducae
 Sedibus extorres Superum gravis ira profanos
 5 Per populos errare dedit, sparsosque reposta
 Visere terrarum, qua Caelo nulla tonantem
 Gens novit regnare Deum: Fuit haec fuit olli
 Mens, hoc consilium, ut populos vulgetis in omnes,
 Quae mira Ipse facit, vobis & barbara regna
 6 Testibus ediscant, nullum super astra sedere,
 Praeter Eum, nullumque aliud posse omnia Numen.
 7 Ille fuit, qui nos inflicto vulnere fontes
 Perculit, erratis nos justam armavimus iram;
 Ipse autem propria victus pietate remittet
 Vindictam, afflictamque dabit reparare salutem.
 8 Cernite, & exemplis jamdudum assuescite nostris
 Ultorem scelerum colere, ac trepidare paventes
 Irarum, & poenas culpis aequare minantem;
 Et late Dominantem orbi per saecula Regem
 Officiis celebrate piis, factisque pudicis.
 9 Ast ego, captivum quanquam me barbara dudum
 Terra tenet, meritas Illi laudesque, decusque
 Persolvam, genti quando placatus iniquae
 Indulsit miserans, majestatisque verendae
 Non dubitanda dedit tam grandi pignore signa.
 10 Vos igitur, quos mens scelerum sibi conscia torquet,
 Discite justitiam moniti, & non temnere Regem
 Omnia spectantem, cujus praesentia sanctam
 Urgeat ire viam; nam vos quoque fidere fas est
 Tam miti Domino, qui vos pietate resectos,
 Auxilioque suo in rebus solabitur arctis.

- Verum ego, quique meos sustentat spiritus artus,
 Gaudia concipiet; Deus haec dat gaudia nobis.
 10 Concelebrate Deum, Caelo dilecta propago,
 Quotquot ubique estis, luces agitate serenas
 Laetitia, festasque Deo persolvite laudes.
 11 Tu quoque, Sancta Sion, summo Urbs charissima
 Regi,
 Surge age: quod tanta fueris convulsa ruina;
 Culpa tua est, tua facta Dei vindicta piavit;
 12 Sed nunc solve Deo grates, meliora reduxit
 Qui tibi fata, tuis super aethera laudibus illum
 Tolle Deum, cujus volvuntur saecula nutu,
 Quo tibi placatus jubeat sibi sacra reponi
 Limina, & eversum rursus in te surgere templum;
 Abductosque tuos in barbara vincula cives
 Ad patrias revocet sedes, tum gaudia laetae
 Pacis agas, serum non interitura per aevum.
 13 Stat satis praescripta dies, cum splendida multa
 Luce renidebis, cunctique e finibus orbis
 Ad tua se curvae sternent vestigia gentes.
 14 Ignotae advenient extremo a limine terrae
 Munera portantes populi, Regemque Deorum
 Rite colent, sedes intra tua tecta tenentem;
 15 Ejus & augustum dum supplice voce vocabunt
 Nomen, ab augusto tu Nomine tota sonabis.
 16 Qui merito non te fuerit dignatus honore,
 Protinus ultrices aderunt in limine Dirae
 Poenam poscentes, damnatusque impia pender
 Supplicia, in te jactabit convicia quisquis.
 Sed contra quicumque novo molimine muros
 Auxerit, addideritque tuis fastigia tectis,
 Ille beatus erit;
 17 Tu laeta prospera prole,

- Caeleſti aſpicias cumulatōs munere natos
 Confluere ad ſummi penetralia ſacra Tonantis.
 18 Felices, qui te digno amplectuntur amore,
 Quique ſuper parta jungunt tibi gaudia pace.
 19 Tuque adeo Divum ſolemnia carmina Regi
 Dic anime; Ille ſuae quando inclyta recta Sionis
 Eripuitque malis, & tuta pace beavit.
 20 O ego ter felix, illa ſi aetate ſuperſint
 Reliquiae generis noſtri, videantque Sionis
 Egregium decus, ac florentem laudibus Urbem.
 21 Sapphiro illius portae, viridique ſmaragdo
 Diſtinctae collucebunt, quaeque undique ſeptram
 Circumeunt, poſitis radiabunt moenia gemmis;
 22 Sternentur niveo fora marmore, candida paſſim
 Mundities, paſſim vicis votiva ſonabunt
 Carmina; Divinum cantu laudantia Nomen.
 23 Gloria ſit Domino terrarum, Urbisque Parenti,
 Tantorum authori decorum; ſic maximus illam
 Rex proprio regat imperio; cui nulla nocere
 Saeculavolvendo valeant, nec ponere metas.

CANTICUM JUDITH

Judi. b 16. v. 2.

Incipite Domino &c.

*Quod, Holoferne obtruncato, Assyriis fugatis,
Bethulia liberata, ipsa cecinit Deo.*

- 2 **J**Am nunc festa Deo pellite tympana,
Et cantus resonis jungite cymbalis,
Insuetum numeris egregiis melos
Magno fundite Nomini.
- 3 Unus Bellipotens comprimit omnium.
Bellorum strepitus, armaque conterit;
Est Illi Dominus Nomen, & Illius
Quam late imperium patet.
- 4 Sed Ductor populi stat medius sui;
Arma hic, castraque habet, cunctaque milites
Ad dura oppositos, nos ut ab omnibus
Circummuniat hostibus.
- 5 Arctoïs veniens montibus Assurus
Descendit, validas secum acies trahens;
Tardarunt fluvios agmina, crebraque
Valles condidit ungula.
- 6 His ibat minitans spargere finibus
Flammas, & juvenes sternere caedibus,
Et matrum pueros abstrahere e sinu, &
Captas ducere virgines.
- 7 Ast illi omnipotens exitio Deus
Venit, foemineas & dedit in manus:
Tunc imbelle librans Foemina brachium
Ictum vulnere perdidit.

- 9 Non ad bella alacri sub juvenum manu
 Dux pugnans cecidit, nec capita ardua
 Titanes piceis nubibus abditi
 Confossum dederunt neci;
 Non vasta oppositis mole gigantibus
 Congressus periit: Foemina, Foemina,
 Meravi soboles, Juditha perdidit
 Vultus illecebris sui.
- 9 Nam tristes habitus deposuit, thori
 Jam testes vidui, pulchraque protulit
 Ornamenta, quibus laetificos dies
 Judaeae celebrant nurus.
- 10 Unguentis faciem levit olentibus,
 Crispataeque mitra composuit comas,
 Induxitque novam circa humeros stolam,
 Blandos necteret ut dolos.
- 11 Ostro tincta pedum vincula mollium
 Ceperunt oculos; forma decens sibi
 Ipsum subripuit: Stricto at acinace
 Illa atrum caput abstulit.
- 12 Persae talem animum foemineo in sinu
 Mirati, subito membra rigent metu,
 Et Medi insolitum foeminea in manu
 Robur credere vix queunt.
- 13 At postquam trepidos, atque humiles metu
 Absumptosque sibi, moenibus egredi
 Cives aspiciunt, Assyria insonant
 Magnis castra ululatibus.
- 14 Nudant terga fugae, tum fugientibus
 Illudunt pueri, tergaque sauciant;
 Instat namque Dei vultus, & ultimo
 Illos excidio premit.

- 15 Ergo belligeri pangere Numinis
 Laudes, & modulos insolito decet
 Instaurare sono: Debita Numini
 Nostro dicite carmina.
- 16 Magnus quippe, Deus, magnus, & inclyta
 Es virtute potens, nec superabilis,
 Quaecunque objiciant se Tibi, viribus,
 Ulli cedere nescius.
- 17 Per Te cuncta vigent: Omnia serviant
 A Te facta Tibi; Numine nam Tuo
 Existunt, tenuem vocis & ad sonum
 Vitae in lumina prodeunt.
 Aura educta Tua, ceu genitalibus
 Surgunt seminibus. Quis valeat Tuis
 Obniti imperiis, quisve resistere
 Voci sustineat Tuae?
- 18 Quandocunque voles, culmina montium
 Imo emota solo concutient aquas,
 Tenuata ante tuos saxa oculos fluent,
 Cera ut liquitur ignibus.
- 19 At quicumque pio Te trepidi metu
 Observant, meritis undique honoribus
 Auctos, judicio rebus in omnibus
 Magnos efficies Tuo.
- 20 Illis pessime erit, qui genus in meum
 Infestis agitent praelia viribus;
 Ultor namque aderit, justus & in suo
 Judex tempore puniet.
- 21 Flammis foeda dabit corpora edacibus,
 Arrodenda avidis undique vermibus:
 Urentur miseri, & vulnera sentient
 Per volventia saecula.

FINIS CANTICORUM.

INDEX ALPHABETICUS

PSALMORUM.

A

A d Dominum, cum tribularer, clamavi. 119.	Pag. 194.
Ad Te Domine levavi animam meam. 34.	50.
Ad Te, Domine, clamabo. 37.	17.
Ad Te levavi oculos meos. 121.	298.
Afferte Domino Filii Dei. 118.	18.
Attendite popule meus. 77.	178.
Audite hanc omnes gentes. 48.	108.

B

B eati immaculati in via. 118.	181.
Beati omnes, qui timent Dominum. 117.	505.
Beati, quorum remissae sunt. 31.	66.
Beatus, qui intelligit super egenum. 40.	90.
Beatus vir. 1.	1.
Beatus vir, qui timet Dominum. 111.	270.
Benedicam Dominum in omni tempore. 33.	71.
Benedic, anima mea, Domino, & omnia. 101.	240.
Benedic, anima mea, Domino; Domine Deus. 103.	243.
Benedictus Dominus Deus meus. 143.	333.
Benedixisti Domine. 84.	199.
Bonum est confiteri. 91.	318.

C

C antate Domino canticum novum, cantate. 95.	216.
Cantate Domino canticum novum, quia mirabilia. 97.	331.
Cantate Domino canticum novum, laus. 149.	344.
Caeli enarrant gloriam Dei. 18.	37.
Constebimus tibi Deus. 74.	171.

Con-

Confitebor Tibi Domine in toto corde meo, narrabo omnia. 9. Pag. 14.	
Confitebor tibi, Domine, in toto corde meo, in consilio. 110.	268.
Confitebor tibi, Domine, in toto corde meo, quoniam. 137.	310.
Confitemini Domino, & invocate. 104.	248.
Confitemini Domino, quoniam bonus I. 105.	251.
Confitemini Domino, quoniam bonus II. 106.	257.
Confitemini Domino, quoniam bonus III. 117.	279.
Confitemini Domino, quoniam bonus IV. 135.	316.
Conserua me Domine. 15.	27.
Credidi, propter quod locutus sum. 115.	277.
Cum invocarem. 4.	6.

D

D E profundis clamavi. 119.	307.
Deus auribus nostris audiuimus. 43.	96.
Deus Deorum Dominus. 49.	111.
Deus Deus meus, ad te de luce. 61.	137.
Deus Deus meus respice in me. 21.	45.
Deus in adiutorium. 69.	117.
Deus in nomine tuo saluum me fac. 53.	119.
Deus iudicium tuum regi da. 71.	161.
Deus laudem meam ne tacueris. 108.	263.
Deus misereatur nostri. 66.	145.
Deus noster refugium, & virtus. 45.	201.
Deus qui similis erit tibi. 81.	195.
Deus repulisti nos. 59.	231.
Deus stetit in Synagoga. 81.	293.
Deus venerunt gentes. 78.	286.
Deus ultionum Dominus. 93.	221.
Dilexi, quoniam exaudiet Dominus. 114.	276.
Diligam Te Domine. 17.	31.
Dixi: custodiam vias meas. 38.	83.
Dixit Dominus Domino meo. 109.	266.
Dixit iniustus ut delinquat. 35.	78.
Dixit insipiens in corde suo. 19.	24.
Dixit insipiens in corde suo. 12.	18.
Domine clamavi ad te. 140.	317.
Domine Deus meus in Te. 7.	11.
Domine Deus salutis mee. 87.	205.
Domine Dominus noster. 8.	13.
Domine exaudi orationem meam, & clamor. 101.	237.

Domi-

Domine, exaudi orationem meam, auribus. 141.	331.
Domine in virtute tua laetabitur Rex. 10.	17.
Domine ne in furore tuo. 6.	9.
Domine, ne in furore tuo. 37.	83.
Domine, non est exaltatum cor meum. 130.	309.
Domine, probasti me. 138.	325.
Domine quid. 3.	4.
Domine quis habitabit. 24.	26.
Domine refugium factus es nobis. 89.	115.
Domini est Terra. 13.	48.
Dominus illuminatio mea. 16.	34.
Dominus regit me. 11.	47.
Dominus regnavit, decorem. 91.	106.
Dominus regnavit, exultet terra. 96.	118.
Dominus regnavit, irascantur populi. 98.	131.

E

Ecce nunc benedicite Dominum. 133.	313.
Ecce quam bonum. 131.	311.
Eripe me de inimicis meis. 38.	118.
Eripe me, Domine, ab homine malo. 139.	315.
Eruclavit cor meum. 44.	99.
Exaltabo te, Deus meus rex. 144.	330.
Exaltabo te Domine. 19.	60.
Exaudiat Te Dominus. 19.	40.
Exaudi Deus deprecationem meam. 60.	133.
Exaudi Deus orationem meam, & ne. 54.	120.
Exaudi Deus orationem meam, cum. 63.	139.
Exaudi Domine iustitiam meam. 16.	19.
Expectans expectavi Dominum. 39.	22.
Exultate Deo adiutori. 80.	191.
Exultate iusti in Domino. 31.	68.
Exurgat Deus. 67.	146.

F

Fundamenta ejus. 36.	103.
----------------------	------

I

I ncлина Domine aurem tuam. 85.	Pag. 201.
In convertendo Dominus. 125.	302.
In Domino confido. 10.	20.
In exitu Israel. 123.	273.
In te, Domine, speravi, non Confundar. 30.	62.
In te Domine speravi. 70.	158.
Jubilare Deo omnis terra, psalmum. 63.	143.
Jubilare Deo omnis terra, servite. 99.	334.
Judica Domine nocentes me. 34.	74.
Judica me Deus, & discerne. 41.	95.
Judica me Domine, quoniam Ego. 25.	83.

L

L ætatus sum in his, quæ dicta. 121.	207.
Lauda, anima mea, Dominum. 145.	338.
Lauda Hierusalem Dominum. 147.	341.
Laudate Dominum de Caelis. 148.	343.
Laudate Dominum in Sanctis Ejus. 150.	346.
Laudate Dominum omnes gentes. 116.	278.
Laudate Dominum, quoniam bonus. 146.	340.
Laudate nomen Domini. 134.	313.
Laudate pueri Dominum. 112.	271.
Levavi oculos meos in montes. 120.	295.

M

M agnus Dominus, & laudabilis nimis. 47.	206.
Memento, Domine, David. 131.	316.
Miserere mei Deus, miserere mei. 36.	125.
Miserere mei Deus, quoniam. 55.	123.
Miserere mei Deus, secundum magnam. 30.	114.
Misericordiam, & Judicium. 100.	255.
Misericordias Domini. 88.	207.

N

N isi Dominus edificaverit domum. 126.	103.
Nisi quia Dominus erat in nobis. 123.	290.
Noli aemulari in malignantibus. 36.	80.
Nonne Deo subiecta erit. 61.	135.
Notus in Iudaea Deus. 75.	173.

O

O mnes gentes plaudite manibus. 46.	104.
--	------

P

P aratum cor meum, Deus. 107.	160.
--------------------------------------	------

Q

Q uam bonus Israel Deus. 72.	164.
Quam dilecta Tabernacula. 83.	197.
Quare fremuerunt Gentes. 2.	2.
Quemadmodum desiderat cervus. 41.	93.
Qui confidunt in Domino. 124.	301.
Quid gloriaris in malitia. 31.	116.
Qui habitat. 90.	215.
Qui regis Israel. 79.	128.

S

S aepe expugnaverunt me. 128.	306.
Salvum me fac, Deus. 62.	153.
Salvum me fac Domine, quoniam defecit Sanctus. 12.	21.
Si vere utique iustitiam. 57.	126.
Super flumina Babylonis. 136.	319.



T

T E dect hymnus. 64.

Pag. 140.

V

V Enite, exultemus Domino. 94.

224.

Verba mea. 7.

7.

Voce mea ad Dominum. 76.

175.

Voce mea ad Dominum clamavi. 141.

329.

Uſqueque, Domine obliuifceſtis me. 12.

23.

Ut quid Deus repuliſti. 73.

169.

INDEX CANTICORUM.

1. Moysi I. Cantemus Domino.	Pag. 349.
2. Moysi II. Audite Caeli.	313.
3. Annae. Exultavit cor meum.	360.
4. Isaiae. Confitebor tibi Domine.	363.
5. Ezechiae. Ego dixi in timido.	364.
6. Trium Puerorum. Benedicite.	367.
7. Habachuc. Domine audivi auditionem tuam.	370.
8. Zachariae. Benedictus Dominus.	376.
9. Mariae Virginis. Magnificat.	378.
10. Simeonis. Nunc dimittis.	380.
11. Deborah. Qui sponte obtulisti.	381.
12. Davidis. Confidera Israel.	386.
13. Tobiae monita. Audi fili mi.	388.
14. Tobiae Canticum. Magnus es.	390.
15. Judith. Incipite Domino.	394.

ERRATA

CORRIGE

Pag.			
6. v. 2.	animas	animos	
12. v. 12.	abductis	adductis	
19. v. 16.	resolvent	revolvent	
20. v. 3.	cuncta valentibus	cuncta: valentibus	
22. v. 5.	labia	labra	
23. v. 9.	Consili	Consilii	
28. v. 8.	srepiern	sreplidern	
28. v. 9.	laetitia	laetitia	
29. v. ultim.	munera	munere	
20. v. 12.	fame	fauce	
33. v. 14.	Eu rursam	Eu rursam	
41. v. 2.	puto	puro	
45. v. 22.	servae	serva	
46. v. 2.	vasas	vasa	
51. v. 7.	reddent	reddant	
52. v. 20.	non mihi	neu mihi	
66. v. 2.	fides	feder	
81. v. 11.	quoscunque	quascunque	
97. v. 6.	Speremus	Spernemus	
99. v. 1.	pectora	pectore	
100. v. 1.	ostende	extende	
101. alia nota (c)	terrae nos	terrenos	
106. v. 1.	aversa	everfa	
109. v. 6.	devis vestigia	devlis vestigiis	
112. v. 5.	munera	munera	
115. v. 16.	nox	noxae	
117. v. 5.	vident	rident	
118. v. 2.	scelere	scelera	
130. v. 15.	vero	fero	
130. v. 16.	si denegerat	denegeretur si	
137. v. 3.	verset	verset	
141. v. 2.	nova	novae	
150. v. 19.	ducta	dura	
150. v. 16.	Carmina	Carmine	
160. v. 24.	exitum	exitium	
172. v. 3.	Iraque	Iratique	
182. v. 44.	Et cupida	Ut cupida	
182. v. 45.	Immitit	Immitit	
189. v. 8.	patriam reduce	patriam reduc	
196. v. 15.	incubis	incumbis	
215. v. 2.	valide	valido	
226. v. 4.	dignis	dignus	
235. v. 2.	Dum Tu	Cum Tu	
239. v. 24.	Solyma	Solyme	
256. v. 42.	Suerunt	suerunt	

1. The first part of the paper is devoted to a discussion of the general principles of the theory of the structure of the atom. It is shown that the structure of the atom is determined by the laws of quantum mechanics, which are based on the principle of the uncertainty of the position and momentum of the particles. The structure of the atom is therefore not a fixed one, but a probabilistic one, which is determined by the probability of finding the particles in a certain region of space.

2. The second part of the paper is devoted to a discussion of the experimental methods for the determination of the structure of the atom. It is shown that the most reliable method for the determination of the structure of the atom is the method of X-ray diffraction, which is based on the principle of the interference of the waves. The structure of the atom is therefore determined by the intensity of the diffraction pattern, which is a function of the position of the particles in the atom.

3. The third part of the paper is devoted to a discussion of the theoretical methods for the determination of the structure of the atom. It is shown that the most reliable method for the determination of the structure of the atom is the method of the variational principle, which is based on the principle of the minimum energy. The structure of the atom is therefore determined by the minimum energy of the system, which is a function of the position of the particles in the atom.





forbore



